

M
165


BIBLIOTHECAE
CONVENTUS
GENERALIS
VILNENSIS SANCTI
SPIRITUS ORDINIS
PRAEDICATORUM.

M
B
165

165
M
72

Sept 12

2 Ye



** Wadsworth
PHILOSOPHUS,
IN
UTRAMQUE
PARTEM,

SIVE

SELECTÆ ET LIMATAE
DIFFICULTATES IN
UTRAMQUE PARTEM,
CUM RESPONSIONI-
BUS,

Ad usum Scholæ,

Circa celebres universæ Philosophiæ Contro-
verbias,

AUTHORE
LAURENTIO DUHAN,
Licentiatu Theologo, Socio Sorbonico,
& Philosophiæ Professore in Sorbonæ-
Plessio Academiac Parisiensis.

Editio nova, auctior & dilucidior.



NORIMBERGÆ
IMPENSA JOANNIS GEORGII LOCHNERI
ciclocccliiij.

MONITUM.

Prodit in lucem nova hæc editio auctior multò, & in meliorem, quām fuerit haetennus, ordinem digesta. Additamenta priora & novas Quæstiones cum novissimis objectionibus, suis locis & juxta ordinem Philosophicum reddidimus.

APPROBATION.

I'AY lû par ordre de Monseigneur le Chancelier, un Livre intitulé, *Philosophus in utramque partem, &c.* composé par L. D ***. Licentié en Theologie, de la Maison de Sorbone, & Professeur en Philosophie dans l'Université de Paris : je n'y ay rien trouvé qui m'ait paru devoir en empêcher la réimpression. Fait à Paris le 17. May 1703.




SAURIN.

S. Raphaels Lampz Kircuic
M. Expositis O.P.

0-18-0-888

8°-5919



PRIMA DISPUTATIONUM RUDIMENTA.

IN GRATIAM ADOLESCENTIUM
AD RES PHILOSOPHICAS
CONTENDENTIUM.

Difficiles esse ad res Philosophicas aditus, cùm nemo nesciat, visum est mihi perutile, vel in ipso limine compendiosæ Institutionis, prima disputationum elementa subministrare, ut usu quodam, & consuetudine disputandi de levioribus, ad graviora deinceps capessenda, in quibus sita est veritatis comprehensio, adolescentium animus & promptior fieret & paratior. Atque ad faciliorem eorum, quæ dicenda sunt intelligentiam, unum est vel alterum observandum.

Primo quidem usitatus omnis argumentandi modus, vel tribus continetur propositionibus, diciturque *Syllogismus*; vel duabus duntaxat, diciturque *Enthymema*.

Syllogismus est argumentatio tribus constans propositionibus, quarum prima dicitur *Major*; secunda, *Minor*; tertia *Consequens*: ut v. g. si quis dicat :

Omnis homo est animal rationale:

Atqui Petrus est homo;

Ergo Petrus est animal rationale.

Enthymema est argumentatio duabus constans propositionibus, quarum prima dicitur *Antecedens*, altera verò *Consequens*; ut si quis dicat:

Petrus est homo:

Ergo Petrus est animal rationale.

Secundò. Omnis propositio vel Syllogismi, vel Enthymematis, aut est evidenter vera, & tunc simpliciter est concedenda; aut est evidenter falsa, & tunc simpliciter est neganda; vel tandem est ambigua, id est uno sensu vera, & altero falsa, & tunc est inter respondendum adhibenda dislinctio.

De definitione Philosophiæ.

I. PROPOSITIO.

Philosophia est cognitio.

PROBATUR. Cognitio est vitalis quædam objecti repræsentatio: Cognoscere, est vitaliter sibi repræsentare obiectum. Atqui Philosophia est vitalis quædam repræsentatio rerum naturalium in mente. Ergo Philosophia est cognitio.

O B J E C T I O.

EA Disciplina non rectè definitur cognitio, quæ non pertinet ad facultatem cognoscentem: atqui Philosophia non pertinet ad facultatem cognoscentem. Ergo Philosophia non rectè definitur cognitio.

Respondeo. Concedo Majorem: Nego Minorem. Nam Philosophia pertinet ad intellectum humanum: atqui intellectus est facultas cognoscitiva; Ergo Philosophia pertinet ad facultatem cognoscentem.

Instabis. Probando Minorem negatam. Amor non pertinet ad facultatem cognoscentem: atqui Philosophia dicitur & est amor Sapientiæ; Ergo Philosophia non pertinet ad facultatem cognoscentem.

R. Dist. Maj. Amor non pertinet ad facultatem cognoscentem, amor strictè sumptus, C. Amor latè sumptus: N. Et similiter distinguo Minorem: atqui Philosophia est amor latè sumptus,

sumptus, concedo minorem : est amor strictè sumptus; nego min. & nego consequentiam. Explico distinctionem.

Itaque amor sumitur dupliciter, strictè & latè. Amor strictè sumptus est actus voluntatis circa bonum. Amor latè sumptus est inclinatio cuiuscumque facultatis circa suum objectum.

Porrò dum Philosophia dicitur amor Sapientiae, tunc amor sumitur latè, pro inclinatione intellectus ad veritates philosophicas.

II. PROPOSITIO.

Philosophia est cognitio vera.

PROB. Ea cognitio est vera, quæ conformis est obiecto suo. Atqui Philosophia conformis est obiecto suo, quia res naturales repræsentat tales, quales sunt. Ergo Philosophia est cognitio vera.

O B J E C T I O.

E A disciplina non est cognitio vera, quæ plurima docet vero minus consentanea: atqui Philosophia multa docet, quæ minus vera sunt, præsertim vero de rebus Phyllicis. Ergo Philosophia non est cognitio vera.

R. Dist. Maj. Quæ plurima docet vero minus consentanea, docet affirmando esse vera, C. docet suspicando & conjectando solum, N. Porrò si quæ doceat Philosophia, quæ sint minus vera, ea docet non tam affirmando aut definiendo, quam suspicando ita esse.

Inst. Si Philosophia doceat multa suspicando magis quam definiendo, igitur ipsa non est cognitio certa.

R. Dist. Igitur Philosophia non est certa de rebus obscuris, C. Non est certa de rebus claris atque evidenteribus, N.

III. PROPOSITIO.

Philosophia est cognitio certa.

PROB. Ea cognitio est certa, quæ fundatur in principio cer-

certo & inconcusso, nempe in evidentia. Ergo Philosophia est cognitio certa.

OBJECTIO I.

EA cognitio non est certa, quæ principio nititur fallaci & incerto: atqui Philosophia nititur principio fallaci. Ergo non est cognitio certa.

R. Nego Min. Quippe habet subiectum certum, obiectum certum, & motivum certum.

Inst. Philosophia nititur sensibus: atqui sensus sunt fallaces; ergo Philosophia nititur principio fallaci.

R. Dist. Min. Atqui sensus sunt fallaces, quando desunt conditiones ad benè & tutò sentiendum requisiæ, C. Quando adsunt omnes ad benè sentiendum conditiones, N. Sunt autem tres hujusmodi conditiones. Prima est, ut organum sensùs sit benè affectum. Secunda, ut obiectum sit in debita distantia. Tertia, ut medium sit benè dispositum.

OBJECTIO II.

EA cognitio non est certa, cujus principia possunt in dubium revocari. Atqui principia Philosophiæ possunt in dubium revocari. Ergo non est cognitio certa.

R. Nego Min. Cum enim Philosophiæ principia sint evidentia, evidentia autem sit certissima veritatis regula, non possunt in dubium sine absurditate revocari.

Inst. Ea principia possunt in dubium revocari, quæ ab aliis habentur ut vera, ab aliis ut falsa: atqui principia Philosophiæ habentur ut falsa à Pyrrhoniis; ergo possunt in dubium revocari.

R. Dist. Maj. Quæ ab aliis habentur ut falsa, habentur prudenter & cum legitimo fundamento, C. temerè & absque fundamento, N. Porro Pyrrhonii temerè dubitant de primis Philosophiæ principiis, quæ quia sunt evidentiæ, errori subjecere nequeunt.

IV. PROPOSITIO.

Philosophia est cognitio per causas.

PROB. Ea cognitio est per causas, quæ non solum res attingit, sed etiam rerum causas explorat : atqui Philosophia est hujusmodi ; sic Philosophia non solum docet Lunam eclipsim pat, sed & causam eclipses assignat, nempe interpositionem Terræ inter Solem & Lunam.

O B J E C T I O.

Disciplina, quæ versatur circa res, quarum nulla est causa, non est cognitio per causas : atqui Philosophia versatur circa res, quæ causas non habent, v. g. circa Deum ; ergo non est cognitio per causas.

R. Dist. Maj. Quarum nulla est causa neque essendi, neque cognoscendi, C. causa essendi tantum, N. Porrò quidem Deus non habet causas essendi, siquidem est independens ; sed habet causas cognoscendi, quia ex creaturis præcognitis assur-gimus ad notitiam Dei.

De divisione Philosophiæ.

I. PROPOSITIO.

*Philosophia rectè dividitur in Speculativam
& Practicam.*

PROB. Philosophia vel conquiescit in obiecti sui contemplatione, vel non conquiescit. Si conquiescat, est speculativa ; si non conquiescat, est practica. Ergo Philosophia rectè dividitur in speculativam & practicam.

O B J E C T I O.

Philosophia non rectè dividitur in Speculativam & Practicam, si omnis Philosophia sit practica. Atqui res ita est ; ergo Philosophia malè dividitur in speculativam & practicam.

R. Neg. Min. Quia Physica, v. g. non est practica.

Inst. Prob. Min. Ea omnis disciplina est practica, quæ operatur ; atqui omnis Philosophia operatur, plura conficit demonstrationes de objecto suo; ergo omnis Philosophia est practica.

R. Dist. Maj. Ea omnis disciplina est practica, quæ operatur aliquid, quod sit ejus objectum, C. Quæ operatur aliquid quod non sit ejus objectum, N. Porro quod Physica vel Metaphysica operantur, hoc non est earum objectum : quia demonstrationes Physicæ sunt actus Physics, sed non sunt ejus objectum.

II. PROPOSITIO.

Philosophia rectè dividitur in quinque species, Logicam, Moralem, Physicam, Metaphysicam, & Mathesim.

PROB. Philosophia vel spectat res, quæ sunt in anima nostra, vel quæ sunt extra nos. Si primum, vel spectat operationes mentis, & est Logica, vel actiones voluntatis, & est Moralis : si secundum, vel spectat res abstractas ab omni materia, & est Metaphysica ; vel res immersas materiæ ; & est vel Physica vel Mathesis. Ergo Philosophia rectè dividitur in Logicam, Moralem, Physicam, Metaphysicam, & Mathesim.

O B J E C T I O I.

Una forma non rectè dividitur in plures partes. Atqui Philosophia est una quædam forma. Ergo non rectè dividitur in quinque partes.

R. Dist. Maj. Una forma simplex, C. una forma composita, N. Porro Philosophia universa, est forma composita ex pluribus cognitionibus partialibus, quarum aliæ sunt Logicæ, aliæ Morales, &c.

Inst. Atqui Philosophia tota est una forma simplex ; ergo nulla solutio.

Prob. Subs. Ibi est una simplex forma, ubi est unicum objectum formale. Atqui in tota latè Philosophia, est unicum

cum objectum formale, nempe naturalis rerum cognoscibilitas. Ergo tota latè Philosophia est una simplex forma.

R. Dist. Maj. Ibi est una simplex forma, ubi est unicum objectum formale specificum, C. Genericum & commune, N. Porrò objectum formale Philosophiae est genericum & commune pluribus Philosophiae partibus, ferè sicut animalitas est generica & communis hominibus & belluis.

O B J E C T I O II.

Divisio Philosophiae in quinque species non est bona, si præterea Medicina sit aliqua Philosophiae pars. Atqui res ita est. Ergo hæc Philosophiae divisio non est bona.

R. Dist. Maj. Si Medicina sit Philosophiae pars, nec revocetur ad Physicam, C. Et revocetur ad Physicam, N. Porrò Medicina revocatur ad Physicam, cùm agat de corpore naturali, & conclusiones Physicæ sint principia Medicinæ.

Inst. Si Medicina revocetur ad Physicam, quisquis habuerit Physicam, haberet & Medicinam: atqui non ita se res habet; ergo Medicina non revocatur ad Physicam.

R. Dist. Maj. Quisquis habuerit Physicam suâ in omni latitudine, C. Quisquis habebit Physicam, ut doceri solet in Scholis, N. Nam Physica, qualis docetur in Scholis, solum generalia tradit principia, quibus artis Medicæ certitudo innitur: ideoque Medicina subordinatur Physicæ.





DE REBUS METAPHYSICIS.

What is Metaphysics? What is Metaphysics?

De definitione Metaphysices.

I. PROPOSITIO.

Metaphysica est Sapientia.

PROB. Sapientia est cognitio rerum altissimarum per altissimas causas; atqui Metaphysica est hujusmodi, est enim cognitio entis, ut ens est, Dei, Angeli, &c. Ergo Metaphysica est Sapientia.

O B J E C T I O.

SAPIENTIA est cognitio rerum altissimarum; atqui Metaphysica non est cognitio rerum altissimarum; ergo non est Sapientia.

R. Nego Min. Nam versatur circa res altissimas tum ratione dignitatis, v. g. circa Deum & Angelos, tum ratione universalitatis, v. g. circa ens generativum ut ens.

Inst. Res naturales non sunt res altissimae: atqui Metaphysica est cognitio rerum naturalium; ergo non est cognitio rerum altissimarum.

R. Dist. Maj. Res naturales non sunt res altissimae quoad modum considerationis, C. Quoad essentiam & naturam, N. Sic v. g. Deus, prout consideratur à Metaphysica, non est res altissima quoad modum considerationis, quia naturali tantum modo consideratur; at nihilominus est res altissima quoad essentiam, naturam & substantiam.

II. PRO-

II. PROPOSITIO.

Metaphysica est Scientia.

P R O B. Scientia est cognitio vera, certa, & evidens rei necessariæ per causas; atqui Metaphysica est hujusmodi; ergo est Scientia,

O B J E C T I O I.

Scientia debet habere objectum certum & determinatum: atqui Metaphysica non habet objectum certum & determinatum, sed vagum, putà ens ut sic, ergo Metaphysica non est Scientia.

R. Dist. Maj. Scientia debet habere objectum determinatum, id est, quod possit certò & determinatè assignari, C. debet habere objectum determinatum, id est, quod sit limitatum ad certam entis speciem, N. Porrò Metaphysica habet pro objecto ens generatim ut ens.

O B J E C T I O II.

Scientia debet habere objectum intelligibile: atqui Metaphysica non habet objectum intelligibile; ergo Metaphysica non est Scientia.

R. Nego Min. Quia objectum Metaphysicæ est ens ut ens, quod cum suam habeat ideam suumque in mente conceptum, est profectò intelligibile.

Inst. Quod non est sensibile, non est intelligibile. Atqui objectum Metaphysicæ non est sensibile; ergo non est intelligibile.

R. Dist. Maj. Quod non est sensibile nec per se, nec per aliud sibi connexum, C. Per se tantum, N. Porrò objectum Metaphysicæ, quod est ens ut ens, est sensibile saltem per aliud, nempe per sua singularia, quæ per se cadunt sub sensu;

III. PROPOSITIO.

Objectum Metaphysicæ est ens abstractum ab omni materia.

P R O B. Illud est objectum Metaphysicæ, quod per se pri-

primo consideratur à Metaphysica : atqui ens abstractum ab omni materia est hujusmodi, ut Deus, Angelus; ergo objectum Metaphysicæ est ens abstractum ab omni materia.

O B J E C T I O .

Metaphysica habet pro objecto animam rationalem ut à corpore sejunctam : atqui anima rationalis sic, non est ens abstractum ab omni materia; ergo Metaphysica non habet pro objecto ens abstractum ab omni materia.

R. Nego Min. Quia anima rationalis est substantia purè spiritualis, atque immortalis.

Inst. Quod essentialiter refertur ad corpus, non est ens abstractum ab omni materia; atqui anima rationalis, etiam ut à corpore sejuncta, essentialiter refertur ad corpus, cum sit substantia incompleta; ergo anima rationalis non est ens abstractum ab omni materia.

R. Dist. Min. Atqui anima rationalis essentialiter refertur ad corpus, anima rationalis ut est forma corporis & pertinet ad Physicam, C. anima rationalis ut est substantia spiritualis & pertinet ad Metaphysicam, N.

De Ente.

I. PROPOSITIO.

Ens rectè dicitur id, quod est extra merum nihil.

PROB. Quia eo ipso aliquid intelligitur esse ens, quo intelligitur esse plus quam nihil : è contra non intelligitur esse ens, quandiu non intelligitur esse extra nihil.

O B J E C T I O .

Creaturæ omnes possibles, sunt entia realia : atqui tamen non sunt extra merum nihil; ergo ens non est id, quod est extra nihil.

R. Dist.

R. Dist. Min. Atqui creaturæ possibiles non sunt extra merum nihil existentiae, C. Extra merum nihil essentiae, N. Quanquam enim actu non existant possibilia, habent nihilo minus certam essentiam, certam definitionem.

II. PROPOSITIO.

Ens recte dividitur in ens reale, & ens rationis.

PROB. Ens omne vel existit in mente tantum vel extra mentem. Si primum, est ens rationis; si secundum, est ens reale; ergo ens recte dividitur in ens reale & ens rationis.

O B J E C T I O.

Ens non recte dividitur in ens reale & ens rationis, si nullum sit ens rationis: atqui nullum est ens rationis; ergo non recte dividitur ens in reale, & rationis.

R. Neg. Min. Quia potest intellectus sibi repræsentare multa, quæ cum non possint realiter existere, non sunt entia realia.

Inst. Non datur ens illud, quod repugnantiam involvit; atqui ens rationis repugnantiam involvit, & idcirco nec existit, nec existere potest realiter, ergo nullum datur ens rationis.

R. Dist. Min. Atqui ens rationis repugnantiam involvit, ut realiter existat, C. Repugnantiam involvit, ut mentaliter existat, N. Sicut enim ens reale realiter existit, ita ens rationis mentaliter & objectivè existit in idea cogitantis.

III. PROPOSITIO.

Ens recte dividitur in completum & incompletum.

PROB. Ens omne vel postulat ingredi compositionem alterius, vel non postulat. Si primum, est incompletum, ut anima rationalis; si secundum, est completum & incompletum.



OB-

OBJECTIO.

ENs omne est completum; ergo ens non rectè dividitur in completum & incompletum.

R. Nego Ant. Nam ens vel est pars alterius entis, vel non est pars. Si est pars, est incompletum; si non est pars, est completum,

Inst. Illud omne completum est, quod complectitur eas omnes perfectiones, quas postulat habere. Atqui ens omne est hujusmodi; sic v. g. anima rationalis suas omnes complectitur perfectiones. Ergo ens omne est completum.

R. Dist. Maj. Quod complectitur suas omnes perfectiones; si non postulet essentialiter ingredi compositionem alterius, C. Si postulet ingredi compositionem alterius, N. Porrd anima rationalis, v. g. postulat essentialiter ingredi compositionem hominis.

De Deo.

I. PROPOSITIO.

Deus est Ens à se.

PROB. Quia Deus existit per existentiam non aliunde mutuatam: cum sit essentialiter independens.

OBJECTIO.

SI Deus esset ens à se, Deus esset causa sui ipsius. Atqui nihil potest esse sui ipsius causa. Ergo Deus non est ens à se.

R. Dist. Maj. Si Deus esset ens à se positivè, quasi sibi dedisset existentiam, C. Si esset ens à se negativè, id est, si non esset ab alio, N. Porrd Deus dicitur ens à se, non quod ibi deridet existentiam, sed quod ita essentialiter existat, ut non sit ab alio.

II. PROPOSITIO.

Deus est infinitus.

PROB. Quia Deus à nemine limitari potest ad certum numerum gradumve perfectionis, cum sit essentialiter independens.

OB-

O B J E C T I O.

EN^s illud non est infinitum in omni genere, quod non comple&titur omnes omnino perfectiones, atqui Deus non comple&titur omnes omnino perfectiones, v. g. non comple&titur corporeitatem vel animalitatem. Ergo Deus non est infinitus in omni genere.

R. Dist. Min. Atqui Deus non comple&titur omnes omnino perfectiones, formaliter, C. Eminenter saltem, N. Alias enim perfectiones Deus comple&titur formaliter, ut v. g. justitiam; alias vero eminenter tantum; v. g. ut corporeitatem.

III. PROPOSITIO.

Deus est summè bonus.

PROB. Quia est summè perfectus ut potè infinitus.

O B J E C T I O.

SI Deus esset summè bonus, nullum omnino esset malum. Atqui multa certè sunt mala. Ergo Deus non est summè bonus.

R. Nego Maj. Quia Deus, licet sit summè bonus, permittit, quædam esse mala in creaturis, ut inde bona procuret.

Inst. Summum bonum excludit omne malum. Ergo si Deus esset summè bonus, nullum omnino esset malum.

R. Dist. Ant. Summum bonum excludit omne malum, à se, & ab eodem subiecto, C. excludit omne malum à se, non autem à creaturis.

IV. PROPOSITIO.

Deus est immutabilis.

PROB. Qui nullam potest perfectionem vel acquirere novam, vel deperdere veterem, est immutabilis. Atqui Deus est hujusmodi, cùm de natura sua sit infinitè perfectus in omni genere. Ergo Deus est immutabilis.

O B J E C T I O.

Ille non est immutabilis, qui transit ab uno statu ad alterum : atqui Deus transit identidem ab uno statu ad alterum, v. g. à statu non creantis ad statum creantis ; ergo Deus non est immutabilis.

R. Dist. Maj. Ille non est immutabilis, qui transit ab uno statu ad alterum, ita ut novam acquirat perfectionem, vel deperdat veterem, C. Ita ut perfectionem nec acquirat novam, nec veterem deperdat, N. Porrò Deus dum factus est de non creante Creator, nihil quidquam perfectionis aut acquisivit, aut deperdidit ; quippe qui perfectiones omnes simul & semel possideat.

V. PROPOSITIO.

Deus est immensus.

PROB. Qui non limitatur ad unum certum locum, est immensus. Atqui Deus non limitatur ad unum certum locum, cum sit independens. Ergo Deus est immensus.

O B J E C T I O.

UT Deus esset immensus, deberet esse infinitè extensus per omnia latè locorum spatia : atqui Deus non est infinitè extensus, siquidem caret partibus ad extensionem requisitis ; ergo Deus non est immensus.

R. Dist. Maj. Deberet esset infinitè extensus per partes virtuales, C. Per partes formales & actuales, N. Porrò Deus caret quidem partibus formalibus realiter distinctis & separabilibus ; at non partibus virtualibus, quibus , licet sit unica simplex entitas, idem præstat , quod si partes haberet formales & actuales.

VI. PROPOSITIO.

Deus est omnipotens.

PROB. Is est omnipotens, cuius operandi virtus est infinita. Atqui Dei virtus operandi est infinita, sicut & natura. Ergo Deus est omnipotens.

O B J E C T I O .

Ille non est omnipotens, cuius potentia non potest se extendere ad objecta quælibet promiscuè producenda. Atqui Dei potentia non potest se extendere ad objecta quælibet producenda, v. g. ad producendam creaturam infinitam, & æternam. Ergo Deus non est omnipotens.

R. Dist. Maj. Qui non potest se extendere ad objecta quælibet, possibilia, C. Impossibilia, N. Porro impossibilia non posse est argumentum impotentiae.

Inst. Deus non potest producere omnes omnino creaturas possibiles; ergo non potest producere omnia possibilia.

R. Dist. Ant. Deus non potest producere omnes creaturas collectivè sumptas, ita ut nulla amplius supersit producenda, C. Omnes creaturas distributivè sumptas, quasi sit aliqua in particulari, quam non possit producere, N.

De Angelis.

I. PROPOSITIO.

Angeli sunt spiritales.

PROB. Illa substantia est spiritalis, cuius operationes sunt prorsus spiritales: atqui operationes Angelorum propriæ sunt spiritales prorsus, semper intelligere & velle; ergo Angeli sunt spiritales.

O B J E C T I O . I.

Illi non sunt spiritales, qui visi sunt cum corporibus: atqui visi sunt Angelii cum corporibus, ut Gabriel & Raphael, ergo Angeli non sunt spiritales.

R. Dist. Maj. Qui visi sunt cum corporibus sibi propriis & naturalibus, C. Cum corporibus assumptis, N. Porro assumunt aliquando corpora Angelii, ut sic familiarius agant cum hominibus.

O B J E C T I O II.

Illi corporei sunt, qui depinguntur cum membris corporalibus: atqui Angeli depinguntur cum corporalibus membris; ergo corporei sunt.

R. Dist. Maj. Qui depinguntur cum membris corporalibus, quibus eorum demonstretur natura, C. quibus demonstrantur operationes & virtutes, N. Porro membra corporalia, quibuscum depinguntur Angeli, eorum demonstrant operationes, v. g. oculi demonstrant perspicaciam mentis, pedes vim motricem, &c.

II. PROPOSITIO.

Angeli sunt substantiae completae.

PROB. Quia ea substantia est completa, quæ non exigit essentialiter ingredi compositionem alterius: atqui Angeli sunt huiusmodi, & in hoc discrepant ab animabus rationalibus; ergo Angeli sunt substantiae completæ.

O B J E C T I O.

Quod potest esse pars alterius, certè completum non est: atqui Angelus potest esse pars alterius, putâ, si uniatur corpori assumpto; ergo Angelus non est substantia completa.

R. Dist. Maj. Quod potest esse pars per se, C. Pars per accidens, N. Porro Angelus non est pars alterius, nisi per accidens, in quo differt ab anima rationali, quæ essentialiter exigit componere hominem.

De anima rationali.

I. PROPOSITIO.

Anima rationalis est spiritalis.

PROB. Ea substantia est spiritalis, cujus operationes transcendunt corporeitatem: atqui operationes animæ rationalis

nalis transcendunt omnem corporeitatem, quia versantur circa objecta spiritualia modo spirituali, per reflexionem; ergo anima rationalis est spiritualis.

O B J E C T I O I.

EA substantia spiritualis non est, quæ pendet à corpore in esse & operari: atqui anima rationalis est hujusmodi; ergo non est spiritualis.

R. Dist. Maj. Quæ pendet à corpore, per se & essentia-liter, C. Per accidens tantum, N. Porrò non nisi per accidens fit, ut operationes animæ rationalis pendeant à corpore, nem-pè ob statum unionis cum corpore.

O B J E C T I O II.

EA substantia non est spiritualis, quæ continetur in potentia materiæ: atqui anima rationalis continetur in potentia materiæ, cùm sit essentialiter actus & perfectio materiæ; ergo non est spiritualis.

R. Dist. Maj. Quæ continetur in potentia materiæ educativa, quasi educatur ē sinu materiæ, C. in potentia materiæ receptiva, quia recipitur in materia, cuius est actus & perfectio, N.

O B J E C T I O III.

EA substantia corporea est, quæ initium habet cum corpore: atqui anima rationalis est hujusmodi; ergo corporea est.

R. Dist. Maj. Quæ habet initium cum corpore, per generationem, C. Per creationem, N. Porrò anima rationalis habet initium per creationem à Deo immediate.

II. PROPOSITIO.

Anima rationalis est incompleta.

PROB. Qui essentialiter ordinatur ad componendum hominem, cuius est pars.

O B J E C T I O.

EA substantia non est incompleta, quæ non est alterius pars : atqui anima præsertim separata a corpore, non est pars alterius ; ergo non est incompleta.

R. Dist. Maj. Quæ non alterius pars, nec exigit esse, C.
Et exigit esse, N. Porò anima rationalis per se & essentialiter
exigit esse pars, & venire in compositionem hominis.

ప్రాణికి వ్యాపించిన ప్రాణికి వ్యాపించిన ప్రాణికి వ్యాపించిన : ప్రాణికి వ్యాపించిన ప్రాణికి వ్యాపించిన ప్రాణికి వ్యాపించిన

DE REBUS
PHYSICIS.

De definitione Physices.

I. PROPOSITIO.

Physica est Scientia.

PROB. Scientia est cognitio vera, certa, & evidens rei necessariæ per causas ; atqui Physica est cognitio vera, certa & evidens rei necessariæ per causas , ut cum docet, *corpus mixtum est corruptibile, quia constat quatuor elementis.* Ergo Physica est Scientia.

O B J E C T I O.

SCIENTIA debet habere objectum certum & immutabile. Atqui Physica non habet objectum certum & immutabile, quia corpus naturale est mutationi obnoxium. Ergo Physica est scientia.

R. Dist. Maj. Scientia debet habere objectum immutabile quoad essentiam & definitionem, C. Quoad existentiam, N. Porro corpus naturale est quidem mutabile quoad existentiam,

tiam, quia potest existere vel non existere; at non est mutabile quoad essentiam, quia suam habet definitionem certam prorsus & immutabilem.

Inst. Essentia & existentia sunt unum & idem, (ut docent Metaphysici.) Ergo si Physica non habeat objectum immutabile quoad existentiam, non habet quoque immutabile quoad essentiam.

R. Dist. Ant. Essentia & existentia sunt unum & idem realiter & physicè, C. Sunt unum & idem virtualiter & objective, N. quia aliter concipitur essentia, aliter existentia; essentia ut aliquid necessarium, existentia ut aliquid contingens.

II. PROPOSITIO.

Physica est speculativa.

PROB. Ea scientia est speculativa, quæ conquiescit in objecti sui contemplatione, nec transit ad opus: atqui Physica est hujusmodi, cognoscit enim corpus naturale, ut cognoscat, non ut faciat; ergo est speculativa.

O B J E C T I O.

NON magis Physica videtur speculativa, quam Logica: atqui Logica non est speculativa, ergo nec Physica.

R. Nego Maj. & par. Ratio disp. Quia Logica tradit præcepta de suo objecto conficiendo; non item Physica.

Inst. Ideò Logica non est speculativa, quia facit operationes Logicas; atqui similiter Physica facit operationes Physicas, v. g. demonstrationes; ergo Physica non magis est speculativa, quam Logica.

R. Dist. Maj. Ideò Logica non est speculativa, quia facit operationes Logicas tanquam objectum suum, C. Tanquam actus suos, N. Porro Physica facit operationes physicas tanquam actus sibi respondentes, at non tanquam objectum suum, quia Physicæ objectum non est aliud à corpore naturali, de quo Physica præscribit.

III. PROPOSITIO.

Objectum Physices est corpus naturale.

PROB. Illud est objectum Physicæ, quod primo per se consideratur à Physica, & ad quod referuntur, quæcumque tractantur in Physica: atqui *corpus naturale est hujusmodi;* ergo est objectum Physices.

O B J E C T I O.

Illud non est objectum Physicæ totale, quod non tam latè patet quam Physica: atqui *corpus naturale non tam latè patet quam Physica;* ergo *corpus naturale non est objectum Physicæ.*

R. Nego Min. Quia quidquid tractatur in tota latè Physica, tractatur in gratiam corporis naturalis.

Init. Physica tractat de pluribus, quæ non sunt corpora naturalia; ergo *corpus naturale non tam latè patet quam Physica.*

R. Dist. Ant. Physica tractat de pluribus aliis, tractat in gratiam corporis naturalis, C. Tractat per se & propter se, N. Sic v. g. Physica tractat de principiis & proprietatibus corporum in gratiam corporum naturalium.

De principiis corporum naturalium,

I. PROPOSITIO.

Materia est principium generationis corporum,

PROB. Illud est principium generationis, sine quo nec esse nec concipi potest generatio corporis naturalis: atqui sine materia nec esse nec concipi potest generatio corporis, cùm materia sit subiectum generationis transiens à non forma ad formam in generatione; ergo *materia est principium generationis corporum.*

OB-

O B J E C T I O.

PRIMUM corporis principium non debet esse compositum : atqui materia est aliquid compositum ex partibus infinitis, & in infinitum divisibilibus ; ergo materia non est principium corporum.

R. Dist. Maj. Primum corporis principium non debet esse compositum ex partibus heterogeneis, C. Ex partibus homogeneis, N. Porro materia componitur quidem, sed ex partibus homogeneis & consimilibus ; quae sunt totidem materiae, & sic debitam materiam simplicitatem non evertunt.

Inst. Materia componitur ex suo genere, suaque differentia essentiali : atqui genus & differentia sunt partes heterogeneae ; ergo materia componitur ex Partibus Heterogeneis.

R. Dist. Min. Atqui genus & differentia sunt partes heterogeneae Metaphysicae, C. Physicae, N. Quare materia componitur quidem ex partibus heterogeneis Metaphysicis, non autem Physicis, & ideo potest esse primum Physicae compositionis principium.

II. PROPOSITIO.

Forma est principium generationis corporum.

PROB. Illud est principium generationis, quod prærequiritur & concurrit ad generationem corporum : atqui forma est hujusmodi, cum sit terminus, ad quem materia transit in generatione ; ergo forma est principium generationis corporum.

O B J E C T I O.

PRIMUM corporis principium non debet fieri ex alio : atqui forma fit ex alio, nempe ex materia ; ergo forma non est principium corporum.

R. Dist. Maj. Primum corporis principium non debet fieri ex alio per compositionem, C. Non debet fieri ex alio per educationem, N. Porro forma Physica fit quidem ex materia per educationem, at non fit ex ea per compositionem, & sic non definit esse simplex.

Inst. Formæ præsupponit materia; ergo forma non est primum corporis principium.

R. Dist. Conf. Ergo forma non est primum principium corporatè ad materiam sibi præsuppositam, C. Comparatè ad corpus naturale, N. Nam forma cùm sit prior corpore naturali, potest esse principium corporis.

III. PROPOSITIO.

Privatio est principium generationis corporum.

PROB. Illud est principium generationis, sine quo intelligi nequit fieri generatio: atqui sine privatione formæ intelligi nequit fieri generatio, cùm privato sit terminus, à quo materia transit ad formam in generatione; ergo privatio est principium generationis corporum.

O B J E C T I O.

PRIUS EST, esse quām esse principium generationis: atqui privatio nihil est; ergo privatio non est principium generationis.

R. Dist. Maj. Prius est esse vel positivè, vel negativè, C. Prius est esse positivè semper, N. Porrò privatio nihil quidem est positivum & reale, sed est aliquid negativum, tanquam absentia formæ in subiecto ad formam recipiendam idoneo.

Inst. Principium generationis dat esse genito: atqui privatio non dat esse corpori, siquidem ipsa non habet esse; ergo non est principium generationis.

R. Dist. Maj. Principium generationis dat esse genito, dat vel influendo, vel recedendo, C. influendo semper, N. Porrò privatio dat esse corpori, quatenus esse recedit, dum sit generatio corporis.

¶) o (¶

De definitione Naturæ.

PROPOSITIO.

Natura benè definitur, principium & causa motū & quietis, &c.

PROB. Illud est causa motū & quietis, unde motus & quies naturalis *primò* per se procedunt: atqui motus & quies *primò* procedunt à natura: sic a natura lapis movetur ad centrum & in centro quiescit; ergo natura est causa motū & quietis.

OBJECTIO.

EA naturæ definitio non est bona, quia naturam non distinguit ab arte: atqui ea naturæ definitio, quā dicitur *principium & causa motū, &c.* non distinguit naturam ab arte; ergo non est bona hæc definitio naturæ.

R. Nego Min. Nam ars non producit motum, sed dumtaxat dirigit naturam ad eum producendum, ut v. g. ars scribendi dirigit ad scribendum. natura vero producit motum.

Inst. Ars est etiam principium & causa motū & quietis, &c. Ut v. g. ars saltandi est principium & causa saltationis ad numeros; ergo prædicta naturæ definitio non distinguit naturam ab arte.

R. Dicit. Ant. Ars est etiam principium & causa motū, secundarium, morale & directivum, C. Primarium & physicum, N. Nam ars dirigit motum, sed ipsum non producit.



De Motu.

PROPOSITIO.

Motus satis aptè definitur actus entis in potentia, &c.

PROB. Quod facit rem esse in actu inchoato tantum, est actus entis in potentia: atqui motus facit mobile esse in actu inchoato tantum; sic descensus lapidis ad centrum facit lapidem esse in actu tendentiae ad centrum; ergo motus est actus entis in potentia.

OBJECTIO.

DEFINITIO debet esse clarior re definitâ: atqui definitio motûs, qua dicitur *actus entis in potentia*, &c. non est clarior motu definiendo, quia motu nihil notius, hac autem definitione nihil obscurius; ergo definitio motûs non est bona.

R. Dist. Min. Atqui definitio motûs non est clarior motu, quoad existentiam spectato, C. Non est clarior motu, quoad essentiam spectato, N. Quanquam enim nihil clarius sit existentiâ motus, nihil tamen est obscurius essentia & naturâ motûs.

De Divisione Corporis.

I. PROPOSITIO.

Corpus naturale bene dividitur in simplex & mixtum.

PROB. Omne corpus, vel constat ex quatuor elementis, vel non constat. Si primum, est mixtum. Si secundum, est simplex; ergo corpus vel est simplex; ut ignis; vel mixtum, ut Homo.

OBJECTIO.

CORPUS naturale minus recte dividitur in simplex & mixtum, si nullum datur corpus simplex: atqui nec datur, nec

nec dari potest corpus simplex, omnia corpora sunt composita: ergo corpus male dividitur in simplex & mixtum.

R. Dist. Min. Atqui non datur corpus simplex simplicitate excludente compositionem ex materia & forma, C. Simplex simplicitate excludente compositionem ex quatuor elementis, N. Nam licet omnia corpora sint composita ex materia & forma, non sunt tamen omnia composita ex quatuor elementis, & hoc sensu dicuntur quædam esse simplicia.

De definitione Animæ.

Anima bene definitur, actus primus corporis organici, &c.

PROB. Primum & radicale vivendi principium, rectè dicitur actus primus corporis organici; atqui anima est hujusmodi; ergo est actus primus.

O B J E C T I O.

Substantia minus rectè definitur actus: atqui anima quælibet est substantia; ergo male definitur actus primus corporis organis, &c.

R. Dist. Maj. Substantia minus rectè definitur actus secundus, seu operatio, C. Actus primus, seu principium operationis. N. Licet enim anima non sit operatio vitalis, est tamen principium operationum vitalium.

De divisione Animæ.

PROPOSITIO.

Anima bene dividitur in vegetantem, sentientem & rationalem.

PROB. Totuplex est anima, quotuplex est corpus animalium: atqui triplex est corpus animalium; nempe planta, bellua. Homo, ergo & triplex est anima.

O B J E C T I O.

Ea divisio non est bona, cujus membra non sunt opposita; atqui membra divisionis animæ in vegetantem, sensitivam & rationalem, non sunt opposita; ergo non est bona hæc animæ divisio.

R. Nego Min. Quia est anima vegetans in plantis sine sentiente: sentiens in belluis sine rationali; & rationalis in hominibus, diversa à vegetante plantarum & sentiente belluarum.

Inst. Ea membra non sunt opposita, quorum unum includitur in alio. Atqui anima vegetans includitur in sentiente, & utraque includitur in rationali; ergo membra hujus divisionis non sunt opposita.

R. Dist. Min. Atqui anima vegetans & sentiens includuntur in rationali, si spectentur in eodem individuo, v. g. in eodem homine, C. Si spectentur in diversis individuis, putata, in planta, bellua & homine, N.





DE REBUS MORALIBUS.



De definitione Moralis.

I. PROPOSITIO.

Moralis est Prudentia.

PROB. Prudentia est virtus mentis dirigens adiores humanas ad honestatem; atqui moralis Philosophia est hujusmodi, cùm tota sit in præscribendis benè vivendi præceptis; ergo Moralis est Prudentia.

O B J E C T I O.

SI Moralis esset prudentia, omnes Philosophi morales essent prudentes: atqui non ita res est; ergo Moralis non est prudentia.

R. Dist. Maj. Omnes Philosophi morales essent prudentes, prudentiâ generali, quæ generatim præscribat, quid sit agendum fugiendumve, C. Essent prudentes prudentiâ particulari, quæ præscribat, quid sit hic & nunc agendum fugiendumve, N. Nam ad prudentiam particularem requiritur optima voluntatis indoles.

Inst. Prudentia facit virum bonum simpliciter: atqui moralis non semper facit virum bonum simpliciter; ergo non est prudentia.

R. Dist.

R. Dist. Maj. Prudentia moraliter completa, facit virum bonum, C. Prudentia moraliter incompleta. N. Porro Philosophia moralis est prudentia moraliter incompleta, quæ tenet ex parte intellectus, non ex parte voluntatis.

II. PROPOSITIO.

Moralis est Scientia.

PROB. Scientia est cognitio vera, certa & evidens rei necessariæ per causas: atqui Philosophia moralis est hujusmodi, ut cùm docet, Deum esse colendum, quia est summè bonus; parentes esse honorandos, quia ab iis vitam hausimus: ergo moralis est scientia.

O B J E C T I O.

EA disciplina non est scientia, cujus objectum pendet à nobis liberè operantibus per præcepta: atqui objectum moralis, nempè actio humana est hujusmodi; ergo moralis non est scientia.

R. Dist. Maj. Cujus objectum pendet à nobis liberè operantibus per præcepta mutabilia, C. Per præcepta immutabilia, N. Porro præcepta moralis sunt immutabilia, v. g. ista, **Deus est colendus, parentes sunt honorandi.**

Inst. Objectum moralis pendet à legibus humanis: atqui leges humanæ sunt mutabiles, & variae pro varietate gentium; ergo objectum moralis pendet à præceptis mutabilibus.

R. Dist. Min. Atqui leges humanæ sunt mutabiles, si sint positivæ & arbitrariæ, C. Si sint naturales, N. Nam leges naturales sunt eadem ubique gentium.

III. PROPOSITIO.

Objectum moralis sunt actus humani.

PROB. Illud est objectum moralis, quod proximè per se consideratur à morali: atqui actus humani sunt hujusmodi, ideo-

ideoque præcepta moralia primariò cadunt in actus humanos honestati conformandos ; ergo objectum moralis sunt actus humani.

O B J E C T I O.

Objectum moralis debet esse dirigibile à morali : atqui actus humani non sunt à morali dirigibles ; ergo actus humani non sunt objectum moralis.

R. Nego Min. Cùm enim actus humani possint benè vel male se habere , subjacent directioni moralis.

Inst. **A**ctus humani vel sunt boni , vel mali : atqui si boni sunt , non indigent directione ; si vero mali sint , non sunt amplius capaces directionis ; ergo actus humani non sunt dirigibles à morali.

R. Dist. Mai. **A**ctus humani vel sunt boni vel mali , si spectentur in particulari seu in specie , C. Si spectentur in communi , seu in genere , N. Nam actus humanus generatim nec est bonus , nec malus moraliter , sed ad bonitatem vel malitiam indifferens , capax utriusque.

De Bono.

I. PROPOSITIO.

Bonum non male dicitur id , quod omnia appetunt.

PROB. Bonum esse id , quod omnia appetunt , est nihil appeti nisi bonum ; atqui nihil appetitur nisi bonum : res enim unaquæque suum bonum , perfectionem suam appetit ; ergo hoc sensu non male dicitur bonum id , quod omnia appetunt.

O B J E C T I O.

PLures appetunt , quæ sibi non modo bona sunt , sed etiam noxia , ut ambitiosus honores ; ergo non omnia appetunt bonum.

R. Dist.

R. Dist. Ant. Plures appetunt, quæ non sibi sunt bona in rei veritate, C. Quæ sibi bona non sunt apparenter, N. Nam nihil appetimus, nisi quod vel reipsâ bonum est, vel saltem videtur esse tale.

Inst. Damnati appetunt annihilationem sui : atqui annihilation non est bona etiam apparenter, siquidem tollit omne bonum simul cum existentia ; ergo non omnia bonum appetunt.

R. Dist. Min. Atqui annihilation non est bonum positivum, inferens aliquam perfectionem, C. Non est bonum negativum, removens imperfectionem, N. Nam annihilation removeret damnationem, quæ est imperfectionum maxima.

II. PROPOSITIO.

Bonum relativum benè definitur id, quod est perfectivum.

PROB. Bonum relativum benè definitur per id, quod est, quid primum in bono relativo. Atqui perfectivitas est hujusmodi; nam bonum *primo* est perfectivum, deinde est appetibile; ergo bonum benè definitur id, quod est perfectivum.

O B J E C T I O.

Divitiæ & honores sunt bonum aliquod relativum : atqui non sunt aliquid perfectivum, nec præstant perfectiorem possidentem; ergo non omne bonum relativum est perfectivum.

R. Dist. Min. Atqui divitiæ & honores non sunt perfectivum quid intrinsecè, C. Extrinsecè, N. Sunt enim perfectivum quid sicut sunt bonum : at sunt bonum extrinsecum & in ordine ad virtutes morales exercendas, quarum sunt instrumenta.

Inst. Divitiæ & honores sunt saepius instrumenta vitorum; ergo non sunt aliquid perfectivum etiam extrinsecè.

R. Dist.

R. Dist. Ant. Divitiae sunt instrumenta viciorum, per accidens & ex abusu hominum, C. Per se & ex primaria sui institutione, N. Nam institutae sunt initio, ut essent instrumenta virtutum.

De Beatitudine.

I. PROPOSITIO.

Beatitudo est status bonorum omnium aggregatione perfectus.

PROB. Quia beatitudo talis esse debet, ut expletat omnem appetitum. Sed ad hoc requiritur status bonorum omnium aggregatione perfectus.

O B J E C T I O.

Sl beatitudo esset status bonorum omnium aggregatione, perfectus, Beati nihil amplius appeterent: atqui tamen appetunt aliquid, v. g. reunionem cum corporibus; ergo beatitudo non est status bonorum, &c.

R. Dist. Maj. Beati nihil amplius appeterent, quando sunt beati beatitudine completa, tam ex parte corporis quam ex parte animæ, C. Quandò sunt beati beatitudine incompleta, tantum ex parte solius animæ, N. Cum enim homo duplice parte constet, corpore & animâ, expectat utriusque felicitatem.

Inst. Si beatitudo esset status bonorum omnium, &c. excluderet omnem sollicitudinem & anxietatem: atqui tamen non excludit, quippe animæ beatæ sunt adhuc sollicitæ de corporibus suis; ergo beatitudo non est status, &c.

R. Dist. Maj. Excluderet omnem sollicitudinem pro parte hominis jam beatâ, C. pro parte nondum beatâ, N. Porro animæ beatæ sunt sollicitæ non pro se, sed pro corporibus nondum beatis. Adde quod ista animarum beatarum sollicitudo non sit hujusmodi, ut valeat earum felicitatem perturbare.

II. PROPOSITIO.

Deus solus est Hominis beatitudo.

PROB. Beatitudo hominis est summum bonum, perfectè satians omnem appetitum hominis: atqui Deus solus est hujusmodi, quia solus continet genus omne perfectionis; ergo solus Deus est beatitudo hominis.

O B J E C T I O.

Illud non est hominis objectiva beatitudo, quod non potest ab homine possideri: atqui Deus non potest ab homine possideri, quia non potest cadere sub dominium hominis; ergo Deus non est hominis objectiva beatitudo.

R. Dist. Maj. Quod non potest ab homine possideri possessione Physicâ & morali, C. Possessione Juridicâ & Civili, N. Porrò Deus potest ab homine possideri possessione Physicâ & morali, per intimam unionem facultatum hominis cum Deo, per visionem & amorem.

Inst. Bonum infinitum non potest ab homine finito possideri: atqui Deus est bonum infinitum; ergo non potest ab homine possideri.

R. Dist. Maj. Bonum infinitum non potest ab homine finito possideri, infinito modo, C. Finito modo, N. Porrò beatum Deum possident finito tantum modo, pro finita capacitate suarum facultatum.

De Voluntario.

I. PROPOSITIO.

Voluntarium rectè dicitur id, quod fit à principio interno.

PROB. Ut aliquid sit voluntarium, debet esse à voluntate, proindeque à principio interno respectu volentis.

OB-

O B J E C T I O.

Non omne involuntarium fit à principio externo, ut v. g. occisio amici ab amico putante se occidere feram; ergo nec omne voluntarium fit à principio interno.

R. Nego Conf. & par. Ratio disp. quia ut aliquid sit voluntarium, debet esse à voluntate, proindeque à principio interno. At verò ut aliquid sit involuntarium, sufficit, quod ei desit aliqua conditio requisita ad voluntarium; proindeque sufficit, quod fiat à principio non cognoscente singula, in quibus est actio; sive interim fiat à principio interno, sive externo, perinde est.

II. PROPOSITIO.

Voluntarium rectè dicitur fieri à principio cognoscente.

PROB. Quia quod non fit à principio cognoscente circumstantias actionis, non est voluntarium, ut occisio amici ab amico putante occidere feram.

O B J E C T I O.

Voluntarium fit à voluntate: atqui voluntas non est principium cognoscens; ergo voluntarium non fit à principio cognoscente.

R. Dist. Min. Atqui voluntas non est principium cognoscens per se & ratione sui formaliter, C. Non est principium cognoscens per intellectum dirigentem, N. Porrò voluntarium emanat à voluntate ex praesupposita directione intellectus.

De Libero.

PROPOSITIO.

Liberum rectè dicitur id, quod est indifferens.

PROB. Ut aliquid fit liberum, debet esse in potestate

nostra: atqui illud solum est in potestate nostra, quod est indifferens; ergo liberum est id, quod est indifferens.

O B J E C T I O.

AMOR Dei in Beatis, liber est: atqui tamen non est indifferens, sed necessarius; ergo liberum non bene definitur id, quod est indifferens.

R. Nego Maj. Cum enim beati felici quadam necessitate rapiantur ad amandum Deum, non est amor ille liber in beatis.


Inst. Quod fit sponte & libenter, liberum est: atqui amor in beatis fit sponte & libenter; ergo liber est.

R. Dist. Maj. Quod fit sponte & libenter, liberum est à coactione & violentia, C. Liberum à necessitate qualibet,

N. Nam plura requiruntur ad hoc, ut aliquid sit liberum, quam ad hoc, ut fiat sponte & libenter.



De



DE REBUS LÓGICIS.

• De definitione Logices.

I. PROPOSITIO.

Logica est Ars.

PROB. Ars est virtus mentis dirigens effectiones : atqui Logica est virtus mentis dirigens effectiones , nempe operationes mentis ad veritatem ; ergo Logica est ars.

O B J E C T I O.

SI Logica esset ars, Logici essent artifices : atqui Logici non sunt artifices , *Artisans* ; ergo Logica non est ars.

R. Nego Maj. Nam usus aliter invaluit.

Inst. Illi sunt artifices , qui tractant artem : atqui si Logica esset ars, Logici tractarent artem : ergo essent artifices.

R. Dist. Maj. Illi sunt artifices , qui tractant artem vitem & mechanicam , ut futor, C. Qui tractant autem nobilem & liberalem , ut Logicus, vel Rhetor, N. Quippe artificis nomen ex usu recepto iis solùm tribuitur , qui mechanicas exercent artes.

II. PROPOSITIO.

Logica est Scientia.

PROB. *Scientia est cognitio vera, certa & evidens rei necessariæ per causas* : atq[ue]i Logica est hujusmodi, ut cùm docet definitionem esse debere clariorem re definitā, quia explicat naturam rei definitæ ; ergo Logica est scientia.

O B J E C T I O.

Grammatica non est scientia ; ergo nec Logica.

R. Nego Conf. & par. Ratio disp. quia quæ docet Grammatica, sunt purè arbitraria, v. g. *Verbum activum regere accusativum*. At vero quæ docet Logica, sunt necessaria & immutabilia, ut v. g. *Definitionem esse debere clariorem re definitā*.

Inst. Ideò Grammatica non est scientia, quia est ab hominibus inventa, liberoque subest hominum arbitrio : atqui pariter Logica est hujusmodi ; ergo par utrobique ratio.

R. Dist. Maj. Ideò Grammatica non est scientia, quia est ab hominibus inventa, sine speciali fundamento in natura rei, C. Cum speciali fundamento, N. At verò Logica est inventa cum speciali fundamento in natura rei, ita ut prorsus necessaria sint Logicæ
præcepta.



III. PRO-

III. PROPOSITIO.

Logica est Præctica.

PROB. Ea disciplina est præctica, quæ transit ad opus: atqui Logica transit ad opus, nempe ad confectionem operationum mentis; ergo Logica est præctica.


O B J E C T I O.

E A disciplina non est præctica, quæ suum non facit obiectum: atqui suum Logica non facit obiectum, nempe operationes mentis, v. g. definitionem, divisionem; ergo Logica non est præctica.

R. Nego Min. Quia Logica tota est in tradendis legibus de operationibus mentis vero conformandis.

Inst. Logica non facit id, quod est tale independenter à Logica: atqui operationes mentis, v. g. definitiones sunt necessariò tales independenter à Logica; siquidem sunt immutabiles; ergo Logica non facit operationes mentis.

R. Dist. Min. Atqui operationes mentis sunt necessariò tales independenter à Logica, tales quoad essentiam, C. Tales quoad existentiam, N. Porrò Logica non facit operationes mentis spectatas quoad essentiam, sed solum spectatas quoad existentiam.



IV. PROPOSITIO.

Objectum Logicæ sunt operationes mentis.

PROB. Illud est objectum Logicæ, quod primò per se consideratur à Logica: atqui mentis operationes primò per se considerantur à Logica, ideoque præcepta Logicæ cadunt in operationes mentis; ergo sunt objectum Logicæ.


O B J E C T I O.

Ille non est objectum Logicæ, quod consideratur à Logica propter aliud: atqui operationes mentis considerantur à Logica propter aliud, nempe propter alias scientias comparandas; ergo operationes mentis non sunt objectum Logicæ.

R. Dist. Maj. Quod consideratur à Logica propter aliud, tanquam objectum Logicæ, C. Propter aliud, tanquam finem Logicæ, N. Porro aliæ scientiæ comparandæ sunt finis Logicæ, sed non sunt ejus objectum, ticut commoda habitatio est finis architecturæ; ædificium autem est ejus objectum.

Inst. Ædificatio non est objectum architecturæ, sed ædificium; ergo etiam operatio mentis non est objectum Logicæ, sed opus seu opera mentis.

R. Nego Cons. & par. Ratio disp. quia architectura spectat magis ædificium quam ædificationem. At verò Logica magis attendit operationes mentis quam opera. Ideò ædificatione est propter ædificium, & ædificium non est propter ædificationem. At operatio mentis non est propter opus, sed opus mentis est propter operationem.



De universalibus.

I. PROPOSITIO.

Sunt quinque universalia.

PROB. Tot sunt universalia, quot sunt modi, quibus unum potest inesse multis & prædicari de illis univocè : atqui sunt quinque modi, quibus potest unum prædicari de multis ; primo ut pars essentiæ communior, & est genus ; secundò ut pars essentiæ minus communis, & est differentia ; tertio ut tota essentia communis, & est species ; quartò accidentaliter & necessariò, & est proprium ; quintò accidentaliter & contingenter, & est accidens ; ergo quinque sunt universalia,

O B J E C T I O.

Proprium non est unum ex universalibus ; ergo non sunt quinque universalia.

R. Nego Ant. Quia proprium est unum aptum inesse multis, univocè & divisum, v. g. capacitas scientiæ in omnibus hominibus.

Inst. Universale debet esse commune multis : atqui proprium non est commune multis : alioqui jam non esset proprium ; ergo proprium non est ex universalibus.

R. Dist. Min. Atqui proprium non est commune multis generibus vel speciebus, C. Multis individuis, N. Nam proprium si sit genericum, est commune multis speciebus, sed non multis generibus ; si verò sit specificum, commune est multis individuis, sed non multis speciebus : ut capacitas scientiæ communis est omnibus hominibus.



II. PROPOSITIO.

Non sunt plura quam quinque universalia.

PROB. Quia nullum est universale, quod non revocetur, vel ad genus, vel ad speciem, vel ad differentiam, vel ad proprium, vel ad accidens.

OBJECTIO.

Individuum est unum ex universalibus; ergo plura sunt quam quinque universalia.

R. Nego Ant. Quia individuum, cum sit singulare quid, non habet rationem universalitatis.

Inst. Quod praedicatur de multis, est universale Logicum, atqui individuum praedicatur de multis individualiis, v. g. de Petro & Paulo; ergo individuum est unum ex universalibus.

R. Dist. Maj. Quod praedicatur de multis quoad rem & significationem, C. Quoad nomen duntaxat, N. Porro aliud est individuum, quod praedicatur de Petro, aliud quod praedicitur de Paulo, individua convenienter in nomine, sed in re significata discrepant.

De Categoriis.

I. PROPOSITIO.

Categoría est ordo generum, specierum & individuorum.

PROB. Categoría est ordo eorum, quae directè ponuntur in categoria: Atqui genera, species, & individua ponuntur directè in categoria, cetera indirectè tantum, ut differentiae; ergo; &c.

O B J E C T I O.

Categoria est ordo eorum duntaxat, quæ sunt entia realia : atqui genera & species non sunt entia realia, sed entia rationis; ergo categoria non est ordo generum & specierum.

R. Dist. Min. Atqui genera & species non sunt entia realia, genera formaliter sumpta, seu genereitates, C Genera materialiter sumpta, seu naturæ genericæ, N. Licet enim genereitas & specieitas sint entia rationis, natura tamen generica & specifica sunt entia realia, ut animalitas & humanitas.

II. PROPOSITIO.

Categoria est ordo generum & specierum sub genere supremo.

PROB. Quia quidquid ponitur in categoria, revocatur ad aliquod supremum caput categoriæ : atqui supremum hoc caput est genus supremum ut v. g. ens ; ergo &c.

O B J E C T I O.

Non datur supremum genus ; ergo categoria non est ordo rerum sub supremo genere.

R. Nego Ant. Nam ens est supremum genus.

Inst. Genus debet esse univocum : atqui ens non est univocum respectu suorum inferiorum ; ergo ens non est supremum genus.

R. Nego Min. Quia ens convenit suis inferioribus secundum idem nomen & secundum eandem significacionem.

Urgebis. Quod est diversum in suis inferioribus, non est univocum respectu inferiorum : atqui ens est diversum in suis inferioribus, nam est independens in Deo & dependens in creaturis ; ergo non est univocum.

R. Dist.

44 DISPUTATIONUM RUDIMENTA.

Dist. Min. Atqui ens est diversum specificè, C. Genericè, N. Sicut enim animal est diversum specificè in homine & bellua, & idem in illis genericè : similiter & ens est diversum specificè in Deo & creaturis ; at idem prorsus est genericè in illis, quia sortitur in ipsis eandem significacionem, putà capacitatem existendi realiter,



PHI-

PHILOSOPHUS,
IN
UTRAMQUE PAR-
TEM,

Circa Philosophiam generatim duæ solent, eæque celebres agitari Quæstiones. Prima est de Existentia Philosophiæ. Secunda, de Philosophia Adami.

QUÆSTIO PRIMA.

De Existentia Philosophiæ.

I. PROPOSITIO.

Existit Philosophia.

Probatur. Philosophia est cognitio vera, certa, & evidens rerum naturalium per causas. Atqui existit hujusmodi cognitio : Sic Logicus certò novit definitionem esse clarorem re definita, quia explicat naturam rei definitæ : Sic Physicus certò novit, mixtum esse corruptibile, quia constat quatuor elementis. Ergo existit Philosophia.

PARS I.

A

QB-

OBJECTIO I.



T detur Philosophia, dari debet objectum certum & immutabile: atqui nullum datur objectum certum & immutabile; ergo nulla datur Philosophia.

Probatur Minor. Objectum Philosophiae sunt res naturales: atqui res naturales non sunt immutabiles, sed valde contingentes; ergo nullum datur objectum Philosophiae certum & immutabile.

R. **Dist. Min.** Atqui res naturales non sunt certae aut immutabiles quoad existentiam, *concedo*. Quoad essentiam, *nego*.

Instabis. Atqui res naturales non sunt certae aut immutabiles quoad essentiam; ergo nulla responsio.

Prob. Subsumpt. Illud non est certum aut immutabile quoad essentiam, cuius essentia corruptibilis est: atqui essentia rerum naturalium, v. g. corporum, corruptibilis est; ergo res naturales non sunt immutabiles quoad essentiam.

R. **Dist. Min.** Atqui essentia rerum naturalium est corruptibilis, essentia particularis seu Physica, C. essentia generalis seu metaphysica, N.

Inst. 2. Atqui essentia rerum naturalium generalis seu Metaphysica est corruptibilis.

Prob. Subs. Quod libero Dei subjacet arbitrio, illud corruptibile est atque mutabile: atqui essentia rerum naturalium generalis seu Metaphysica libero Dei subjacet arbitrio; siquidem à Deo pendet essentialiter; ergo essentia rerum naturalium generalis seu Metaphysica corruptibilis est.

R. **Dist. Min.** Atqui essentia rerum naturalium arbitrio Dei subjacet, ut ab eo recipiat, vel non recipiat existentiam, C. Ut sit talis vel talis essentia possibilis, N. Hoc enim non habet aliundè quam ex perfecta attributorum suorum confessione.

Inst. 3. Atqui essentia rerum naturalium pendet essentialiter à Deo, non solum ut recipiat existentiam, sed etiam ut sit possibilis.

Prob. Subs. Illud pendet essentialiter à Deo, ut sit possibile, quod ita constituitur possibile per omnipotentiam Dei,

ut absque illâ non intelligeretur possibile : atqui essentia rerum naturalium est hujusmodi.

R. Dist Min. Atqui essentia rerum naturalium constituitur possibilis per omnipotentiam Dei possibilis possibilitate proximâ & secundariâ, quæ includat existentiam ut mutuandam, C. Possibilitate primariâ & radicali, quæ consitit in sola attributorum non repugnantia, N.

Inst. 4. Omnis creaturarum perfectio pendet essentialiter ab omnipotentiâ Dei : atqui possiblitas rerum naturalium, vel radicalis & primaria, quædam est earum perfectio ; ergo pendet essentialiter ab omnipotentiâ Dei.

R. Dist. Maj. Omnis creaturarum perfectio, actualis seu positiva, C. Potentialis seu negativa, N. Porro rerum possiblitas primaria, est perfectio, sed potentialis & negativa, ut potè mera attributorum non repugnantia.

Inst. 5. Omnis perfectio creata, vel creabilis pendet essentialiter ab omnipotentiâ Dei : atqui rerum naturalium essentia ut possibilis præcisè, quædam est perfectio creata vel creabilis.

Prob. Min. Dicendum est, rerum naturalium essentiam ut possibilem præcisè, esse creatam, vel increatam : atqui dici nequit increata, qui character est divinitatis ; ergo creata est vel creabilis.

R. r. Nego Maj. Et dico essentiam rerum ut possibilem præcisè, neque esse creatam ; neque increatam, sed esse non creatam, quia prius est existere, quam esse positivè creatum, vel positivè increatum,

R. 2. Dist. Min. Atqui essentia rerum ut possibilis, dici nequit increata positivè, per modum alicujus existentis ab æterno, C. increata negative, id est, non creata, non dependens in mera sui possibiliitate, N.

Inst. 6. Esse increatum negative, est, esse à seipso negative : atqui essentia rerum naturalium dici nequit à seipsâ negative, hæc enim est Dei solius prærogativa, ut docent Theologi.

R. Dist. Min. Atqui essentia rerum naturalium dici nequit à seipsâ negative, existens, C. Dici nequit à seipsâ possibilis, N. At Dei solius prærogativa est, ut sit à seipso negative, non solum possibilis, sed etiam existens.

DE EXISTENTIA

Inst. 7. Existenciae creaturarum dici nequit à seipsâ etiam negativè; ergo nec earum essentia ut possibilis.

R. Nego consequentiam & paritatem. Ratio dispar. est, quia omnis creaturarum existentia venit à causâ superiori, quæ procurat ipsis transitum a statu possibilitatis ad statum existentiæ: at vero rerum possibilitas non aliunde venit quam à mutua attributorum inter se consensione, quæ talis est per se, & ex natura sua independenter ab omni causâ.

Inst. 8. Mutua attributorum rei consensio intelligi requirit absque unione & conjunctione intimâ & perfectâ plurium simul perfectionum sibi cohærentium: atqui talis unio venit à causa uniente & conjungente; ergo rerum possibilitas venit à causa prima uniente, atque ab ea pendet essentia liter.

R. Dist. Maj. Consensio attributorum intelligi nequit absque unione plurium simul perfectionum, unione potentiali seu in actu primo, C. unione actuali seu in actu secundo, N. Porro unio actualis plurium venit à causa prima uniente, sed non unio mere potentialis & seorsim ab omni existentiâ.

O B J E C T I O II.

UT detur Philosophia, dari debet certum aliquod veritatis argumentum, cuius ope verum à falso separatur: atqui non datur hujusmodi certum veritatis argumentum.

R. Nego Min. Et dico evidentiam esse certum & unicum veritatis argumentum naturale.

Instabis. Ad certum veritatis argumentum duæ requiruntur conditiones; 1. Ut de illius præsentia constet nobis; 2. Ut soli competit veritati: atqui evidētia non habet conditiones illas; ergo evidētia non est certum veritatis argumentum.

R. Nego Min. 1. Namque sicut de præsentia lumen constat nobis per ipsummet lumen: ita de præsentia evidētia, per ipsummet evidētiam. 2. Falsitas non oritur aliunde quam ex obscuritate, quæ cum locum non habeat in evidētia, liquet evidētiam soli competere veritati.

Inst.

Inst. 2. Si quid esset, per quod posset constare nobis de præsentia evidentiæ, ipsa præsertim foret evidentia; atqui de præsentia evidentiæ non potest constare nobis per ipsam evidentiæ.

Prob. Min. Si de evidentiæ constaret nobis per ipsam evidentiæ, jam evidentiæ foret medium ad seipsum demonstrandum; atqui nihil esse potest medium ad seipsum demonstrandum; ergo de evidentiæ non potest constare nobis per ipsam evidentiæ.

R. Dist. Maj. Jam evidentiæ foret medium ad seipsum, medium impropriè dictum & indistinctum à re demonstranda, C. Medium propriè dictum, N. Sicut enim lux est quodammodo medium ad seipsum manifestandam oculis, sic evidentiæ per semetipsam prodit se se menti.

Inst. 3. Atqui evidentiæ non potest esse medium etiam impropriè dictum, ad seipsum demonstrandum.

Prob. Subs. Illud nequit esse medium ad seipsum demonstrandum certò, quod cùm abest, adesse tamen videtur; atqui evidentiæ cùm abest, adesse videtur, ut contingit quoties iisdem de rebus contendunt inter se Philosophi.

R. Dist. Maj. Quod cùm abest, adesse tamen videtur prudenter, & cum fundamento, C. Temerè & sine fundamento, N. Porrò si quando evidentiæ cùm abest, adesse videatur, id sit temerè & sine fundamento, ex præconceptâ alterius contendentium pertinaciâ.

Inst. 4. Atqui dici non potest, si quando evidentiæ, cùm abest, adesse videatur, id fieri temerè & sine fundamento.

Prob. Subs. Scepticis, vel Acatelepticis negantibus existentiam Philosophiæ, nulla certè affulget evidentiæ id inter negandum, tametsi habere se se contestentur: atqui dici non potest, ipsos interim agere temerè & sine fundamento.

Prob. Min. Dogmatici non possunt affirmare Scepticos temerè se gerere inter negandam Philosophiæ existentiam, quin statim sint judices in sua propriâ causâ: atqui nemo debet esse judex in suâ causâ.

R. 1. Dist. Maj. Quin sint judices in suâ propriâ causâ Philosophicâ, C. Civili, N. Porrò nihil vetat quempiam esse judicem in suâ causâ Philosophicâ. Et ratio dispa-

ritatis est, quia in causis civilibus sunt judices constituti ad iudicandum, ad quos litigantes recurrere valeant: at verò in quæstionibus Philosophicis nemo est, ad quem provocari possit, præterquam ad intellectum, præsertim evidens imbutum: is enim est supremus litium de rebus naturalibus dirimendarum, immo, unicus arbiter.

R. 2. Dist. Maj. Quin sint judices in suâ causâ, judices per modum litigantium rationes & momenta sua proponentium, C. Judices per modum decidentium, N. Nam dogmaticis satis fuerit, si momenta, quibus innituntur, protulerint, quæstionis verò decisionem ultrò dimittunt viris prudentibus nec præoccupatis.

Inst. 5. Prudenter dubitatur de veritate hujus, quod convenit rebus falsis perinde ac veris: atqui evidens convenit rebus falsis perinde ac veris, potest enim aliquid esse falso simul & evidens: ergo prudenter se gerunt Sceptici, dum dubitant de veritate evidentiæ.

R. Dist. Maj. Quod convenit rebus falsis cognitis tanquam veris, C. Rebus falsis cognitis tanquam falsis, N. Porro evidentiam convenire rebus falsis, cognitis tanquam falsis, est ipsam convenire veritati, quia verum est, falso esse falso.

Inst. 6. Evidens convenit rebus falsis cognitis tanquam veris, si quæ olim putabantur evidenter vera, falsa nunc judicentur; atqui res ita est.

Prob. Min. Ante revelationum SS. Trinitatis mysterium, axioma hoc celebratur, ut verum evidenter: *Quæ sunt eadem unitertio, sunt eadem inter se*, atqui id ipsum iam judicatur ut falso, suppositâ veritate mysterii adorandæ Trinitatis; ergo quæ olim putabantur evidenter vera, falsa nunc judicantur.

R. Nego Min. Nam quæ sunt eadem uni tertio, sunt eadem inter se sub eo respectu, sub quo sunt eadem uni tertio.

Inst. 7. Tres personæ divinæ sunt quid idem cum natura divina, neque tamen sunt quid idem inter se; ergo quæ sunt eadem uni tertio, non sunt semper eadem inter se.

R. Dist. Secundam partem antecedentis. Tres personæ divinæ non sunt quid idem inter se, sub eo respectu, sub quo opponuntur.

ponuntur inter se relativè, C. Sub eo respectu, sub quo identificantur in natura divina, N. Scilicet personæ divinæ oppnuntur inter se relativè, & sub eo respectu distinguuntur: sed non oppnuntur cum natura divina, & sub eo respectu identificantur in eâ.

O B J E C T I O III.

UT detur Philosophia, dari debet facultas aliqua certò cognoscitiva: atqui nulla datur facultas in nobis certò cognoscitiva.

Prob. Min. Si qua daretur in nobis facultas certò cognoscitiva, ea foret vel intellectus, vel sensus: atqui neutrum dici potest.

R. Nego Min. Namque intellectus evidentiâ innixus, est facultas certò cognoscens.

Inst. Facultas errori obnoxia, non est certò cognoscitiva: atqui intellectus humanus est errori valde obnoxius: ergo intellectus non est facultas certò cognoscitiva.

R. Dist. Min. Atqui intellectus humanus est errori obnoxius in rebus obscuris & probabilibus, C. In rebus claris & evidenteribus, N. Evidentia namque rapit intellectum.

Inst. 2. Atqui intellectus humanus errori obnoxius est vel in rebus claris & evidenteribus.

Prob. Subf. Intellectus humanus eo ipso est errori obnoxius, quo facultas est finita; atqui intellectus, etiam in claris atque evidenteribus, est facultas essentialiter finita; ergo intellectus est errori obnoxius vel in rebus claris.

R. Nego Maj. Error enim facultatis cognoscitivis non oritur ex ipsius limitatione præcisè, sed ex rerum, circa quas versatur, obscuritate.

Inst. 3. Intellectus divinus eo ipso est indefectibilis, quod facultas est infinita; ergo à contrario intellectus humanus eo ipso defectibilis est, quo facultas est finita.

R. Nego Cons. & Parit. Ratio dispar, quia facultas infinita ut infinita continet omnes omnino perfectiones, proindeque ipsam indefectibilitatem: at vero facultas finita ut finita non continet omne genus imperfectionis, proindeque necesse non est, quod contineat defectibilitatem.

Inst. 4. Intellectus humanus, quia finitus, non potest

omnia generatim cognoscere : atqui eo ipso , quo non potest omnia generatim cognoscere : defectibilis sit, necesse est; ergo intellectus humanus eo ipso defectibilis est , quo finitus est.

R. Nego Maj. Namque intellectus humanus non dicitur finitus , eo quod non valeat omnia cognoscere , sed ex eo quod non possit ea cognoscere infinito modo.

Inst. 5. Intellectus humanus , quia finitus est , est limitatus in suis cognitionibus : atqui eo ipso , quo limitatus est in suis cognitionibus , non potest omnia generatim cognoscere ; ergo intellectus , quia finitus est , non potest omnia generatim cognoscere.

R. Dist. Maj. Intellectus , quia finitus , est limitatus in suis cognitionibus , limitatus quoad modum cognoscendi finitum , C. Limitatus quoad objectum cognoscendum , N.

Inst. 6. Intellectus divinus infinitus quoad modum cognoscendi est quoque infinitus quoad objectum cognoscendum ; ergo à pari intellectus humanus finitus quoad modum cognoscendi , est quoque finitus quoad objectum cognoscendum.

R. Nego Cons. & Parit. Ratio dispar. quia intellectus divinus est infinitus simpliciter & sub omni respectu : at vero intellectus humanus est finitus secundum quid tantum & sub uno duntaxat respectu finitus , ut ajunt , intrinsecè , sed non extrinsecè.

Inst. 7. Modus cognoscendi finitus est defectibilis : atqui modus cognoscendi intellectus humani est finitus (ex concessis :) ergo est defectibilis.

R. Dist. Maj. Modus cognoscendi finitus est defectibilis , quando res cognoscendæ sunt obscuræ , C. Quando claræ sunt atque evidentes , N.

Inst. 8. Modus cognoscendi finitus est defectibilis , quando res cognoscendæ sunt evidentes , si evidentia prior & minor sit emendabilis per posteriorem & majorem : atqui res ita est.

R. Dist. Min. Atqui evidentia prior , est emendabilis per posteriorem , emendabilis ratione concomitantis obscuritatis , C. emendabilis ratione sui , N. Scilicet evidentia minor habet aliquid obscuritatis.

Inst. 9. Atqui evidentia est emendabilis per se & ratione sui : ergo nulla solutio.

Prob. Subf. Evidens nobis est de noctu inter somnian-
dum, præsto esse objecta, quæ reipsâ non sunt. Atqui ta-
lis evidentia emendari debet. Ergo evidentia emendabilis
est.

R. Dist. Maj. Evidens est nobis præsto esse objecta, quæ
reipsa non sunt, evidens quoad impressionem factam in ani-
mâ, C. Evidens quoad causam impressionis, N. Porrò id non
est emendabile quoad impressionem.

Inst. 10. Atqui habemus evidentiam de causa impres-
sionis, quia certi sumus impressionem venire ab aliqua
causa.

R. Dist. Habemus evidentiam de causa impressionis ge-
neratim & indeterminate, C. In particulari & determinate,
N. Scimus esse causam, at quænam sit determinatae, nesci-
mus.

O B J E C T I O IV.

Si daretur cognitio certa, vel ea foret de rebus universalibus,
vel de singularibus, atqui neutrum dici potest.

R. Nego Min. Nam datur saltem de rebus universalibus,
quæ quia sunt immutabiles, possunt esse objectum cognitionis
certæ.

Instabis. Non datur cognitio certa de rebus, quæ nec
existunt, nec unquam existere possunt: atqui res universales
nec existunt, nec unquam existere possunt; quia *existere sin-
gularium est*; ex axiome. Ergo non datur cognitio certa
de universalibus.

R. Dist. Maj. Quæ nec existunt, nec existere possunt, ne-
que per se proximè, neque per singularia sua, C. per se tan-
tum & proximè, N. Porrò universalia existunt per sua singu-
laria; v. g. Natura humana per Petrum & Paulum.

Inst. 2. Ut daretur cognitio certa de universalibus, de-
beret prius fieri induc̄tio omnium generatim singularium: at-
qui hæc induc̄tio omnium singularium est impossibilis; ergo
non potest dari cognitio certa de universalibus.

R. Dist. Maj. Ut detur cognitio certa de universalibus
in materia contingente; v. g. *Homo est albus*, C. In materia
necessaria, v. g. *Homo est rationalis*, N.

Inst. 2. Hæc propositio : *Omnis homo est rationalis*, vulgo dicitur in materia necessaria, hæc verò, *omnis homo est niger*, dicitur in materia contingente : atqui discerni non potest absque inductione omnium singularium, quænam ex his duabus sit in materia necessaria, vel contingente; ergo opus est inductione in quacunque materia.

Prob. Min. Suppono quempiam hominem in Æthiopia natum nullos unquam vidisse homines nisi nigros; atqui non poterit ille discernere, num nigredo conveniat hominibus contingenter potius quam necessario; ergo discerni non potest absque inductione materia contingens.

R. Nego Min. Quia poterit id discernere per ipsam evidentiam, si nimirum attenderit ad ideam hominis, & advertebit nigredinem Æthiopis venire ab aliqua extrinseca causa, scilicet, ab ardore Solis.

Inst. 4. Ille non poterit discernere, num nigredo sit necessaria, vel contingens homini, qui viderit nigredinem esse cum homine reciprocum, omni & soli convenire: atqui id viderit, ut suppono.

R. Dist. Maj. Qui viderit nigredinem esse cum homine reciprocum per se & necessario, C. Esse reciprocum per accidens, & contingenter, N. Porro facile erit ei deprehendere contingens esse, quod omnis homo fit niger, quia nigredo non habet necessariam cum humanitate connexionem.

Inst. 5. Quod convenit per accidens, raro contingit. Atqui viderit nigredinem omni homini convenire non raro. Ergo non existimabit convenire per accidens & contingenter.

R. Dist. Maj. Quod convenit per accidens, id est, fortuito casu, C. Per accidens, id est, præter essentiam, vel necessitatem, Subdissinguo. Raro contingit, si non eadem semper fuerit accidentis causa, C. Si fuerit, N. At in nostra suppositione, adest semper eadem causa extrinseca nigredinis, putà ardor Solis.

Inst. 6. Atqui ob eandem rationem poterit homo ille existimare, rationalitatem convenire per accidens, id est, præter essentiam; ergo nulla responsio.

Prob. Subf. Suppono intuper vidisse homines nonnullos amentes; atqui tunc fundamentum habebit existimandi rationalitatem convenire homini per accidens, & præter essentiam.

R. Dist. Min. Atqui tunc fundamentum habebit existimandi rationalitatem convenire homini per accidens quoad actum secundum, C. Quoad actum primum, radicem & principium. N. At sola radix rationalitatis est essentialis homini.

Inst. 7. Qui scire poterit, Deum posse condere homines specie differentes, existimare poterit esse posse homines absque rationalitate etiam radicali: atqui id scire poterit.

R. Dist. Maj. Qui scire poterit, Deum posse condere homines specie differentes penes ipsam rationalitatem, C. Specie differentes per differentias rationalitati superadditas, N. Athomines specie differentes convenient in rationalitate, & discrepant per differentias essentialis rationalitati superadditas.

Inst. 8. Tam homo ille existimare poterit, Deum condere posse homines specie differentes penes rationalitatem, hoc est de rationalibus non rationales, & de non rationalibus rationales, quam de existentibus non existentes, & de non existentibus existentes.

R. Nego Paritatem. Ratio dispar. quia evidens est attendenti, existentiam rerum pendere ab omnipotentia Dei: non item essentias, quæ sunt prorsus immutabiles. Cum igitur in primario & essentiali conceptu hominis includatur rationalitas, aliter homo esse non potest quam rationalis sicut triangulus aliter esse nequit quam tribus constans angulis totidemque lateribus.

QUÆSTIO SECUNDA.

Utrum Adamus habuerit Philosophiam.

I. PROPOSITIO.

Adamus habuit Philosophiam.

PROB. Adamus fuit non corpore modò, sed & animo perfectus: utpote opus à Deo immediate procedens. Atqui non

non fuisset animo perfectus, nisi fuisset prædictus Philosophiâ, quæ est non infima perfectio mentis humanæ. Ergo Adamus habuit Philosophiam.

OBJECTIO I.

Ille non habuit Philosophiam, qui non potuit discurrere de rebus naturalibus; atqui Adamus non potuit discurrere de rebus naturalibus; ergo Adamus non habuit Philosophiam.

Prob. Min. Discurrere, est procedere à noto ad ignotum; atqui Adamus non potuit procedere à noto ad ignotum: ergo Adamus non potuit discurrere de rebus naturalibus,

R. Dist. Maj. Discurrere, est procedere à noto ad ignotum secundùm quid, id est, minus notum, C. à noto ad ignotum simpliciter, N. Porrò Adamus potuit procedere à noto ad ignotum secundùm quid, id est, inferre conclusionem minus notam ex principiis notioribus.

Instabilis. Ille non potuit procedere à noto ad ignotum secundùm quid, cui omnia erant æqualiter nota: atqui Adamo erant omnia æqualiter nota.

Prob. Min. Illi erant omnia æqualiter nota, qui noverat omnia per species à Deo simul infusas: atqui Adamus omnia noverat per species à Deo infusas; ergo Adamo erant omnia æqualiter nota.

R. Dist. Maj. Qui noverat omnia per species infusas, homogeneas & intuitivas omnes, C. Per species heterogeneas, quasdam abstractivas, & quasdam intuitivas, N. Porrò Adamus habuit species heterogeneas, alias quidem clariores pro principiis, alias obscuriores pro conclusionibus deducendis.

Inst. 2. Ille noverat omnia per species infusas homogeneas, qui uno intuitu & fine discursu conclusiones sicut & principia prima noverat: Atqui Adamus omnia noverat fine discursu, coclusiones & principia; ergo noverat omnia per species infusas homogeneas.

Prob. Min. Ille uno intuitu noverat conclusiones, sicut & principia, qui uno intuitu noverat principia, in quibus con-

clutiones continentur : Atqui Adamus noverat uno intuitu principia, in quibus continentur conclusiones.

R. Dist. Maj. In quibus conclusiones continentur formaliter & explicitè, C. Virtualiter & implicitè solum, N. Porro conclusiones non continentur in principiis formaliter, sed virtualiter, quatenus sunt ex principiis deducendæ.

Inst. 3. Ille noverat omnia uno intuitu absque ullo discursu, qui omnia noverat in causis, sicut norunt Angeli : atqui Adamus noverat omnia, ut Angeli.

Prob. Min. Adamus habuit per gratiam, quod Angeli habent per naturam (ex S. Thoma;) ergo Adamus noverat omnia, ut norunt Angeli.

R. Dist. Ant. Adamus habuit per gratiam, quod Angeli habent per naturam suam, habuit quoad modum, per infusionem, C. Habuit quoad substantiam, N.

Inst. 4. Ille habuit scientiam Angelicæ similem quoad substantiam, qui habuit scientiam supernaturalem : atqui Adamus habuit scientiam supernaturalem ; ergo Adamus habuit scientias Angelicæ similes quoad substantiam.

R. Dist. Maj. Qui habuit scientiam supernaturalem quoad entitatem, C. Quoad modum habendi, cœlestem & extraordinarium, N. Porro Adamus habuit scientias supernaturales, non quidem quoad se, sed quoad modum habendi.

Inst. 5. Nisi Adamus habuisset scientiam supernaturalem quoad entitatem, non habuisset perfectissimam, atqui habuit perfectissimam.

R. Dist. Maj. Non habuisset scientiam perfectissimam absolute, & in quolibet genere, C. Non habuisset perfectissimam hypotheticè, & in genere scientiæ humanæ, N.

Inst. 6. Ille habuit scientiam perfectissimam absolute, qui non prius noverat principia quam conclusiones, atqui Adamus non prius noverat principia quam conclusiones ; si quidem simul noverat has & illa.

R. Dist. Maj. Qui non prius noverat principia quam conclusiones, prius prioritate naturæ, C. Prius prioritate temporis, N. Porro prius noverat Adamus principia quam conclusiones, non quidem prioritate temporis, sed prioritate naturæ, quatenus conclusiones noverat dependenter à principiis.

Inst. 7. Si species, quæ Adamo repræsentabat conclusiones,

nes, non dependebat à specie, quæ repræsentabat principium, certè Adamus noverat conclusiones independenter à principiis: atqui species, quæ repræsentabat conclusiones, non dependebat à specie, quæ repræsentabat principium.

R. Dist. Min. Atqui species conclusionis non dependebat à specie principiorum, non dependebat, ut haberetur, C. Ut erumperet in actum, N. Nam species conclusionis erat discursiva, ad inferendam conclusionem minus notam ex principio noto.

O B J E C T I O II.

Ille non habuit Philosophiam, cujus oculi mentis non erant aperti ante peccatum: atqui oculi Adami non erant aperti ante peccatum, Genes. c. 3. Ergo Adamus non habuit Philosophiam.

R. Dist. Maj. Cujus oculi non erant aperti, quoad cognitiones philosophicas & naturales, C. Quoad cognitionem experimentalem rebellionis carnis adversus spiritum, N. Sensus igitur Scripturæ is est, Adamum statim à peccato expertum fuisse motus concupiscentiæ, quos anteà non fuerat expertus.

In slabis. Illius oculi non erant aperti quoad cognitiones Philosophicas, qui nullam Philosophiæ partem habuisse comprobatur: atqui Adamus nullam Philosophiæ partem comprobatur habuisse nec Logicam, nec Moralem, nec Physicam, nec Metaphysicam.

R. Nego Min. Quoad singulas partes. Cùm enim Adamus fuerit opus Dei immediatum, decebat ipsum esse prædictum omni scientiarum genere.

Adamum non habuisse Logicam.

Inst. 1. Logica est scientia reflexa: atqui Adamus non habuit scientiam reflexam, seu per reflexionem; ergo Adamus non habuit Logicam.

R. Dist. Maj. Logica est scientia reflexa, Logica acquisita, C. Logica infusa, N. Ratio disparitatis est, quia Logica

gica acquisita habetur per reflexionem, supra alias scientias : at vero infundi potest à Deo immediatè, Adamus autem eam habuit infusam.

Inst. 2. Atqui Adamus non habuit Logicam infusam.

Prob. Subf. Logica est scientia, quæ inservit ad alias scientias ; atqui Adamus non habuit infusam scientiam, quæ inservit ad alias scientias ; siquidem & alias scientias supponitur habuisse infusas.

R. Dist. Maj. Logica est scientia, quæ inservit ad alias scientias, vel comparandas, vel dirigendas suis in actibus, C. Comparandas tantum, N. Porrò Adamus non habuit quidem opus Logicā ad comparandas alias scientias ; sed opus habuit ad eas suis in actibus dirigendas.

Inst. 3. Ille non opus habuit Logicā, ad dirigendas alias scientias in suis actibus, qui jam habebat perfectas atque infallibles scientias : atqui Adamus habebat ab initio (ut supponitur) perfectas atque infallibles scientias ; ergo non opus habuit Logicā.

R. Dist. Maj. Qui habebat perfectas, atque infallibles scientias, independenter à Logicā dirigente, C. dependenter ab eâ, N. porrò quas habebat Adamus perfectas scientias, eae non erant infallibles, nisi dependenter à Logica dirigente.

Inst. 4. Atqui Adamus habebat perfectas atque infallibles scientias independenter à Logica : ergo nulla responsio.

Prob. Subf. Adamus habebat per infusionem, independenter à Logica, eas scientias, quas possumus non absolute habere independenter à Logica : atqui possumus nos cœteras scientias perfectas habere independenter à Logica, si nimirum Logica non sit simpliciter necessaria (ut non raro doceatur.)

R. Dist. Maj. Atqui nos possumus cœteras scientias perfectas habere sine Logica, perfectas, primò intentionaliter, C. secundò intentionaliter, N. Porrò decebat Adamum posse reddere rationem suarum cognitionum, easque habere perfectas, non solum primò, sed etiam secundò, intentionaliter.

*Si doceatur esse Logicam simpliciter necessariam,
sic contrà poterit objici.*

Inst. 5. Ille habebat perfectas atque infallibiles scientias independenter à Logica, qui acceperat à Deo immediate habitus demonstrativos perfectissimos in suo genere: atqui Adamus acceperat à Deo habitus demonstrativos perfectissimos (ut supponitur.)

R. Dist. Maj. Qui acceperat à Deo habitus demonstrativos perfectissimos, habitui Logicæ non subordinatos, C. Subordinatos ei, N. Porro Adamus acceperat habitus demonstrativos aliarum Scientiarum subordinatos habitui Logicæ præscribentis modum definiendi, dividendi & argumentandi.

Inst. 2. Atqui quos acceperat Adamus habitus demonstrativos aliarum scientiarum, ii non erant subordinati habitui Logicæ.

Prob. Subs. Illi habitus non erant subordinati habitui Logicæ, quos Deus poterat infundere, non infuso habitu Logicæ: atqui Deus poterat absolute infundere habitus demonstrativos aliarum scientiarum, tametsi habitum Logicæ nunquam infudisset, quia poterat infundere species aliarum scientiarum, non infusis speciebus Logicæ.

R. Dist. Maj. Illi habitus non erant subordinati habitui Logicæ, non erant subordinati quoad existentiam sui, C. Quoad exercitium suorum actuum, N. Quia licet aliæ scientiæ possint fortè existere sine Logica, non possunt tamen sine illa in actus erumpere suos.

Adamum non habuisse Moralem.

O B J E C T I O.

Moralis est prudentia. Atqui Adamus non habuit prudentiam.

Prob. Min. Ille non habuit prudentiam, qui mindis reætè judicavit de agendis sibi & fugiendis: atqui Adamus non reætè judicavit de agendis & fugiendis; si quidem ex imprudentia peccavit,

R. Dist. Maj. Ille non habuit prudentiam, qui non reætè

Etè judicavit de agendis, & fugiendis, judicio generali, & speculativo, C. Judicio particulari, & practicè pratico, N. Porro Adamus rectè judicabat de agendis, judicio speculativo, tametli non rectè judicaverit judicio pratico, ut contingit peritissimis quibusque.

Instabis. Prudentia generalis est scientia boni, & mali; atqui Adamus non habuit scientiam boni & mali: si quidem scientiam hanc ei pollicebatur Serpens; ergo Adamus nullam habuit prudentiam vel generalem.

R. Dist. Maj. Prudentia generalis est scientia boni, & mali, naturalis & discursiva, C. Supernaturalis, & apprehensiva, N. Porro Adamo proximerat Serpens scientiam boni, & mali, non qualemcumque, seu naturalem & discursivam, sed sublimiorem & Angelicæ similem; ut patet ex his verbis, Genes. 3. *Eritis sicut Dii, scientes bonum & malum.*

Inst. 2. Atqui quam promiserat Serpens Adamo scientiam boni, & mali, ea non erat supernaturalis sublimior & extraordinaria.

Prob. Subs. Adamus in comedendo de fructu vetito non quærerbat scientiam illam, quam certò sciebat; se non posse consequi: atqui Adamus certò sciebat se non posse consequi scientiam boni & mali supernaturalem, & Angelicæ similem.

Prob. Min. Adamus (si fuit sapiens) probè sciebat, se non posse consequi scientiam, quæ Angelorum, seu intelligentiarum propria est. Atqui scientia boni & mali extraordinaria, supernaturalis, & apprehensiva, est Angelorum propria.

R. Dist. Maj. Adamus sciebat, se non posse consequi scientiam hujusmodi, naturaliter & ex debito, C. Ex singulari munificentia Dei Creatoris, N.

Inst. 3. Adamus nosse debuit scientiam supernaturalem & angelicam non posse competere, nisi habenti naturam angelicam; atqui nosse debuit transformari se non posse in naturam angelicam; ergo nosse debuit se non posse consequi absolutè scientiam supernaturalem & Extraordinariam.

R. Nego Maj. Nihil enim repugnat habitum supernaturalem & extraordinarium conferri naturæ inferiori, ex beneficio præpotentis Creatoris.

Inst. 4. Si modus operandi semper sequatur modum eius.
PARS I. B sen-

fendi, prius est habere naturam angelicam, quam cognoscere modo supernaturali & angelico: atqui modus operandi sequitur modum essendi, ex axiome; ergo nosse debuit Adamus scientiam sublimiorem & angelicam non posse competere nisi habenti naturam angelicam.

R. Dist. Maj. Si modus operandi extraordinarius sequatur modum essendi, C. Si modus operandi naturalis & ordinarius tantum, N. At axioma citatum intelligendum est de modo naturali & ordinario operandi, alioqui, qui eliceret actionem supernaturalem, haberet quoque naturam supernaturalem.

Adamum non habuisse Metaphysicam.

O B J E C T I O.

Ille non habuit Metaphysicam, qui non cognovit Deum esse infinitum, atque immensum: atqui Adamus non cognovit Deum esse infinitum, atque immensum.

Prob. Min. *Quoad primam partem.* Ille non cognovit Deum esse infinitum in omni genere perfectionis, qui putavit fieri se posse Deo similem: atqui Adamus putavit fieri se posse Deo similem.

Prob. Min. Ille putavit fieri se posse Deo similem, qui serpentis sualu comedit de fructu vetito, ut esset sicut Deus: atqui Adamus comedit de fructu vetito, ut esset sicut Deus (*Genes. 3. Eritis sicut Dii.*)

R. Dist. Maj. Ut esset sicut Deus propriè dictus, C. Sicut Deus analogicè, & metaphoricè dictus, N. Scilicet nomen (DEI) in Scripturâ Sacrâ non semper significat Ens independens, sed aliquando, creaturam perfectiorem cæteris creaturis, ideoque propriùs accedentem ad perfectiones supremi Numinis: Sic legimus Psal. 81. *Ego dixi, Dii estis, & filii Excelsti omnes.* Hoc autem intelligitur de Prophetis, ut explicat Christus Dominus, Joan. 10.

Instabis. Ille comedit de fructu vetito, ut esset sicut Deus propriè dictus, de quo Deus ipse ironicè dixit, consequenter ad peccatum, *Ecce Adam quasi unus ex nobis factus est, sciens bonum & malum;* atqui hæc de Adamo dixit Deus, *Genes. 3.*

R. Dist.

R. Dist. Maj. Si illa verba debeant intelligi de similitudine Adami cum Deo perfectâ, C. si de imperfectâ tantum, N. At quod sint intelligenda de imperfectâ solum similitudine, declarat illa particula, *quasi.*

Inst. 2. Adamus ambiebat aliquam cum Deo similitudinem majorem eâ similitudine, quam habebat ab initio: atqui habebat imperfectam ab initio similitudinem cum Deo, Genes. I. *Faciamus hominem ad imaginem, & similitudinem nostram.* Ergo Adamus ambiebat perfectam cum Deo similitudinem.

R. Dist. Min. Atqui Adamus habebat imperfectam ab initio similitudinem cum Deo, imperfectam, sed remotam, & in genere scientiæ humanæ, C. Proximam, & in genere scientiæ sublimioris atque angelicæ, N.

Jam Prob. Min. *Quond secundum partem.* Ille non cognovit immensitatem Dei, qui non cognovit Deum esse ubique: atqui Adamus non cognovit Deum esse ubique præsentem.

Prob. Min. Ille non cognovit Deum esse ubique præsentem, qui post peccatum voluit se se abscondere à Deo: atqui Adamus post peccatum voluit se se à Deo abscondere, Genes. 3.

R. Dist. Maj. Qui voluit se se abscondere à Deo præcisè ut Deo, existente in natura divina, C. à Deo sub forma humana constituto, N. Hinc ibidem legitur, *Cum audissent vocem Domini deambulantis in Paradiſo, abscondit se Adam & uxor ejus à facie Domini.* Quæ verba non videntur alter intelligenda quam de Deo sub formâ humanâ constituto, quam formam assumebat, ut familiarius ageret cum Adamo.

Adamum non habuisse Physicam.

O B J E C T I O.

Ille non habuit Physicam, qui non cognovit naturam Serpentis, & pomi: atqui Adamus non cognovit naturam Serpentis, vel pomi.

Prob. Min. Qui putavit Serpentem esse loquacem, & pomum dare posse scientiam boni, & mali, certè non cognovit naturam Serpentis & pomi: atqui hæc falso putavit Adamus.

R. i. Absolutè negari posse Adamum id putasse; non enim Scriptura sacra refert Serpentem fuisse allocutum Adamum, sed Eam.

R. 2. Dist. Maj. Qui putavit Serpentem esse loquacem per se & ab intrinseco principio, & pomum dare posse scientiam boni & mali, per se, & vi sua naturali, C. Serpentem esse loquacem per aliud & ab extrinseco principio, & pomum dare posse scientiam boni & mali, vi divina & superiori, N.

Instabis. Atqui Adamus non putavit Serpentem loqui ab extrinseco principio.

Prob. Subf. Si putasset Adamus Serpentem loqui ab extrinseco principio; vel putasset loqui interventu Dei, vel Angeli, vel animæ rationalis; atqui nullum ex his dici potest.

R. Nego Min. Et dico singula ex his dici posse, maximè interventu Angeli.

Inst. 2. Vel putasset Serpentem loqui interventu Angeli, boni, vel mali: atqui neutrum dici potest; non quidem boni, quippe qui loquebatur contra præceptum divinum; neque etiam interventu mali, quippe ei fidem non adhibueret.

R. Nego Maj. Quia ad illas omnes circumstantias non attendit Adamus, nimis studiosus uxori suæ complacere.

Inst. 3. *Sapientis non est dicere, non putabam.* Ergo si Adamus fuit sapiens (ut dicitur) debuit attendere ad illas omnes circumstantias: vel, si non attendit, sapiens non fuit.

R. Dist. Ant. Sapientis actu, C. Sapientis habitu tantum, N. Porro Adamus, nec prudens nec sapiens fuit actu, sed habitu tantum.

Inst. 4. Si fuisset actu Philosophus, fuisset actu & prudens, & sapiens, cum Philosophia sit quædam sapientia.

R. Dist. Fuisset actu, & prudens, & sapiens, actu, quoad habitum sibi à Deo infusum, C. Actu, quoad exercitium, & operationem, N.

Inst. Quinto. Si fuisset actu Philosophus, habuisset Philosophiam à Deo perfectissimam: atqui si habuisset perfectissimam, fuisset sapiens quoad exercitium, quia sapiens quoad ha-

habitum simul & exercitium, perfectior est sapiente quoad habitum duntaxat.

R. Dist. Maj. Habuisset Philosophiam à Deo perfectissimam, habitualem, C. Actualem, N. Ratio disparitatis est, quia habitus infundi potest; actus non potest, cùm sit vitalis, ab intrinseco veniens.



II. PROPOSITIO.

Adamus habuit Philosophiam per infusionem.

PROB. Vel enim habuit Philosophiam per infusionem, vel per inventionem, vel tandem per acquisitionem: atqui nec habuit per inventionem, nec per acquisitionem, cum fuerit ab initio Philosophus, nechabuerit sat temporis ad inventiendam acquirendamve Philosophiam. Ergo Adamus Philosophiam habuit per infusionem.

O B J E C T I O.

Adamus non habuit, per infusionem id, quod infundi non potest: atqui Philosophia infundi non potest.

Prob. Min. Actus vitalis infundi non potest: atqui Philosophia est actus vitalis, seu cognitio; ergo Philosophia infundi non potest.

R. Dist. Min. Atqui Philosophia est actus vitalis, Philosophia actualis, C. Habitualis, N. Nam est habitus; habitus autem infundi potest.

Instabis. Philosophia actualis infundi non potest (*ex concessis;*) ergo nec habitualis.

Prob. Cons. Habitum, qui pendet ab actuali, non potest infundi, quin infundatur actualis: atqui Philosophia habitualis pendet ab actuali.

R. Dist. Min. Atqui Philosophia habitualis pendet ab actuali, ordinariè, C. Pendet absolute, N. Quia quamvis or-

B 3 dinam.

dinariè habitus naturalis comparetur per actus sæpe repetitos, potest tamen absolute aliter comparari, nempè per infusionem.

Instab. 2. Habit, qui absolute non potest esse infusus, pendet absolute ab actu : atqui Philosophia habitualis absolute non potest esse infusus habitus, alioqui jam non esset habitus naturalis.

R. Dist. Min. Atqui Philosophia habitualis absolute non potest esse habitus infusus, per se, & ex natura sua, C. Infusus per accidens, ex libera Dei voluntate, N.

Inst. 3. Habitus essentialiter naturalis non potest esse infusus, etiam per accidens : atqui Philosophia habitualis est habitus essentialiter naturalis.

R. Dist. Maj. Habit, essentialiter naturalis, quoad modum habendi, C. Quoad substantiam, & entitatem, N. Porro Philosophia est quidem habitus naturalis, quoad substantiam, at non absolute & quoad modum habendi.

Inst. 4. Ille habitus est essentialiter naturalis quoad modum habendi, qui non potest absolute fieri supernaturalis quoad modum habendi : atqui Philosophia habitualis non potest esse supernaturalis quoad modum.

Prob. Min. Habit, essentialiter supernaturalis quoad entitatem, ut v. g. Fides, Spes, Charitas, non potest absolute esse naturalis quoad modum habendi ; ergo nec habitus essentialiter naturalis quoad entitatem, v. g. Philosophia potest esse supernaturalis quoad modum.

R. Nego Conf. & parit. Ratio dispar. est, quia Deus potest infusione, quidquid possumus nos acquisitione ; sed non possumus nos acquisitione, quidquid Deus potest infusione.

Inst. 5. Atqui pariter Deus non potest infundere habitum Philosophiae discursivum.

Prob. Subf. Deus non potest eos infundere habitus, quos non præcontinet in se : atqui Deus non præcontinet habitus discursivos, quia discursus sonat imperfectionis non-nihil.

R. Dist. Min. Atqui Deus non præcontinet habitus discursivos, non præcontinet formaliter, C. Eminenter, N. Quia cum infinitam habeat potentiam, modo quodam eminentiori eos præcontinet.

Inst. 6. Deus non posset infundere quidquam eminenter, nisi prius præcontineret eminenter; ergo à pari non potest infundere habitus formaliter discursivos, nisi præcontineat eos formaliter.

R. Nego Conf. & paritatem: Ratio disparitatis est, quia ad infundendum aliquid tale formaliter, sufficit præcontine-re eminenter: Sed ad infundendum aliquid tale eminenter, non sufficit præcontinere formaliter: quia, *qui potest plus, potest & minus*, at non vice versâ.

Inst. 7. Qui dat alicui nummum formaliter, habeat necesse est nummum formaliter: ergo à pari, qui dat alicui ha-bitum discursivum, debet præcontinere formaliter talem ha-bitum.

R. Nego Conf. & parit. Ratio disparitatis est, quia actio, qua quis dat alicui nummum, est actio sterilis, seu mera translatio locati: at vero actio, qua quis dat habitum discursivum, est fœcunda, producens idipsum, quod dat.

Inst. 8. Actio, qua sigillum dat ceræ molli figuram, est actio fœcunda: atqui tamen necesse est sigillum præcontinere figuram hujusmodi.

R. Dist. Maj. Est actio fœcunda impropriè, C. Est fœcunda propriè, N. Cum enim illa actio nullum verè producat terminum, sed solam faciat impressionem, non potest dici propriè fœcunda.

O B J E C T I O II.

Si Adamus habuisset Philosophiam infusione, vel habuisset actualem, vel habitualem: atqui neutrum, dici potest.

R. Nego Min. Et dico infusione habuisse Philosophiam habitualem.

Instabis. Adamus non potuit habere per infusionem terminum actionis vitalis: atqui Philosophia habitualis est terminus actionis vitalis, scilicet intellectio-nis, siquidem habitus naturalis nihil aliud est quam terminus actionis vitalis.

R. Dist. Min. Atqui Philosophia habitualis est terminus actionis vitalis, est ordinariè loquendo, & in nobis, C. absolu-tè loquendo & in Adamo, N.

Inst. 2. Non magis terminus actionis vitalis absolute potest haberi per infusionem, quam ipsa actio vitalis.

R. Nego paritatem. Ratio disparitatis est, quia actio vitalis necessariò venit ab intrinseco : non item terminus actionis vitalis.

Inst. 3. Atqui pariter terminus actionis vitalis necessariò venit ab intrinseco ; alioqui simul esset & non esset terminus actionis vitalis.

R. Dist. Subs. Pariter terminus actionis vitalis venit ab intrinseco , terminus formaliter sumptus quatenus terminus , C. Terminus materialiter sumptus , qui solet esse terminus , N. quos enim terminos usu & labore comparamus , hos potest Deus immediate concedere .

Inst. 4. Atqui Philosophia, quæ solet esse terminus actionis vitalis , non potest absolute haberi per infusionem.

Prob. Subs. Philosophia habitualis est habitus discursivus ; atqui habitus discursivus non potest absolute infundi.

Prob. Min. Si habitus discursivus posset infundi, vel uno, vel pluribus instantibus : atqui neutrum dici potest.

R. Nego Min. Et dico posse infundi uno instanti atque etiam pluribus , pro beneplacito infundentis.

Inst. 5. Quo ad primam partem. Habitus , qui essentialiter includit successionem , non potest infundi unico instanti : atqui habitus discursivus includit essentialiter successionem ; quia transitum denotat ab una propositione ad alteram.

R. Dist. Min. Habitus discursivus includit successionem, ut exerceatur , vel etiam acquiratur, C. Ut absolute habeatur , N. nam potest simul & semel haberi.

Inst. 6. Ille habitus includit successionem, ut habeatur , qui necessariò includit speciem priorem & posteriorem : atqui habitus discursivus includit speciem priorem & posteriorem , principii & conclusionis.

R. Dist. Maj. Qui includit speciem priorem & posteriorem tempore , C. naturâ , N. Porro habitus discursivus includit quidem speciem principiorum priorem specie conclusionum , non prioritate temporis , sed naturæ seu causalitatis.

Inst. 7. Cognitio antecedentis prior est cognitione consequentis , etiam prioritate temporis ; ergo habitus discursivus


sivus includit speciem priorem & posteriorem, etiam tempore.

R. Dist. Ant. Cognitio actualis, *cito*; cognitio habituialis, N. At species est cognitio habitualis.



PRIMA PARS PHILOSOPHIÆ.

De rebus Logicis.



QUÆSTIO PRIMA.

De Existentia Lógicæ artificialis.

PROPOSITIO.

Existit Logica artificialis.

PROBATUR. Logica artificialis est ars & scientia directrix operationum mentis ad veritatem per regulas & præcepta; atqui existit ars & scientia directrix operationum mentis per regulas & præcepta; qualia sunt ista, definitio debet esse clarior re definita; divisio debet fieri in membra opposita. Ergo existit Logica artificialis.

O B J E C T I O . I.

Non sunt multiplicanda entia sine necessitate: atqui iniutilis est Logica artificialis.

Prob. Min. Si cuius utilitatis foret Logica artificialis,

maximè ad definiendum, dividendum, & argumentandum : atqui nullus est ad id utilitatis,

Prob. Min. Possimus rectè definire, dividere, & argumentari sine Logica artificiali, per solam naturalem, ergo inutilis est ad id Logica artificialis.

R. Dist. Ant. Possimus definire sine Logica artificiali, sed multò difficulter, C. Facilè & promptè, N. Eo fere modo, quo absolutè possimus peregrinari absque equi vel currū ad iumento, at difficultius.

Instabis. Atqui ad facilè & promptè definiendum sufficit Logica naturalis.

Prob. Subf. Ad facilè & promptè definiendum sufficit ea Logica, quæ certior est artificiali ; atqui Logica naturalis est artificiali certior.

Prob. Min. *Natura certior est arte* (ex axiomate :) atqui Logica naturalis se habet ut natura, Logica vero artificialis se habet ut ars ; ergo Logica naturalis est artificiali certior.

R. Dist. Maj. *Natura certior est arte*, si natura sit determinata ad unicum agendi modum, ut ignis ad optimo modo comburendum, C. Si natura sit indifferens ad plures agendi modos, N. Porrò intellectus noster seu Logica naturalis est indifferens ad plures agendi modos, ad bene & male, facilè & difficile operandum, idèque indiget arte dirigente.

Inst. 2. Atqui Logica naturalis seu intellectus est determinatus ad unicum agendi modum.

Prob. Subf. Facultas necessaria *necessario agens*, est determinata ad unicum agendi modum : atqui intellectus est facultas necessaria, *necessario agens*.

R. Dist. Maj. Facultas necessario agens unico tantum modo, C. Necessario agens hoc vel illo modo, N. Porrò intellectus necessario quidem agit, at non uno tantum modo, sed nunc hoc, nunc illo, nunc bene, nunc male.

Inst. 3. Facultas, quæ non est indifferens ad plures agendi modos, agit necessario uno tantum modo : atqui intellectus non est indifferens ad plures agendi modos, quia liber non est, libertas autem consistit in indifferentiâ.

R. Dist. Min. Atqui intellectus non est indifferens ad plures agendi modos, indifferentiâ activâ, seu electionis, C. Indifferentiâ passivâ, seu determinabilitatis, N.

Inst.

Inst. 4. Ea facultas non est indifferens ad plures agendi modos , quæ inter operandum non indiget juvari per artem : atqui intellectus non indiget juvari per artem.

Prob. Min. Non magis intellectus indiget juvari per artem ad benè & facile intelligendum , quam visus ad benè & facile videndum.

R. Nego Par. Ratio disp. est , quia visus non est facultas reflexiva , quæ suos valeat errores corrigerre arte dirigente. Contra verò intellectus.

Inst. 5. Atqui pariter intellectus suos non valet errores corrigerre arte dirigente.

Prob. Subs. Intellectus non potest corrigerre , quod sibi præsens non est : atqui errores præteriti v. g. definitiones defectuose non sunt amplius intellectui præsentibus , si quidem supponuntur præteriti.

R. Dist. Min. Atqui errores præteriti non sunt amplius præsentibus intellectui , realiter & physicè , C. objectivè & moraliter ; N. Si quidem iterum atque iterum esse possunt objectum intellectus reflectentis.

Inst. 6. Quod semel præteritum est , nunquam redire potest : atqui definitiones erroneæ supponuntur præteritæ ; ergo nunquam redire possunt , ideoque non sunt emendabiles.

R. Dist. Maj. Quod semel præteritum est , nunquam redire potest idem quoad individuum , Esto ; idem quoad speciem , & essentiam communem , N.

Inst. 7. Atqui definitiones , quæ redeunt arti dirigente , non possunt dici eadem quoad speciem cum prioribus erroribus.

R. Dist. Non possunt dici eadem quoad speciem infinitam , C. Quoad speciem subalternam , N. Nam quæ redeunt , sunt definitiones accuratiores prioribus , sub communi tamen genere definitionis in communi.



論語卷之二十一

QUÆSTIO SECUNDA.

De natura Logicæ.

I. PROPOSITIO.

Logica est ars.

PROBATUR. Ars est habitus vera cum ratione effectivus : atqui Logica est habitus vera cum ratione effectivus ; nam ea disciplina est habitus vera cum ratione effectivus, quæ per veras constantesque regulas dirigit effectiones propriæ dictas : atqui Logica per veras constantesque regulas dirigit effectiones propriæ dictas , nempe mentis operationes , ad finem ab honestate morali diversum. Ergo Logica est habitus effectivus , proindeque est Ars.

O B J E C T I O.

ARs denominat hominem artificem : atqui Logica non denominat Logicum artificem.

R. Dist. Maj. Ars Mechanica, C. liberalis, N. Porro Logica est Ars, non qualiscumque, sed liberalis.

Inst. Scientia, quæcumque fuerit, denominat scientem ; ergo à pari ars quælibet denominat artificem.

R. Nego Cons. & par. Ratio disp. est, quia usus invaliduit, ut ille tantum diceretur artifex, qui exercebat artem viam & mechanicam.

Inst. 2. Non datur abstractum sine concreto ; ergo non datur ars sine artifice.

R. Dist. Ant. Non datur abstractum sine concreto , in rei veritate , C. Ex usu recepto , N. Esto igitur Logicus reipsâ sit artifex ; at certè non sic appellari potest, quia usus aliter invaliduit, quo factum est, ut Artificis nomen denotet hominem mechanicis & servilibus vacantem artibus.

Inst. 3. Ars vera versatur circa effectiones : atqui Logica non versatur circa effectiones veras.

Prob.

Prob. Min. Effectio vera est operatio relinquens opus sensibile post se, habens terminum extra operantem, v. g. ædificatio relinquit domum : atqui Logica non attingit operaciones, quæ relinquant opus sensibile.

R. Dist. Mai. Effectio strictè sumpta, seu mechanica, C. Effectio propriè dicta, etiam liberalis, N. Sic Rhetorica non relinquit opus sensibile, & tamen dicitur, *ars bene dicendi*.

Inst. 4. Ars quælibet essentialiter debet differre à natura ; atqui non differret ab ea essentialiter, nisi ars haberet terminum extra operantem.

Prob. Min. Natura dicitur principium motus & quietis, ejus, in quo est, seu motus immanentis : atqui ars foret principium motus & quietis ejus, in quo est seu immanentis ; ergo ars non differret essentialiter à naturâ.

R. Dist. Maj. Natura est principium motus ejus, in quo est, primarium & radicale, C. Secundarium & instrumentale, N. Porro ars est solum principium instrumentale & secundarium.

Inst. 5. Atqui pariter natura est principium motus & quietis secundarium & instrumentale tantum.

Prob. Subf. Intellectus & voluntas sunt quædam natura : atqui intellectus & voluntas sunt principium tantummodo secundarium & instrumentale ; ergo natura est principium agendi, & quidem secundarium.

R. Dist. Min. Atqui intellectus & voluntas sunt principium secundarium, congenitum & physicum, C. Principium acquisitum & morale, N. Porro ars est principium motus, non congenitum, sed acquisitum, non physicum, sed morale.

Inst. 6. Ars nulla debet habere pro fine honestatem ; atqui Logica habet pro fine honestatem.

R. Dist. Maj. Ars nulla habere debet pro fine honestatem moralem, C. civilem, N.

Inst. 7. Atqui Logica habet pro fine honestatem moralis.

Prob. Subf. Logica habet eundem finem, quem habet Philosophia moralis : atqui Philosophia moralis habet pro fine honestatem moralis.

Prob. Maj. Disciplina, quæ habet pro fine Philosophiam moralis comparandam, habet eundem finem, quem habet

Philosophia moralis : atqui Logica habet pro fine Philosophiam moralem comparandam.

R. Dist. Maj. Disciplina, quæ habet pro fine Philosophiam moralem, spectatam ut moralem, C. Spectatam ut scientiam præcisè, N. Porro Logica spectat moralem acquirendam, non ut est moralis, vel prout est scientia.

Inst. 8. Logica spectat moralem, prout ei comparandæ famulatur : atqui Logica famulatur comparandæ Philosophiæ morali, ut est moralis, & non solum ut est scientia.

R. Dist. Maj. Prout morali famulatur comparandæ substantiatione scientiæ genericæ, C. Substantiatione specificæ moralitatis, N. Nam spectat solummodo moralem, prout moralis indiget definitionibus, non habitâ ratione moralitatis vel honestatis ; nisi forte per accidens.



II. PROPOSITIO.

Logica est scientia.

PROBATUR. Habitus demonstrativus rei necessariæ per causas est scientia propriæ dicta. Atqui Logica est habitus demonstrativus rei necessariæ per causas ; nam habitus mentis discursivus est vel demonstrativus, vel Topicus, vel Sophisticus. Atqui Logica est habitus mentis discursivus, qui neque est Topicus, cum non hæreat in meritis opinionibus ; neque Sophisticus, cum non inducat in errorem. Ergo est habitus demonstrativus, proindeque est scientia propriæ dicta.

O B J E C T I O . I.

Disciplina, cuius objectum non est necessarium, non est scientia ; atqui objectum Logicæ non est necessarium, sed valde contingens.

R. Dist. Min. Atqui objectum Logicæ non est necessarium necessitate existentiæ, C. Necessitate essentiæ, N. Neces-

sitas autem essentiæ sufficit ad objectum scientiarum.

Inst. Atqui objectum Logicæ non est necessarium nece-

sita-

sitate essentiæ ; & quavis esset, hoc non sufficeret ad scientiam.

Prob. Subs. *Quoad primam partem.* Quod pendet à nobis liberè operantibus per præcepta, non est necessarium necessitate essentiæ : atqui objectum Logicæ pendet à nobis liberè operantibus per præcepta.

R. Dist. Maj. Quod pendet à nobis liberè operantibus per præcepta mutabiliæ, C. Immutabilia, N. At præcepta Logicæ sunt immutabilia.

Inst. 2. Atqui præcepta vel immutabilia supponunt rem non esse necessariam necessitate essentiæ.

Prob. Subs. Nulla dantur præcepta vel immutabilia de eo, quod est necessario & immutabiliter tale : ergo præcepta supponunt rem non esse necessario talem necessitate essentiæ.

R. Dist. Ant. Nulla dantur præcepta de eo, quod est necessario tale, tum quoad se, tum quoad nos, C. Quoad se tandem, N. Porro operationes mentis non bene semper se habent quoad nos, quia possumus perperam definire, v. g.

Inst. 3. Præcepta traduntur, ut facultas dirigitur inter operandum : atqui frustra dirigeretur facultas in eo faciendo, quod est necessario tale etiam quoad se.

R. Dist. Min. Frustra dirigeretur facultas in eo faciendo, quod est necessario tale quoad se, si illud non possit perperam fieri à facultate, C. Secus, N.

Inst. 4. Atqui præcepta, quæ traduntur à Logicæ, supponunt operationes mentis posse aliter & aliter se habere quoad se.

Prob. Subs. Præceptum Logicæ de definitione fert, inter definiendum afferendum esse genus proximum & differentiam maximè propriam : atqui hoc supponit aliud quidpiam afferri posse.

R. Dist. Min. Hoc supponit aliud quidpiam afferri posse, & tunc non erit vera & accurata definitio, C. Secus, N.

Inst. 5. Atqui erit tunc vera definitio.

Prob. Subs. Erit descriptio : atqui descriptio est vera definitio.

Prob. Min. Species directè & immediatè divisiva generis participat veram illius generis essentiam : atqui descriptio est species divisiva definitionis in genere; ergo descriptio est vera definitio.

R. Dist.

R. Dist. Min. Atqui descriptio est species divisiva definitionis in genere, abstrahentis ab accurata, & minus accurata, C. Definitionis accuratæ, N. Quare descriptio est definitio sed minus accurata.

Inst. 6. Ex illa responseione sequitur essentiam definitionis necessariò non constare ex genere proximo & differentiâ maximè propriâ, nisi ex hypothesi, quod velimus accuratè definire : atqui necessitas hypothetica non sufficit ad objectum scientiæ.

R. Dist Min. Atqui necessitas hypothetica non sufficit ad objectum scientiæ speculativæ, Efto: Practicæ; N.

Inst. 7. Si necessitas hypothetica sufficiat ad objectum scientiæ practicæ, Grammatica esse poterit scientia practica, quia habet objectum necessarium ex hypothesi : atqui hoc nemo dixerit,

R. Dist. Maj. Si necessitas hypothetica purè arbitraria sufficiat, C. Si necessitas hypothetica naturalis sufficiat, N. At quæ est in Grammaticâ hypothesis, est purè arbitraria, v. g. quod verbum activum regat accusativum.

Inst. 8. Atqui necessitas hypothetica objecti Logicæ est arbitraria.

Prob. Subf. Ea necessitas est arbitraria, quæ dicit essentiale ordinem ad liberum nostri arbitrium : atqui necessitas objecti Logicæ dicit essentiale ordinem ad liberum nostri arbitrium.

R. Dist. Min. Atqui necessitas objecti Logicæ dicit ordinem ad liberum nostri arbitrium, ut redigatur ad praxim, C. Ut debeat esse talis, N. Nam præcepta Logicæ sunt aeternæ veritatis.

Probatur secunda pars antecedentis superioris.

O B J E C T I O.

EA necessitas non sufficit ad objectum scientiæ, quæ convenit artibus : atqui necessitas essentiæ convenit artibus benè multis, v. g. arti ædificatorizæ, sutoriæ & aliis.

R. Dist. Maj. Quæ convenit artibus, quæ non sint scientiæ, C. Artibus, quæ sint fint scientiæ, N. Porrò artes benè multis

multæ sunt scientiæ, ut ars ædificatoria, & quæcumque veras faciunt demonstrationes.

Instabis. Scientia est nomen dignitatis, denominans hominem scientem: atqui artes, præsertim mechanicæ, non sunt hujusmodi; quis enim dixerit, sutorum esse scientem?

R. Dist. Maj. Scientia simpliciter & sine addito; C. Scientia secundum quid & cum addito, N. Sic sutor dici potest, non sciens simpliciter, sed sciens sutor.

Inst. 2. Membra ejusdem divisionis debent esse opposita; atqui ars & scientia sunt membra ejusdem divisionis virtutis intellectualis in quinque species.

R. i. Dist. Maj. Debent esse opposita, formaliter, C. Realiter, N.

R. 2. Dist. Min. Atqui ars & scientia speculativa sunt membra opposita; C. Ars & scientia practica, N.

Inst. 3. Ars omnis est habitus effectivus; atqui nulla scientia potest esse habitus effectivus.

Prob. Min. Habitū effectivus est de contingentibus: atqui nulla scientia est de contingentibus.

R. Dist. Maj. Habitū effectivus est de contingentibus quoad existentiam, C. quoad essentiam, N. Scientia autem est de necessariis quoad essentiam duntaxat.

Inst. 4. Scientia est de rebus, quæ requiruntur ad veram demonstrationem: atqui ad veram demonstrationem requiruntur propositiones necessariæ non solum quoad essentiam, sed etiam quoad existentiam.

Prob. Min. Si sufficeret necessitas essentiæ ad veram demonstrationem; ex præmissis necessariis quoad essentiam, semper sequeretur conclusio necessaria: atqui non ita se res habet in sequenti syllogismo:

Omnis Rhetor est Grammaticus:

Atqui omnis Rhetor est homo;

Ergo aliquis homo est Grammaticus.

R. Neg. Min. Vel Dist. Min. Atqui ex præmissis necessariis sequitur conclusio contingens abolutè, C. Hypothetice, N. Nam si omnis Rhetor est Grammaticus & omnis Rhetor sit homo, prorsus necesse est aliquem hominem esse Grammaticum; puta qui dicitur esse Rhetor.

Inst. 5. Ea propositio non est necessaria, cuius contradictoria vera est : atqui contradictoria conclusionis prædictæ potest esse vera ; *Nullus homo est Grammaticus.*

R. Dist. Min. Atqui contradictoria potest esse vera ab-solutè & extra syllogismum, C. Hypotheticè & in syllogismo superiori, N.

Inst. 6. Propositio absolutè necessaria non potest fieri hypotheticè contingens ; ergo nec propositio absolutè contingens, potest fieri hypotheticè necessaria.

R. Neg. Cons. & parit. Ratio dispar est, quia nihil forte addi potest propositioni absolutè necessariæ, per quod reddatur contingens, quippe quæ habeat necessitatem omnimodam : at verò propositioni absolutè contingentи potest addi quædam conditio, per quam reddatur necessaria, hoc pæctio : *Homo est Grammaticus, si fuerit Rhetor.*

O B J E C T I O . II.

Modus sciendi non est scientia : atqui Logica est modus sciendi, ergo Logica non est scientia.

R. Dist. Maj. Modus sciendi non est scientia illa, cuius est modus sciendi, C. Non est scientia, quæ sit ipse modus sciendi, N.

Instabis. Si modus sciendi esset scientia, non esset absurdum quærere simul scientiam & modum sciendi : atqui hoc absurdum est, ex Philosopho.

R. Dist. Maj. Non esset absurdum quærere simul scientiam & modum sciendi, scientiam indistinctam à modo sciendi, C. Scientiam à modo sciendi distinctam, N.

Inst. 2. Atqui non datur scientia à modo sciendi indistincta.

Prob. Subs. Instrumentum non est ejusdem rationis cum eo, cuius est instrumentum ; ergo modus sciendi nunquam potest esse scientia.

R. Dist. Ant. Instrumentum in arte factis, esto ; nam malleus est instrumentum ad alterum malleum : instrumentum in scientis & cognitionibus, N. Nam una cognitio potest esse instrumentum ad aliam.

Inst. 3. Scientia est habitus demonstrativus : atqui instrumentum ad alias scientias non potest esse habitus demonstrati-vus.

Prob.

Prob. Min. Habitus demonstrativus habetur per demonstrationem : atqui instrumentum ad scientias non potest haberi per demonstrationem.

Prob. Min. Quod antecedit omnem demonstrationem, non potest haberi per demonstrationem : atqui habitus demonstrativus antecedit omnem demonstrationem.

Prob. Min. Id cuius est dirigere demonstrationes omnes, antecedit omnem demonstrationem : atqui instrumenti ad alias scientias est dirigere omnes demonstrationes.

R. Dist. hanc Min. Atqui instrumenti ad alias scientias est dirigere demonstrationes, quibus aliæ comparantur scientiæ, C. Demonstrationes, quibus ipsum comparatur sciendi instrumentum, N. Nam prima demonstratio non dirigitur ab alia priori.

Inst. 4. Habitus, qui habet pro objecto demonstrationem in communi dirigendam, dirigit omnes demonstrationes, nullâ exceptâ : atqui instrumentum sciendi habet pro objecto demonstrationes, nullâ exceptâ : atqui instrumentum sciendi habet pro objecto demonstrationem in communi dirigendam.

R. Dist. Maj. Dirigit omnes demonstrationes quatenus confusè comprehensas in demonstratione in communi, C. omnes in particulari, explicitè, & seorsim à demonstratione in communi, N.

Inst. 5. Instrumentum sciendi debet expendere quamlibet in particulari demonstrationem ; ergo dirigit omnes in particulari & seorsim.

R. Dist. Ant. Debet expendere quamlibet in particulari demonstrationem, ut faciam, C. Ut faciendam, Subdist. Per quam comparantur aliæ scientiæ, C. Per quam ipsum comparatur instrumentum sciendi, N.

Inst. 6. Atqui vera non est demonstratio, per quam instrumentum sciendi comparatur.

Prob. Subf. Vera demonstratio facit scientem & convincit de veritate : atqui actus, quo comparatur instrumentum sciendi, non facit scientem, nec convincit.

Prob. Min. Verè non est sciens, qui nescit, utrum cognitio sua habeat caræteres veræ demonstrationis : atqui Logicus dum comparat Logicam, nescit, an cognitio sua habeat caræteres veræ demonstrationis.

Prob. Min. Qui nondum callet leges veræ demonstrationis, nescit an cognitio sua habeat characteres veræ demonstrationis: atqui Logicus inter comparandam Logicam est hujusmodi.

R. Dist. Maj. Qui nondum callet leges veræ demonstrationis faltem virtualiter, & æquivalenter per evidentiam, C. Formaliter, actualiter per reflexionem actualem, N. Nam evidētia æquivalet reflexioni.

Inst. 7. Logica non comparatur nisi per reflexionem actualem; ergo qui non callet leges veræ demonstrationis formaliter & per reflexionem actualem, non habet veram demonstrationem Logicam.

R. Dist. Ant. Logica non comparatur nisi per reflexionem actualem supra ceteras scientias earumque demonstrationes directas & primarias, C. Nisi per reflexionem supra leges veræ demonstrationis, N. Scilicet intellectus primo reflectit suprà demonstrationes aliarum scientiarum, & reflectendo videt sic & sic ratiocinandum esse, & deinde generales condit leges veræ demonstrationis.

O B J E C T I O III.

Scientia est virtus mentis: atqui Logica non est virtus mentis; ergo Logica non est scientia.

Prob. Min. Disciplina, quæ ferè tota est in fallaciis & sophismatibus, non est virtus mentis: atqui Logica tota ferè est in fallaciis.

R. Dist. Min. Atqui Logica ferè tota est in fallaciis detegendis, & solvendis, C. Conficiendis, vel docendis, N.

Instabitis. Disciplina, quæ tradit præcepta tanquam vera, quæ tamen falsa sunt, cerie tota est in fallaciis docendis & conficiendis: atqui Logica est hujusmodi.

Prob. Min. Judicandum est de cœteris Logicæ præceptis, quomodo de regulis, quas tradit Logica de syllogismis, conversionibus, & oppositionibus propositionum: atqui tales regulæ sunt falsæ.

Prima difficultas contra regulas syllogismorum.

Illæ de syllogismis regulæ sunt falsæ, quibus ritè observatis, sequitur conclusio falsa: atqui ritè obliyatis regulis, quas tra-

tradit Logica de syllogismis, sequitur conclusio falsa: ut in sequenti syllogismo,

Omne A est B.

Atqui omne C est A;

Ergo omne C est B.

R. Dist. Min. Sequitur conclusio falsa, per accidens & vi materiæ, C. Falsa per se & vi formæ, N. Scilicet duæ præmissæ allati syllogismi sunt evidenter falsæ, hinc sequitur ex iis conclusio evidenter falsa.

Inst. Facio syllogismum in prima figura.

Omne secundum sequitur immediate prium:

Atqui omne tertium sequitur immediate secundum;

Ergo omne tertium sequitur immediate prium.

Atqui in hoc syllogismo materia syllogismi, nempe propositiones, benè se habet; observantur quoque, quas tradit Logica, regulas; & tamen conclusio est aperiè falsa.

R. Nego observari omnes, quas tradit Logica regulas: nam in hoc syllogismo sunt quatuor termini, medius enim terminus in majori propositione est secundum, in minori vero propositione est sequens secundum. Atqui secundum & sequens secundum, non sunt unus idemque terminus.

Inst. 2. In prædicto syllogismo non sunt quatuor termini, si medius terminus sit unus & idem in duabus præmissis: atqui ita est.

Prob. Maj. In prima propositione medius terminus est secundum: atqui pariter in minori est secundum.

Prob. Min. In prima figura medius terminus in minori est ille terminus, qui immediate sequitur verbum jungens prædicatum cum subjecto: atqui terminus ille in minori allati syllogismi est secundum.

R. Dist. Maj. Est ille terminus, qui immediate sequitur verbum jungens prædicatum cum subjecto: & est in recto casu, C. Est in obliquo, N. At in minori propositione superiores

ris syllogismi vox secundum, est in obliquo, seu accusativo; verbum autem sequitur, gerit vices copulæ simul & prædicati, hoc pacto, est sequens secundum.

Inst. 3. Atqui in minori superioris syllogismi medius terminus non est sequens secundum; ergo nulla solutio.

Prob. Subf. Medius terminus minoris propositionis alicujus syllogismi, est ille terminus, de quo habetur jam sermo in majori; atqui in majori superioris syllogismi non habetur sermo hujos termini, sequens secundum.

R. Dist. Maj. Medius terminus minoris syllogismi formati, C. informis, N. Porro superior syllogismus non est in forma: si quidem in eo sunt quatuor termini, ut dictum est.

Inst. 4. Atqui ut terminus alicujus propositionis censatur prædicatum, nihil refert, an sit in recto casu vel obliquo; ergo nulla responsio superior.

Prob. Ant. En propositio: *Petrum pœnitet peccati*: atqui hujus propositionis subjectum, *Petrum*, est in obliquo. Idem de prædicato dicendum.

R. Dist. Min. Subjectum est in obliquo, si spectetur vox materialiter sumpta, C. Si spectetur sensus vocis, N. Nam hæc propositio, *Petrum pœnitet peccati*, revocatur ad istam; *Petrus est pœnitens peccati*.

Altera difficultas contra regulas syllogismo- rum.

Regula Logicæ de syllogismis est, *ex puris negantibus non rectè concludi*, atqui hæc regula falsa est.

R. Neg. Min. Ratio hujus regulæ est, quia si ambæ præmissæ sunt negantes, duo extrema separantur in illis à medio termino; sed ex eo, quod separentur à medio termino in præmissis, non sequitur, quod separentur à se invicem in conclusione: sic v. g. *ex eo*, quod lapis & marmor separentur ab homine, non sequitur separari à se invicem.

Inst. 1. Ideò dicitur *ex puris negantibus non rectè concludi*, quia ex eo, quod duo extrema in præmissis negantibus fuerint à medio termino separata, non sequitur, quod separentur à se invicem in conclusione: atqui è contra rectè inferunt ideo separari in conclusione.

Prob.

Prob. Min. Ex eo, quod duo extrema in præmissis affirmantibus sint cum medio termino unita, sequitur uniri inter se in conclusione; ergo à pari ex eo, quod fuerint separata à medio termino, sequitur separari à se invicem in conclusione.

R. Nego Cons. & paritatem. Ratio disparitatis est, quia *Quæ sunt eadem uni tertio, sunt eadem intersæ: at quæ sunt diversa uni tertio, non sunt diversa inter se; sicut quæ sunt æqualia uni tertio, sunt æqualia inter se: at quæ sunt inæqualia uni tertio, non statim inter se inæqualia sunt.*

Inst. 2. Facio syllogismum in prima figura.

*Nullus lapis est equus:
Atqui nullus homo est lapis;
Ergo nullus homo est equus.*

In secunda verò figura.

*Nullus lapis est equus:
Atqui nullus homo est equus;
Ergo nullus homo est lapis.*

In tertia tandem figura.

*Nullus lapis est equus:
Atqui nullus lapis est homo;
Ergo nullus homo est equus.*

Sed in his syllogismis aliquid concluditur, verum ex puris negantibus.

R. Dist. Min. In his syllogismis aliquid verum concluditur ex puris negantibus, verum per accidens, vi materiæ & consequentis, C. Per se, vi formæ, & consequentiæ, N.

Inst. 3. Facio syllogismum in prima figura:

*Qui non colit Deum, non erit salvus:
Atqui impius non colit Deum;
Ergo impius non erit salvus.*

Sed in hoc syllogismo aliquid verum concluditur per se & vi formæ ex puris negantibus.

R. Neg. Min. Namque minor istius syllogismi, quæ apparet primâ fronte negans, reipsâ est affirmans; & sic verti debet (*Impius est is, qui non colit Deum,*) id enim postulat dispositio syllogismi, ut sit idem medius terminus in minori, qui fuit in majori.

Inst. 4. Tam ista minor, *Impius non colit Deum*, est negativa, quam ista: *Petrus non currit*: atqui hæc posterior est negans.

R. Dist. Min. Atqui ista propositio, *Petrus non currit*, est negans, absolute, & extra syllogismum, C. Hypotheticè, & in syllogismo, N. v. g. in sequenti:

Qui non currit, non accipiet præmium;
Atqui Petrus non currit;
Ergo Petrus non accipiet præmium.

In hoc syllogismo, Minor hæc: *Petrus non currit*: est reipsâ affirmans, & hunc habet sensum, *Petrus est is, qui non currit*.

Inst. 5. Illa propositio est negans, in qua reperitur particula *non ante copulam verbalem*: atqui in ipsis propositionibus, *Impius non colit*, *Petrus non currit*, reperitur particula *non ante copulam verbalem*, contentam in his vocabulis, *colit*, *currit*.

R. Dist. Min. Reperitur particula *non ante copulam verbalem* propositionis incidentis, C. Propositionis principalis, N. Scilicet in hac Minore: *Impius non colit Deum*, duæ continentur propositiones, una principalis, altera incidentis, & hæc est prædicatum prioris. Id patet, si exprimatur hoc modo; *Impius est is, qui non colit Deum*.

Inst. 6. Aut prædictæ propositiones sunt negantes, aut nulla est propositio negans, falso consequens.

R. Dist. Maj. Aut nulla est propositio negans in paribus syllogismis, C. Absolute, N. Sic ista propositio, quæ absolute negans est, *Lapis non est animal*, evadit affirmans in sequenti syllogismo:

Quod non est animal, non est homo;
Atqui lapis non est animal;
Ergo lapis non est homo.

Hæc, inquam, Minor, *lapis non est animal*, evadit affirmans, & hunc habet sensum in syllogismo:

Lapis est id, quod non est animal.

Ratio hujus veritatis evidens est: nam debet esse idem ter-

terminus medius in Majore, qui fuit in Majore : sed medius terminus in Minore, qui erat subjectum, sic se habet, *quod non est animal*: ergo idem medius terminus debet esse prædicatum in minore, siquidem syllogismus est in prima figura, *Sub, præ prima*, ergo prædicatum minoris esse debet; *quod non est animal*: quo posito, tota minor sic se habet: *lapis est, quod non est animal*.

Inst. 7. Propositio absolute affirmans, nunquam evadit in syllogismo negans; ergo à pari propositio absolute negans nunquam evadit in syllogismo affirmans.

R. Neg. Cons. & parit. Ratio disparitatis est, quia propositio absolute affirmans, non continet ullam negationem, neque ante neque post copulam; proindeque eadem manens nequit fieri negans: at vero propositio absolute negans continet negationem, quæ si postponatur copulæ verbali, jam propositio erit affirmans seu infinitans; sed ordo syllogismi exigere potest, ut postponatur hæc negatio, ut mox demonstratum est.

Prima objectio contra regulas conversionum.

Regula Logicæ est, propositionem particularem affirmantem posse converti simpliciter, *fecit simpliciter convertitur*: atqui hæc regula falsa est.

Prob. Min. Facio propositionem particularem affirmantem: *aliquis senex fuit juvenis*, vel, *aliquis aper est in sylva*: atqui hæc propositiones non possunt converti simpliciter.

R. Neg. Min. Nam convertuntur sic: *aliquis olim juvenis, nunc est senex*; *aliquid existens in sylva, est aper*.

Inst. 1. Ut ista propositio converteretur impliciter, *aliquis senex fuit juvenis*, dicendum foret, *aliquis juvenis fuit senex*; falsum consequens.

R. Neg. Maj. Sed dicendum est, *aliquis olim juvenis*. nunc est senex.

Inst. 2. Ut fiat conversio simplex, est præcisè transferendum prædicatum in locum subjecti ceteris manentibus ut prius: atqui in convertenda hac propositione, si præcisè transferatur prædicatum in locum subjecti, dicendum erit, *aliquis juvenis fuit senex*.

R. Neg. Min. Nam prædicatum prædictæ propositionis

non est præcisè, *juvenis*. Sed, si ita loqui fas est, *præteritus juvenis*: & significatur per *fuit juvenis*; Sicque verti debet: *aliquis præteritus juvenis est senex*.

Inst. 3. Atqui prædicatum hujus propositionis est præcisè *juvenis*: ergo nulla solutio.

Prob. Subs. In omni propositione prædicatum est ille terminus, qui sequitur copulam verbalem: atqui terminus *juvenis* præcisè sequitur copulam verbalem hujus propositionis, nempe sequitur verbum *fuit*.

R. Neg. Min. Namque verbum *fuit*, non solum gerit vices copulæ, sed etiam partis alicuius prædicati: significat enim, *est præteritus*; & vox illa, *præteritus* est pars prædicati hujus propositionis: *Aliquis senex fuit juvenis*.

Inst. 4. In conversione simplici propositionis nihil quidquam mutari debet præter translationem terminorum: atqui si dicatur: *aliquis olim juvenis, est nunc senex*, aliquid insuper mutabitur.

R. Dist. Maj. Nihil quidquam mutari debet quoad sensum & significationem, C. Quoad verba, N. Nam potest explicari expressè, quod in voce aliqua habebatur confusè tantum: ut v. g. in voce, *fuit*, & hoc contingit, quoties verbū non est in præsenti.

Inst. 5. Ista propositio est de præsenti: *aliquis aper est in sylva*, neque tamen converti post simpliciter.

Prob. Min. Si converteretur simpliciter, dicendum foret, *aliqua sylva est in apro*; falsum consequens.

R. Neg. Maj. Nam sylva non est prædicatum propositionis, sed existens in *sylva*; igitur dicendum est, *aliquid existens in sylva est aper*.

Inst. 6. In hac propositione: *aliquis aper est in sylva*: verbum, *est*, non significat, *existit*, seu, *est existens*; ergo non debet dici, *aliquid existens in sylva est aper*.

Prob. Ant. In hac propositione, *Homo est animal*, verbum, *est*, non significat, *existit*, seu, *est existens*; ergo nec in istâ, *aliquis aper est in sylva*.

R. Neg. Cons. & paritatem: Ratio disparitatis est, quia hæc propositio, *Homo est animal*, est in materia necessaria, altera vero est in materia contingente.

Secunda difficultas contra regulas conversio-
num.

Regu-

Regula Logicæ est, propositionem universalem affirmantem non posse converti simpliciter, sed per accidens, *Eva per accidens*; atqui hæc regula falsa est.

Prob. Min. Facio propositionem universalem affirmantem, *Omnis homo est rationalis*: atqui hæc converti potest simpliciter sic, *omne rationale est homo*.

R. Dist. Min. Atqui hæc converti potest simpliciter, vi materiæ, C. Vi formæ, & in rigore logico, N. Nam in rigore logico dicendum est, *aliquid rationale est homo*.

Inst. Quæ in rigore sunt reciproca, possunt de se invicem universaliter affirmari in rigore: atqui, *homo*, & *rationale*, sunt in rigore duo reciproca.

R. Dist. Maj. Quæ sunt in rigore reciproca in propositione, & vi propositionis, C. Entitativè, N. Porrò ad veritatem propositionis hujus necesse non est, *rationale*, sumi universaliter; quia sensus propositionis non est, omnem hominem esse *omne rationale*.

Inst. 2. Sensus prædictæ propositions foret, *omnis homo est aliquid rationale*: atqui hoc falsum est.

Prob. Min. Qui dicit, *omnis homo est aliquid rationale*, supponit aliquid esse rationale præter hominem: atqui hoc supponere, est falsum supponere.

R. Dist. Maj. Supponit aliquid esse rationale præter hominem, supponit præscindendo ab affirmatione aut negatione, C. Supponit affirmando rem ita se habere, N. id est, qui dicit *omnis homo est rationalis*, non expendit, utrum solus homo sit rationalis, necne, sed solùm affirmat hominem esse rationalem. Ut autem vera sit propositio, satis est, si homo fuerit de rationalibus; necesse non est, ut solus sit rationalis.

Inst. 3. Ille terminus sumitur universaliter in propositione, cui præfigi potest particula, *omnis*; atqui in hac propositione, *omnis homo est rationalis*, huic termino, *rationalis*, præfigi potest particula, *omnis*.

Resp. Dist. Maj. Cui potest præfigi particula, *omnis*, potest ex necessitate, ut vera sit propositio, C. Potest absque necessitate, N. at Logicus spectat solùm, quid in rigore necesse sit ad tuendam propositionum veritatem.

Inst. 4. Nisi ex necessitate præfigeretur, particula, *omnis*, huic termino, *rationalis*, dici posset aliquod rationale non esse hominem: atqui hoc dici non potest.

R. Dist.

R. Dist. Maj. Dici posset aliquod rationale non esse hominem, si contrarium aliunde non constaret, C. Si constet, N. At aliunde constat, proindeque quod fuerat in suspeso vi propositionis affirmantis, *omnis homo est rationalis*, verificatur aliunde.

Inst. 5. Si constet aliunde nihil esse rationale praeter hominem, dici potest omnem hominem esse omne rationale.

R. Dist. Dici potest vi materiæ & reciprocationis, C. Vi formæ & affirmationis, N.

Tertia difficultas contra regulas conversionum.

Regula Logicæ est, propositionem universalem negantem posse converti simpliciter. *FEcl simpliciter convertitur*: atqui hæc regula falsa est.

Prob. Min. Facio propositionem universalem negantem, *Nullus homo est Philosophus*: atqui ista propositio non potest converti simpliciter.

Prob. Min. Si converteretur simpliciter, dicendum fore, *Nullus Philosophus est homo*; atqui hoc dici non potest.

R. Dist. Min. Dici non potest, *Nullus Philosophus est homo*, supponendo, aliquem existere Philosophum, C. secūs, N. Nam si verum est, nullam humanitatem esse conjunctam cum Philosophiâ, verum quoque est, nihil conjunctum cum Philosophiâ esse humanitatem.

Inst. Hæc conversio supponeret aliquem esse Philosophum, qui non sit homo.

R. Dist. Supponeret conditionatè, C. Absolutè, N. Nam dum dico, *Nullus Philosophus est homo*, idem est, ac sic dicere, *nullus Philosophus*, si datur aliquis, *est homo*: quandoquidem nullus homo est Philosophus, ex hypothesi.

Prima objectio contra regulas oppositionum.

Regula Logicæ est, duas propositiones contradictorias esse non posse simul veras aut simul falsas: atqui hæc regula falsa est:

Probatur Min. Facio duas propositiones contradictorias,

Omnis miles est exercitus:

Aliquis miles non est exercitus.

Atqui duæ istæ propositiones sunt ambæ veræ. Verum est omnes milites esse exercitum, verum quoque aliquem militem in particulari non esse exercitum.

R. Nego illas propositiones esse contradictorias: nam non sunt de eodem subiecto. In primâ propositione subiectum est, *omnis miles*, sumptus pro collectione omnium simul militum. In secundâ subiectum est, *aliquis miles*, sumptus pro distributione unius militis; at collectio & distributio militum constituant duo subiecta propositionum diversa.

Inst. Dum dicitur *omnis homo est rationalis*; *aliquis homo non est rationalis*, ibi est contradic̄tio; ergo à pari dum dicitur,

Omnis miles est exercitus:

Aliquis miles non est exercitus.

R. Nego Conf. & parit, Ratio dispar, est; quia dum dicitur, *omnis homo est rationalis*, hoc accipitur de omni homine distributivè sumpto, quo fit, ut subinde dici nequeat, aliquem hominem distributivè non esse rationalem: at vero dum dicitur, *omnis miles est exercitus*, hoc accipitur de omni milite collectivè sumpto tantum: quo fit, ut subinde dici queat, aliquem militem distributivè, non esse exercitum: nám non pugnat, omnem militem collectivè sumptum esse exercitum; non esse vero, distributivè sumptum.

Secunda objectio contra regulas oppositionum.

Facio duas propositiones contradictorias:

Nullus oculus est necessarius ad videndum,

Aliquis oculus est necessarius ad videndum.

Sed illæ propositiones sunt ambæ falsæ. Falsum est nullum oculum esse necessarium ad videndum; falsum quoque, aliquem oculum esse necessarium ad videndum.

R. Nego Min. Nam si falsum est, nullum oculum esse necessarium ad videndum: ergo verum est aliquem oculum esse necessarium ad videndum.

Inst. Falsum est aliquem oculum esse necessarium ad vi-
den-

dendum, si neque dexter neque sinister sit necessarius: atqui neque dexter, neque sinister est necessarius: non quidem dexter, quia sufficit sinister; neque sinister est necessarius, quia sufficit dexter.

R. Dist. Min. Neque dexter neque sinister est necessarius determinatè, C. Indeterminatè, N. Ideòque aliquis oculus indeterminate sumptus, est necessarius ad videndum: quamobrem duæ prædictæ propositiones, quatenus sibi sunt contradictoriæ, nec sunt ambæ veræ, nec falsæ; sed una vera, altera falsa, nam vel accipiuntur, hoc sensu:

Nullus oculus determinatè sumptus, est necessarius ad videndum.

Aliquis oculus determinatè sumptus, est necessarius ad videndum.

Et tunc prima est vera, secunda falsa: vel accipiuntur hoc sensu:

Nullus oculus indeterminatè sumptus, est necessarius ad videndum,

Aliquis oculus indeterminatè sumptus, est necessarius ad videndum.

Et tunc prima est falsa, secunda est vera.

Tertia objectio contra regulas oppositionum.

Suppono esse quatuor homines in scholâ: tres illorum scribere, quarto non scribente, & interim quenamiam dicere.

Omnes in scholâ scribunt,

Aliqui in scholâ non scribunt.

Sed duæ illæ propositiones sunt ambæ falsæ, & tamen contradictoriæ.

R. Nego Min. Et dico, unam esse veram, alteram falsam, quâ parte sunt contradictoriæ: nam hæc propositio, *Aliqui non scribunt*, est implicitè duplex hoc pacto, Petrus v. g. non scribit: Paulus non scribit; una autem illarum est vera, sicut generalis hæc, *omnes in scholâ scribunt*, erat falsa, ex eo, quod unus eorum non scriberet; & ergo prior erat fal-

falsa, quia Petrus non scribit, vera est ita posterior, Petrus non scribit, quæ includitur in illa, aliqui in schola non scribunt.

III. PROPOSITIO.

Logica non est Scientia propriè dicta.

PROBATUR. Scientia non est de rebus, quæ pendent à nobis liberè operantibus; Atqui Logica est de rebus, quæ pendent à nobis liberè operantibus, nimurum mentis operacionibus vero conformandis. Ergo Logica non est Scientia propriè dicta.

O B J E C T I O.

Virtus mentis demonstrativa est scientia propriè dicta; atqui Logica est virtus mentis demonstrativa, ex Philosopho; ergo Logica est scientia dicta.

R. Dist. Min. Virtus mentis demonstrativa formaliter,
C. Demonstrativa directivè solum, N. Porro Logica dicitur demonstrativa directivè solum, eò quod doceat modum consciendi demonstrationes accuratas.

Inst. Atqui Logica est demonstrativa formaliter; ergo nulla solutio.

Prob. Subf. Habitus mentis discursivus, qui neque est formaliter topicus, neque formaliter sophisticus, est formaliter demonstrativus: atqui Logica est habitus mentis discursivus, neque formaliter topicus, neque formaliter sophisticus; ergo est habitus formaliter demonstrativus.

R. Dist. Maj. Est formaliter demonstrativus, latè loquendo, quatenus est cognitio rei necessaria secundum essentiam, C. Demonstrativus propriè & accuratè loquendo, N. Quia non est de re necessaria secundum existentiam.

Inst. 2. Atqui Logica est habitus formaliter demonstrativus propriè loquendo.

Prob. Subf. Ille habitus est propriè demonstrativus, qui propriè dictas & accuratas conficit demonstrationes: atqui Logica est hujusmodi.

Prob. Min. Et affero demonstrationem Logicæ.

*Omnis oratio explicans naturam rei definitæ
debet constare ex genere & differentiâ.*

*Atqui definitio est oratio explicans naturam
rei definitæ.*

*Ergo definitio debet constare ex genere &
differentiâ maximè propria.*

Sed hæc est demonstratio propriè dicta & valdè accu-
rata.

R. Nego Min. Nam demonstratio propriè dicta debet
esse de obiecto propriè demonstrabili : atqui demonstratio Lo-
gicæ de definitione non eit de te demonstrabili ; quia hoc eit
de re necessaria , sed contingentî.

Inst. 3. Tam allata mox demonstratio Logicæ est pro-
priè dicta & accurata , quam ista demonstratio Physicæ.

*Quod constat ex elementis contrariis , est cor-
ruptibile.*

*Atqui mixtum constat ex elementis contrariis.
Ergo mixtum est corruptibile.*

R. Nego Maj. & par. Ratio disp. eit , quia hæc demon-
stratio physices de mixto , fit de re necessaria tam secundūm
existentiam , quam secundūm essentiam : at vero demonstra-
tio Logices de definitione fit solum de re necessaria quoad es-
sentiam ; proindeque syllogismus physices eit magis necessa-
rius.

Inst. 4. Ideò superior demonstratio Physices dicitur
propriè dicta & accurata , quia fit de corpore , quod ex hypo-
thesi , quod existat , debet esse necessariò tale ; atqui pariter de-
monstratio Logices fit de definitione , quæ ex hypothesi , quod
fiat , debet constare ex genere & differentiâ.

R. Dist. Maj. Quod ex hypothesi , quod existat , debet
esse tale , ex hypothesi , quæ non pender à libertate nostra , C.
Quæ pender à libertate nostra , N. At vero definitionis neces-
itas pender ex hypothesi , quæ tota est in libertate nostra :
proindeque contingenter se habet.

Inst.

Inst. 5. Licet corpus naturale pendeat à libertate Dei in sua existentia: nihilominus sufficientem habet necessitatem ad scientiam constituendam; ergo à pari, licet definitio pendeat à libertate nostra, habeat sufficientem necessitatem ad scientiam.

R. Nego Conf. & par. Ratio dispar, est, quia, quæ pendent à libertate Dei, majorem habent constantiam & necessitatem, quam quæ pendent à libertate hominum, quæ inconstans est & mutabilis.

Inst. 6. Tanta saltē est nebstitas essentiæ in objecto Logices, quanta est in objecto Physics: atqui hoc sufficit, ut Logica tam scientiæ propriè dicta, quam Physica.

Prob. Min. Ad Logicam constituendam scientiam propriè & accurate, sufficit sola necessitas, quæ sola spectatur à scientiis propriè dictis: atqui sola necessitas essentiæ spectatur à scientiis propriè dictis; nullatenus verò spectatur necessitas existentiæ.

Prob. Min. Ibi non spectatur necessitas existentiæ, ubi nullatenus attenditur existentia; atqui in scientiis propriè dictis nullatenus attenditur existentiæ objecti: ergo nec illius existentiæ necessitas.

Prob. Min. In scientiis propriè dictis nullatenus attenditur id, quod se habet contingenter ad objectum, estque ab eo separabile sine illius interitu: atqui existentia objecti se habet contingenter ad objectum, estque ab eo separabilis.

Confirmatur hoc ratiocinium. Si necessitas existentiæ spectatur à scientiis, propriè dictis, sola Metaphysica, quæ tractat de Deo, et let scientia accurate loquendo: atqui hoc falsum est in principiis adversiorum.

Prob. Maj. Si necessitas existentiæ spectatur à scientiis accurate dictis, ea sola erit scientia accurate, quæ sola habet objectum accurate loquendo necessarium quoad existentiam: atqui sola Metaphysica, quæ tractat de Deo, habet objectum accurate loquendo necessarium quoad existentiam.

Urgebis tandem: Existentia corporis naturalis & existentia Dei magis distant, quam existentia operationum mentis, & existentia corporis; ergo sicut hoc non impedit, quin Physica sit accurate loquendo scientia, ut Metaphysica: ita impedire non debet, quin Logica sit accurate loquendo scientia, ut Physica.

Ab hujusmodi difficultatibus videant, quomodo se se
extricent, qui negant, Logicam esse scientiam accuratè lo-
quendo.

VI. PROPOSITIO.

Logica est Practica.

PROBATUR. Ea disciplina est Præctica, quæ non conquiescit in objecti sui contemplatione, sed transit ad opus; atqui Logica non conquiescit in objecti sui contemplatione, sed transit ad opus; nam ea disciplina transit ad opus, quæ tota est in tradendis de objecto suo conficiendo regulis; atqui Logica est hujusmodi; sic docet, qua ratione sit conficienda definitio accurata, quo pacto sit instituenda argumentatio; Ergo Logica transit ad opus, proindeque est practica.

O B J E C T I O N .

Disciplina, quæ non dirigit præsum, non est practica; atqui Logica non dirigit præsum.

Prob. Min. Si Logica dirigeret primum, intellectus esset practicus in suis operationibus; atque intellectus non est practicus in suis operationibus.

Prob. Min. Facultas, quæ sit prædicta se se extendendo ad operationes aliarum à se facultatum, non est practica insuismet operationibus : atqui intellectus extensione fit practicus, ex Philosopho.

R. Dist. Min. Intellectus extensione fit practicus, praxi strictè sumpta, pro sola actione libera, C. Praxi propriè dicta, pro qualibet operatione dirigibili per præcepta, N.

Inst. i. Atqui intellectus non est practicus, praxi propriis dicta in suis met operationibus.

Prob. Subf. Facultas, quæ versatur circa speculationes propriè dictas, non est practica praxi propriè dictâ; atqui intellectus in suis operationibus versatur circa speculationes propriè dictas.

R. Dist. Min. Intellectus in suis operationibus versatur
cir-

circa speculations, quatenus sunt praxes in Logica, C. Quatenus sunt speculations in aliis scientiis, N.

Inst. 2. Logica versatur circa operationes mentis, quatenus sunt definitiones divisiones & argumentationes: atqui sub hoc respectu sunt speculations, quatenus speculations.

R. Dist. Maj. Logica versatur circa operationes, quatenus sunt definitiones operabiles per præcepta Logicæ, C. Quatenus sunt definitiones objectorum præcisè, N. Hoc posteriori modo spectantur ab aliis à Logica scientiis.

Inst. 3. Atqui Logica considerat definitiones quatenus sunt veræ speculations.

Prob. Subs. Sub eo respectu definitiones sunt speculations, sub quo sua non faciunt objecta: atqui Logica considerat definitiones, quatenus sua non faciunt objecta, v. g. definitionem corporis prout non transit ad fabricam corporis.

R. Dist. Maj. Sub eo respectu definitiones sunt speculations objectorum suorum, C. sunt speculations Logicæ, N. Nam definitio, v. g. corporis est simul speculatio & praxis, speculatio corporis, & praxis respectu Logicæ, à quâ fabricatur per præcepta.

Inst. 4. Atqui definitiones, quatenus fabricantur à Logica, sunt veræ speculations respectu Logicæ; ergo, &c.

Prob. Subs. Definitiones Astronomicæ vel Geometricæ quatenus fabricantur ab Astronomia vel Geometria, sunt veræ speculations respectu Astronomiæ vel Geometriæ; ergo à pari definitiones Logicæ, quatenus fabricantur à Logica, sunt veræ speculations respectu Logicæ.

R. Nego Cons. & par. Et ratio dispar. est, quia definitiones Astronomicæ vel Geometricæ non sunt objectum Astronomici vel Geometrici: at vero definitiones Logicæ fabricantur à Logica tanquam proprium Logicæ objectum; scientia autem dicitur practica, quando suum facit objectum.

Inst. 5. Ideò definitiones Astronomicæ vel Geometricæ sunt veræ speculations respectu utriusque, quia sunt actus Astronomici & Geometrici respondentes habitui Astronomico & Geometrico: atqui pariter definitiones Logicæ sunt actus Logici respondentes habitui Logicæ.

R. Dist. Min. Atqui definitiones Logicæ sunt actus Logicæ simul & objectum Logicæ ab ea faciendum, C. Sunt actus Logici præcisè, N.

Inst. 6. Atqui Logica propriè non facit definitiones tanquam suum objēctum.

Prob. Subs. Cognoscere naturam, species & proprietates rei alicujus, non est rem istam propriè facere; atqui Logica nihil aliud præstat circa definitiones, quām cognoscere earum naturam, species & proprietates.

R. Dist. Maj. Cognoscere speculativè, in contemplatione sistendo, C. Cognoscere practicè, tradendo præcepta de re conficiendâ, N. At Logica tradit præcepta de definitionibus conficiendis.

Inst. 7. Non aliter Logica cognoscit naturam & proprietates definitionis, quām Mathematica cognoscit naturam & proprietates trianguli; atqui Mathematica cognoscit speculativè.

R. Nego Maj. & par. Ratio dispar. est, quia Mathematica ita cognoscit naturam trianguli, ut non intendat facere: at vero Logica cognoscit definitionem ea intentione, ut faciat.

Inst. 8. Licet Mathematica dicat, triangulum constare tribus angulis, non censetur proinde intendere fabricam trianguli; ergo à pari licet Logica dicat, definitionem constare genere & differentiâ, non statim censiari debet intendere constructionem definitionis.

R. Nego Cons. & par. Ratio dispar. est, quia Mathematica id dicit, non ut doceat, quomodo fabricandus sit triangulus: at vero id dicit Logica, ut doceat, quomodo sit facienda definitio.

Inst. 9. Logica non intendit docere, quomodo sit facienda id, quod est tale independenter à Logica, atqui definitio est talis independenter à Logica; ergo Logica non intendit docere, quomodo sit facienda definitio.

R. Dist. Min. Atqui definitio est talis independenter à Logica, talis quoad essentiam seu veritatem objēctivam, C. Talis quoad existentiam in rerum natura, N. At Logica intendit eam facere quoad existentiam.

Inst. 10. Logica non intendit facere quoad existentiam, id quod non considerat quoad existentiam: atqui Logica non considerat definitiones quoad existentiam, sed solum quoad essentiam, ut & aliæ scientiæ.

R. Dist. Min. Atqui Logica non considerat definitio-

nem

nem quoad existentiam Logica ut scientia præcisè, C. Ult præctica, N. Nam ratio præxeos addit supra essentiam objecti considerationem existentiæ.

O B J E C T I O II.

Logica est scientia; atqui scientia ut scientia, præcisè est speculativa; ergo Logica est speculativa.

R. Nego Min. Nam scientia ut scientia præcisè abstrahit à speculativa & præctica, sicut genus à suis speciebus.

Inst. 1. Virtus mentis est vel speculativa vel præctica: atqui scientia ut scientia præcisè est virtus mentis, nec est præctica: ergo est speculativa.

R. Dist. Maj. Virtus mentis specificè & in particulari, vel est speculativa vel præctica, C. Virtus mentis in genere & in communi, N. Nam sic abstrahit.

Inst. 2. Species virtutis mentis, est virtus mentis specificè: atqui scientia ut scientia præcisè, est una è quinque speciebus virtutis mentis; ergo scientia ut scientia, est virtus mentis specificè & in particulari.

R. Dist. Min. Atqui scientia ut scientia præcisè est una è speciebus virtutis mentis, species subalterna, C. species infima, N. Nam scientia ut scientia, est genus subalternum divisibile in duas species inferiores, in speculativam & præticam.

Inst. 3. Atqui scientia ut scientia in genere est speculativa.

Prob. Subf. Scientia speculativa dicitur ea, quæ ita cognoscit objectum, ut non transit ad opus: atqui scientia ut scientia in genere cognoscit objectum, nec transit ad opus. Ergo scientia ut scientia in genere est speculativa.

R. Dist. Maj. Scientia speculativa dicitur ea, quæ non transit ad opus, sed positivè sistit in contemplatione objecti, C. Nec positivè sistit in contemplatione objecti sui, N. Porro scientia ut scientia in genere non transit quidem ad opus, sed nec positivè sistit in contemplatione objecti: at abstrahit ab uno quoque.

Inst. 4. Eo ipso scientia sistit in contemplatione objecti, quo suum cognoscens objectum non transit ad opus: atqui scientia ut scientia in genere non transit ad opus.

R. Dist. Maj. *Eo ipso scientia sicut negativè in contemplatione objecti, C. Sicut positivè, N. Sicut animal generatim est negativè irrationale, quia non est rationale.*

Inst. 5. Atqui Logica est scientia, quæ positivè sicut in contemplatione objecti.

Prob. Subs. Disciplina, quæ tota est circa speculationes, positivè sicut in contemplatione objecti: atqui Logica tota est circa speculationes, nempe circa operationes mentis.

R. Dist. Maj. *Quæ tota est circa speculationes ut speculationes, C. Ut praxes, N. Porro operationes mentis spectantur à Logicâ tanquam praxes seu faëlibiles per præcepta.*

Inst. 6. Sub eo respectu operationes mentis non sunt praxes, sub quo non sunt operabiles: atqui Logica considerat operationes mentis, quatenus non sunt operabiles.

Prob. Min. *Logica considerat definitionem in genere: atqui definitio in genere non est operabilis, quia produci singularium est.*

R. Dist. Min. *Atqui definitio in genere non est operabilis per se proximè, C. Per sua singularia, N. Per hanc enim & illum definitionem producitur definitio generatim, sicut per hoc & illud individuum naturæ humanæ producitur homo generatim.*

Inst. 7. *Licet corpus naturale in genere sit operabile per hoc & illud corpus in particulari, nihilominus Physica, quæ spectat corpus in genere, censetur speculativa; ergo à pari licet definitio in genere sit operabilis per sua singularia, Logica, quæ spectat definitionem in genere, censi debet speculativa.*


R. Nego Conf. & par. *Ratio dispar, est, quia Physica non spectat corpus ut operabile à se ipsa, nec de illo confiendo tradit præcepta; è contra verò Logica considerat definitiones ut operabiles à se ipsâ per suas regulas.*

Inst. 8. *Actus non sunt operabiles nisi ab ea facultate, cuius sunt essentialiter actus proprii: atqui operationes mentis sunt essentialiter actus intellectus: ergo non sunt operabiles à Logica.*

R. Dist. Maj. *Actus non sunt operabiles Physicè seu elicitiu[n]e nisi à facultate, C. Non sunt operabiles moraliter seu directivè, N. Quare operationes mentis eliciuntur ab intellectu & diriguntur à Logica.*

Inst. 9. Actus sempiternæ veritatis non indigent dirigi à Logica; atqui operationes mentis, v. g. Definitio, sunt sempiternæ veritatis.

R. Dist. Min. Atqui operationes mentis sunt sempiternæ veritatis, si spectentur in se ipsis, suaque veritate objectiva, C. Si spectentur per ordinem ad intellectum, N. Nam possunt bene vel male fieri, esse veræ vel falsæ; Logica autem instituta est, ut intellectus dirigatur in illis, ut par est, conficiendis.



V. PROPOSITIO.

Logica est speculativa.

PROBATUR. Hæc propositio in principiis Thomistarum sic. Disciplina, quæ tota est circa speculationes, est speculativa: atqui Logica non est circa speculationes; est enim tota circa mentis operationes, quæ sunt totidem speculationes, nusquam vero praxes; cum praxis sit alterius ab intellectu facultatis, juxta illud, *Intellectus extensione sit practicus*. Ergo Logica tota est circa speculationes, proindequæ est speculativa.

O B J E C T I O.

Ea disciplina est practica, quæ intendit objecti sui confectionem: atqui Logica intendit objecti sui confectionem, sicut de objecto suo præscribit: ergo Logica est practica.

R. Dist. Maj. Quæ intendit objecti sui confectionem, si illa confection sit praxis, C. Si illa confection sit speculatio, N. Porro confection objecti Logicæ quædam est speculatio, v. g. confection syllogismi est actualis ejus speculatio, cum fiat speculando, seu cognoscendo.

Instabis. Ea disciplina intendit confectionem objecti sui practicam, quæ tradit regulas de objecto suo conficiendo: atqui Logica tradit regulas de objecto suo conficiendo; ergo Logica intendit objecti sui confectionem practicam.

R. Dist. Maj. Quæ tradit regulas de objecto suo confiando, regulas practicabiles, C. speculabiles, N. Porrò quas tradit Logica regulas, eae non sunt practicæ, quia sunt regulæ bene speculandi sive cognoscendi veritatem.

Inst. 2. Regulæ, quæ tendunt ad opus aliquod, verè sunt practicabiles: atqui quas tradit Logica regulas, eae tendunt ad opus, v. g. *Definitio debet constare ex genere & differentia;* ergo regulæ Logicæ sunt practicabiles.

R. Dist. Maj. Regulæ, quæ tendunt ad opus aliquod extra intellectum, C. Ad opus intra intellectum, N. Porrò regulæ omnes Logicæ tendunt ad opus intra intellectum, id est, ad operationes mentis, quæ sunt totidem speculations.

Inst. 3. Atqui opus intra intellectum potest esse praetitum, seu subjacere praxi.

Prob. Subs. Opus intra intellectum sunt, definitio, divisio & argumentatio: atqui hæ operationes sunt totidem praxes.

Prob. Min. Praxis est executio, seu applicatio præceptorum ad usum: atqui definitio, divisio & argumentatio subjacent executioni præceptorum Logicæ ad usum; ergo praxi subjacent.

R. Dist. Maj. Praxis est executio præceptorum ad usum, executio operis alicujus propriè faciendi, C. executio speculationis, N. At definire, dividere, & argumentari, est speculari; quod patet vel ex eo, quod scientiæ omnes speculativæ definiunt, dividant & argumententur.

Inst. 4. Ibi est opus aliquod propriè faciendum, ubi est aliquid contingens, & multifariam operabile à nobis: atqui definitio, divisio & argumentatio sunt aliquid contingens operabile à nobis, & quidem multifariam; ergo definitio, divisio & argumentatio sunt opus propriè faciendum.

R. Dist. Maj. Si contingens illud atquè operabile non sit vera speculatio, C. Si sit speculatio, N. At operationes mentis sunt puræ speculations, quia sunt cognitiones veritatis.

Inst. 5. Idem sit judicium de cœteris operationibus mentis, quod de syllogismo: atqui syllogismus non est speculatio respectu Logicæ.

Prob. Min. Ea operatio non est speculatio pura , in qua reperitur artificiosa quædam rerum cognitarum dispositio : at qui in syllogismo reperitur artificiosa dispositio terminorum & propositionum.

R. Dist. Maj. In qua reperitur artificiosa rerum cognitarum dispositio, quæ fiat per transpositionem localem, aut aliam actionem practicam, qualis est dispositio domus, C. Dispositio, quæ fiat per speculationem ordinis rerum cognitarum, N. Unde ipsa syllogismi effectio est speculatio, quia nihil aliud est quam apprehensio ordinis rerum cognitarum ad invicem.

Inst. 6. Ea syllogismi dispositio verè practicum est aliquid, quæ ordinatur etiam ad scientias practicas: atqui dispositio syllogismi ordinatur ad scientias practicas, quæ scilicet continentur syllogismis.

R. Dist. Maj. Quæ ordinatur ad scientias practicas sub eo respectu, sub quo sunt practicæ, C. Sub eo respectu, sub quo non sunt practicæ, N. At scientia practica primò speculator, deinde procedit ad opus faciendum; Logica autem & syllogismus ipsi deserviunt tantum ad speculandum. Ita respondet R. P. GOUDIN insignis de Schola Thomistarum Philosophus.

Quæst. Praæambula. Art. 4. De Natura Logica.

ஓட்டுக்கூடியதையும் : ஓட்டுக்கூடியதை
QUESTIO TERTIA.

De objecto Logices.

I. PROPOSITIO.

Res omnes non sunt objectum Logicæ.

PROBATUR. Illud non est objectum Logicæ, cuius notitiam *primo* per se Logica non intendit; atqui rerum omnium notitiam Logica *primo* per se non intendit; hoc enim minus est aliarum à Logica scientiarum. Ergo res omnes non sunt objectum Logicæ.

O B J E C T O.

Idem est objectum Logicæ, quod & actuum Logicæ: atqui res omnes sunt objectum actuum Logicæ, v. g. definitio-
num; ergo & ipsius Logicæ.

R. 1. Dist. Maj. Idem objectum Logicæ actualis, C. Ha-
bitualis, N. Num ipsa Logica actualis seu actus Logicæ, est ob-
jectum Logicæ proximum.

R. 2. Dist. Maj. Quod est objectum actuum Logicæ di-
rigentium, C. Directorum, N. Porrò res omnes sunt objecta
actuum Logicæ directorum, sed non dirigentium: nam actus
directi sunt proximum objectum actuum dirigentium.)

Instabis. I. Illud est objectum actuum Logicæ dirigenti-
um, quod cognoscitur per Logicam, quodque ab ea expendi-
tur ex professo: atqui res omnes cognoscuntur per Logi-
cam, & ab ea expenduntur ex professo in Tractatu de Cate-
goriis.

R. Dist. Maj. Quod cognoscitur per Logicam proximè
& immediatè, C. Remotè tantùm & mediatè, N. Porrò res o-
mnes per Logicam cognoscuntur mediantibus operationibus
mentis, & expenduntur à Logica non propter se, sed propter
operationes mentis dirigendas.

Inst. 2. Illud per se proximè cognoscitur & expenditur
à Logica, in quod primò per se cadunt præcepta Logicæ: at-
qui præcepta Logicæ per se primò cadunt in res omnes defini-
endas & dividendas.

Prob. Min. Eodem modo judicandum est de coeteris
Logicæ præceptis; quomodo de ipsis duobus: *Divisio* debet
fieri in membra adæquata. *Definitio* debet constare ex
genere & differentia: atqui hæc duo præcepta primò per se
cadunt in res definiendas & dividendas.

R. Neg. Min. Nam primò per se cadunt in definitionem
& divisionem formaliter sumptas, prout sunt operationes.

Inst. 3. Hæc duo præcepta primò per se cadunt in id,
quod dividi potest, quod constat ex genere & differentia: atqui
res definiendæ, dividendæ possunt dividi, & constant ex genere
& differentia; non item operationes mentis formaliter.

R. Dist. Min. Atqui res definiendæ, dividendæ sunt di-
visi-

visibiles, & constant genere & differentia entitativè, C. repræsentativè, N. At hæc præcepta docent primò per se, quid repræsentare sibi debeat intellectus inter definiendum & dividendum: sed operationes mentis sunt divisibiles repræsentativè, quia possunt repræsentare membra divisionis adæquata.

Inst. 4. Hæc duo præcepta Logicæ primò per se cadunt in id, quod potest reciprocari cum re definita: atqui res cognita reciprocari potest, non autem ipsa cognitio, quæ quia non identificatur cum re definita, non potest cum ea reciprocari; ergo non cadunt in id, quod conitat genere & differentiam repræsentativè.

R. Dist. Maj. Cadunt in id, quod potest reciprocari repræsentativè, C. entitativè, N. At cognitio reciprocatur repræsentativè, quatenus repræsentat aliquid reciprocum, v. g. Definitio hominis repræsentat animal rationale cum homine reciprocum.

Inst. 5. Atqui hæc duo præcepta cadunt in id, quod est reciprocum entitativè cum re definita.

Prob. Subs. Hæc duo præcepta Logicæ primò per se cadunt in id, quod prius est magisque spectabile: atqui esse reciprocum entitativè, prius est magisque spectabile, quam esse reciprocum repræsentativè, quia prius est esse, quam esse cognitum vel repræsentatum.

R. Dist. Maj. Quod est prius magisque spectabile respectu Logicæ, C. Quod est prius absolutè & in se, N. Porro respectu logicæ prius est esse reciprocum repræsentativè, quia Logica primò per se intendit docere, quid debeat operatio mentis repræsentare inter definiendum & dividendum.

Inst. 6. Illud est prius magisque spectabile respectu Logicæ, de quo primò per se Logica præscribit: atqui de rebus v. g. de genere & differentia primò per se Logica præscribit.

R. Dist. Maj. De quo primò per se Logica præscribit tanquam de objecto materiali suo, C. Tanquam de materia objecti materialis, N. Sicut enim colores in pictura sunt materia picturæ, sed non objectum ejus materiale, potius verò tabella; sic genus & differentia aliique termini sunt materia operationum mentis & Logicæ, at non objectum materiale.

Inst. 7. In scientiis materia & objectum materiale sunt quid idem; atqui termini Logici sunt materia Logicæ; ergo & objectum materiale.


R. Dist. Maj. Materia *circa quam*, C. Materia *ex qua*; N. At termini Logici sunt materia Logicæ, ex qua coalescunt operationes mentis, sicut colores sunt materia, ex qua fit tabella.

Inst. 8. Illud est objectum materiale Logicæ, seu materia circa quam, propter quod instituta est Logica: atqui Logica instituta est propter res cognoscendas clare & distinctè.

R. Dist. Maj. Propter quod tanquam objectum, C. tanquam finem, N. At Logica instituta est propter operationes mentis tanquam objectum, & propter res distinctè cognoscendas tanquam finem Logicæ: sicut architectura instituta est propter ædificium, tanquam objectum, & propter commodam habitationem, tanquam finem.

Inst. 9. In scientiis practicis objectum & finis sunt quid idem.

R. Dist. Objectum & finis proximus, C. Objectum & finis remotus, N. Ut videre est in Architectura.



II. PROPOSITIO.

Non sola demonstratio est objectum Logicæ.

PROBATUR. Illud solum non est objectum Logicæ, quod non solùm intendit à Logica; atqui non sola demonstratio intendit à Logica: Logicus enim non minus intendit definire aut dividere quam demonstrare: Ergo non sola demonstratio est objectum Logicæ.

O B J E C T I O.

Illud est objectum Logicæ adæquatum, ad quod Logica refert, quæcumque tractat; atqui Logica refert ad demonstrationem solam, quæcumque tractat; ergo sola demonstratio est objectum Logicæ.

Prob.

Prob. Min. Habitus, qui dicitur simpliciter demonstrativus, refert, quæcumque tractat ad demonstrationem: atqui Logica dicitur simpliciter demonstrativa.

R. Dist. Min. Atqui Logica dicitur demonstrativa, id est scientifica, ut & aliæ scientiæ, C. Demonstrativa, quasi habeat pro objecto demonstrationes. Subdistinguo, pro objecto inadæquato magisque præcipuo, C. Pro objecto adæquato & uno, N. Scilicet magis eluet vis ingenii in demonstratione quam in apprehensione, vel judicio: ideoque forsitan Logica denominatur præterim à demonstratione, demonstrativa.

Inst. I. Si apprehensio & judicium referantur ad argumentationem, certè ad eam referuntur, quæcumque tractantur in Logica, tanquam ad objectum unicum & adæquatum: atqui apprehensio & judicium referuntur ad demonstrationem.

Prob. Min. Omnis pars refertur ad suum totum: atqui apprehensio & judicium sunt partes demonstrationis; ergo referuntur ad demonstrationem.

R. Dist. Maj. Omnis pars per se, & ex natura sua, C. Pars per accidens, N. At apprehensio & judicium non sunt partes per se demonstrationis, quia per se sine demonstratione manifestant veritatem.

Inst. 2. Partes essentiales totius sunt partes per se & ex natura sua: atqui apprehensio & judicium sunt partes essentiales demonstrationis, sine quibus nulla potest esse vel concipi demonstratio; ergo sunt partes per se demonstrationis.

R. Dist. Min. Atqui apprehensio & judicium sunt partes essentiales demonstrationis, ex parte demonstrationis, C. Ex parte sui, N. Sicut milites sunt partes essentiales exercitus, ex parte exercitus, at non ex parte sui.

Inst. 3. Atqui apprehensio & judicium per se & ex parte sui referuntur ad demonstrationem.

Prob. Subf. Apprehensio & judicium per se & ex parte sui referuntur ad finem ultimum intellectus: sed finis intellectus ultimus est demonstratio; ergo referuntur ad demonstrationem.

R. Dist. Maj. Per se & ex parte sui referuntur ad finem ultimum intellectus, finem adæquatum, C. inadæquatum, N. At demonstratio est finis solum inadæquatus mentis.

Inst. 4. Summa & ultima perfectio intellectus, est finis ejus adæquatus : atqui demonstratio est summa & ultima perfectio intellectus ; ergo est finis ejus adæquatus.

R. Dist. Min. Atqui demonstratio est summa & ultima perfectio intellectus, ordine dignitatis & executionis, C. ordine intentionis & relationis, N. Nam intellectus non minus intendit definire quam demonstrare.

Inst. 5. Se habent apprehensio & judicium ad demonstrationem, sicut materia & forma ad corpus naturale : atqui materia & forma per se & ex parte sui referuntur ad corpus.

R. Nego Maj. & par. Ratio disp. est, quia materia & forma sunt entia per se incompleta, nata ingredi compositionem corporis : at vero apprehensio & judicium sunt operationes per se completæ, per se manifestantes veritatem.

Inst. 6. Ideò materia & forma sunt partes per se corporis, quia de se exigunt componere corpus : atqui pariter apprehensio & judicium de se exigunt componere demonstrationem.

Prob. Min. Quæ non possunt assequi finem suum seorsim à demonstratione, de se exigunt componere demonstrationem : atqui apprehensio & judicium non possunt assequi finem suum seorsim à demonstratione.

R. Nego Min. Quia possunt seorsim à demonstratione manifestare veritatem : definitio quidem, explicando naturam rei per genus & differentiam : Divisio autem aperiendo partes & species.

Inst. 7. Finis apprehensionis & judicij in Logica est parere scientiam : atqui apprehensio & judicium seorsim à demonstratione non possunt parere scientiam, si quidem scientia est foetus demonstrationis.

R. Dist. Min. Atqui apprehensio & judicium seorsim à demonstratione non possunt parere scientiam strictè sumptam, pro cognitione per causas, C. Scientiam latè sumptam, pro cognitione certa & evidente præcisè, N.

Inst. 8. Logica, quæ est instrumentum sciendi potissimum, spectat id, quod parit scientiam perfectiorem : atqui demonstratio parit scientiam perfectiorem quam apprehensio & judicium ; quia cognitio per causas perfectior est cognitione simplici absque notitia causæ.

R. Dist.

R. Dist. Maj. Logica potissimum spectat id, quod parit scientiam perfectiorem, spectat tanquam objectum primarium & præcipuum, C. Tanquam objectum adæquatum & unicum, N. Porro objectum scientiæ primarium, non est semper unicum & adæquatum: sic v. g. Deus est objectum primarium Metaphysics, non tamen unicum: nam insuper Eius generationem, substantia, accidens, Angelus & anima rationalis sunt de ipsius objecto totali & adæquato.



III. PROPOSITIO.

Tres mentis operationes sunt objectum Logices.

PROBATUR. Illud est objectum Logicæ adæquatum, quod primò per se intenditur à Logica, & ad quod referuntur, quæcunque tractantur in Logica. Atqui tres mentis operationes sunt hujusmodi; quia quæcumque tractantur in Logica, vel sunt operationes mentis, vel earum principia, proprietates, & appendices. Ergo tres mentis operationes sunt objectum Logices adæquatum.

O B J E C T I O.

Illud non est objectum Logicæ, quod non consideratur à Logica propter se, sed propter aliud: atqui tres mentis operationes non considerantur à Logica propter se, sed in gratiam aliarum rerum in aliis scientiis cognoscendarum.

R. Dist. Min. Atqui tres mentis operationes considerantur à Logicâ propter aliud tanquam finem ultimum, C. Propter aliud tanquam objectum Logicæ, N. Nam aliae scientiæ comparandæ sunt finis ultimus Logicæ, at non illius objectum: sicut commoda habitatio est finis Architecturæ, at non ejus objectum.

Inst. I. In disciplinis practicis objectum & finis sunt unum & idem: atqui tres mentis operationes non sunt finis Logicæ; ergo nec objectum.

R. Dist. Maj. Objectum & finis proximus sunt unum & idem, C. objectum & finis remotus atque ultimus, N. Porro

Porro tres mentis operationes sicut sunt objectum Logicæ, ita sunt ejus finis proximus.

Inst. 2. Objectum & finis proximus Logicæ debet habere unitatem, commensurationem, distinctionem & relationem; atqui tres mentis operationes non habent illas conditiones, v. g. unitatem & distinctionem.

Prob. Min. *De unitate*, Operationes essentialiter diversæ non habent unitatem: atqui tres mentis operationes sunt essentialiter diversæ; ergo non habent unitatem.

R. Dist. Maj. Operationes essentialiter diversæ non habent unitatem specificam, C. Genericam, N. At habent operationes mentis unitatem genericam: *primò ex eo*, quod sint operationes mentis: *secundò ex eo*, quod sint dirigibles ad veritatem per regulas Logicæ.

Inst. 3. Ut operationes mentis haberent unitatem genericam requisitam ad objectum Logicæ, deberent omnes esse dirigibles ad veritatem: atqui non sunt omnes dirigibles ad veritatem.

Prob. Min. Apprehensio prima mentis operatio, non est dirigibilis ad veritatem; ergo non sunt omnes ad veritatem dirigibles.

Prob. Ant. Operatio ita semper vera, ut nunquam possit esse falsa, certè non est dirigibilis ad veritatem: atqui apprehensio simplex semper est veritatis particeps & quidem necessariò; ergo non est dirigibilis ad veritatem.

R. Dist. Maj. Operatio semper vera non est dirigibilis ad veritatem, metu erroris & falsitatis, C. Metu confusionis & obscuritatis, N. At apprehensio dirigitur à Logica, si non metu falsitatis, saltem metu obscuritatis & confusionis, quæ solet occurrere inter apprehendendum.

Inst. 4. Atqui apprehensio simplex non est dirigibilis ad veritatem, metu obscuritatis & confusionis.

Prob. Subs. Operatio simplicissima, unicum simplexque repræsentans objectum non potest esse obscura vel confusa: atqui apprehensio simplex est operatio simplicissima; unicum simplexque repræsentans objectum; ergo nec obscura, nec confusa esse potest.

R. Dist. Maj. Operatio simplicissima tam formaliter quam præsuppositivè, C Formaliter solum, N. Porro apprehensio est quidem simplex formaliter, sed est præsuppositivè com-

complexa; quia multa præsupponit objecta ita permixta, ut sine tractatu de Categoriis & Universalibus, difficile sit unumquodque distinctè percipere.

Inst. 5. Si apprehensio non sit formaliter confusa vel obscura, ergo formaliter sumpta non est dirigibilis ad veritatem.

R. Dist. Cons. Ergo formaliter sumpta non est dirigibilis per se, suamque immediatè essentiam, C. Per conditiones requiritas, sine quibus ipsa non potest bene se habere, N.

ஆகூலாகுதிர்வூல்குதிர்வூல்குதிர்வூல் : ஆகூலாகுதிர்வூல்குதிர்வூல்

QUÆSTIO QUARTA.

De necessitate Logices ad alias scientias.

I. PROPOSITIO.

Logica non est simpliciter necessaria ad alias scientias in statu perfecto comparandas.

PROBATUR. Ea disciplina non est simpliciter necessaria ad alias scientias in statu perfecto comparandas, sine qua cœteræ scientiæ possunt absolute comparari in statu perfecto; atqui sine Logica artificiali possunt comparari cœteræ scientiæ, in statu perfecto; nam scientiæ primariæ & directæ possunt comparari sine scientia secundaria tantum & reflexa. Atqui cœteræ præter Logicam scientiæ, sunt primariæ & directæ; Logica vero est scientia secundaria tantum & reflexa, quæ non comparatur nisi per reflexionem supra cœteras scientias præhabitas. Ergo sine Logica artificiali possunt comparari cœteræ scientiæ, vel etiam in statu perfecto, proindeque Logica non est simpliciter necessaria ad illas scientias etiam in statu perfecto comparandas.

O B J E C T I O.

*E*a disciplina est simpliciter necessaria ad alias scientias comparandas, sine qua cœteræ scientiæ non possunt absolute comparari in statu perfecto: atqui sine Logica cœteræ scientiæ non possunt absolute comparari.

Prob. Min. Sine ea disciplina non possunt aliæ scientiæ
PARS I. E com-

comparari, quæ sola scientes facit, quâ clausâ clauduntur aliæ, quâ apertâ cœteræ omnes patent: atqui Logica artificialis est hujusmodi, ex S. August. Lib. de Ordine, cap. 3.

R. Dist. Min. Atqui sola Logica scientes facit, spestanto id, quod ut plurimum fit, C. Spectando id, quod fieri potest absolute, N. Licet enim ordinariè aliæ scientiæ non acquirantur nisi interventu Logicæ, possunt tamen absolute comparari sine Logica.

Inst. 1. Ut aliquis sit perfectè sciens, debet scire se scire, se bene processisse in acquirenda scientia sua: atqui sine Logica artificiali nemo potest absolute scire se scire.

Prob. Min. Nemo potest absolute scire se scire sine modo & instrumento sciendi: atqui modus seu instrumentum sciendi, est Logica artificialis.

R. Dist. Maj. Nemo potest scire se scire sine modo sciendi naturali, C. Sine modo sciendi artificiali, N. At Logica naturalis est modus sciendi naturalis & absolute sufficiens.

Inst. 2. Atqui nemo potest scire se scire sine modo sciendi artificiali.

Prob. Subf. Nemo potest scire se scire, nisi calleat leges tutò procedendi in scientiis acquirendis: atqui sine modo sciendi artificiali nemo potest scire leges tutò procedendi in scientiis acquirendis.

R. Dist. Maj. Nisi calleat leges tutò procedendi in scientiis, calleat æquivalenter per Logicam naturalem seu evidentiā, C. Nisi calleat formaliter per actualem reflexionem, N.

Inst. 3. Atqui sine modo sciendi artificiali nemo potest scire æquivalenter & sufficienter leges procedendi in scientiis.

Prob. Subf. Nemo potest scire sufficienter leges procedendi in scientiis, nisi aliundè penetret bonitatem definitionis, divisionis & demonstrationis: atqui sine modo sciendi artificiali nemo potest aliundè penetrare vim & bonitatem definitionis, divisionis & demonstrationis.

R. Nego Min. Nam per solam terminorum evidentiam, atque sedulam attentionem penetrari potest absolute vis & connexio prædicati cum subiecto, antecedentis cum consequen-

quente; idque liquet, vel ex eo quod prima demonstratio, per quam comparata fuit prima Logica, sine regulis & legibus comparata fuerit.

Inst. 4. Nemo potest abundè penetrare bonitatem definitionis, divisionis & demonstrationis, nisi noverit genus & differentiam, majus & minus extremum: atqui sine modo sciendi artificiali nemo potest cognoscere, quid sint genus & differentia, majus & minus extremum.

R. Dist. Min. Atqui sine modo sciendi artificiali nemo potest cognoscere, quid sit genus formaliter sumptum, ut genus est, C. Quid genus materialiter sumptum, quod est genus, v. g. vivens sentiens in homine, N. At sufficit absolutè dignoscere genus materialiter sumptum.

Inst. 5. Atqui ad habendam scientiam in statu perfecto non sufficit cognoscere genus materialiter, aut majus extremum materialiter sumptum.

Prob. Subs. Ut aliquis habeat scientiam in statu perfecto, ita debet esse comparatus, ut valeat solvere fallacias & sophismata contra veritatem pugnantia: atqui hoc nemo præstare potest, nisi dignoscatur genus & majus extremum formaliter sumptum.

R. Dist. Maj. Ut valeat resolvare fallacias & sophismata utendo terminis naturalibus & primæ intentionis, v. g. *causæ, effectus, partis, totius*, C. utendo terminis artificialibus & secundæ intentionis, v. g. *ex puris negantibus, vel ex puris particularibus nihil concluditur*, N. At sufficit ad hoc cognoscere genus materialiter, pariter & majus minusve extremum.

Inst. 6. Nemo potest solvere fallacias pugnantes contra rectam Logicæ formam, nisi noverit formam Logicam: atqui fieri potest, ut fallaciae se teneant ex parte formæ syllogisticæ, & pugnant contra rectam Logicæ formam.

R. Dist. Maj. Nisi noverit formam Logicæ saltem æquivalenter per evidentiam, C. Formaliter per reflexionem supra leges & regulas syllogismorum, N. v. g. Si fallacia concludat ex particularibus, respondebit, qui fuerit Logicæ artificiali destitutus, nihil sequi ex parte ad totum.

Inst. 7. Tam ad rectè differendum, vel ad resolvendas
diffi-


difficultates contra operationes mentis, opus est Logicā artificiali formaliter sumptā, quam opus est arte pingendi vel saltandi, ad recte & sine errore pingendum & saltandum: atqui hoc posterius necesse est.

R. I. Nego Maj. & par. Ratio dispar. est quia in aliis artibus nihil est fortassis, quod æquivaleat earum regulis & præceptis: at in Logicā est aliquid æquivalens regulis Logicæ artificialis, nimurum evidētia connexionis prædicati cū subiecto, consequentis cū antecedente.

R. 2 Nego Min. Nam absoluē loquendo potest aliquis, quamquam difficultas, appositi pingere sine arte pingendi formata; sic qui primus omnium recte pinxit, videtur pinxit se absque arte pingendi formata.

Inst. 8. Nemo potest habere objectum Logicæ sine Logicā: atqui operationes mentis sunt objectum Logicæ.

R. Dist. Min. Operationes mentis ut dirigendæ per regulas & præcepta Logicæ, C. Operationes mentis præcisæ, N. Quare opus est Logicā artificiali ad operationes mentis exercendas per regulas & præcepta: non ad operationes mentis simpliciter & absoluē exercendas, evidētiā monstrante viam.



II. PROPOSITIO.

Logica est simpliciter necessaria ad alias scientias in statu perfecto comparandas.

PROB. Ea disciplina est simpliciter necessaria ad alias scientias in statu perfecto comparandas, sine quā nemo potest esse perfectè sciens & imperturbabilis in suā scientiā. Atqui sine Logicā artificiali nemo potest esse perfectè sciens, & imperturbabilis in scientiā suā; nam nemo potest esse perfectè sciens, nisi sciat se benè processisse in scientiā suā: atqui sine Logicā nemo potest scire se benè processisse in sua scientia; quia sola Logica docet modum benè procedendi in scientiis comparandis. Ergo sine Logica artificiali nemo potest

test esse perfectè sciens, proindeque Logica esse simpliciter necessaria ad alias scientias in statu perfecto comparandas.

O B J E C T I O.

EA scientia non est simpliciter necessaria ad alias scientias, sine quā cæteræ scientiæ poslunt absolute comparari: atqui sine Logica artificiali possunt absolute comparari aliæ scientiæ in statu perfecto.

Prob. Min. Scientiæ directæ & primariæ possunt absolute comparari sine scientia reflexa & secundaria: atqui cæteræ scientiæ sunt directæ, Logica vero artificialis, est reflexa & posterior.

R. Dist. Min. Atqui cæteræ scientiæ sunt directæ & priores, si spectentur in statu imperfecto, C. Si spectentur in statu perfecto, N. Igitur Logica est prior simul & posterior aliis scientiis: prior illis in statu perfecto spectatis; posterior illis in statu imperfecto.

Inst. 1. Tunc scientia habetur in statu perfecto, quando est cognitio vera, certa & evidens rei necessariæ per causas: atqui antè Logicam inventam per reflexionem, fuerunt cognitiones veræ, certæ, & evidentes rerum necessariarum per causas.

R. Dist. Maj. Quando est cognitio talis, ut sciens sit imperturbabilis in sua scientia, C. Secus, N. At sine Logica artificiali nemo sciens esse potest imperturbabilis in sua scientia, quia poterit irretiri fallaciis & sophismatibus.

Inst. 2. Tunc aliquis est sciens & imperturbabilis in sua scientia, quando evidentem deprehendit connexionem consequentis cum antecedente: atqui sine Logica artificiali deprehendi potest evidens connexionem antecedentis cum consequente: v. g. in Physica sic, *Corpus mixtum constat ex contrariis, ergo est corruptibile.*

R. Dist. Min. Potest sine Logica deprehendi evidens connexionem consequentis cum antecedente in materia faciliori, C. In quaunque materia, vel difficiliore, N. Ad hoc enim non sufficit naturale lumen.

Inst. 3. Res Mathematicæ sunt materia difficultis: atqui sine Logica artificiali deprehendi potest evidens connexionem.

nexio consequentis cum antecedente in rebus Mathematicis.

Prob. Min. Sunt Mathematici, & quidem eruditionis singularis, qui numquam rebus Logicis studuerunt; ergo sine Logica artificiali deprehendi potest evidens connexio consequentis cum antecedente in rebus Mathematicis.

R. Dist. Ant. Sunt Mathematici, qui nunquam rebus Logicis studuerunt seorsim à Matheſi, C. Unā cum Matheſi, N. Nam didicerunt simul & Matheſim & Logicam, audiendo quid esset definitio, divisio & argumentatio.

Inst. 4. Illi sunt perfecti Mathematici, qui Mathematicas conclusiones omnes deducunt ex principiis: atqui sine ulla Logica possunt deduci conclusiones Mathematicæ omnes.

Prob. Min. Quæ continentur in principiis à Logica independentibus, possunt deduci ex illis sine Logica; atqui conclusiones Mathematicæ omnes continentur in principiis Matheſeos à Logica independentibus.

R. Dist. Maj. Quæ continentur formaliter & explicitè, C. virtualiter tantum & implicitè, N. At conclusiones Matheſeos continentur implicitè solum in principiis: ideoque opus est Logicâ, ut tutò inde eruantur sine errandi formidine.

Inst 5. Atqui ut eruantur tutò conclusiones Matheſeos ex principiis nullâ opus est artificiali Logicâ.

Prob. Subf. Logica requiritur solum ad eas facilius eruendas, non autem ad eas absolutè eruendas: ergo possunt absolute erui ex principiis sine Logica artificiali.

Prob. Ant. Habitus naturalis dat solum, ut facilius obtineamus, quod sine illo absolutè possumus, v. g. habitus temperantiae ad facilius vivendum temperanter: atqui Logica artificialis est habitus naturalis; ergo dat solum, ut facilius eruamus conclusiones Matheſeos.

R. Dist. Min. Atqui Logica artificialis est habitus naturalis, Logica habitualis, C. Actualis, N. At Logica saltem actualis seu reflexio supra operationes requiritur absolutè, ut tutò differamus.


Inst. 6. Si opus esset Logicâ artificiali ad eruendas con-

conclusiones in Mathematica aliisque scientiis, Logica esset quoque necessaria ad seipsum, ut suas erueret conclusiones: atqui hoc dici non potest.

R. Nego Maj. Nam quamvis aliæ scientiæ egeant Grammaticâ ad congruè loquendum, ipsa tamen Grammatica non eget alia priori Grammaticâ ad congruè loquendum. Ita quamvis aliæ scientiæ egeant Logicâ, ipsa tamen Logica non eget alia Logicâ ad differendum; quia *quod est tale per se, non indiget fieri tale per aliud.*

Inst. 7. Logica esset necessaria ad eruendas conclusiones Logicas: atqui conclusiones Logicæ sunt ipsa Logica, saltem actualis: ergo necessaria esset ad seipsum.

R. Dist. Maj. Logica dirigens & secundum diversas sui partes, C. Logica directa & secundum eandem sui partem, N. Porro conclusiones Logicæ sunt ipsa Logica directa, non autem dirigens; Logica igitur dirigens est necessaria ad directam: sed directa non est necessaria ad seipsum, alioquin esset prior & posterior ipsâ.



QUÆSTIO QUINTA.

De distinctione Logicæ docentis ab utente.

I. PROPOSITIO.

Logica docens & utens sunt duo habitus realiter inter se distincti.

PROBATUS. Illi habitus distinguuntur realiter, qui tollunt distinctas realiter difficultates; atqui Logica docens & utens tollunt distinctas realiter difficultates; nam Logica docens tollit difficultatem, qui occurrit in cognoscendis Logicæ præceptis; Logica vero utens tollit difficultatem, quæ occurrit in applicandis Logicæ præceptis: atqui eæ difficultates sunt ab invicem realiter distinctæ & separabiles; sic enim sæpius, ut superatâ difficultate, quæ est in cognoscendis Logicæ præceptis, supersit adhuc difficultas non mediocris in iisdem præceptis applicandis; idque præsertim

videre est in regulis syllogismorum executioni demandandis. Ergo Logica docens & utens tollunt distinctas realiter difficultates, proindeque sunt duo habitus realiter inter se distincti.

O B J E C T I O.

Illi habitus non distinguntur realiter, qui non tollunt diversas difficultates; atqui Logica docens & utens non tollunt diversas difficultates; ergo Logica docens & utens non distinguuntur realiter.

Prob. Min. Si superatā difficultate, quæ est in cognoscendis Logicæ præceptis, nulla remaneat difficultas superanda iu applicandis, certè Logica docens & utens non tollunt diversas difficultates: atqui superatā per docentem difficultate, quæ est in cognoscendis logicæ præceptis, nulla remanet difficultas superanda per utentem in iisdem applicandis.

Prob. Min. Si remaneret alia difficultas in applicandis præceptis superatā difficultate in cognoscendis, illa difficultas se teneret vel ex parte materiæ, vel ex parte formæ logicæ, vel ex parte facultatis dirigentis & exequentis; atqui non se tenet, *Primo* ex parte materiæ, quia eam subministrare aliarum est scientiarum. *Secundò*, non se tenet ex parte formæ, quia eam suppeditat logica docens. *Tertiò*, non ex parte facultatis dirigentis & exequentis, quia idem est intellectus, qui docet & exequitur præcepta Logicæ.

R. Nego Min. Et dico novam illam difficultatem se tenere ex parte formæ, non quidem cognoscendæ, sed introducendæ in materiam; vel potius ex parte facultatis exequentis, quæ nescio quam ingenii tarditatem experitur in applicandis logicæ præceptis.

Inst. I. Ibi nulla debet se tenere difficultas ex parte facultatis exequentis, ubi eadem est facultas dirigens & exequens: atqui idem est intellectus, qui docet seu dirigit, & qui exequitur, jamque supponitur facile dirigere seu nosse formam Logicam.

R. Dist. Min. Ubi eadem est facultas dirigens & exequens sine novâ difficultate, C. Dirigens & exequens cum novâ difficultate, N. At intellectus novare patitur difficultatem

tem in exequendis Logicæ præceptis, iisque in subjectam materiam introducendis, ut vel ipsâ constat experientiâ.

Inst. 2. Facultas adjuta habitu subordinante non patitur novam difficultatem in exercendis actibus habitus subordinati, v. g. voluntas amans Deum facile amat proximum: atque actus logicæ utentis sunt subordinati actibus & habitui Logicæ docentis; ergo intellectus Logica docente instrutus non paritur novam difficultatem in exequendis Logicæ, præceptis.

R. Dist. Maj. Facultas adjuta habitu subordinante non patitur novam difficultatem in actibus subordinati habitus, quando actus non exigunt novum habitum, ut facile exerceantur, v. g. actus amoris proximi in eo, qui amat Deum, C. Quando actus illi subordinati novum exigunt habitum, ut v. g. actus Medicinæ in eo qui habet Physicam, N. At actus Logicæ docentis & utentis exigunt diversum habitum, sicut actus Medicinæ & Physicæ.

Inst. 3. Ut exerceantur actus Logicæ utentis, sufficit sedula attentio ad præcepta Logicæ docentis jam cognita.

Resp. Dist. Ant. Ut exerceantur utcumque nec sine difficultate, C. Ut exerceantur facile & prompte, N. Nam præterea requiritur praxis & usus, quo novus comparatur exequendi habitus, nova facilitas, quæ sanè major est centisimâ vice quam primâ.

Inst. 4. Atqui ad exercendos facile actus subordinatos Logicæ docentis & utentis sufficit unicus habitus cum attentione.

Prob. Subf. Toties sufficit unicus habitus ad exercendos actus subordinatos, quoties unicum est objectum actuum subordinatorum: atqui unicum est objectum actuum Logicæ docentis & mentis, nempe operationes mentis; ergo sufficit unicus Logicæ docentis & utentis habitus.

R. Dist. Maj. Quoties unicum est objectum formale, C. objectum materiale, N. At in Logica docente & utente duo sunt diversa objecta formalia, nimirum docere & exequi; aliud autem est docere, aliud exequi, ut experientiâ constat.

Inst. 5. Unicum est objectum formale Logicæ docentis & utentis, si utraque habeat pro objecto formalis diri-

gibilitatem operationum mentis ad veritatem ; atqui ita se res habet.

R. Dist. Maj. Unicum est objectum formale genericum, C. specificum, N. Nam quamvis Logica docens & utens convenient in dirigibilitate mentis operationum , differunt tamen in eo , quod docens dirigat cognoscendo & tradendo præcepta , utens vero exequendo tradita & cognita præcepta.


Inst. 6. Atqui implicat Logicam docentem & utentem habere idem objectum genericum , nisi habeant & specificum.

Prob. Subs. Implicit objectum constitutivum & distinctivum alicujus scientiæ, esse genericum & commune : atqui objectum formale, est constitutivum & distinctivum scientiarum ; ergo implicat dari objectum formale genericum.

R. Dist. Maj. Implicit objectum distinctivum esse genericum & commune iis, à quibus est distinctivum, C. iis, quorum est distinctivum, N. At dirigibilitas operationum mentis distinguit Logicam docentem & utentem ab aliis scientiis ; idèoque non est communis & generica aliis scientiis ; sed non distinguit Logicam docentem ab utente ; idèoque potest esse communis utriusque : sicut sensitivitas distinguens hominem à plantis, est communis homini cum belluis.

Inst. 7. Una disciplina debet habere idem objectum formale specificum : atqui Logica docens & utens sunt una disciplina.

R. Dist. Maj. Una disciplina simplex & partialis, C. Complexa & totalis, N. Alioqui tota latè Philosophia unicum habet objectum formale specificum pro Logicâ , Physicâ & aliis , quod apertè falsum est.



ବୁଦ୍ଧିଯୁକ୍ତ ପ୍ରାଣୀ ହେଉଥିଲୁ କିମ୍ବା କିମ୍ବା କିମ୍ବା କିମ୍ବା କିମ୍ବା କିମ୍ବା

II. PROPOSITIO.

*Logica docens & utens non sunt duo habitus
realiter distincti.*

PROB. Illi habitus non distinguuntur realiter, quorum unum est idemque objectum formale, habitus enim specificantur ab objectis formalibus. Atqui Logicae docentis & utens unum est idemque objectum formale, nempe dirigibilitas trium mentis operationum ad veritatem per regulas & præcepta. Ergo Logica docens & utens non sunt duo habitus realiter inter se distincti.

O B J E C T I O.

Illi habitus sunt realiter inter se distincti, qui tollunt distinctas realiter difficultates: atqui Logica docens & utens tollunt distinctas realiter difficultates; ergo Logica docens & utens sunt duo habitus realiter inter se distincti.

Prob. Min. Logica docens tollit eam difficultatem, quæ est in cognoscendis Logicæ præceptis, Logica vero utens tollit eam difficultatem, quæ est in applicandis Logicæ præceptis: atqui duæ illæ difficultates sunt realiter distinctæ.

Prob. Min. Experienciâ constat sâpe sâpius Logicis esse nota Logicæ præcepta, cum interim gravem patiantur difficultatem in definiendo, dividendo & argumentando ; ergo difficultates docendi & applicandi sunt realiter distinctæ.

R. Dist. ult. Ant. Cùm interim gravem patientur difficultatem in definiendo, dividendo & argumentando, difficultatem quæ se teneat ex parte materiæ, vel defectu attentionis ad præcepta Logicæ, C. Difficultatem quæ se teneat ex defectu habitus Logicæ utentis, N.

Inst. 1. Idem contingit in Logica utente, quod in Grammatica utente: atqui s^apē fit, ut qui novit Grammaticā regulas & praecepta ad congruē loquendū, qui p^räsentem habet materiam, de quā congruē loquatur, qui tandem omnem animi attentionem adhibet ad congruē loquendū, adhuc patiatur difficultatem in congruē loquendo ex tempore; ergo id pro-venit ut in Grammaticā, ita & in Logicā ex defectu habitus u-tentis.

R. Dist.

R. Dist. Min. Atqui sæpè fit, ut qui novit Grammaticæ regulas, patiatur adhuc difficultatem in congruè loquendo, qui novit memoriter solum, C. Qui novit scientificè, earumque vim penetrat, N.

Inst. 2. In applicandis Grammaticæ sic & Logicæ præceptis, est quædam ingenii tarditas superanda etiam ab iis, qui Logicâ docente scientificâ prædicti sunt.

R. Dist. Maj. In applicandis præceptis est quædam ingenii tarditas superanda per sedulam attentionem ad regulas, C. Superanda per novum habitum, N.

Inst. 3. Ibi opus est novo habitu Logicæ utentis, ubi requiritur facilitas exequendi præcepta, distincta à facilitate cognoscendi præcepta; atqui requiritur facilitas exequendi distincta realiter à facilitate cognoscendi præcepta Logicæ.

Prob. Min. Et suppono quempiam perfectè penetrare vim præceptorum Logicæ per actus Logicæ docentis sæpè repetitos, nunquam verò vel raro exercuisse illa præcepta: atqui in illa hypothesi habebit facilitatem cognoscendi præcepta sine facilitate ea applicandi.

R. Neg. Min. Cùm enim eadem sit entitas utrinque facilitatis cognoscendi, & exequendi, si semel habeat facilitatem unam, habebit & alteram.

Inst. 4. Habebit ille, quem suppono, facilitatem, quæ comparatur per actus Logicæ docentis sæpè repetitos: atqui per actus sæpè repetitos Logicæ docentis producitur sola facilitas docendi, nullatenus facilitas exequendi; ergo habebit facilitatem cognoscendi præcepta sine facilitate ea applicandi.

R. Min. Facilitas non producitur nisi per actus sibi respondentes & similes: atqui actus Logicæ docentis non sunt similes aut respondentes facilitati Logicæ utentis; ergo per actus Logicæ doceantis nullatenus producitur facilitas exequendi.

R. Dist. Min. Atqui actus Logicæ docentis non sunt similes facilitati Logicæ utentis, facilitati spectatæ formaliter ut est utens, C. Facilitati spectatæ realiter & identice, N. Cum enim eadem sit docentis atque utentis entitas; dum producitur una, producitur & altera quoad entitatem & realiter.

Inst. 5. Per actus Logicæ utentis non producitur facilitas docendi quoad entitatem; ergo à pari per actus Logicæ docentis non producitur facilitas utendi quoad entitatem.

R. Nego Cons. & par. Ratio dispar. quia actus Logicæ utentis supponit jam comparatam Logicam docentem, cui subordinatur: at verò actus Logicæ docentis supponit habitum Logicæ utentis jam comparatum, imo ei comparando non parum inservit.

Inst. 6. Ibi non est producta Logica utens, etiam quoad entitatem, ubi nova subinde producitur facilitas definiendi, dividendi & argumentandi: atqui per actus Logicæ utentis producitur subinde facilitas definiendi, dividendi & argumentandi.

Prob. Min. Ibi producitur nova facilitas definiendi, dividendi & argumentandi, ubi minus difficultatis superest: atqui successu temporis minus supererit difficultatis definiendi, dividendi & argumentandi, quam fuerat ab initio.

R. Dist. Min. Atqui successu temporis minus difficultatis supererit definiendi, dividendi & argumentandi, ob incrementum quotidianum prioris habitus, C. Secus, N. At qui fuerat primâ vice productus per actus Logicæ docentis habitus, pergit augeri per actus Logicæ utentis sèpè repetitos.


Inst. 7. Sed diversus est habitus, qui producitur primâ vice per actus docentis, ab eo, qui producitur secundâ vice per actus utentis, sicut & actus, à quibus producuntur, sunt diversi.

R. Dist. Sed diversus est habitus, diversus officio, munere & formalitate, C. Diversus re & entitate, N. Nam eadem habitus entitas diversa fortitur nomina pro diverso munere atque officio.

Inst. 8. Illi habitus sunt diversi rē atque entitate, qui sèpè separantur quoad existentiam: atqui habitus docendi separatur quoad existentiam ab habitu utendi, qui successu temporis acquiritur.

R. Dist. Min. Atqui habitus docendi spectatus quoad sui principium, separatur ab habitu exequendi spectato quoad sui incrementum, C. Habitus docendi spectatus quoad sui principium separatur ab habitu exequendi spectato quoad sui principium, N. Igitur dum incipit habitus docendi, incipit quoque habitus exequendi. Secundò, dum subinde crescit habis

habitus docendi, crescit & habitus exequendi; & vice versa,
aucto habitu exequendi, augetur habitus docendi, quia sunt
una eademque entitas, ex hypothesi.



QUÆSTIO SEXTA.

An apprehensio incomplexa sit capax
falsitatis.

I. PROPOSITIO.

Apprehensio incomplexa non est capax falsitatis.

PROB. Ea mentis operatio non est capax falsitatis, quæ non potest repræsentare objectum suum aliter, quam est: atqui apprehensio incomplexa non potest objectum suum aliter repræsentare, quam est: nam ut apprehensio repræsentaret objectum suum aliter, quam est, deberet vel objecto suo alienum quid affingere, vel proprium aliquid detrahere; atqui apprehensio incomplexa nec potest objecto suo alienum quid affingere, nec proprium aliquid detrahere; non quidem affingere, alioqui jam non esset incomplexa, si quidem jam plura repræsentaret, contra suppositionem; neque etiam detrahere, alioqui totum non repræsentaret objectum, adhuc contra suppositionem, si quidem apprehensio totum repræsentat id, quod repræsentat. Ergo apprehensio incomplexa non potest objectum suum aliter repræsentare, quam est, proindeque non est capax falsitatis.

O B J E C T I O.

Operatio mentis capax veritatis, est quoque capax falsitatis: atqui apprehensio incomplexa, est capax veritatis: ergo & falsitatis.

R. Ne-

R. Nego Maj. Vel. Dist. Operatio mentis capax veritatis, est quoque capax falsitatis, si possit esse difformis objecto suo, C. Si non possit esse difformis objecto suo, N. Porro apprehensio incomplexa non potest esse difformis objecto suo, quia non potest repræsentare objectum alio modo, quam sit.

Inst. 5. Si subjectum capax unius contrarii, sit etiam capax alterius contrarii, operatio capax veritatis, est quoque capax falsitatis: atqui subjectum capax contrarii, est quoque capax alterius.

R. Dist. Min. Atqui subjectum capax unius contrarii separabilis à subjecto, capax est alterius, C. Subjectum capax unius contrarii inseparabilis à subjecto, N. Sic Deus est capax justitiae, non tamen injustitiae: Porro veritas est inseparabilis ab apprehensione incomplexa.

Inst. 2. Atqui omne contrarium est separabile à subjecto.

Prob. Subs. Ea sunt separabilia à subjecto, quæ se se mutuò expellunt ab eodem subjecto: atqui contraria dicuntur ea, quæ se se mutuò expellunt ab eodem subjecto; ergo omne contrarium est separabile à subjecto.

R. Dist. Min. Atqui contraria dicuntur ea, quæ se se mutuò expellunt ab eodem subjecto, nisi alterum eorum insit à natura, C. Si alterum eorum insit à natura, N. Sic calor non est ab igne separabilis: ita veritas ineſt apprehensioni incomplexa à natura.

Inst. 3. Omne accidens potest adesse & abesse à subjecto: atqui veritas est accidens apprehensionis incomplexe, siquidem non est de essentia ipsius.

R. Dist. Maj. Omne accidens potest adesse & abesse à subjecto: accidens commune, C. Proprium, Subdisting. Potest abesse à subjecto absentia præcivâ. C. Absentia reali vel judicativâ, N. At veritas est accidens proprium apprehensionis incomplexe.

Inst. 4. Atqui veritas potest adesse ab apprehensione incomplexa, absentia reali, physicâ & judicativâ.

Prob. Subs. Veritas potest separari ab ea operatione, quæ potest repræsentare objectum alio modo quam est: atqui apprehensio incomplexa potest repræsentare objectum alio modo quam sit.

Prob. Min. Apprehensio potest repræsentare objectum eo modo, quo est; ergo etiam potest repræsentare alio modo quam est.

R. Ne-

R. Nego Conf. & par. Ratio dispar. quia ut repræsentet objectum eo modo, quo est, satis est, quod totum repræsentet objectum, nihilque alienum ipsi affingat, id autem potest: at vero ut repræsentaret objectum alio modo, quam est, deberet repræsentare objectum & modum objecti alienum ab objecto; id autem non potest, alioqui desineret esse incompleta.

Inst. 5. Suppono quempiam procul aspicere canem & interim apprehendere lupum: atqui in illa hypothesi apprehensio incompleta repræsentaret objectum alio modo quam sit.

R. Neg. Min. Objectum illius apprehensionis est canis: atqui illa apprehensio non repræsentat canem ut est, sed lupum; ergo illa apprehensio repræsentaret objectum alio modo quam est.

R. Nego Maj. Nam objectum apprehensionis est id, quod per ipsam repræsentatur: atqui non canis sed lupus repræsentatur: ergo objectum illius apprehensionis non est canis, sed lupus.

Inst. 6. Illud est objectum apprehensionis, quod objicitur considerandum, estque præsens apprehendenti: atqui canis in illa hypothesi objicitur considerandus, estque præsens apprehendenti; ergo canis est objectum illius apprehensionis.

R. Dist. Maj. Illud est objectum apprehensionis, quod objicitur considerandum, objicitur intellectui, C. Visui, N. Porro canis in illa hypothesi est quidem præsens visui, sed lupus intellectui.

Inst. 7. Nihil est præsens intellectui, quod prius non fuerit in sensu: atqui lupus non est in sensu apprehendentis; ergo nec præsens esse deberet intellectui.

R. Dist. Maj. Quod prius non fuerit in sensu occasionaliter & secundum formam saltem exteriorem, C. Formaliter & secundum formam interiorum seu essentiam, N. Porro in illa hypothesi lupus non fuit quidem in sensu per formam interiorum lupi, bene autem per formam aliquam lupi exteriorem, quæ multum accidit ad formam exteriorem canis.

Inst. 8. Atqui apprehensio, quæ repræsentat lupum ad præsentiam canis, est falsa.

Prob. Subi. Illa apprehensio est falsa, ex qua oritur iudicium

Cium falsum : atqui ex illa apprehensione, quæ repræsentat lupum ad præsentiam canis; oritur judicium falsum, putà illud, hoc, quod video, est lupus.

R. Dist. Maj. Illa apprehensio est falsa occasionaliter & per accidens, ex qua oritur judicium falsum, C. Est falsa formaliter, & per se, N.

Inst. 9. Atqui apprehensio, quæ repræsentat lupum ad præsentiam canis, est falsa formaliter & per se ; ergo nulla solutio.

Prob. Subs. Illa operatio est falsa formaliter & per se, quæ non repræsentat id, quod debet repræsentare : atqui apprehensio lupi ad præsentiam canis non repræsentat id, quod debet repræsentare, putà canem.

R. Dist. Maj. Illa operatio est falsa formaliter, si spectetur ratione rei repræsentandæ, C. Si spectetur ratione rei repræsentatæ, N. At apprehensio magis attendit secundum rem repræsentatam, quam secundum rem repræsentandam.

Inst. 10. Tabella seu imago hoc ipso dicitur falsa, quo non repræsentat id, quod pictor habeat repræsentandum; ergo à pari apprehensio hoc ipso dici debet falsa, quo non repræsentat id, quod intellectus habebat repræsentandum.

R. Dist. Ant. Tabella hoc ipso dicitur falsa relativè ad intentionem pictoris, C. Absolutè, N. Si enim tabella picta repræsentet leonem, cum tamen debeat repræsentare equum, hæc tabella est absolute vera leonis tabella, & falsa relativè ad intentionem pictoris : at simpliciter & sine addito æstimari debet vera, quia magis attendit absolute quam relativè, magis ex fine operis, quam ex fine operantis, magis secundum quod primariò repræsentat.

Inst. 11. Sequeretur inde judicium ipsum nunquam esse falsum absolute, quia bene repræsentat id, quod repræsentat.

R. Nego Conf. Nam judicium & apprehensio complexa dicuntur falsa, eo quod jungant duo simul incompossibilia : v. g. crudelitatem cum Deo : non item apprehensio incompleta.

चूक्षुल्लृष्टुः चूक्षुल्लृष्टुः क्व? क्व? क्व? क्व? क्व? क्व? क्व? क्व?

II. PROPOSITIO.

Apprehensio incomplexa capax est falsitatis.

PROB. Ea mentis operatio est capax falsitatis, quæ potest esse difformis objecto: atqui apprehensio incomplexa potest esse difformis objecto; nam ea mentis operatio est difformis objecto, quæ non repræsentat id, quod debet repræsentare: atqui apprehensio incomplexa, quandoque non repræsentat id, quod debet repræsentare, ut si quis sibi repræsentet luponum, cum debeat sibi repræsentare leonem. Ergo apprehensio incomplexa potest esse difformis objecto, proindeque est capax falsitatis.

O B J E C T I O.

EA mentis operatio non est capax falsitatis, quæ non potest esse difformis objecto suo: atqui apprehensio incomplexa non potest esse difformis objecto suo: ergo non est capax falsitatis.

Prob. Min. Ea mentis operatio non potest esse difformis objecto, quæ nihil ab objecto detrahit proprium, nihil objecto affingit alienum; atqui apprehensio incomplexa nihil quidquam ab objecto detrahit proprium, nihilve affingit alienum, quia objectum totum & unicum repræsentat; ergo non potest esse difformis objecto.

R. Nego Min. Atqui apprehensio nihil detrahit aut affingit objecto repræsentato, C. Objecto repræsentando, N. Nam sæpè repræsentat aliud ab eo, quod repræsentare debeat, v. g. leonem probabo.

Inst. i. Atqui veritas apprehensionis non debet æstimari ab objecto repræsentando, sed repræsentato.

Prob. Subl. Veritas apprehensionis non debet æstimari ab eo, circa quod non versatur apprehensio: atqui apprehensio non versatur circa rem repræsentandam, sed circa rem repræsentatam; ergo veritas apprehensionis non debet æstimari ab objecto repræsentando.

R. Dist.

R. Dist. Maj. Circa quam non versatur; nec versari debet, C. Sed versari debet, N. Nam eo ipso apprehensio falsa est, quæ non repræsentat id, quod erat repræsentandum.

Inst. 2. Atqui veritas aut falsitas apprehensionis non debet aestimari ab eo, circa quod versari debet apprehensio.

Prob. Subs. Si veritas apprehensionis gessimatur ab eo, circa quod versari debet apprehensio, ea omnis operatio mentis esset vera, quæ repræsentaret id, quod sibi quis intendit repræsentare, & ea falsa esset, quæ secundum repræsentaret: atqui utrumque falsum est: ergo veritas apprehensionis non debet aestimari ab ea re, circa quam versari debet.

Prob. Min. Suppone, velle quempiam sibi repræsentare Deum ut crudelem, & apud se hanc formare propositionem, Deus est crudelis, atqui in illa hypothesi, ea propoſitio: Deus est crudelis, repræsentaret id, quod sibi repræsentare intendit, neque tamen vera est haec propoſitio; ergo, &c.

R. Dist. Min. Atqui ea propoſitio repræsentat id, quod sibi quis repræsentare intendit, sed simul jungit duo incompositibilia, nempe crudelitatem cum Deo, C. Nec jungit duo incompositibilia, N.

Inst. 3. Veritas alicuius repræsentationis seu imaginis repeti non debet ab eo, quod se habet per accidens ad repræsentationem seu imaginem: atqui res repræsentanda ex intentione agentis se habet per accidens solum ad apprehensionem seu repræsentationem: siquidem variari potest non variata apprehensione.

R. Dist. Min. Atqui res repræsentanda se habet per accidens, si spectetur repræsentatio absolute, & seorsim à circumstantiis, C. Si spectetur relativè ad intentionem & in circumstantiis, N. Nam intendit quis sibi repræsentare rem tam.

Inst. 4. Bonitas Medicinæ non repetitur ab intentione tractantis artem Medicam; ergo nec veritas apprehensionis repeti debet ab intentione apprehendentis.

R. Nego Conf. & par. Ratio dispar. quia intentio Medicini nihil confert ad operationem Medicinæ: at vero intentio cognoscentis confert ad veritatem cognitionis: tunc enim cognitione censemur vera, cum conformis est intentioni cognoscentis.

Inst. 5. Sed pariter intentio apprehendentis nihil confert ad veritatem apprehensionis.

Prob. Subs. Apprehensio se habet in mente, sicut imago

seu tabella ad pictorem & atqui intentio pictoris in pingenda tabella nihil facit ad veritatem tabellæ, nam modo serventur leges pingendi, tabella erit vera, quæcumque fuerit intentio pictoris.

R. Dist. Min. Atqui intentio pictoris nihil facit ad veritatem tabellæ, intentio impertinens ad picturam, qualis est intentio lucri, C. Intentio pertinens ad picturam, v. g. intentio repræsentandi Cæsaris, N.

Inst. 6. Intentio quælibet etiam repræsentandi nihil facit ad veritatem tabellæ, si tabella judicetur elegans, quando est confecta juxta regulas artis, abstrahendo ab intentione pingentis & atqui ita se res habet.

R. Dist. Maj. Si tabella judicetur elegans abstrahendo ab intentione pingentis, elegans secundum id, quod debet repræsentare, C. Secundum id, quod repræsentat, N. Porro tabella confecta juxta regulas artis, censetur elegans secundum id, quod repræsentat, non autem secundum id, quod debet repræsentare: hoc enim attenditur ex intentione pingentis.

Inst. 7. Tabella prius attendi debet secundum id, quod repræsentat, quam secundum id, quod repræsentare debet ex intentione pingentis.

R. Dist. Ant. Prius attendi debet, si spectetur absolute, C. Si spectetur relativè ad id, cui conformari debet, N.



QUÆSTIO SEPTIMA.

De distinctione graduum Metaphysicorum.

I. PROPOSITIO.

Gradus Metaphysici ejusdem individui non distinguuntur realiter.

PROB. Illi gradus non distinguuntur realiter, qui sunt una eademque realiter entitas. Atqui omnes gradus Metaphy-

physici ejusdem individui sunt una eademque realiter entitas ; nam illi gradus sunt una eademque realiter entitas , qui fundantur in iisdem realiter principiis , quibuscum identificantur . Atqui omnes gradus Metaphysici , ejusdem individui fundantur in iisdem realiter principiis , quibuscum realiter identificantur ; sic v. g. omnes gradus Metaphysici Petri fundantur in corpore & anima Petri simul unitis . Ergo gradus Metaphysici sunt una eademeque realiter entitas , proindeque non distinguuntur realiter .

O B J E C T I O I.

IDem sit judicium de cœteris gradibus Metaphysicis , quod de animalitate & rationalitate Petri : atqui animalitas & rationalitas Petri distinguuntur realiter .

Prob. Min. Partes ejusdem totius , potentia & actus , subjectum & forma distinguuntur realiter : atqui animalitas & rationalitas sunt partes ejusdem totius , sed se habent ut potentia & actus , subjectum & forma .

R. Dist. Maj. Partes physicæ , potentia & actus physici , subjectum & forma physica , C. Partes metaphysicæ , potentia & actus , subjectum & forma Metaphysica , N. At animalitas & rationalitas se habent ut partes metaphysicæ , nam sunt partes sicut sunt gradus : atqui sunt gradus metaphysici .

Inst. 1. Partes totius physici sunt partes physicæ : atqui animalitas & rationalitas sunt partes totius physici , v. g. Petri : ergo sunt partes physicæ .

R. Dist. Maj. Partes totius physici physicè sumpti , C. Partes totius physici metaphysicè sumpti , N. Porro animalitas & rationalitas sunt partes Petri metaphysicè sumpti , seu Petri , quatenus spectatur ut constans gradibus inseparabilibus .

Inst. 2. Partes , quæ identificantur partibus physicis Petri physicè sumpti , sunt partes physicæ Petri physicè sumpti : atqui animalitas & rationalitas identificantur partibus physicis Petri physicè sumpti , nempe corpori & animæ .

R. Dist. Maj. Partes , quæ identificantur partibus physicis distributivè sumptis , C. Partibus physicis collectivè sumptis

ptis, N. Porrò animalitas & rationalitas identificantur corpori & animæ collectivè sumptis, id est, utraque utrius simul & in-
divisim.

Inst. 3. Illi gradus identificantur corporæ & animæ di-
stributivè sumptis, quorum unus identificatur soli corpori, al-
ter soli animæ : atqui animalitas identificatur soli corpori, ra-
tionalitas soli animæ rationali; ergo identificantur corpori &
animæ distributivè sumptis.

R. Nego Min. Quoad utramque partem; alioqui cada-
ver hominis esset animal; & rationalitas Petri non differret à
rationalitate animæ separatae,

*Probatur prima pars Minoris, quæ est de anima-
litate.*

Inst. 4. Gradus corporeus & materialis identificatur soli
corpori, & non animæ spiritali : atqui animalitas Petri est gra-
dus corporeus & materialis; ergo animalitas Petri identificantur
soli corpori & non animæ spiritali.

R. Dist. Maj. Gradus corporeus purè, C. mixtim, N.
Porrò animalitas hominis non est gradus purè corporeus, sed
mixtim, quia fundatur in corpore simul & animâ rationali, at-
que ex unione utriusque resultat.

Inst. 5. Ille gradus est in homine purè corporeus, per
quem homo convenit univocè cum belluis purè corporeis;
atqui homo convenit univocè cum belluis purè corporeis
per animalitatem; ergo animalitas est gradus purè corpo-
reus.

R. Dist. Maj. Per quem homo convenit univocè cum
belluis, quatenus sunt purè materiales, C. Cum belluis, quate-
nus sunt materiales præcisè, N. Porrò homo convenit per ani-
malitatem cum belluis, quatenus sunt materiales præcisè, non
autem quatenus sunt purè materiales : scilicet animalitas
generatim, in qua convenient homo & bellua, est quidem
materialis, sed non est purè materialis, abstrahit enim à ma-
teriali purè & mixtim : quod singulari observatione dignum
est.

Inst. 6. Atqui animalitas hominis & belluae est purè ma-
terialis in utroque.

Prob. Subs. Gradus, qui in homine & in bellua oritur
ab

ab eodem prorsus principio, est pure materialis in utroque: atqui animalitas in homine & in bellua oritur ab eodem prorsus principio.

Prob. Min. Animalitas belluae oritur ab anima sentiente: sed pariter animalitas hominis oritur ab anima sentiente; ergo oritur ab eodem prorsus principio in homine & bellua.

R. Dist. Maj. Animalitas belluae oritur ab anima sentiente, quae est pure materialis, C. Secùs, N. At animalitas hominis oritur ab anima sentiente, quae simul est sentiens & rationalis, proindeque spiritualis.

Inst. 7. Quod in homine præcedit animam rationalem, non oritur ab anima rationali: atqui animalitas præcedit in fœtu humano animam rationalem: ergo non oritur ab anima rationali.

Prob. Min. Quod præcedit operationes animæ rationalis, præcedit & animam rationalem: atqui animalitas hominis præcedit operationes animæ rationalis, ergo præcedit & animam rationalem.

R. Dist. Min. Atqui animalitas hominis præcedit operationes animæ rationalis, spe&datæ ut rationalis formaliter, C. Animæ rationalis spe&datæ ut sentientis, N. Nam eadem anima rationalis est sentiens, vegetans & rationalis, sub diversis virtualitatibus.

Inst. 8. Nisi animalitas hominis præcederet animam rationalem entitativè sumptam & absolutè, sensationes hominum orirentur à principio spirituali: atqui hoc falsum est.

Prob. Min. Si sensationes hominum orirentur à principio spirituali aliquatenus; jam non essent ejusdem rationis in hominibus & belluis: atqui sensationes sunt ejusdem rationis in hominibus & belluis.

R. Dist. Maj. Jam sensationes non essent ejusdem rationis in hominibus & belluis, non essent ejusdem rationis principiativè, C. Formaliter & virtualiter, N. At quamvis sensationes hominum & belluarum sint eadem formaliter, non tamen principiativè, quia oriuntur à diversis principiis, sicut liquefatio vel induratio Solis & ignis, est eadem formaliter, non tamen principiativè.

Probatur secunda pars Minoris, quæ est de rationalitate.

Inst. 9. Quod remanet in anima à corpore separata, identificatur soli animæ rationali : atqui rationalitas remanet in anima à corpore separata, quia anima tunc ratiocinatur.

R. Dist. Min. Atqui rationalitas remanet in anima à corpore separata, rationalitas inadæquatè sumpta, & quæ sit gradus Metaphysicus solius animæ, C. Rationalitas adæquatè sumpta, & quæ sit gradus metaphysicus Petri, N. Hæc enim fundatur partim in corpore, partim in anima.

Inst. 10. Vel remanet rationalitas adæquatè sumpta in anima rationali separata, vel corpus dici potest principium rationalitatis adæquatè sumptæ ; atqui corpus non est principium rationalitatis adæquatè sumptæ.

Prob. Min. Si corpus esset principium rationalitatis etiam inadæquatum, ubicumque esset corpus, ibi esset rationalitas saltem inadæquatè sumpta : atqui hoc apertè falsum est.

R. Dist. Maj. Ubi cumque esset corpus animatum anima rationali, C. Corpus præcisè, N. Nam rationalitas oritur ex unione utriusque corporis & animæ rationalis.

Inst. 11. Corpus etiam animatum animâ rationali non est principium gradus spiritualis : atqui rationalitas est gradus spiritualis ; ergo corpus animatum anima rationali, non est principium rationalitatis.

R. Dist. Maj. Non est principium gradus spiritualis purè & ex omni parte, C. Gradus spiritualis mixtim, & ex aliqua sola parte, N.

Inst. 12. Principium intellectionis & volitionis est purè spiritale ; atqui rationalitas est principium intellectionis & volitionis ; ergo rationalitas est purè spiritualis.

R. Dist. Maj. Principium intellectionis & volitionis à corpore independentis, ut v. g. Divinæ vel Angelicæ, C. à corpore dependentis, v. g. Humanæ, N.

Inst. 13. Illæ operationes sunt pure spiritales, per quas effi-

efficaciter demonstratur spiritualitas pura animæ rationalis : atqui per intellectuonem & volitionem humanam efficaciter demonstratur spiritualitas pura animæ rationalis ; ergo intellectio & volitio sunt operationes pure spiritales in nobis.

R. Dist. Maj. Per quas adæquate sumptas demonstratur efficaciter spiritualitas pura animæ rationalis , C. Per quas inadæquate sumptas efficaciter demonstratur spiritualitas pura animæ rationalis , N. At probatur spiritualitas pura animæ rationalis per intellectuonem, non quatenus est à corpore dependens , sed quatenus assurgit obiectivè supra corpus & corporitatem omnem.

Inst. 14. Quod est iners & otiosum, nihil potest conferre ad rationalitatem aut intellectuonem ; atqui corpus est iners & otiosum.

R. Dist. Maj. Quod est iners & otiosum, nihil potest conferre activè, C. Passivè saltem, N. Sicut enim corpus confert suo modo ad hominem constituentem ; ita & confert suo modo ad rationalitatem.

Inst. 15. Si corpus conferret ad rationalitatem , conveniremus cum belluis aliquatenus per nostram rationalitatem ; falsum consequens.

R. Dist. Maj. Per rationalitatem identice sumptam , C. Formaliter ut rationalitatem , N. Nam convenimus cum belluis per corpus , & aliquatenus per animam , ut sentientem.

Inst. 16. Rationalitas identice non est in belluis , ergo non convenimus per rationalitatem identice sumptam.

R. Dist. Ant. Rationalitas identice sumpta non est in belluis formaliter , C. æquivalenter , N. Nam anima sentiens belluarum æquivalet in sentiendo animæ nostræ.

Inst. 17. Differentia hominis petitur à sola anima rationali : atqui rationalitas est differentia hominis ; ergo rationalitas petitur à sola anima rationali.

R. Dist. Maj. Differentia physica , C. metaphysica , N. Quia gradus metaphysici oriuntur ab eodem gradu Physico virtualiter multiplici , v. g. gradus sentiendi & gradus ratiocinandi oriuntur ab eadem anima rationali.

Inst. 18. Nili differentia hominis metaphysica petetur , ex sola anima rationali , differentia in metaphysicis non re-

sponderet formæ in physicis, nec genus materiæ physicæ; atqui genus respondet materiæ, & differentia formæ physicæ.

R. Dist. Maj. Nisi differentia hominis metaphysica pertinetur ex sola anima rationali, differentia non responderet formæ quoad omnia, C. Quoad aliqua, N. Sicut enim forma in physicis contrahit, determinat & perficit materiam, ita differentia contrahit & determinat genus.

O B J E C T I O II.

Gradus entis, corporis & viventis, sunt gradus metaphysici ejusdem individui, v. g. hominis: atqui gradus entis, corporis & viventis distinguuntur realiter; ergo gradus Metaphysici ejusdem individui distinguuntur realiter.

Prob. Min. Gradus, qui non includunt in se materiam, distinguuntur realiter ab iis gradibus, qui materiam includunt: atqui gradus entis, substantiæ, viventis, non includunt materiam, gradus autem corporis includit materiam.

R. Dist. Min. Gradus, qui non includunt in se materiam nec realiter, nec formaliter, C. Qui non includunt formaliter, includunt vero realiter, N. Porro gradus entis & substantiæ non includunt quidem formaliter seu in idea & conceptu suo materiam: at includunt eam realiter & identice, quia fundantur in corpore simul & animâ.

Inst. 1. Illi gradus non includunt realiter & identice materiam, qui reperiuntur, ubi nulla reperitur materia: atqui gradus entis & substantiæ reperiuntur, ubi nulla est materia, v. g. in Angelis.

R. Dist. Min. Atqui gradus entis & substantiæ reperiuntur, ubi nulla est materia, in individuo purè spiritali, C. In individuis corporeis, v. g. Petro, N. At sermo instituitur de gradu entis, substantiæ, corporis, &c. in Petro seu individuo corporeo.

Init. 2. Gradus illi distinguuntur realiter, quorum uno per-

pereunte remanet alter : atqui in individuis corporeis pereunte gradu viventis, remanet gradus corporis, seu corporeitatis.

R. Dist. Min. Atqui pereunte gradu viventis, remanet gradus corporis inadæquatè sumptus, C. adæquatè sumptus, N. Quia non remanet compositum ex materia & forma physicis.

Inst. 3. Ibi remanet gradus corporis adæquatè sumptus, ubi remanet totum corpus : atqui moriente Petro, pereunte gradu viventis, remanet totum Petri corpus.

R. Dist. Maj. Ubi remanet totum corpus, sumptum pro composito ex materia & forma physicis, C. Ubi remanet totum corpus sumptum pro materia, N. At in cadavere remanet materia, sed non corpus adæquatè sumptum, si quidem dissolvitur.

Inst. 4. Ibi remanet corpus sumptum pro composito ex materia & forma, ubi remanet verum corpus naturale, habens materiam & formam ; atqui mortuo Petro remanet in cadavere verum corpus naturale.

R. Dist. Min. Atqui mortuo Petro remanet verum corpus naturale, diversum ab eo, quod fuerat vivente Petro, C. Idipsum quod erat, dum viveret Petrus, N. Nam antea erat Petrus, & postea nihil est præter cadaver.

Inst. 5. Ibi remanet idem corpus, ubi remanet materia cum iisdem formis, quæ corpus constituunt : atqui mortuo Petro remanet in cadavere materia cum iisdem formis, quæ corpus constituunt, v. g. figurâ & colore, longitudine, latitudine & profunditate.

R. Dist. Maj. Ubi remanet materia cum iisdem formis essentialibus, & primariis, C. Accidentalibus & secundariis, N. At figura, color, &c. sunt formæ accidentales.

Inst. 6. Corpus dicitur id, quod est extensum in longum, latum & profundum, & quidem essentialiter : atqui mortuo Petro, hoc remanet.

R. Dist. Maj. Corpus mathematicè sumptum, C. Corpus physicè sumptum, N. Nam sic, est totum constans ex materia & forma physicis.

Inst. 7. Substantia spiritalis non est pars corporis : atqui anima rationalis est substantia spiritalis : ergo sola magnitudo est essentialis.

R. Dist.

R. Dist. Maj. Substantia spiritualis completa, C. incompleta, N.



II. PROPOSITIO.

Gradus Metaphysici non distinguuntur formaliter ex natura rei, ad sensum Scotistarum.

PROB. Gradus Metaphysici non distinguuntur ab invicem, eâ distinctione, quæ non solum est inutilis, sed & inintelligibilis. Atqui distinctio formalis ex natura rei, ad sensum Scotistarum, est inutilis & inintelligibilis; est quidem inutilis, quia sine tali distinctione possunt & quidem facile explicari, quæcumque pertinent ad gradus metaphysicos; est etiam inintelligibilis, quia dici non potest, quid sint illæ formalitates, inter quas statuitur ista distinctio; quidvè sit illa entitas, quæ afferitur à Scotistis subiectum omnium formalitatum; sitne & ipsa quædam formalitas, necne? si primum, ergo dabitur formalitas formalitatum; si secundum, estne essentialis individuo, necne? Si primum, vel est pars essentiæ magis communis, vel pars essentiæ minus communis, vel tota essentia, atque ita erit vel genus, vel species, vel differentia, quæ sunt totidem formalitates. Si vero entitas illa non est essentialis individuo, quo modo erit quid primum in illo, ut ajunt esse? Ergo distinctio formalis ex naturâ rei est inutilis & inintelligibilis, proindeque gradus metaphysici non distinguuntur formaliter ex naturâ rei.

O B J E C T I O.

EA distinguuntur formaliter ex natura rei, quorum unum non est actu formaliter alterum ante omnem mentis operationem: atqui unus gradus metaphysicus non est actu formaliter alter ante omnem mentis operationem, v. g. animalitas non est actu rationalitas.

Prob. Min. Si animalitas esset actu rationalitas ante omnem mentis operationem, vera esset ista propositio, *animalitas est rationalitas*: atqui vera non est ista propositio; ergo animalitas non est actu rationalitas.

R. Dist. Maj. Vera esset ista propositio, *animalitas est rationalitas*, vera in sensu reali, actuali, identico, C. In sensu formalis & virtuali, N. Porro haec propositio vera non est in sensu formalis & virtuali Thomistarum, sed est vera in sensu reali, actuali, identico, hoc pacto, *Animalitas est realiter, actualiter, identice, rationalitas*.

Inst. 1. Principium conveniendi realiter cum belluis; non est principium discrepandi realiter à belluis: atqui animalitas est principium conveniendi realiter cum belluis, rationalitas vero principium discrepandi; ergo animalitas non est realiter rationalitas.

R. Dist. Maj. Principium conveniendi realiter cum belluis, non est realiter principium discrepandi, non est realiter virtualiter ad sensum Thomistarum, C. Non est realiter actualiter ad sensum Scotistarum, N.

Inst. 2. Idem non potest esse æquale simul & inæquale per idem realiter actualiter respectu ejusdem; ergo à pari homo non potest convenire simul & discrepare à belluis per idem realiter actualiter.

R. Nego Conf. & par. Ratio dispar, quia quantitas, quæ est fundamentum æqualitatis, non est virtualiter multiplex, nec profundit ex se quidquam, per quod possit esse æqualis simul & inæqualis eidem quantitatì: at vero eadem entitas hominis est virtualiter multiplex, & ex se profundit sensationes & ratiocinia, quæ sunt fundamentum convenientiarum & disconvenientiarum hominis à bellua.

Inst. 3. Quæ diversimodè concipiuntur, suntque diversæ intelligibilitates & conceptibilitates, ea non sunt quid idem realiter, actualiter, & formaliter: atqui animalitas & rationalitas sunt hujusmodi.

Resp. Nego Maj. Quia sufficit distinctio virtualis Thomistarum ad diversos ejusdem rei conceptus explicandos.

Inst. 4. Quæ diversimodè concipiuntur, non sunt quid idem realiter actualiter, unum & idem non possit diversimodè concipi: atqui unum & idem non potest diversimodè

con-

concipi, v. g. ensis & gladius; ergo quæ diversimodè concipiuntur, ea non sunt quid idem realiter.

R. Dist. Min. Atqui unum & idem non potest diversimodè concipi, si sit virtualiter simplex ut ensis & gladius, C. Si sit virtualiter multiplex, ut misericordia & justitia Dei, N.

Inst. 5. Unum & idem non potest concipi diversimodè, si diversitas conceptuum sit argumentum certissimum diversitatis realis actualis rerum: atqui ita se res habet.

R. Nego Min. Sicut enim separatio conceptuum animalitatis & rationalitatis, non est argumentum separationis realis utriusque: ita diversitas conceptuum animalitatis & rationalitatis non est argumentum diversitatis realis actualis eorum.

Inst. 6. Diversitas conceptuum est certissimum diversitatis realis rerum conceptarum argumentum, si res tales esse debeant, quales concipiuntur: atqui res tales esse debent, quales concipiuntur; ergo diversitas conceptuum est argumentum diversitatis realis actualis rerum.

R. Dist. Min. Atqui res tales esse debent, quales concipiuntur, tales quoad representationem, ideam & definitionem, C. tales quoad diversitatem aut distinctionem, Subdist. quando concipiunter conceptu adæquato, C. Conceptu inadæquato, N.


Inst. 7. Res sunt realiter actualiter diversæ & distinctæ, quæ diversimodè concipiuntur, si de rerum diversitate & identitate non possumus judicare, nisi interventu conceptum, idearum & cognitionem: atqui de rerum diversitate & identitate non possumus judicare nisi interventu conceptum; ergo, &c.

R. Dist. Min. Atqui de rerum diversitate non possumus judicare nisi interventu conceptum, de rerum diversitate virtuali, C. De rerum diversitate actuali, Subdist. Nisi interventu conceptum res tanquam realiter actualiter diversas representant, C. Nisi interventu conceptum res diversimodè representantium objectivè solum, N. Alioqui res illas dicemus realiter separatas, quas mens separatim exhibet, quod aperte falsum est.

Inst. 8. Tam diversitas conceptum in mente est argumentum res conceptas esse diversas realiter actu, quam divers-

diversitas visionum in oculo sit argumentum colores esse diversos realiter, qui diversimodè videntur: atqui hoc posterius verum est.

R. Nego Maj. & par. Ratio dispat. quia visio est cognitio intuitiva, quæ colores, ut sunt in se realiter & adæquate, videt, proindeque si diversos videt, reipsa diversi sunt: at vero conceptus mentis est cognitio abstractiva, quæ res comprehendit, ut sunt objectivæ in intellectu, secundum abstractionem unius virtualitatis ab alterâ, proindeque necesse non est realiter diversas, quas diversimodè concipit.



III. PROPOSITIO.

Gradus Metaphysici distinguuntur virtualiter & ratione ratiocinata.

PROB. Ea distinguuntur virtualiter & ratione ratiocinata, quæ cùm sint una eademque realiter entitas, tamen diversimodè concipiuntur cum legitimo fundamento. Atqui gradus metaphysici ejusdem individui sunt hujusmodi; nam ea diversimodè concipiuntur cum legitimo fundamento, quæ diversas habent definitiones, suntque principia diversarum operationum. Atqui gradus metaphysici habent diversas definitiones, ut animalitas & rationalitas, suntque principia diversarum operationum, ut v. g. sentiendi & ratiocinandi: Ergo gradus metaphysici distinguuntur virtualiter & ratione ratiocinata.

O B J E C T I O.

EA non distinguuntur virtualiter & ratione ratiocinata, quorum unum non potest concipi sine altero: atqui unus gradus metaphysicus non potest concipi sine altero; ergo non distinguuntur virtualiter & ratione ratiocinata.

R. Transeat Maj. Quia relata non possunt concipi sine se invicem, & nihilominus distinguuntur plus quam virtualiter, Nego Min.

Inst. i. Humanitas & rationalitas sunt duo gradus
Me-

Metaphysici hominis : atqui humanitas non potest concipi sine rationalitate ; ergo unus gradus metaphysicus non potest concipi sine altero.

R. Dist. Maj. Humanitas & rationalitas sunt duo gradus Metaphysici, qui se habent ut totum & pars, C. Qui se habent ut pars & pars, N. Hic autem quæstio est de gradibus, qui se habeant ut pars & pars.

Inst. 2. Animalitas & rationalitas sunt duo gradus metaphysici, qui se habent ut pars & pars : atqui animalitas non potest concipi sine rationalitate : ergo unus gradus metaphysicus non potest concipi sine altero, quando se habent ut pars & pars.

R. Nego Min. Nam animalitas concipitur ut principium sentiendi : atqui principium sentiendi concipitur sine principio ratiocinandi.

Inst. 3. Non magis animalitas potest concipi sine rationalitate, quam produci sine ipsa ; atqui animalitas non potest produci sine rationalitate : ergo nec concipi.

R. Nego Maj. & par. Ratio disp. quia animalitas & rationalitas unicae habent entitatem atque existentiam ; proindeque & unicae productionem, quæ terminatur ad existentiam ; at vero diversum habent conceptum, atque definitionem.

Inst. 4. Atqui pariter animalitas & rationalitas unicum habent eundemque conceptum.

Prob. Subf. Nisi animalitas & rationalitas haberent unicum & eundem conceptum, idem conciperetur simul & non conciperetur ; atqui hoc implicat.

R. Dist. Maj. Idem conciperetur inadæquate, simul & non conciperetur adæquate, C. Idem conciperetur adæquate, N. v. g. Homo conciperetur ut animal, & non conciperetur ut rationalis.

Inst. 5. Atqui homo non potest concipi ut animal, & non concipi ut rationalis.

Prob. Subf. Si homo conciperetur ut animal & non conciperetur ut rationalis, mens nostra separaret animalitatem hominis ab ejus rationalitate : atqui mens non debet separare animalitatem hominis à rationalitate.

R. Dist. Maj. Mens separaret animalitatem hominis à rationalitate, separaret per simplicem mentis abstractionem,

C. S.

C. Separaret per judicium, N. Id est, conciperet unam sine altera, sed non judicaret unam non esse realiter alteram.

Inst. 6. Mens non debet repræsentare res aliter, quām sunt : atqui repræsentaret res aliter, quām sunt ; si separaret animalitatem à rationalitate per simplicem abstractionem ; ergo mens non debet eas separare etiam per abstractionem simplicem.

Prob. Min. Mens repræsentaret animalitatem sine rationalitate : atqui animalitas hominis non est sine rationalitate ; ergo mens repræsentaret res aliter quām sunt.


R. Dist. Maj. Mens repræsentaret animalitatem objectivè sumptam sine rationalitate , C. Animalitatem realiter sumptam sine rationalitate , N. At animalitas objectivè sumpta in mente non includit rationalitatem.

Inst. 7. Animalitas objectivè sumpta includit illud ; cum quo identificatur : atqui animalitas identificatur cum rationalitate ; ergo includit rationalitatem.

R. Dist. Maj. Animalitas objectivè includit illud, cum quo identificatur formaliter , C. Realiter ; N. Porro animalitas non identificatur formaliter cum rationalitate , quia aliter concipiatur animalitas , aliter rationalitas.

Inst. 8. Animalitas, de quā quæstio est, est animalitas hominis : atqui animalitas hominis includit formaliter rationalitatem.

R. Dist. Maj. Est animalitas hominis præcisa à suis differentiis, C. Est animalitas ut contracta , N. Animalitas enim , ut sic , abstrahit à suis differentiis.



QUÆSTIO OCTAVA.

An detur universale formaliter à parte rei.

I. PROPOSITIO.

Non datur universale formaliter à parte rei.

PROB. Ut detur universale formaliter à parte rei, dari debet natura communis formaliter una in multis à parte rei; atqui non datur à parte rei natura formaliter una in multis; ea namque natura non est formaliter una in multis; quæ est à parte rei formaliter multiplex & divisa in multis; atqui quælibet natura est à parte rei formaliter multiplex & divisa in multis; si quidem realiter identificatur cum multis individuis distinctis & divisis, ut humanitas cum Petro & Paulo. Ergo non datur à parte rei natura formaliter una in multis, proindeque non datur universale formaliter à parte rei.

OBJECTION I.

Universale est unum formaliter & multiplex in multis: at-
qui datur à parte rei unum formaliter & multiplex in
multis, v. g. humanitas; ergo datur universale formaliter
à parte rei.

R. Diff. Maj. Universale est unum & multiplex, unum
unitate universalis, C. Unum unitate singulari, N. Porro hu-
manitas est quidem à parte rei una simul & multiplex, sed una
unitate singulari, v. g. una in Petro, at non est una unitate uni-
versali in omnibus hominibus.

Instit. 1. Unitas specifica est unitas universalis : atqui natura humana est à parte rei una unitate specificâ in omnibus hominibus ; ergo esti una unitate universali.

R. Dist. Maj. Unitas specifica formalis est universalis, C.
Unitas specifica fundamentalis, N. Porro humanitas est una u-
nitate specifica fundamentali, quia est valde similis in omnibus
realiter individuis : at non est una unitate specifica formali,
quia est formaliter divisa.

Inst.

Inst. 2. Natura humana est à parte rei una unitate specifica formalis, si Petrus & Paulus sint ejusdem speciei formalis à parte rei: atqui Petrus & Paulus sunt ejusdem speciei formalis à parte rei.

Prob. Min. Illa sunt ejusdem speciei formalis à parte rei, quæ non sunt divisa in specie formalis à parte rei: atqui Petrus & Paulus non sunt divisi in specie formalis: ergo sunt ejusdem speciei formalis.

R. Nego Maj. Quia non datur species formalis à parte rei; ergo nec sunt quid idem in specie, nec sunt divisi in specie à parte rei.

Inst. 3. In ea ratione aliqua sunt unum, in qua non sunt divisa, unitas enim est indivisio; ergo quæ non sunt divisa in specie formalis, sunt ejusdem speciei formalis.

R. Dist. Ant. In ea ratione, quam participant, v. g. homines in colore, C. In ea ratione, quam non participant, v. g. Angeli in coloribus, N. At Petrus & Paulus non participant speciem à parte rei.

Inst. 4. Illa participant speciem, quæ participant, eundem gradum specificum: atqui Petrus & Paulus participant à parte rei eundem gradum specificum, nempe humanitatem, in qua convenient.

R. 2. Dist. Maj. Quæ participant eundem gradum specificum unum & sine divisione, C. Multiplicem & cum divisione, N. Petrus & Paulus habent gradum specificum multiplicem & divisum.

Inst. 5. Si Petrus & Paulus participant gradum specificum multiplicem & divisum, essent divisi in specie: atqui Petrus & Paulus non sunt divisi in specie.

R. Dist. Maj. Si Petrus & Paulus participant gradum specificum divisum & multiplicem specie, C. Divisum & multiplicem numero, N. At illum habent numero tantum multiplicem & divisum.

Inst. 6. Atqui divisio seu multiplicitas numerica non impedit speciem formalem à parte rei.

Prob. Subs. Quod non opponitur unitati specificæ formalis, non impedit speciem formalem: atqui divisio numerica non opponitur unitati specificæ formalis, sed unitati numericae. Ergo eam non impedit.

R. Dist. Min. Atqui divisio numerica non oppo-

nitur unitati specificæ formali, non opponitur directè C. Indirectè, N. Quia indirectè multiplicat gradum specificum, multiplicando directè gradum numericum, qui identificatur cum specifico.

Inst. 7. Quod requiritur ad unitatem specificam formalem, non opponitur vel indirectè unitati specificæ formali: atqui divisio numerica requiritur ad unitatem specificam formalem.

R. Dist. Min. Atqui divisio numerica extrinseca graduī specifico, requiritur ad unitatem specificam formalem, C. Divisio numerica intrinseca, ut est à parte rei, N. Talis enim divisio multiplicat & dividit intrinsecus gradum specificum realiter identificatum cum numero.

Inst. 8. Divisio seu multiplicitas intrinseca partium non impedit unitatem totius: atqui divisio numerica intrinseca, est multiplicitas partium, unitas verò specifica est totum; ergo divisio numerica intrinseca non impedit unitatem specificam formalem à parte rei.

R. Dist. Maj. Non impedit unitatem totius, si sit totum actualē, ut homo respectu corporis & animæ, C. Si sit totum potentiale, ut homo respectu Petri & Pauli, N.

Inst. 9. Multiplicitas intrinseca partium actualium non impedit unitatem totius actualis; ergo à pari multiplicitas intrinseca partium potentialium, v. g. Petri & Pauli, non debet impedire unitatem totius potentialis, v. g. humanitatis à parte rei.

R. Nego Conf. & par. Ratio disp. quia totum actualē non distinguitur à collectione suarum omnium partium, v. g. Homo non distinguitur à collectione corporis & animæ. At verò totum potentiale distinguitur à collectione suarum partium potentialium, v. g. Homo à collectione Petri, Pauli, & aliorum,

Inst. 10. Species humana est totum potentiale: atqui species humana non distinguitur à collectione omnium hominum; ergo totum potentiale non distinguitur à collectione suarum partium.

R. Dist. Maj. Species humana formaliter sumpta, pro indivitione gradus specifici, C. Species humana materialiter sumpta pro similitudine individuorum, N.

O B J E C T I O II.

IBi datur universale formaliter, ubi datur unitas universalis formalis: atqui datur à parte rei unitas universalis naturæ in multis; erga datur universale formaliter à parte rei.

Prob. Min. Datur à parte rei fundamentum identitatis, seu similitudinis realis Petrum inter & Paulum: atqui fundamentum hujusmodi est unitas universalis in multis (juxta illud axioma) ea sunt idem, quorum una sunt essentia.

R. Dist. Min. Atqui fundamentum identitatis est unitas universalis fundamentalis, C. Formalis, N. Nam dum dicitur (ea sunt idem, quorum una est essentia) intelligitur una unitate fundamentali, quæ nihil aliud est quam convenientia multorum individuorum in functionibus, proprietatibus, & operationibus.

Inst. 1. Datur à parte rei unitas, quæ fundamentum est realis identitatis Petrum inter & Paulum: atqui talis unitas est requisita & sufficiens ad universale formaliter.

Prob. Min. Unitas illa, quæ datur à parte rei, est unitas indiversitatis, ut ajunt: atqui unitas indiversitatis est requiata & sufficiens ad universale formaliter.

Prob. Min. Unitas requiata & sufficiens ad universale formaliter, est unitas, quâ major esse non potest in multis: atqui unitate indiversitatis major unitas esse non potest in multis; ergo est unitas sufficiens ad universale formaliter.

R. Dist. Min. Atqui unitate indiversitatis major unitas esse non potest in multis à parte rei, C. Major unitas esse non potest absolute, N. Nam per abstractionem mentis fit major unitas naturæ communis, quæ avellitur suis differentiis divisivis.

Inst. 2. Ad universale formaliter requiritur unitas, quæ stare possit cum multiplicitate: atqui sola unitas indiversitatis est hujusmodi.

R. Dist. Maj. Requiritur unitas, quæ stare possit cum multis

multiplicitate extrinsecâ & potentiali, C. Cum multiplicitate intrinsecâ & actuali, N. Nam universale debet esse unum actu, multiplex potestate & extrinsecè, quod utique fit per abstractionem mentis.

Inst. 3. Ad universale formaliter sufficit unitas indistinctatis, vel requiritur unitas indistinctionis seu identitatis: atqui non requiritur unitas indistinctionis.

Prob. Min. Ad universale formaliter non requiritur unitas singularis atque incommunicabilis; atqui unitas indistinctionis est unitas singularis atque incommunicabilis; sicut enim distinctio est multiplicitas, ita indistinctio est negatio multiplicabilitatis.

R. Dist. Min. Atqui unitas indistinctionis gradus numerici, est singularis, C. Unitas indistinctionis gradus specifici & generici, N. Sic gradus specificus humanitatis habet per mentis abstractionem unitatem indistinctionis, & tamen est communicabilis pluribus.

Inst. 4. Atqui quælibet unitas indistinctionis est singularis & numerica,

Prob. Subs. Ea unitas est singularis & numerica, quæ non potest pluribus distinctis convenire; atqui unitas indistinctionis non potest pluribus distinctis convenire; ergo est singularis & numerica.

R. Dist. Min. Atqui unitas indistinctionis gradus incommunicabilis, v. g. Petreitatis non potest convenire multis, C. Unitas indistinctionis gradus communicabilis, v. g. Humanitatis, N.

Inst. 5. Atqui unitas indistinctionis gradus specifici, vel generici non requiritur ad universale formaliter,

Prob. Subs. Unitas, quæ repugnat à parte rei, repugnat quoque à parte mentis: atqui unitas indistinctionis gradus specifici in multis repugnat à parte rei; ergo à parte mentis.

Prob. Maj. Quidquid repugnat à parte rei, repugnat quoque per mentem. Ergo quæ unitas repugnat à parte rei, repugnat quoque per mentem.

R. Nego hoc Ant. Nam circulus generatim ut circulus, qui neque sit aureus neque alterius cujuscumque materiæ, repugnat à parte rei, non tamen per mentem.

Inst. 6. Quia circulus quadratus repugnat à parte rei,
re

repugnat quoque per mentem; ergo quod repugnat à parte rei, repugnat quoque per mentem.

R. Dist. Cons. Quod repugnat à parte rei, repugnat quoque per mentem aliquando, C. Semper, N. Sic repugnat misericordiam Dei esse realiter sine justitiâ, sed non repugnat mentaliter, quia *abstrahentium non est mendacium*.

Inst. 7. Quod repugnat à parte rei, involvit manifestam suis in attributis contradictionem; atqui quod involvit manifestam suis in attributis contradictionem, repugnat à parte mentis: ergo quidquid repugnat à parte rei, repugnat quoque per mentem.

R. Dist. Maj. Quod repugnat à parte rei, involvit manifestam contradictionem suis in attributis, sub eo respectu, C. Sub alio respectu, N. Nam fieri potest, ut per operationem mentis removeantur impedimenta atque contradictione omnis.

Inst. 8. Si ita est, mens non sibi repræsentaret res tales, quales sunt in se ipsis, atqui ita res immutaret.

R. Dist. Mens non sibi repræsentaret res tales, quales sunt in se ipsis realiter, C. Objectivè, N.

Inst. N. Mens debet sibi repræsentare res tales, quales sunt in se ipsis realiter.

R. Dist. Si res sibi repræsentet conceptu adæquato & judicativo, C. Conceptu inadæquato & præcilio, N. Sic v. g. sibi repræsentat humanitatem sine Petreitate, Pauleitate, &c. Neque interim errat, quia *abstrahentium non est mendacium*.

II. PROPOSITIO.

Datur universale formaliter à parte rei.

PROBATOR. Ut detur universale formaliter à parte rei, satis est, quod detur natura communis formaliter una simul, & multiplex in multis à parte rei. Atqui datur à parte rei natura formaliter una simul & multiplex in multis, quantum requiritur ad universale formaliter; namque datur à parte rei natura formaliter una in multis

unitate indiversitatis; atqui unitas indiversitatis est unitas requisita, & sufficiens ad universale: nam ea sola unitas requiritur & sufficit ad universale, quæ sola potest stare cum verâ multiplicitate in multis; atqui sola unitas indiversitatis potest stare cum multiplicitate in multis; ergo sola unitas indiversitatis requiritur & sufficit ad universale formaliter, talis autem unitas datur à parte rei. Ergo datur universale formaliter à parte rei,

O B J E C T I O.

Si daretur universale à parte rei universalitas formalis convenire naturæ communi à parte rei; atqui universalitas non convenit naturæ communi à parte rei.

Prob. Min. Si universalitas formalis conveniret naturæ humanæ à parte rei, vel tanquam aliquid essentiale, vel tanquam proprietas, vel tanquam accidens commune; atqui nullum ex his dici potest.

R. Nego Min. Et dico convenire vel essentialiter, vel saltē tanquam proprietatem, quia necessariò convenit.

Inst. 1. *Quod convenit essentialiter & necessariò superiori, convenit & inferiori cuilibet*: atqui universalitas formalis non convenit singulis inferioribus naturæ communis; ergo non convenit necessariò naturæ communi à parte rei.

R. Dist. Maj. *Quod convenit necessariò superiori primò intentionaliter, convenit & inferiori, C. Quod convenit superiori secundò intentionaliter, tanquam secunda quædam intentio, & non tanquam gradus aliquis essentialis, N.*

Inst. 2. Atqui universalitas formalis non convenit à parte rei naturæ communi secundò intentionaliter sumptæ.

Prob. Subs. Universalitas formalis non convenit naturæ, quæ est intrinsecus divisa & multiplex: atqui natura communis est parte rei intrinsecus divisa & multiplex in multis, v. g. humanitas.

R. Dist. Min. Atqui natura communis est à parte rei intrinsecus divisa & multiplex, numericè seu multiplicitate distincte.

distinctionis, C. Specificè seu multiplicitate diversitatis, N. habet enim à parte rei unitatem indiversitatis.

Inst. 3. Atqui natura communis non est à parte rei una unitate specifica seu indiversitatis.

Prob. Subf. Ut natura communis esset à parte rei una unitate specifica in multis, deberet gradus naturæ specificus esse unus atque indivisus in multis: atqui gradus specificus naturæ communis non est à parte rei unus atque indivisus in multis; ergo, &c.

R. Dist. Min. Atqui gradus specificus naturæ non est à parte rei unus, unitate numericâ seu indistinctionis, C. Non est à parte rei unus unitate specifica seu indiversitatis, N.

Inst. 4. Atqui gradus specificus non est à parte rei unus unitate universali.

Prob. Subf. Ille gradus non est formaliter unus unitate universali, qui est formaliter singularis: atqui gradus specificus à parte rei est formaliter singularis.

Prob. Min. Quidquid existit realiter, singulare est, existere enim singularium est: atqui gradus specificus formaliter existit à parte rei; ergo formaliter singularis est.

R. Dist. Maj. Quidquid existit realiter per se, singulare est, C. quidquid existit per aliud, N. Porrò gradus specificus realiter existit non per se, sed per gradum numericum, v. g. humanitas per Petrum.

Inst. 5. Gradus, qui realiter identificatur cum singulari, est realiter singularis: atqui gradus specificus identificatur realiter cum singulari; ergo singularis est.

R. Dist. Min. Atqui gradus specificus identificatur realiter cum singulari, realiter entitative, C. Realiter formaliter, N. Nam distinguntur formaliter ex natura rei.

Inst. 6. Atqui gradus ille specificus formaliter distinctus à numero, non est unus unitate universali.


Prob. Subf. Si gradus specificus ut formaliter distinctus à numero esset formaliter universalis à parte rei, vel haberet suam universalitatem totam in unico individuo, vel totam in omnibus, vel partim in uno & partim in altero: atqui nullum ex his dici potest.

R. Nego Min. Et dico suam habere universalitatem totam in omnibus, sed non in singulis.

Inst. 7. Si haberet suam universalitatem totam in omni-

bus solum individuis & non in singulis, universale formaliter fieret ex pluribus non universalibus formaliter: atqui universale formaliter non debet fieri ex pluribus non universalibus formaliter, alioqui fieret ex singularibus.

R. Dist. Maj. Universale formaliter fieret ex pluribus non universalibus, qui sunt gradus specifici & communes, C. Qui sunt gradus numerici & singulares, N. Nam in singulis individuis est gradus aliquis specificus & communis, qui est universalis in omnibus.



QUÆSTIO NONA.

De numero universalium.

PROPOSITIO.

Quinque sunt universalia.

PROB. Tot sunt universalia, quot sunt modi essentialiter diversi, quibus unum potest inesse multis, & de illis prædicari univocè & divisim. Atqui sunt quinque modi, quibus unum potest inesse, & prædicari de multis univocè. Nam quidquid prædicatur de multis, vel prædicatur essentialiter, vel accidentaliter; si prædicatur essentialiter, vel tanquam pars essentiæ communior, & est genus; vel tanquam pars essentiæ strictior, & est differentia; vel tanquam tota communis essentia, & est species: jam si prædicatur accidentaliter, vel necessariò, & est proprium, vel contingenter, & est accidens commune. Ergo quinque sunt modi, quibus unum potest inesse, & prædicari de multis univocè, proindeque sunt quinque universalia, genus, species, differentia, proprium, & accidens.

O B J E C T I O.

NON sunt quinque universalia, si accidens commune revocetur ad genus & speciem; atqui accidens commune revocatur ad genus & speciem.

Prob.

Prob. Min. Quod prædicatur ut genus & species, revo-
catur ad genus & speciem : atqui accidens cominjune prædi-
catur ut genus & species, v. g. Color de albedine & nigredine.

R. Dist. Min. Atqui accidens prædicatur ut genus & spe-
cies de suis propriis inferioribus, ut color de albedine & nigre-
dine, C. De suis subjectis ut color de pariete colorato, N. Nam
de illis prædicatur contingenter.

Inst. Atqui subjecta accidentis sunt ejus inferiora : nam
accidens de illis prædicatur tanquam superius ; ergo accidens
est genus & species respectu subjectorum.

R. Dist. Ant. Subjecta accidentis sunt ejus inferiora im-
propriè dicta, C. Propriè dicta, N. Nam inferiora acci-
dentis propriè dicta sunt ea, de quibus accidens, v. g. co-
lor prædicatur in recto ; at de subjectis in recto non prædi-
catur.

Inst. 2. Atqui accidens est genus vel species respectu in-
feriorum, quæ sunt subjecta.

Prob. Subs. Accidens est genus vel species respectu illo-
rum inferiorum, de quibus prædicatur essentialiter, vel nullo
modo prædicatur univocè : atqui accidens prædicatur essentia-
liter de suis subjectis, vel nullo modo prædicatur univocè.

Prob. Min. Quoad primam partem. Color prædicatur
essentialiter de subjectis ; ergo & accidens quodlibet.

Prob. Ant. Subjecta coloris sunt colorata, atqui color
prædicatur essentialiter de coloratis, quia colorata non possunt
concipi sine colore.

R. Dist. Min. Atqui color prædicatur essentialiter de co-
loratis formaliter sumptis, quatenus coloratis, C. De colorati
materialiter sumptis, quæ, & non quatenus, colorata
sunt, N.

Inst. 3. Licet animalitas non prædicetur de homine,
nisi formaliter sumpto, quatenus animal est, tamen hoc suffi-
cit, ut animalitas prædicetur essentialiter ; ergo à pari licet co-
lor non prædicetur de coloratis, nisi formaliter sumptis qua-
tenus colorata sunt, tamen hoc sufficit, ut prædicetur essentia-
liter.

Resp. Nego Cons. & par. Ratio disp. quia animalitas
est quid primum in homine, proindeque essentialis
est ; at vero color non est quid primum in subjecto, v. g.

in pariete: ita ut eo sublato adhuc paries esset in sua integritate.

Inst. 4. Atqui pariter color est quid primum in colorato.

R. Dist. Ant. In colorato formaliter ut coloratum est, C. In colorato materialiter sumpto, N. Nam coloratum formaliter ut coloratum, estens per accidens.

Inst. 5. Atqui color non est universalis respectu subjectorum coloratorum materialiter sumptorum

Prob. Subs. Universale debet praedicari univocè: atqui color non praedicatur univocè de subjectis coloratis.

Prob. Min. Non potest dici paries est color: ergo color non praedicatur univocè de subjectis.

R. Dist. Conf. Ergo color non praedicatur univocè, color in abstracto, C. Color in concreto, N. Nam abstracta insunt, & concreta praedicanter.

Inst. 6. Atqui color in concreto non praedicatur univocè de subjectis, nam praedicatur paronymè.

R. Dist. Non praedicatur univocè strictè seu essentialiter, C. Univocè latè, N. Nam praedicatur secundum eandem significationem.

Inst. 7. Quod aliud significat, quando praedicatur de uno subjecto, & aliud, quando praedicatur de alio, non praedicatur univocè de subjectis: atqui color aliud & aliud significat, quando praedicatur de suis subjectis.

Prob. Min. In his propositionibus (paries est coloratus, homo est coloratus,) coloratum diversa significat in pariete & homine: ergo aliud & aliud significat.

R. Dist. Ant. Coloratum diversa significat in pariete & homine materialiter sumptis & ratione substantiae suæ, C. In pariete & homine formaliter sumptis, N. Quamvis enim sint diversæ substantiæ parietis & hominis, est idem color in utroque & idem modus recipiendi coloris: quare convenient paries & homo in ratione habentium colorem.

O B J E C T I O II.

PLura sunt quam quinque universalia, si differentia generica & specifica duo constituant universalia: atqui ita se res habet.

Prob.

Prob. Min. Tam differentia generica & specifica duo constituunt universalia, quam genus & species.

R. Nego Par. Ratio disp. quia genus & species diversum habent praedicandi modum, nempè genus ut pars essentiæ magis communis, & species ut tota communis essentia: at vero differentia tum generica tum specifica ambæ praedicantur ut partes essentiæ minus communes.

Inst. I. Ideo genus & species duo constitutunt universalia diversa, quia genus praedicatur de multis specie differentibus species vero de multis solo numero differentibus: atqui pariter differentia generica & specifica.

R. Nego Maj. Sed quia genus praedicatur ut pars essentiæ magis communis, species autem ut tota communis essentia.

Inst. 2. Atqui pariter differentia generica & specifica praedicantur ut pars essentiæ magis communis, & ut pars essentiæ communis.

Prob. Subf. Sensitivum est differentia generica hominis, rationale est specifica: atqui sensitivum praedicatur ut pars essentiæ magis communis.

R. Nego Min. Nam sensitivum debet comparari cum vivente, cuius est differentia divisiva, sicut rationale comparatur cum animali: sed sensitivum sic, est pars minus communis animalis, quia vivens est communius.

Inst. 3. Quod est tam commune quam animal, praedicatur ut pars essentiæ magis communis: atqui sensitivum tam commune est quam animal, nempè hominibus & belluis; ergo sensitivum praedicatur ut pars essentiæ magis communis.

R. Dist. Maj. Quod tam est commune quam animal, & praedicatur eodem modo, C. Et praedicatur diversimode, N. At sensitivum praedicatur in quale quid, animal autem in quid.

R. Dist. Min. Atqui sensitivum tam commune est, quam animal inadæquate sumptum prout est sentiens, C. Quam animal adæquate sumptum, prout est vivens, N. Scilicet animal est vivens sensitivum. Hoc argumentum probaret, quod rationale praedicaretur ut tota communis essentia, quia tam commune est quam homo.

Inst. 4. Animal & homo ambo praedicantur ut pars essentiæ magis communis, & tamen duo sunt universalia distincta;

cta ; ergo à pari licet differentia generica & specifica ambæ prædicentur ut pars essentiæ minus communis, tamen possunt esse duo diversa universalia.

Prob. Ant. Homo prædicatur ut pars essentiæ magis communis, si præter humanitatem, quæ communis est individui, si adhuc aliquid in ipsis essentiale & minus commune : atqui ita se res habet.

R. Dist. Maj. Si præter humanitatem sit adhuc aliquid essentiale & universale, C. Et singulare, N. At differentia numerica non est communis, proindeque appellari non potest pars essentiæ minus communis, quia prius est esse commune, quam esse minus commune.

Inst. 5. Atqui præter humanitatem est adhuc aliquid essentiale & commune.

R. Dist. Est adhuc aliquid essentiale commune in hominibus possibilibns specie diversis, C. In individuis jam existentibus, N.

Inst. 6. Datur in individuis existentibus id, in quo convenienter individua ut individua : atqui hoc est essentiale & commune.

R. Dist. Maj. Datur id, in quo convenienter individua ut individua secundò intentionaliter, id est individuatione, C. Convenienter primò intentionaliter, seu gradus aliquis realis, N. Sicut enim genera convenienter in genereitate, ita individua in individuatione ; prætereà non convenienter, sed differunt.

Inst. 7. Individua ut individua convenienter in singularitate & gradu numero ; ergo convenienter primò intentionaliter.

R. Nego Ant. Nam individua unicè differunt in singularitate. Ratio est, quia unicè differunt in ultima simplicitate differentia : atqui singularitas est ultima simplicitate differentia, ultimus simpliciter gradus essentialis.


Inst. 8. Tam singularia ut singularia convenienter in singularitate, quam homines ut homines convenienter in humanitate.

R. Nego Par. Ratio disp. quia humanitas non est gradus per se incomunicabilis pluribus ; at vero singularitas est gradus incomunicabilis prorsus.

Inst. 9. Singularitas est communicabilis iis, de quibus præ-

prædicatur : atq[ue] prædicatur de pluribus, v. g. Petrus est singularis : Paulus est singularis.

R. Dicit Min. Atqui singularitas prædicatur de pluribus quoad nomen, C. Quoad rem significatam eandem, N. Nam alia est singularitas, quæ prædicatur de Petro, alia quæ de Paulo : nam ut esset eadem singularitas, quæ prædicaretur de Petro & de Paulo, deberet abstrahi à suis inferioribus : atqui abstrahi non potest, quia est gradus omnium infimus ; non habens differentias, à quibus abstrahi possit.



QUÆSTIO DECIMA.

De univocatione entis.

I. PROPOSITIO.

Ens reale est univocum respectu Dei & creaturæ.

PROB. Illud est univocum respectu Dei, & creaturæ, quod convenit Deo, & creaturæ secundum idem nomen & eandem prorsus significationem ; atqui ens reale convenit Deo, & creaturæ secundum idem nomen, eandemque significationem ; & primo quidem convenit secundum idem nomen, quia Deus & creatura ambo dicuntur entia realia ; deinde convenit secundum eandem significationem, nam ens reale significat id, quod est capax existentiæ realis : atqui Deus & creatura sunt ambo capaces existentiæ realis. Ergo ens reale convenit Deo & creaturæ secundum idem nomen, eandemque significationem ; proindeque est univocum respectu Dei & creaturæ.

O B J E C T I O.

Illud non est univocum respectu Dei & creaturæ, quod non convenit eodem modo Deo & creaturæ : atqui ens reale non convenit eodem modo Deo & creaturæ ; ergo non est univocum utriusque.

Prob. Min. Quod convenit Deo essentialiter & creaturæ

tutæ accidentaliter, non convenit eodem modo utriusque : atqui ens reale convenit Deo essentialiter, & creaturæ accidentaliter : siquidem existentia est accidentis in creaturis.

R. Dist. Min. Atqui ens convenit Deo essentialiter, & creaturæ accidentaliter, ens participialiter sumptum, C. Ens nominaliter sumptum, N. Quatenus enim existentia sit accidentis in creatoris, capacitas existendi est essentialis tam creaturis quam Deo.

Inst. 1. Quod convenit Deo independenter, creaturæ verò dependenter, non convenit eodem modo utriusque : atqui ens nominaliter sumptum convenit Deo independenter & creaturis dependenter; ergo ens nominaliter sumptum non convenit eodem modo Deo & creaturæ.

R. Dist. Min. Atqui ens nominaliter sumptum convenit Deo independenter & creaturis dependenter, ens quatenus contrarium per suas differentias, C. Ens quatenus ens, prout praecisum à suis differentiis, N. Ens enim, ut sic, neque est dependens, neque independens.

Inst. 2. Atqui ens non potest considerari praecisum à suis differentiis.

Prob. Subs. Quod includit formaliter suas differentias, & includitur formaliter in illis, non potest esse praecisum à suis differentiis : atqui ens reale includit & includitur formaliter in suis differentiis, v. g. in dependentiâ & independentiâ.

Prob. Min. Attributum transcendentia includit & includitur formaliter in omnibus : atqui ens est attributum transcendens.

R. Dist. Maj. Attributum transcendentia includitur in omnibus speciebus sibi directè subjectis, C. In omnibus adjacentibus & contrahentibus, N. Porro differentiæ entis sunt adjacentes enti collateraliter, ipsumque contrahunt, sicut rationalitas & irrationalitas contrahunt animal.

Inst. 3. Ens prædicatur formaliter de omnibus, quæ sunt formaliter entia : atqui differentiæ entis sunt formaliter entia; ergo ens prædicatur de omnibus suis differentiis.

Prob. Min. Quæ sunt formaliter extra nihil, sunt formaliter entia : atqui differentiæ entis sunt formaliter extra nihil.

R. Dist.

R. Dist. Maj. Quæ sunt formaliter extra nihil entis, C. Extra nihil modorum entis, N. Porro differentiæ entis sunt extra nihil modorum entis, quia sunt veri entis modi, sed non sunt formaliter entia.

Inst. 4. Quod non solum est formaliter capax existentiæ, sed etiam actu existit, illud est extra nihil entis: atqui differentiæ entis sunt capaces existentiæ realis, & actu existunt: ergo sunt extra nihil entis.

R. Dist. Min. Atqui differentiæ entis sunt capaces existentiæ realiter & identicè, quatenus cum ente realiter identificantur; C. Sunt capaces existentiæ formaliter & prout ab ente virtualiter distinguuntur, N. Nam sic, nihil sunt aliud, quam quod capax est contrahere ens.

Inst. 5. Quod formaliter habet proprietates entis realis, est formaliter ens: atqui differentiæ entis habent formaliter proprietates entis, nempe unitatem, bonitatem & veritatem.

R. Dist. Min. Atqui differentiæ entis habent formaliter unitatem, veritatem, bonitatem relativam & modalem instar modorum, C. Absolutam instar entium, N. Quamvis enim sint uni, veri & boni modi, non sunt tamen una, vera & bona entia.

Inst. 6. Atqui modi & modificationes entis sunt vera entia formaliter.

Prob. Subf. Licet accidens sit modus & modificatio entis, nihilominus est formaliter ens, & species entis; ergo quamvis differentiæ entis sint modi & modificationes entis, tamen sunt formaliter vera entia.

R. Nego Cons. & par. Ratio dispar, quia accidens non est modus entis generatim, sed modus talis entis potius substantiæ: at vero differentiæ entis sunt modi entis generatim; unde sicut accidens non est substantia, cuius est modus; ita differentiæ entis non sunt ens, cuius sunt modi & modificationes.

Inst. 7. Atqui modi & modificationes entis generatim sunt formaliter entia.

Prob. Subf. Vel sunt formaliter entia, vel sunt formaliter nihil: atqui non sunt formaliter nihil; ergo sunt formaliter entia.

R. Dist. Min. Atqui non sunt nihil sumptum pro ne-

gatione modi entis, C. Non sunt nihil sumptum pro negatione entis, N. Quamvis enim non detur medium inter ens & non ens simpliciter, datur tamen inter ens & non modum entis, & dicitur modus entis.

OBJECTIO II.

SI ens esset univocum Deo & creaturæ, esset aliqua perfectio univocè communis Deo & creaturæ: atqui nulla est perfectio univocè communis Deo & creaturæ.

Prob Min. Illis nulla est perfectio univocè communis, quæ infinitè distant in omni perfectione: atqui Deus & creatura infinitè distant in omni sua perfectione.

R. Nego Min. vel Dist. Maj. Quæ infinitè distant in omni perfectione tum genericâ tum specificâ, C. Specificâ tantum, N. Porrò Deus & creatura infinitè distant non in perfectione genericâ, quatenus sunt entia, sed in specificâ, quatenus sunt talia entia; dependens scilicet & independentia.

Inst. Perfectio genericâ & specificâ in Deo sunt quid idem; ergo si Deus & creatura infinitè distant in omni perfectione specificâ, distant quoque in genericâ.

R. Dist. Ant. Sunt quid idem realiter & identicè, C. Sunt quid idem formaliter & objectivè, N. Nam aliter concipiatur gradus entis, aliter independentia.

Inst. 2. In ente simplicissimo perfectio genericâ & specificâ sunt quid idem etiam formaliter: atqui Deus est ens simplicissimum.

R. Dist. Maj. In ente simplicissimo formaliter & metaphysicè, C. In ente simplicissimo realiter & physicè, N. Porrò Deus est simplicissimus, sed physicè, non autem metaphysicè, quia nihil est simplex metaphysicè præter primum genus & primam differentiam generis divisivam; Deus autem nec est genus primum, nec prima differentia.

Inst. 3. Quæ se se mutuo formaliter includunt, sunt quid idem formaliter: atqui perfectio genericâ Dei, nempe ens, & perfectio specificâ, nempe independentia, se se mutuo formaliter includunt.

Prob.

Prob. Min. Nempe independentiam includere est ens formaliter. Summa Dei perfectio, fons & radix ceterarum debet includeret formaliter ens : Nam prius est esse, quam esse fontem aliorum : atque independentia est hujusmodi.

R. Dist. Maj. Summa Dei perfectio generica seu prædicabilis *in quid*, C. Differentialis seu prædicabilis *in quale quid*, N. Nam non est formaliter, sed adjacet enti sicut rationalitas animalis.

Inst. 4. Perfectio infinita debet esse formaliter ens ; atque independentia est perfectio infinita.

R. Dist. Maj. Perfectio infinita in omni genere, C. In suo duntaxat genere, N. Porro independentia est infinita non in genere entis, sed in suo genere independentiæ.

Inst. 5. Quod includit existentiam in suo conceptu est, ens formaliter : atque independentia includit existentiam in suo conceptu ; siquidem est modus existendi à se.

R. Dist. Maj. Quod includit existentiam formaliter & in recto, C. Præsuppositivè & in obliquo, N. Porro independentia includit existentiam non in recto, sed in obliquo, quia est modus existendi à se ; sed non est formaliter existentia vel existens. Sicut rationalitas est modus animalis, sed non est formaliter animalitas vel animal.

Inst. 6. Quod est formaliter ipsa existentia necessaria, includit existentiam formaliter & in recto ; atque independentia est formaliter ipsa existentia necessaria.

R. Nego Min. Sed est formaliter modus existendi necessarij.

Inst. 7. Quod facit Deum existere necessarij, est ipsa existentia necessaria : atque independentia facit ut Deus existat necessarij : ergo est ipsa existentia necessaria.

R. Dist. Maj. Quod facit Deum existere necessarij, tribuendo ipsi existentiam, C. Tribuendo modum existendi necessarium, N. Porro independentia non tribuit Deo ipsam existentiam, sed tribuit solum modum existendi necessarium : sicut rationalitas facit quidem, ut homo sit animal rationale, non quod tribuat formaliter animalitatem, sed modum animalis rationalis.

Inst. 8. Atqui independentia tribuit Deo ipsam formaliter existentiam.

Prob. Subf. Nisi independentia tribuat Deo ipsam formaliter existentiam, existentia non erit essentia Dei; atqui tamen est.

R. Dist. Maj. Existentia non erit essentia Dei totalis & adæquata, C. Inadæquata, N. Nam tria videntur ad existentiam Dei pertinere; nempe capacitas existendi, existentia & independentia: Deus capax est realis existentiæ, existit, & independenter existit.

Inst. 9. Sequeretur inde, quod existentia & independentia Dei non essent quid primum in Deo; siquidem supponunt ipsam existendi capacitatem.

R. Dist. Existentia & independentia non essent quid primum comparatè ad gradum genericum entis, C. Comparatè ad proprietates Dei omnes, N. Nam sicut rationalitas supponit animal in homine, ita independentia supponit ens in Deo.



II. PROPOSITIO.

Ens reale non est univocum respectu Dei & creaturæ.

PROB. In principiis Thomistarum sic. Illud non est univocum respectu Dei & creaturæ, quod est essentialiter diversum in Deo & in creatura; atqui ens reale est essentialiter diversum in Deo & in creatura; cum sit essentialiter independens in Deo, & essentialiter dependens in creatura. Ergo ens reale non est univocum respectu Dei & creaturæ.

O B J E C T I O.

Tam ens est univocum respectu Dei & creaturæ, quam animal respectu hominis & belluæ.

R. Nego par. Ratio dispar. quia animal convenit eodem modo homini & belluæ; non ita ens Deo & creaturæ: nam in Deo est independens atque infinitum per existentiam; in creatura dependens, finitum & per participationem.

Inst.

Inst. Licet animal sit rationale in homine & irrationale in bellua, nihilominus dicitur convenire eodem modo homini & belluae; ergo quamvis ens sit independens in Deo, & dependens in creatura, nihilominus potest eodem modo convenire Deo & creaturæ.

R. Nego Conf. & par. Ratio disp. quia animal est terminus categoricus, & non transcendens, qui cum non includatur in rationalitate & irrationalitate, potest eodem modo convenire homini & belluae, contra vero ens.

Inst. 2. Si quid impediret, quo minus ens eodem modo conveniret Deo & creaturæ, maximè, quia est in Deo independens, & in creatura dependens: atqui haec ratio non obstat.

Prob. Min. Licet qualitas sit independens in potentia naturali, & dependens in habitu naturali, tamen qualitas eodem modo generico convenit potentiae & habitui; ergo à pari quamvis ens sit independens in Deo & dependens in creatura, hoc non obstat entis univocationi.

R. Nego Conf. & par. Ratio disp. 1. Quia habitus non dependet à potentia in ratione qualitatis, at vero creatura dependet à Deo sub omni ratione. 2. Quia qualitas est terminus categoricus, qui non imbibitur in differentiis suis: at vero ens est terminus transcendens, qui per omnia vagatur, vel per differentias suas.

Inst. 3. Atqui etiam ens non imbibitur in differentiis suis; ergo nulla solutio.

Prob. Subf. Ens non imbibitur formaliter in eo, quod neque includit ens, neque includitur in ente: atqui differentiae entis neque includunt ens, neque includuntur in ente.

Prob. Min. Id, sine quo concipitur ens, non includitur in ente: atqui ens concipitur sine suis differentiis, sine dependentiâ & independentiâ.

R. Dist. Min. Atqui ens concipitur sine suis differentiis explicitè cognitis, C. Implicitè & confusè, N. Nam qui concipit ens, concipit, quod est plus quam nihil: atqui differentiae entis sunt plus quam nihil.

Inst. 4. Ens concipitur omnino sine eo, quod neque est ipsum ens, neque pars entis: atqui differentiae entis neque sunt entia, neque partes entis.

Prob. Min. Modus determinativus entis non est formaliter ens vel pars entis; atqui differentiae entis sunt modi determinativi entis; ergo non sunt ens vel pars entis.

R. Nego Maj. Quia cum ille modus sit plus quam nihil, debet esse ens.

Inst. 5. Modus substantiae determinativus non est substantia; ergo a pari modus determinativus entis non est formaliter ens.

R. Nego Conf. & par. Ratio disp. quia substantia non est terminus transcendens, sicuti est ens; modi substantiae non sunt entia per se subsistentia, v. g. incorporeitas; at vero modi entis sunt plus quam nihil, proindeque sunt entia.

Inst. 6. Quod contrahit ens, eique superadditur, profectò non est ens formaliter, alioqui seipsum contraheret: atqui modus entis determinativus contrahit ens, eique superadditur, v. g. Independentia contrahit ens; ergo non est ens.

R. Dist. Maj. Quod contrahit ens contractione propriè dicta, sicut rationalitas contrahit animal, C. Quod contrahit ens contractione impropriè dicta, N. Porrò differentiae entis non contrahunt ens nisi impropriè, quatenus explicitè manifestant, quod in ente continebatur implicitè & confusè.

Inst. 7. Si differentiae entis includuntur in ente, vel implicitè, & confusè, qui diceret, Deus est ens, diceret, Deus est dependens: falsum consequens.

R. Neg. Maj. Quia dum dicitur Deus est ens, in istâ prædicatione subjectum propositionis Deus, appellat ad se attributum ens; atque ita in illa propositio ens sumitur determinatè pro solo ente independenti.

Inst. 8. Qui diceret, Deus est ens, diceret Deum esse id omne, quod essentialiter & indivulgè includitur in ente: atqui dependentia essentialiter includeretur in ente (data Thomistarum opinione;) ergo qui diceret Deus est ens, diceret Deum esse dependentem.

R. Dist. Maj. Qui diceret Deus est ens, diceret Deum esse id omne, quod essentialiter includitur in ente Dei, C. In ente creaturæ, N. Porrò dependentia includitur quidem in ente, non Dei, sed creaturæ.

Inst. 9. Atqui (data Thomistarum opinione) dependen-
tia includeretur essentialiter in ente tam Dei quam creaturæ :
ergo nulla solutio.

Prob. Subs. Ens Dei & creaturæ esset idem prorsus ens ;
ergo dependentia utriusque ex a quo conveniret.


Prob. Ant. Et sunt quid idem prorsus, quæ nihil habent,
per quod discrepare possint : atqui ens Dei & ens creaturæ ni-
hil haberent, per quod discreparent.

Prob. Min. Id, per quod discreparent ens Dei & creatu-
ræ deberet esse aliquid præter & supra ens : atqui nihil est hu-
jusmodi in opinione Thomistarum.

R. Dist. Maj. Deberet esse aliquid præter ens vel expli-
citè vel implicitè, C. Implicitè, N. Uno verbo ens Dei & ens
creaturarum se totis adæquate discrepant.

Inst. 10. Ea se totis non discrepant, quibus est aliquid es-
sentiæ commune : atqui enti Dei & enti creaturæ , est aliquid
essentiæ commune, putè definitio.

R. Dist. Min. Atqui enti Dei & creaturæ est aliquid es-
sentiæ commune analogicè, C. Univocè, N.



QUÆSTIO UNDECIMA.

An Deus sit in Categoria substantiæ.

I. PROPOSITIO.

Deus est in Categoria substantiæ.

PROB. Illud omne ponitur in Categoria substantiæ ,
quod habet omnes conditiones requisitas ad hoc, ut colloce-
tur in Categoria substantiæ : atqui Deus habet omnes condi-
tiones requisitas ad hoc, ut collocetur in Categoria substani-
tæ ; cum sit substantia completa, incomplexa, & univoca.
Ergo Deus est in Categoria substantiæ .

O B J E C T I O.

[I]lle non ponitur in categoria substantiæ , qui non habet ratio-
nem veræ & propriæ dictæ substantiæ : atqui Deus non ha-
bet rationem veræ & propriæ dictæ substantiæ .

Prob. Min. Qui nullus substans accidentibus, non habet rationem veræ substantiæ: atqui Deus nullis substans accidentibus.

R. Dist. Maj. Qui nullis substans accidentibus, non habet rationem veræ substantiæ, à substando dictæ, C. Substantiæ à substendo dictæ, N. Porro potior substantiæ significatio pertinet à substendo, Deus autem est ens per se subsistens.

Inst. Si Deus collocaretur in categoria substantiæ à substendo dictæ, vel tanquam genus, vel tanquam species, vel tanquam individuum: atqui nullum ex his dici potest.

R. Nego Min. Et dico Deum reponi in categoria substantiæ tanquam speciem entis & substantiæ generatim.

Inst. 2. Species est unum ex universalibus: atqui Deus non est unum ex universalibus: quia non prædicatur de multis divisionib[us].

R. Dist. Maj. Species prædicabilis est unum ex universalibus, C. Species subiectibilis, N. Porro Deus est species, non prædicabilis, sed subiectibilis enti & substantiæ generatim.

Inst. 3. Subiecti dicit imperfectionem: atqui in Deo nulla esse potest imperfectione; ergo Deus non est species subiectibilis.

R. Dist. Maj. Subiecti dicit imperfectionem, subiectio civili, ut servus, subiectitur domino, vel subiectio physica, ut filius parentibus, C. Subiectio Logica, ut homo subiectitur animali generatim, N.

Inst. 4. Quod subiectitur subiectio Logica agnoscit aliquid se superius: atqui Deus nihil agnoscit superius se; ergo Deus non subiectitur subiectio Logica,

R. Dist. Maj. Agnoscit aliquid se superius superioritate universalitatis, C. Superioritate dignitatis, N. Porro Deus nihil agnoscit superius dignitate, bene autem universalitate; quod autem est superius universalitate, non est idcirco dignitate; sic animal est homine superius universalitate, non tamen dignitate.

Inst. 5. Ens universalissimum nihil agnoscit superius superioritate universalitatis: atqui Deus est ens universalissimum & ubique positum.

R. Dist. Min. Atqui Deus est universalissimus universalitate reali & locorum, C. Universalitate logicā & prædicatio-

tionum, N. Hoc est, Deus est ubique in locis omnibus per immensitatem, sed non prædicatur in recto de omnibus, sicut prædicatur ens.

Inst. 6. Nisi Deus esset universalissimus universalitate logicâ, intellectus noster conciperet Deum tanquam terminis se universalioribus comprehensum; atqui hoc implicat.

R. Dist. Maj. Terminis Logicis & Categoricis comprehensum, C. Terminis realibus & physicis, N. Porro non implicat Deum habere terminos Logicos & Categoricos, nempe genus & differentiam.

Inst. 7. Ens simpliciter infinitum nullos habet terminos mentales & Logicos, atqui Deus est simpliciter infinitus.

R. Dist. Maj. Ens simpliciter infinitum Logicè, ut non homo, non lapis. C. Ens simpliciter infinitum entitative ob infinitas perfectiones, N.

Inst. 8. Quod non habet determinatam perfectionem, ratione cuius revocetur ad certum genus, est infinitum Logicè: atqui Deus est hujusmodi.

Prob. Min. Id, cuius omnes perfectiones sunt infinitæ, non potest revocari ad certum & determinatum genus sibi cum cœteris univocè commune; atqui omnes & singulæ Dei perfectiones sunt infinitæ.

R. Dist. Min. Atqui omnes & singulæ Dei perfectiones specificæ sunt infinitæ, C. Genericæ, N. Sic ens est univocè commune Deo cum cœteris quibuscumque entibus.

Inst. 9. Ens per essentiam totalitas entis & plenitudo est aliquid simpliciter infinitum: atqui ens in Deo est ens per essentiam, totalitas entis & plenitudo; ergo ens seu perfectio Dei genericæ est infinita.

R. Dist. Min. Atqui ens in Deo est ens per essentiam, ens Dei, ut Dei, C. Ens Dei præcisè ut ens, N. Nam ut sic, abstrahit à finito & infinito, sicut animal à rationali & irrationali.

Inst. 10. Atqui in Deo non est distinguendum ens ut ens genericæ, ab ente Dei ut Dei specificæ; ergo nulla solutio.

Prob. Subs. Si posset in Deo distingui ens genericæ ab ente specificæ, gradus genericus à gradu specifico, Deus foret pars illius gradus generici: atqui Deus nequit esse pars alterius.

R. Dist. Maj. Deus foret pars illius gradus genericis, pars potentialis, C. Pars actualis, N. Porro non magis repugnat Deum esse partem potentialem totius potentialis v. g. entis, quam hominem esse partem potentialem animalis generationis.

Inst. 11. Si Deus esset sub gradu generico entis comprehensus, Deus esset pars actualis categoriae, quae actu componitur ex generibus, speciebus & individuis.

R. Dist. Deus esset pars actualis categoriae, quae est totum actuale impropriè dictum & logicum, C. Quae est totum actuale propriè dictum & physicum, N. Porro non magis repugnat Deum esse actu partem categoriae, quam esse actu subiectum istius propositionis, Deus est ens.

O B J E C T I O II.

Illud non ponitur in categoria, quod nulli subjacet generi : atqui Deus nulli subjacet generi.

Prob. Min. Si cui Deus subjaceret generi, componeretur ex genere & differentiâ ; atqui Deus non componitur ex genere & differentiâ.

Prob. Min. Genus & differentia sunt potentia & actus : atqui Deus non componitur ex potentia & actu ; ergo non componitur ex genere & differentiâ.

R. Dist. Maj. Genus & differentia sunt potentia metaphysica & actus metaphysicus, C. Sunt potentia physica & actus physicus, N. Porro Deus componitur ex potentia & actu metaphysicis.

Inst. Ens simplicissimum non componitur ex potentia & actu metaphysicis : atqui Deus est ens simplicissimum.

R. Dist. Maj. Ens simplicissimum metaphysicè, C. Physicè, N. Porro Deus non est simplex metaphysicè, quia componitur ex pluribus gradibus metaphysicis.

Inst. 2. Nisi Deus esset simplicissimus metaphysicè, darentur in Deo perfectibile & perfectivum : atqui hoc implicat, alioqui non esset infinitè perfectus.

R. Dist. Maj. Darentur in Deo perfectibile & perfectivum ; Metaphysica, C. Physica, N.

Inst.

Inst. 3. In eo non dantur perfectibile & perfectivum etiam metaphysica, cuius perfectiones omnes sunt infinitæ, & infinitè perfectæ; atqui Dei perfectiones singulæ sunt hujusmodi,

R. Dist. Maj. Cujus perfectiones omnes sunt infinitæ in omni genere, C. In suo tantum genere, N. Porro una Dei perfectio est quidem infinita in suo genere, sed non in genere alterius.

Inst. 4. Perfectio perfectibilis per aliam, est imperfecta: atqui in Deo nihil est imperfectum; ergo in Deo nihil est perfectibile per aliud.

R. Dist. Maj. Perfectio perfectibilis est imperfecta, negativè, C. Privativè, N. Porro nihil est quidem in Deo imperfectum privativè, seu carens debitâ sibi perfectione, sed est aliquid imperfectum negativè, carens perfectione indebita sibi, v. g. ens carens formaliter independentiâ.

Inst. 5. Nihil est admittendum in Deo, quod arguat imperfectionem: atqui imperfectum negative, argueret in Deo imperfectionem saltem mentaliter.

Prob. Min. Ille foret imperfectus, qui includeret in se aliquid non perfectum; atqui Deus includeret aliquid non perfectum, v. g. gradum entis.

R. Dist. Maj. Qui includeret in se aliquid non perfectum, sine suo perfectivo, C. Cum suo perfectivo, N. Porro Deus includit gradum entis indivisiblē conjunctum cum independentiâ.

Inst. 6. Perfectibile physicum dicit imperfectionem physicam & realem in composito physico; ergo etiam perfectibile metaphysicum dicit imperfectionem metaphysicam seu mentalem.

R. Nego Cons. & par. Ratio dispar. quia ubi est perfectibile physicum, ibi est aut esse potest separatio perfectiōnum, proindeque carentia perfectionis: at verò ubi tantum est perfectibile metaphysicum, ibi nulla esse potest separatio perfectionum, nec proinde carentia perfectionis.

Inst. 7. Atqui pariter ubicunque est perfectibile metaphysicum, ibi est separatio metaphysica seu mentalis perfectionum; ergo est imperfectio metaphysica seu mentalis.

R. Dist. Ant. Ubi cumque est perfectibile metaphysicum, ibi est separatio metaphysica perfectionum præcisiva,

C. №-

C. Negativa, N. Porrò præcisiones non arguunt imperfectionem in objecto, sed ad summum in facultate præscindente, quæ præ sua limitatione non valet, quidquid est in objecto simul & semel apprehendere, *Abstrahentium non est mendacium.*

Inst. 8. Atqui mens non potest præscindere unum Dei ab altero.

Prob. Suhf. Si mens præscinderet unum Dei gradum ab altero, mens conciperet in Deo partem & partem: falsum consequens; ergo, &c.

R. Dist. Maj. Mens conciperet in Deo partem & partem metaphysicam, C. physicam, N.

Inst 9. Si mens conciperet in Deo partem & partem metaphysicam, Deus non esset angelo simplicior: falsum consequens; ergo &c.

R. Dist. Maj. Deus non esset Angelo simplicior metaphysicè, *Transcendat* physicè, N. Nam Angelus componitur physicè, ex subjecto & accidentibus physicis.

Dixi, *Transcendat*, nam Angelus plus componitur metaphysicè, quam Deus, quia componitur ex essentiâ & existentiâ virtualiter distinctis, non item Deus.

Inst. 10. Ergo Deus non erit metaphysicè perfectior Angelo.

R. Nego Conf. Nam gradus metaphysici, quibus componitur Deus, sunt multò perfectiores gradibus metaphysicis Angeli.

ஆகுக்காகுக்குக்குக்குக்குக்குக்கு : குக்குக்குக்குக்குக்குக்கு

II. PROPOSITIO.

Deus non est in Categoria substantiæ.

PROB. In principiis Thomistarum sic. Illud non est in categoria substantiæ, quod limitibus categoricæ substantiæ coerceri non potest: Atqui Deus coerceri non potest limitibus substantiæ categoricæ; nam ens simpliciter infinitum nullis potest coerceri limitibus; atqui Deus est simpliciter infinitus in omni genere. Ergo Deus coerceri non potest limitibus

bus substantiæ categoricæ ; proindeque non ponitur in categoria substantiæ.

O B J E C T I O.

Illæ collocandus est in categoria substantiæ , qui habet omnes conditiones tum generales tum speciales ad categoriam substantiæ requisitas : atqui Deus eas omnes habet conditiones.

Prob. Min. 1. Habet generales, quia ens est reale, per se, completum, incomplexum & univocum ; 2. Habet speciales, quia est substantia, per se, completa & univoca.

R. Nego Min. 1. Quia non habet univocationem. 2. Quia non est ens finitum ; quod autem collocatur in categoria, debet esse finitum.

Inst. Ea substantia est univoca, quæ convenit cum coeteris quibuscumque substantiis in nomine & ratione substantiæ : atqui Deus est hujusmodi, quia est ens per se subsistens, sicut & reliquæ substantiæ.

R. Dist. Maj. Quæ convenit cum coeteris substantiis in ratione substantiæ univocâ atque prorsus eâdem, C. In ratione substantiæ anagolâ & partim diversâ, N. Porro ratio substantiæ est anagola Deo & reliquis, quia in Deo est independens & infinita, non item in reliquis.

Inst. 2. Si quid obstat, quo minus ratio substantiæ sit univoca Deo & reliquis, maximè quia Deus est substantia infinita, creaturæ vero sunt substantiæ finitæ & dependentes : atqui hæc ratio non obstat.

Prob. Min. Quamvis linea infinitè protensa (si daretur) esset quantitas infinita, nihilominus quantitas generatim esset univoca linea infinitæ & finitæ ; ergo quamvis Deus sit substantia infinita, hoc non obstat, quin substantia generatim sit univoca Deo & reliquis.

R. Nego Conf. & par. Ratio dispar, quia linea infinita (si daretur) non esset infinita essentialiter, sed accidentaliter : at vero Deus est substantia infinita per essentiam, proindeque nihil habet univocè commune cum creatis substantiis.

Inst. 3. Quod non ingreditur rationem formalem substantiæ, non potest impedire univocationem substantiæ : atqui infinitudo Dei non ingreditur rationem formalem substantiæ ipsius.

R. Dist.

R. Dist. Min. Atqui infinitudo Dei non ingreditur rationem formalem substantiae, non ingreditur explicitè & distinctè. C. Implicitè & confusè, N. Nam summa Dei simplicitas facit, ut singulæ Dei perfectiones se se mutuo implicitè includant.

Inst. 4. Quod virtualiter & formaliter distinguitur à gradu substantiae, non ingreditur rationem formalem substantiae: atqui infinitudo Dei distinguitur saltem virtualiter à substantia Dei (ex Thomistis.)

R. Dist. Maj. Quod virtualiter perfectè distinguitur à gradu substantiae, C. Virtualiter imperfectè, N. Porro Dei perfectiones non nisi virtualiter imperfectè distinguuntur ob infinitam Dei simplicitatem, quæ facit, ut qui concipit unam Dei perfectionem, confusè concipiatur omnes.

Inst. 5. Quæ perfectam faciunt in Deo compositionem metaphysicam, distinguuntur virtualiter perfectè: atqui substantia & infinitudo Dei perfectam faciunt in Deo compositionem metaphysicam.

Prob. Min. Ibi est perfecta compositio metaphysica: ubi est perfecta plurium graduum metaphysicorum diversorum unio: atqui sic est in Deo; ergo in Deo est perfecta compositio.

R. Dist. Maj. Ibi est perfecta compositio metaphysica: ubi est plurium diversorum unio, quæ se habeant per modum actus & potentiae. C. Secùs, N. porro Dei perfectiones non se habent ut actus & potentia, quia in Deum nulla cadit perfectibilitas, nulla potentialitas.

Inst. 6. Atqui Dei perfectiones se habent ut actus metaphysicus & potentia metaphysica.

Prob Subf. Illæ pérfectiones se habent ut actus & potentia, quæ, cum non sint infinitæ in omni genere, aliis superadduntur: atqui Dei perfectiones aliæ aliis metaphysicæ & virtualiter superadduntur, nec singulæ sunt infinitæ in omni genere, v. g. misericordia non est infinita in genere justitiae; ergo se habent ut actus & potentia.


R. Dist. Maj. Aliæ altis superadduntur propriæ & secundum rei veritatem, C. impropriæ & secundum conceptus distinctiones solum, N. Porro Dei perfectiones propriæ non superadduntur aliæ aliis, quia in se se mutuo veluti imbibuntur.

Inst.

Inst. 7. Illæ perfectiones aliæ aliis superadduntur propriæ, de quarum unâ affirmatur, quod non licet affirmare de alterâ in sensu formalí & virtuali: atqui de una perfectione divinâ affirmatur, quod nullo sensu formalí licet affirmare de alterâ.

Prob. Min. Rectè dicitur, Deus est summè intelligens, immutabilis, omnipotens, quia est à se, atque infinitus, non rectè diceretur, quia est ens vel substantia; rectè è contra dicitur, Deus aliquatenus convenit cum creaturis, quia est ens & substantia: non rectè diceretur, quia est independens & à se; ergo de una perfectione Dei affirmatur, quod non licet affirmare de alterâ ullo sensu formalí.

Respondent vulgo Thomistæ, hæc esse intelligenda secundùm diversos conceptus imperfectos. Sed quid sentendum sit de illa responfione, viderit Lector.



QUÆSTIO DUODECIMA.

De termino Relationis.

I. PROPOSITIO.

Terminus non est de essentia relationis.

Prob. Quod est formaliter extra relationem, non est de essentia relationis. Atqui terminus est formaliter extra relationem; sic filius, qui terminus est paternitatis, est formaliter extra paternitatem, quæ tota est in patre. Ergo terminus non est de essentia relationis.

O B J E C T I O.

Illiud est de essentia relationis, quod ingreditur conceptum formalem & definitionem relationis; atqui terminus ingreditur conceptum formalem & definitionem relationis; ergo terminus est de essentia relationis.

R. Dist. Maj. Quod ingreditur conceptum formalem relationis, ingreditur formaliter & in recto casu, C. Præsuppositivè & in obliquo tantum, N. Porro terminus est in conceptu

ceptu relationis, non formaliter, sed præsuppositivè, non in recto, sed in obliquo, hoc pacto, Paternitas est ordo patris ad filium.

Inst. Quod constituit & specificat relationem, ingreditur formaliter conceptum relationis; atqui terminus constituit & specificat relationem, ita ut pro varietate terminorum variè sint relationis species; ergo terminus ingreditur formaliter conceptum formalem relationis.

R. Dist. Maj. Quod constituit & specificat relationem intrinsecè, C. Extrinsecè, N. Porrò terminus specificat relationem extrinsecè, sicut objectum specificat scientiam, non autem intrinsecè, quia terminus est extra relationem.

Inst. 2. Differentia essentialis relationis specificat relationem intrinsecè: atqui terminus est differentia essentialis relationis.

Prob. Min. Vel terminus est differentia essentialis relationis, vel ordo seu connotatio termini: atqui ordo seu connotatio termini non est differentia relationis; ergo ipse terminus est.

R. Nego Min. Sicut enim scientia intrinsecè specificatur ab ordine ad objectum, ita & relatio à connotatione seu ordine ad terminum.

Inst. 3. Relatio ipsa non est differentia relationis: atqui ordo seu connotatio termini est ipsissima relatio; ergo ordo seu connotatio termini non est differentia relationis.

R. Dist. Maj. Relatio adæquatè sumpta non est differentia relationis adæquatè sumptæ, C. Relatio inadæquatè sumpta non est differentia relationis adæquatè sumptæ, N. Porrò connotatio termini est relatio inadæquatè sumpta.

Inst. 4. Relatio adæquatè sumpta definitur, Ordo unius ad aliud; ergo ordo ad terminum est relatio adæquatè sumpta.

R. Dist. Ant. Relatio adæquatè sumpta definitur, ordo adæquatè sumptus, C. Definitur ordo inadæquatè sumptus, N. Dum enim dicitur, relatio est ordo, id est, relatio est accidentis ordinans, ubi accidentis est genus, ordinans est differentia.

Inst. 5. Atqui relatio adæquatè sumpta, est ipsa connotatio, ipsa ordinatio; ergo nulla solutio,

Prob. Subs. Nisi ratio sit ipsa connotatio, ipsa ordinatio, relatio esset composita ex pluribus gradibus: atqui relatio non est composita ex pluribus gradibus.


Prob. Min. Simplex forma non componitur ex pluribus gradibus: atqui relatio est simplex forma; ergo non componitur ex pluribus gradibus.

R. Dist. Maj. Simplex forma non componitur ex pluribus gradibus physicis, materiam & formam, C. Non componitur ex gradibus metaphysicis, genere & differentia, N.

Inst. 6. Forma physica non componitur ex gradibus physicis; ergo forma metaphysica ut relatio, non componitur ex gradibus metaphysicis.

R. I. Nego Cohs. & par. Ratio disp. quia non implicat multiplicari gradus metaphysicos propter diversum ejusdem rei considerandae modum: at implicat multiplicari gradus reales & physicos: sic idem homo habet infinitos propè gradus metaphysicos, neque tamen plures habet partes physicæ, quam corpus & animam.

R. Dist. Cons. Ergo forma metaphysica non componitur ex pluribus gradibus metaphysicis, si fuerit forma prima & simplex habens rationem partis, ut perfectas vel inalietas, C. Si fuerit forma secunda complexa habens rationem totius, ut humanitas, vel relatio, N.



II. PROPOSITIO.

Relatio terminatur ad absolutum formaliter.

PROB. Relatio terminatur ad absolutum, formaliter, si terminus relationis debeat spectari ut absolutus. Atqui terminus relationis spectari debet ut absolutus; nam quod antecedit relationem, profecto est absolutum: atqui terminus relationis antecedit relationem, cum sit causa relationis; positus enim fundamento & termino exurgit relatio. Ergo ter-

PARS I.

I

mi-

minus antecedit relationem, proindeque relatio terminatur ad absolutum.

O B J E C T I O .

RElatio terminatur ad terminum formaliter ut terminum : atqui terminus ut terminus, est formaliter relativus.

Prob. Min. Quod non potest concipi sine alio, est relativum formaliter ut sic : atqui terminus ut terminus non potest concipi sine alio, siquidem est terminus alterius ; ergo terminus ut terminus est formaliter relativus.

R. Dist. Maj. Quod non potest concipi sine alio, ad quod referatur, C. Sine alio, quod ad ipsum referatur, N. Porrò terminus ut terminus est alterius terminus, ideoque non concipiatur sine alio, quod ad ipsum referatur ; benè autem sine alio ad quod ipse referatur.

Inst. 1. Omnis relatio est mutua.

R. Dist. Sub aliquo respectu, C. Sub omni respectu, N. Id est, nunquam unum extremum refertur ad alterum, quin illud alterum referatur quoque ad ipsum. At necesse non est ut referatur sub eo respectu, sub quo terminus est : quia ut sic antecedit naturâ relationem.

Inst. 2. Atqui terminus ut terminus includit relationem sibi intrinsecam.

Prob. Subs. Filius est terminus paternitatis : atqui filius in idea sua includit relationem ; ergo terminus ut terminus includit relationem.

R. Dist. Maj. Filius est terminus paternitatis, filius materialiter sumptus ut homo genitus, C. Filius formaliter sumptus ut filius, N. Porrò filius ut filius includit quidem relationem, sed non, filius ut homo genitus : quia sic est causa relationis, ipsamque antecedit naturâ.

Inst. 3. Paternitas terminatur ad suum correlatum : atqui correlatum paternitatis est filius formaliter ut filius ; ergo paternitas terminatur ad filium formaliter ut filium.

R. Dist. Maj. Paternitas terminatur ad suum correlatum materialiter sumptum, quod correlatum est, C. Ad suum correlatum formaliter sumptum, ut correlatum est, N.

Inst.

Inst. 4. Paternitas terminatur formaliter ad id, cui formaliter opponitur; atqui paternitas formaliter opponitur correlatio formaliter ut correlato; ergo paternitas terminatur ad suum correlatum formaliter ut correlatum.

R. Dist. Maj. Paternitas terminatur ad id, cui formaliter opponitur tanquam termino suo, C. Tanquam correlato suo, vel correlationi, N. Porro paternitas opponitur filio ut filio tanquam correlato suo, non autem tanquam termino: quia correlatum ut correlatum non præcedit paternitatem; terminus autem præcedit, quia est causa paternitatis, quâ positâ exurgit paternitas.

Inst. 5. Paternitas opponitur tanquam termino ei, per quod definitur & cognoscitur; atqui paternitas definitur per correlatum formaliter ut correlatum; ergo paternitas opponitur suo correlato formaliter tanquam termino.

Prob. Min. Nisi paternitas definiretur per suum correlatum formaliter, ut est correlatum, duo correlata non essent simul cognitione & definitione; atqui *correlata sunt simul cognitione & definitione* (ex axiomate.)

R. Dist. Maj. Duo correlata formaliter ut correlata, non essent simul cognitione & definitione, C. Duo correlata unum formaliter sumptum, alterum materialiter, N. Porro duo correlata sunt simul cognitione & definitione, si unum sumatur formaliter, alterum vero materialiter; quia relatum unum formaliter sumptum cognoscitur per alterum materialiter sumptum, v. g. Pater ut pater per filium ut hominem genitum.

Inst. 6. Correlata formaliter ut correlata sunt simul naturâ; atqui non essent simul naturâ, si non essent simul cognitione & definitione formaliter ambo; ergo correlata formaliter ambo sunt simul cognitione & definitione.

Prob. Min. Ea non sunt simul naturâ, quorum unum præintelligitur alteri; atqui unum relatum formaliter præintelligeretur alteri formaliter sumpto, v. g. Pater ut pater, filio ut filio.

Prob. Min. Tunc intelligitur esse paternitas, quando intelliguntur fundamentum & terminus paternitatis: atqui fundamentum & terminus paternitatis præintelligerentur filio ut filio, siquidem ab solutum prius est relativo; ergo paternitas præintelligeretur filiationi.

R. Dist. Maj. Tunc intelligitur esse paternitas , quando intelligitur terminus , intelligitur in eodem instanti temporis , C. In eodem instanti naturæ , N. Nam tria sunt distingua ñda instantia naturæ in eodem instanti temporis . In primo instanti est generans : in secundo est genitus : in tertio exurgunt hinc & inde paternitas & filiatio . Igitur paternitas supponit terminum se priorem in aliquo instanti naturæ , cum ipsa sit in tertio , terminus vero in secundo . Sed quo instanti tertio intelligitur paternitas , eodem & simul jam est filiatio : proinde que paternitas non præcedit filiationem ; (quod quidem observatione & attentione singulari dignissimum est .)

Inst. 7. Ea se se præcedunt , quorum causæ necessariæ se se præcedunt : atqui causæ paternitatis & filiationis se se præcedunt , nempe generatio activa & passiva , quarum prima est in primo , altera in secundo instanti .

R. Dist. Maj. Quorum causæ se se præcedunt , causæ totales , adæquatæ , & sufficientes , C. Causæ partiales & insufficientes , N. Porro non sola generatio activa est causa filiationis , sed etiam passiva , aut vice versa ; quia relatio non solùm pendet à fundamento , sed etiam à termino ; quibus positis statim exurgunt hinc & inde relationes in subjecto & termino .



QUÆSTIO DECIMA- TER TIA.

Sit - ne Deus subiectum relationis categoricæ .

PROPOSITIO.

Deus est subiectum relationis categoricæ.

PROB. Ut Deus sit subiectum relationis categoricæ , satis est , quod Deus non minus referatur ad creaturas existentes ; quam creaturæ referantur ad Deum ; atqui Deus referatur

tur ad creaturas existentes : nam omnis causa refertur ad suos effectus ; atqui Deus est causa creaturarum existentium ; ergo Deus refertur ad creaturas existentes , proindeque est subiectum relationis.

O B J E C T I O.

Deus non est subiectum accidentium : atqui relatio categorica est accidens ; ergo Deus non est subiectum relationis categoricæ.

R. Dist. Maj. Deus non est subiectum accidentium physicorum , & absolutorum, C. Accidentium metaphysicorum & relativorum , N. Hæc enim accidentia metaphysica nihil entitatis superaddunt subiectis.

Inst. 1. Deus non est subiectum eorum accidentium , quæ arguunt imperfectionem : atqui accidentia relativa seu relationes arguunt imperfectionem in subiectis.

Prob. Min. Quod arguit dependentiam à termino , arguit imperfectionem : atqui relatio categorica argueret in Deo dependentiam à termino , ne impe à creatura : ergo argueret imperfectionem.

R. Dist. Maj. Quod arguit dependentiam causalitatis, C. Connexionis, N. Porrò relatio non arguit aliam à termino dependentiam quam connexionis.

Inst. 2. Quod dependet à termino tanquam à causa , arguit in subiecto dependentiam causalitatis : atqui relatio pendet à termino tanquam à causa , siquidem relatio exurgit positis fundamento & termino ; ergo arguit dependentiam causalitatis.

R. Dist. Min. Atqui relatio pendet à termino tanquam à causa morali , virtuali & improprietate dicta, C. Tanquam à causa reali & physica , N. Namque terminus proprie non causat relationem , sed est conditio requisita ad denominationem relationis.

Inst. 3. Quod posito termino exurgit in subiecto tanquam nova quedam forma intrinseca , certè pendet à termino tanquam à causa reali & physica : atqui relatio exurgit in subiecto tanquam nova forma intrinseca subiecto : ergo pendet à termino tanquam à causa reali & proprie dicta.

Prob. Min. Quod facit subjectum esse realiter tale, quale antea non erat realiter, certè nova quædam est forma subjecto intrinseca; atqui relatio categorica facit subjectum esse realiter tale, quale non erat antea: v. g. Relatio creatoris facit Deum esse in tempore relatum ad creaturem.

R. Dist. Maj. Quod facit subjectum esse realiter tale quoad entitatem, quale antea non erat quoad entitatem, C. Esse realiter tale quoad denominationem, quale antea non erat quoad denominationem, N. Porrò relatio non addit novam entitatem subjecto, sed novam solum denominationem, dependenter à termino.

Inst. 4. Quod tribuit subjecto novam denominationem intrinsecam, tribuit novam entitatem intrinsecam: atqui relatio tribuit subjecto novam denominationem intrinsecam.

R. Dist. Quod tribuit subjecto novam denominationem intrinsecam absolutam, C. Relativam, N. Ratio disp. quia nova denominatio absoluta non venit nisi à nova forma, quæ si antea fuisset, antea denominasset. At vero nova denominatio relativa potest venire à novo termino, defectu cuius verius forma non denominabat.

Inst. 5. Nova denominatio intrinseca absoluta venit à nova forma intrinseca absoluta; ergo etiam nova denominatio intrinseca relativa venit à nova forma intrinseca relativa.

R. Nego Conf. & par. Ratio disp. quia cùm forma absoluta, statim atque est in subjecto, tribuat ei suam necessarium denominationem absolutam, rectè concluditur novam accedere formam absolutam, ubi nova incipit denominatio absoluta. Non ita est de forma relativa, quæ cùm non tribuat denominationem suam nisi dependenter à termino, potest primò esse in subjecto, nec tamen ipsum denominare, deinde denominare posito termino.

Inst. 6. Atqui pariter ante positum terminum non erat forma relativa in subjecto,

Prob. Subf. Ibi non erat forma relativa, ubi non erat ordo unius ad aliud; atqui ante positum terminum non erat ordo unius ad aliud.

R. Dist. Min. Atqui ante positum terminum non erat ordo unius ad aliud, non erat ex parte termini, C. Ex parte

parte subiecti, Subdist. Non erat quoad denominationem, C.
Quoad entitatem & rem, N.

QUÆSTIO DECIMA QUARTA.

De fundamento relationis.

I. PROPOSITIO.

Relatio non distinguitur realiter à fundamento suo.

PROB. Non sunt multiplicanda, vel distinguenda entia sine necessitate : atqui nulla est necessitas distinguendæ realiter relationis à fundamento suo, cùm una sit eademque realiter entitas utriusque, nec possit assignari causa productiva relationis, ut distinctæ realiter à suo fundamento. Ergo relatio non distinguitur realiter à fundamento suo.

O B J E C T I O.

Accidens distinguitur realiter à substantia : atqui relatio categorica est accidens, fundamentum autem sæpe est substantia ; ergo relatio distinguitur realiter à suo fundamento.

R. Dist. Maj. Accidens physicum, ut quantitas respectu materiæ, C. Accidens metaphysicum, N. Porro relatio non est accidens nisi metaphysicum,

Inst. I. Quod realiter & physicè advenit fundamento, est accidens physicum fundamenti : atqui relatio categorica advenit fundamento realiter & physicè ; ergo est accidens physicum.

Prob. Min. Quod producitur realiter & physicè cum termino, advenit realiter & physicè fundamento : atqui relatio categorica producitur physicè cum termino.

R. Nego Min. vel Dist. Min. Atqui relatio categorica se tenens ex parte termini, producitur cum termino, C. Relatio se tenens ex parte subiecti, N.

Inst. 2. Quod ante productionem termini non existebat in subjecto, & statim post productionem termini incipit existere, certè producitur unà cum termino: atqui relatio non existebat in subjecto ante productionem termini, & statim post incipit existere: ergo relatio producitur cum termino, v. g. Similitudo non erat ante productionem termini similis.

R. Dist. Min. Atqui relatio non existebat ante productionem termini, non existebat denominativè C. Entitativè, N. Quia est una eademque entitas cum albedine.

Inst. 3. Ibi non existebat similitudo entitativè, ubi nihil erat simile; atqui ante productionem termini nihil erat simile; ergo non existebat similitudo entitativè.

R. Dist. Maj. Ubi nihil erat simile defectu entitatis similitudinis in subjecto, C. Defectu termini, cui dicere ut simile, N.

Inst. 4. Ubicumque est entitas alicujus formæ, ibi debet esse denominatio illius formæ; ergo si ante productionem termini non existebat denominatio similis, non existebat ipsa entitas similitudinis.

R. Dist. Ant. Ubicumque est entitas formæ absolutæ, C. Relativæ, N. Ratio disp. quia forma absoluta se solâ denominat; at vero forma relativa pendet à termino, ut denominet, qui si forte absuerit, non potest denominare, putâ si unicus fuerit in toto orbe paries albus.

Inst. 5. Ubicumque est entitas formæ relativæ, ibi debet esse effectus illius formalis: atqui denominatio relativa est effectus formalis formæ relativæ, ergo ubicumque est entitas formæ relativæ, ibi debet esse denominatio relativa.

R. Dist. Maj. Ibi debet esse effectus formalis primarius, C. Secundarius, N. Porro denominatio relativa non est effectus primarius formæ relativæ, sed primarius ille effectus, est facere subjectum referibile ad aliud.

Inst. 6. Ubicumque est entitas formæ absolutæ, ibi est effectus formalis primarius & secundarius absolutus; ergo ubi est entitas formæ relativæ, ibi debet esse effectus primarius & secundarius relativus, hoc est denominatio relativa.

R. Dist. Conf. Posito termino ad denominationem requisito, C. Sublatu termino, N.

Inst. 7. Atqui dum ponitur terminus, incipit existere nova entitas relationis in subjecto.

Prob. Subf. Nisi incipiat existere nova entitas relationis, relatio non exurgeret positis fundamento & termino; atqui tamen exurgit (ex axiome.)

R. Dist. Maj. Relatio non exurgeret quoad entitatem, C. Formaliter & quoad denominationem, N. Porro axioma est intelligendum de relatione formaliter & quoad denominationem.

Inst. 8. Ante termini positionem omnia erant absoluta; ergo non erat entitas relationis.

R. Dist. Ant. Omnia erant absoluta sub aliquo respectu C. Sub omni respectu, N. Nam fundamentum dicit ordinem ad aliud, & sub eo respectu non est absolutum.

Inst. 9. Non erat aliud; ergo non erat ordo ad aliud.

R. Dist. Conf. Non erat per accidens & ex parte termini, C. Per se & ex parte subjecti, N.

Inst. 10. Ergo per accidens non erat relatio.

R. Dist. Non erat relatio denominativa, C. Entitati-
vè, N.

II. PROPOSITIO.

Relatio distinguitur realiter à fundamento suo.

PROB. In principiis Thomistarum sic. Accidens fundamen-
ti, sine quo potest esse fundamentum, distinguitur realiter à fundamento. Atqui relatio categorica est accidens fun-
damenti, sine quo potest esse fundamentum; sic albedo potest
esse sine similitudine, putà si unicus existeret paries albus.
Ergo relatio categorica distinguitur realiter à suo funda-
mento.

O B J E C T I O.

Similitudo, quæ est inter duos parietes albos est relatio cate-
gorica: atqui hæc similitudo non distinguitur realiter ab
albedine, quæ fundamentum est; ergo relatio categorica non
distinguitur realiter à fundamento suo.

Prob. Min. Similitudo duorum parietum alborum non distinguatur realiter ab eo, per quod duo parietes sunt inter se similes: atqui per albedinem duo parietes albi sunt similes inter se; ergo similitudo non distinguitur ab albedine.

R. Dist. Maj. Similitudo non distinguitur realiter ab eo, per quod duo parietes sunt inter se similes, tanquam perrationem formalem constitutivam similiū, C. Tanquam perrationem fundamentalem similitudinis, N. Porro albedo est fundamentum & causa similitudinis parietum alborum, sed ipsa non est ratio formalis constitutiva similiū.

Inst. 1. Albedo est ratio formalis constitutiva parietum, ut similiū, si quocumque præciso à parietibus præter albedinem, adhuc futuri sint parietes inter se similes; atqui i.a est.

R. Dist. Maj. Si quocumque præciso præter albedinem, adhuc futuri sint similes, formaliter, C. Similes fundamentaliter tantum, N. Porro quocumque præciso præter albedinem, duo parietes albi, essent quidem similes fundamentaliter propter albedinem in utroque superstitem; at non essent formaliter similes, quia carerent formâ similitudinis, quæ supponeretur utrinque præcisa.

Inst. 2. Nisi duo parietes albi essent similes formaliter quocumque præciso præter albedinem, quoties paries albus de non simili fieret similis, toties fieret in eo intrinseca mutatio; atqui hoc aperte falsum est, quia in eo perseverat nihilominus quæ prius inerat dispositio.

R. Dist. Maj. Toties fieret in eo intrinseca mutatio relativa, & in ordine ad aliud, C. Mutatio absoluta, & in ordine ad se, N. Porro dum paries albus sit de non simili similis, non mutatur absolute secundum eam, quæ prius fuerat dispositiōnem; at mutatur relativè, quia novum acquirit respectum.

Inst. 3. Suppono unicum esse primò parietem album in toto latè terrarum orbe, ipsumque existere Parisis; deinde elapsis centum annis extrui Romæ alterum parietem album priori similem; atqui in illâ hypothesi nulla fit mutatio intrinseca vel relativa in pariete Parisino, ad extirptionem parietis Romani.

Prob. Min. Nulla potest assignari causa productiva recentis illius entitatis, quæ dicitur subito advenire parieti Parisino;

no : vel enim esset albedo parietis Parisini , ejusque artifex ,
vel paries Romanus ; at nullum hortum dici potest.

R. Nego Ant. Et dico similitudinem hanc subito resul-
tare ex albedine parietis Parisini ad positionem recentis termi-
ni ; proindeque causa novæ illius entitatis est fundamentum
parietis Parisini .

Inst. 4. Explicari non potest , unde ista tanta subito otia-
tur fœcunditas in sterili tandiu & ruinoso pariete Parisino ?
Cur hodie potius quam à centum annis erumpat in produc-
tionem novæ illius entitatulæ .


R. Nego id explicari non posse : tunc enim incipit esse
fœcundus sterilis antea paries , cum præsto esse incipiunt con-
ditiones ad fœcunditatem requisitæ , id est , positis fundamen-
to & termino ,

Inst. 5. Positâ causâ ponitur effectus : atqui posito fun-
damento , v. g. albedine in pariete Parisino , non pròpterea
ponebatur similitudo à centum annis : ergo fundamentum
non est causa similitudinis , quæ dicitur novissimè resultare .

R. Dist. Maj. Positâ causâ ponitur effectus , si adsint aliæ
conditiones , à quibus pendet effectus , C. Si desint , N. At à
centum annis deerat terminus , sine quo resultare non poterat
similitudo , quæ esse non potest nisi inter duo .

Inst. 6. Novus hic terminus deberet determinare veterem
illum parietem ad recentem illam entitatem è sinu suo
profundendam : atqui non potest determinare , utpote distans
à veteri pariete ; ergo novus terminus non facit , ut resultet si-
militudo recens in veteri pariete Parisino .

R. Dist. Maj. Novus hic terminus deberet determinare
veterem illum parietem , determinare saltem moraliter per in-
timam mutui respectus connexionem , C. Determinare physi-
cè per physicum influxum , N. Porro novus terminus deter-
minat saltem moraliter alterum & priorem parietem .



ஆய்வுகளைக் கூறுகிறது? கூத்துக்கூட்டுக்கூத்துக்கூது

QUÆSTIO DECIMA QUINTA.

De Propositionibus de Futuro contingentibus.

I. PROPOSITIO.

Duarum propositionum singularium de *Futuro contingentibus*, una est determinatè vera, altera determinatè falsa.

PROB. Illæ propositiones sunt determinatè veræ vel falsæ, quæ sunt determinatè conformes, vel disformes objecto suo. Atqui propositiones de futuro contingentibus, sunt determinatè conformes, vel disformes objecto suo: nam quod dicunt de objecto suo, vel ei convenit, vel non convenit; si convenit, sunt conformes; si non convenit, sunt disformes. Ergo propositiones de futuro contingentibus, sunt determinatæ veræ vel falsæ,

O B J E C T I O.

EA propositio neque est determinatè vera, neque determinatè falsa, quæ non habet objectum determinatum: atqui propositiones de futuro contingentibus non habent objectum determinatum.

R. Nego Min. vel Dist. Min. Non habent objectum determinatum pro tempore præsenti, C. Pro tempore futuro, N.

Inst. I. Quod est contingenter & liberè futurum non est determinatum, sed indifferens: atqui objectum propositionum de futuro contingentibus est contingenter & liberè futurum: ergo non est determinatum.

R. Dist. Maj. Quod est contingenter futurum, non est determinatum determinatione antecedente, C. consequente, N. Porro

N. Porro determinatio consequens non tollit contingentiam & libertatem, quia est effectus libertatis.

Inst. 2. Illud non est determinatum determinatione consequente, quod neque est determinatum in se, neque in sua causa: atqui futurum contingens neque est determinatum in se, neque in sua causa.

Prob. Min. Id eius causa non est, non est determinatum in sua causa: atqui causa futuri contingentis s^ec^pe non est; ergo non est determinatum in sua causa.

R. Dist. Maj. Id cuius causa non est, neque præsens, neque futura, C. Præsens tantum, N. Porro causa futuri contingentis taliter est aliquando futura & determinatura suas actiones, v. g. voluntas Antichristi.

Inst. 3. Causa effectus præsentis debet esse præsens actus; atqui veritas futuri contingentis est actu præsens; ergo eius causa debet esse actu præsens, voluntas autem creata non est ita.

R. Dist. Maj. Causa physica & realis, C. Causa moralis
N. Porro veritas futuri contingentis est effectus moralis futurae voluntatis, proindeque necesse non est, ut voluntas a^{et}ui sit præsens, sed satis est, si sit futura aliquando.

Inst. 4. Causa qualibet etiam moralis debet præcedere effectum: atqui voluntas ut futura non præcederet determinationem & veritatem futuri contingentis; ergo voluntas ut futura non est causa illius, vel moralis.

Prob. Min. Aeterno nihil prius est: atqui determinata veritas futuri contingentis esset aeterna; ergo voluntas ut futura, non esset prior determinatione futuri contingentis.

R. Dist. Maj. Aeterno nihil prius est, prioritate temporis seu antiquitatis, C. Prioritate naturae seu causalitatis, N. Sic v. g. si Sol esset ab aeterno, Sol esset prior lumine, non quidem tempore, sed natura, quia esset causa luminis.

Inst. 5. Quod ab aeterno est plane indifferens, non potest ab aeterno esse causa determinationis futuri contingentis: atqui voluntas ut futura, est ab aeterno plane indifferens.

R. Dist. Maj. Quod est indifferens indifferentia passiva, C. Indifferentia activa, N. Porro indifferentia voluntatis est activa, nam est facultas sui ipsius determinativa.

Inst. 6. Facultas, quæ indiget ab alio determinari, est

indifferens indifferentia passivâ : atqui voluntas indiget ab alio determinari.

Prob. Min. Causa secunda indiget determinari à causa prima : atqui voluntas creata est causa secunda, Deus est causa prima.

R. Dist. Maj. Causa secunda indiget determinari à prima causa, determinari ad existendum, C. Ad operandum, N. Ratio disp. quia causa secunda non potest sibi meti ipsi dare existentiam : sed potest sibi dare operationem, Deo concurrente atque permittente.

Inst. 7. Causa, quæ inter operandum essentialiter subordinatur Deo, indiget à Deo determinari ad operandum : atqui causa secunda essentialiter subordinatur Deo inter operandum; ergo indiget à Deo determinari ad operandum.

X R. Dist. Maj. Quæ essentialiter subordinatur Deo ut præmoventi physicè & prædeterminanti, C. Deo ut concurrenti, N.

Inst. 8. Subordinatio essentialis arguit prioritatem in subordinante; ergo arguit præmotionem.

R. Dist. Ant. Arguit prioritatem universalitatis atque essendi consecutionis, C. Prioritatem operationis vel determinationis, N. Id est, quia causa secunda subordinatur Deo inter operandum, valet consecutio à creatura operante ad Deum cooperantem, hoc pacto : Creatura agit ; ergo Deus agit ; sed non è contra.

Inst. 9. Vel causa secunda subordinatur Deo secundum prioritatem determinationis, vel Deus determinatur à creaturis inter concurrendum : atqui Deus non determinatur à creaturis ad concurrendum, alioqui dependeret à creaturis.

R. Dist. Maj. Atqui Deus non determinatur à creaturis, determinatione physicâ, C. morali, N. Quia Deus explorat indigentiam, quam habet creatura prius quam decernat ei concedere concursum : hinc dependet Deus à creaturis dependentia morali tanquam causa universalis & superior, non autem dependentiâ physicâ.

Inst. 10. Si Deus determinatur à creaturis determinatione morali, jam voluntas seipsum discerneret in negotio salutis : atqui hoc dici non potest sine hæresi Pelagiana.

R. Dist. Maj. Jam voluntas seipsum discerneret ope gratiæ

tiæ Dei prævenientis, & moraliter impellentis, C. Sine gratia Dei præveniente, N. Nam gratia Dei præit, & voluntas ei annuit.

OBJECTIO II.

EA propositio neque est determinatè vera, neque determinatè falsa, quæ est indifferens ad veritatem aut falsitatem: atqui propositio omnis de futuro contingentí est indifferens ad veritatem aut falsitatem.

R. Nego Min. vel. Dist. Atqui propositio de futuro contingentí est indifferens ad veritatem & falsitatem, si specetur antecedenter ad consensum voluntatis futurum, C. Si specetur consequenter ad voluntatis creatæ consensum futurum, N. Sic v. g. ista propositio, *Antichristus peccabit*, non est indifferens ad veritatem & falsitatem, consequenter ad consensum Antichristi futurum.

Inst. 1. Talis est propositio, quale est ejus objectum per ipsam repræsentatum: atqui objectum propositionis de futuro contingentí est indifferens ad veritatem & falsitatem, futuritionem & non futuritionem; ergo est indifferens ipsa propositio.

R. Dist. Min. Atqui objectum propositionis de futuro contingentí est indifferens indifferentia antecedente, C. Quia non est determinatum antecedenter: est indifferens indifferentia consequenter, N. Quia est determinatum consequenter ad consensum.

Inst. 2. Si objectum propositionis de futuro contingentí esset determinatum consequenter, esset à Deo præscitum & prævisum: atqui non potest esse a Deo præscitum; ergo non potest esse determinatum.

R. Nego Min. Quia sæpè futurum à Deo revelatur ut futurum, v. g. peccatum Antichristi futurum; ergo est præscitum.

Inst. 3. Quidquid est à Deo præscitum, est necessariò futurum: atqui objectum contingens non potest esse necessario futurum, alioqui jam non esset contingens; ergo non potest esse præscitum.

R. 1. Dist. Maj. Est necessariò futurum necessitate antecedente, vel consequenter, C. Necessitate semper

antecedente, N. Porro objectum contingens potest esse necessariò futurum necessitate consequente, quia talis necessitas non nocet libertati.

R. 2. Dist. Maj. Quidquid est à Deo præscitum tanquam necessariò futurum, est necessariò futurum, C. Tanquam liberè & contingenter futurum, N. Nam Deus præscit non solum rem futuram, sed etiam modum illius vel liberum vel necessarium.

Inst. 4. Atqui quidquid est à Deo præscitum, est necessariò futurum necessitate absoluta.

Prob. Subf. Illud est necessariò futurum necessitate absoluta, quod non potest absolute non evenire: atqui quidquid est à Deo præscitum non potest absolute non evenire.

R. Nego Min. Si enim Deus præscivit, quod possit non evenire, certè poterit absolute non evenire.

Inst. 5. Si quod est à Deo præscitum ut futurum, posset absolute non evenire, posset absolute falli præscientia Dei. Falsum consequens.

R. Nego Maj. Quia si possit absolute non evenire, Deus præscivit, quod possit absolute non evenire; proindeque non poterit falli præscientia Dei.

Inst. 6. Si quod esset à Deo præscitum ut eventurum, non eveniret, certè falleretur actu præscientia Dei; ergo si quod est à Deo præscitum tanquam eventurum, possit non evenire, poterit falli præscientia Dei.

R. Nego Cons. & par. Ratio dispat. quia si actu non eveniret, aliquid contingere, quod Deus non præscivisset; proindeque actu falleretur Dei præscientia. At vero si possit non evenire, nihil potest contingere, quod non præsciverit Deus, quia præscivit rem eventuram simul & posse non evenire.

Inst. 7. Ut se habet actus non eveniendi ad actum fallendi, ita se habet potentia non eveniendi ad potentiam fallendi.

R. Nego, propter allatam disparitatem, vel dist. Ceteris aliunde paribus, C. Ceteris imparibus, N. Porro ceteri non sunt parisi, ut mox ostensum est.

Inst. 8. Tunc poterit falli præscientia Dei, quando potest supponi actu non evenire, quod Deus præscivit actu eventurum:

turum : atqui si quod Deus præscivit eventurum possit non evenire, poterit supponi actu non evenire, quod Deus præscivit actu eventurum.

Prob. Min. Possibili posito in actu nihil sequitur absurdum (ex axiome) atqui possibile est, quod non eveniat, ergo potest supponi actu non evenire.

R. Ditt. Maj. Possibili posito in actu nihil sequitur absurdum, si non sit facta jam prior suppositio repugnans huic posteriori, C. Secus, N. Porro jam supposuimus Deum præscivisse rem eventuram; ergo supponi non potest rem non eventuram alioqui eveniret simul & non eveniret.

पूँजीय पूँजीय पूँजीय पूँजीय पूँजीय पूँजीय पूँजीय पूँजीय पूँजीय : पूँजीय पूँजीय पूँजीय पूँजीय पूँजीय

II. PROPOSITIO.

Duarum propositionum de Futuro contingentи contradicentium, neura est determinatè vera vel falsa ante decretum divinum.

PROB. In principio Thomistarum sic. Illæ propositiones neque sunt determinatè veræ, neque determinatè falsæ, quarum objectum non est determinatum : Atqui propositionum de Futuro contingentи objectum non est determinatum ante decretum divinum : nam nihil est determinatum ante decretum illud, quod est causa omnium futurorum, ut futura sunt : atqui decretum Dei est causa futurorum, ut futura sunt. Ergo nihil est determinatum ante decretum, proinde que propositiones de Futuro contingentи non sunt determinatis veræ vel falsæ ante decretum divinum.

O B J E C T I O.

Propositiones illæ sunt determinatè veræ vel falsæ, quibus actu convenit veritas aut falsitas : atqui ante decretum & præscientiam Dei, propositionibus de futuro contingentи convenit actu veritas aut falsitas, ergo, &c.

PARS I.

K

Prob.

Prob. Min. Determinatae proprietates actu convenientes determinatis essentiis: atqui veritas & falsitas sunt proprietates propositionum, etiam in signo rationis antecedente decretum divinum; ergo ante decretum divinum propositionibus de futuro contingenti convenit actu veritas aut falsitas.

R. Dist. Min. Atqui veritas & falsitas sunt proprietates propositionum relativæ, & ab objecto dependentes, C. Proprietates absolutæ, N. Cum ergo objectum propositionum de futuro contingenti sit indeterminatum ante decretum divinum, veritas quoque & falsitas propositionum sunt indeterminatae.

Inst. Veritas, vel falsitas propositionis talis est; quale est objectum propositionis: atqui objectum propositionis de futuro contingenti est determinatum ante decretum divinum.

Prob. Min. Nisi objectum propositionis de futuro contingenti esset determinatum ante decretum divinum, nihil esset futurum, nisi vi decreti aut præscientiæ Dei: atqui plura sunt futura, quæ non decernuntur à Deo, v. g. Peccata; Deus enim ea non decernit, quæ non vult fieri.

R. Dist. Maj. Nihil esset futurum nisi vi decreti divini, vel approbantis, vel permissivi, C. Nisi vi decreti approbantis tantum, N. At nihil repugnat quin peccata subsint decreto Dei permissivo, quia Deus plura permittit mala, ut ex illis multa procuret bona.

Inst. 2. Deus ea non permittit, quæ prohibet expressè: atqui peccata Deus expressè prohibet; ergo ea non decernit decreto vel permissivo.

R. Dist. Maj. Deus ea non permittit permissione legali, quæ subditorum nutui relinquat aliquid tanquam licitum, C. Permissione causalí, quæ non impedít, quæ posset absolute impedire, N. Ut enim pictor plures umbras relinquat in opere suo, ut ex earum oppositione magis fulgeant colores; ita Deus plura permittit mala, ut ex illis procuret bona.

Inst. 3. Permittere futura permissione causalí, non est ea determinare, sed est, earum determinationi non opponere se se; ergo non sufficit decretum Dei permissivum, ut peccata sunt determinatae futura, proindeque aliunde suam habent ea determinationem.

R. Dist.

R. Dist. Cons. Ergo non sufficit decretum Dei permissivum, pro determinandâ futuritione entitatis peccati, C. Pro determinandâ futuritione malitiæ peccati, N. Hæc enim cum sit purus quidam defectus, pura rectitudinis privatio; non indiget decreto Dei positivo, sed permissivo duntaxat.

Inst. 4. Quicumque est causa determinativa entitatis alius, censeri debet etiam causa illius, quod necessariam habet cum illa entitate connexionem: atqui formale seu malitia peccati habet necessariam cum entitate peccati connexionem.

R. Dist. Min. Atqui malitia peccati habet necessariam cum entitate peccati connexionem, quatenus ea entitas se tenet ex parte creaturæ deficientis, C. Quatenus se tenet ex parte Dei indefectibilis, N. Cum enim malitia sit defectus, non se tenet ex parte Dei, qui nulla ratione deficere potest.

Inst. 5. Malitia peccati habet necessariam connexionem cum entitate peccati, quatenus entitas ea se tenet ex parte Dei, si Deus non decernat entitatem peccati consideratam absque suo formaliter: atqui res ita est.

R. Dist. Maj. Si Deus non decernat entitatem peccati consideratam absque suo formaliter, ut oriundo ex parte Dei, C. Absque suo formaliter, ut oriundo ex parte creaturæ, N.

Inst. 6. Deus non debet decernere entitatem illam, ad quam creatura potest ex seipsâ determinare se: at ad entitatem peccati potest creatura determinare se tunc primum.


Prob. Min. Creatura libera, sive ipsius determinativa, potest ex seipsâ determinare se: atqui creaturæ aliquæ sunt hujusmodi.

R. Dist. Maj. Creatura libera potest ex seipsa determinare se, si sit libera libertate non subordinata libertati divinæ, C. Secundus, N. At voluntas creata est secundum liberum, secundum movens, ideoque subordinatur Deo ut primo libero, primo moventi.

Inst. 7. Si creatura præviè determinatur à Deo; ergo non determinatur à seipsa.

R. Nego id sequi. Nam determinatio Dei prævia

non officit subsequenti voluntatis creatæ determinationi liberæ ; quia Deus determinat unumquodque juxta modum naturæ proportionatum ; creature quidem necessarias , necessario ; liberas autem , libere ; ideoque voluntati relinquunt liberam actionis suæ determinationem.



QUÆSTIO DECIMA SEXTA.

De Scientia , Fide & Opinione.

I. PROPOSITIO.

Scientia & opinio possunt stare simul in eodem intellectu.

PROB. Illi actus vel habitus possunt stare simul , qui nullo genere oppositionis opponuntur ; atqui scientia & opinio nullo genere oppositionis opponuntur ; non contradictoriæ , quia non se habent ut ens & non ens : non privativæ , quia non se habent ut forma & privatio formæ : non relativæ , quia non definiuntur per se invicem : non tandem contrariæ , quia non maximè distant ab invicem sub eodem genere , cum idem supponantur affirmare vel idem negare. Ergo scientia & opinio nullo genere oppositionis opponuntur , proindeque possunt stare simul in eodem intellectu.

O B J E C T I O.

SI scientia & opinio simul stare possent in eodem intellectu de eodem objecto , intellectus posset scire simul & opinari de eadem re : atqui intellectus non potest scire simul & opinari de eadem re (ex Philosopho.)

R. Dist. Maj. Intellectus posset scire simul & opinari per diversa motiva scientiarum & opinionis , C. Per idem motivum , N. Sicut enim voluntas potest amare simul & odire eundem hominem

hominem per diversa motiva, ita intellectus potest eandem veritatem scire simul & de illa opinari per diversa motiva.

Inst. 1. Intellectus non potest simul & semel moveri duobus motibus contrariis; atqui si sciret simul & opinaretur, moveretur simul duobus motibus contrariis.

Prob. Min. Facultas certa simul & incerta de eadem re, movetur simul duobus motibus contrariis; atqui intellectus esset certus per motivum scientiae simul & incertus per motivum opinionis; ergo moveretur motibus contrariis.

R. Dist. Maj. Facultas certa positivè simul & incerta positivè, C. Certa positivè & incerta negativè, N. Porro opinio non est incerta nisi negativè, quatenus non removet incertitudinem, quam reperit in intellectu.

Inst. 2. Tam intellectus esset incertus positivè per motivum opinionis, quam esset certus positivè per motivum scientiae; atqui certus est positivè per motivum scientiae: ergo esset incertus positivè per motivum opinionis.

R. Nego Maj. & par. Ratio dispat. quia scientia est cognitio perfecta pariens certitudinem positivam: at vero opinio est cognitio imperfecta non pariens incertitudinem positivam. Nam si opinio pareret in intellectu incertitudinem positivam, quo plura essent de eodem objecto opinandi motiva, eo plures essent incertitudines: atque ita post vigesimam relationem magis dubitarem quam post primam vel secundam, quod aperte falsum est.

Inst. 3. Atqui pariter opinio parit in intellectu incertitudinem positivam.

Prob. Subs. Opinio parit in intellectu suum effectum formalem, suam differentiam essentialiem: atqui effectus formalis opinionis est incertitudo positivat

Prob. Min. Effectus formalis cognitionis positivæ, qualis est opinio, debet esse positivus: atqui nullus alius est effectus opinionis præter incertitudinem positivam; ergo parit incertitudinem positivam.

R. Nego utramque Min. & dico effectum formalem opinionis esse probabilitatem seu certitudinem moralem & qualcumque.

Inst. 4. Atqui effectus formalis opinionis, vel differentia ipsius non potest esse certitudo moralis.

Prob. Subf. Opinio differt essentialiter à scientiâ : atqui non differret essentialiter à scientia , si opinio habeat pro effetu formalí certitudinem moralem.

Prob. Min. Ea non differunt essentialiter , quæ differunt tantum secundum magis & minus : atqui scientia & opinio different tantum secundum magis & minus, secundum majorem & minorem certitudinem ; ergo non different essentialiter.

R. Dist. Maj. Quæ differunt tantum secundum magis & minus homogenea, seu ejusdem generis, C. Secundum magis & minus heterogenea seu diversi generis, N. Porro scientia & opinio differunt secundum magis & minus certum , sed in diverso genere : nam certitudo scientiæ est in genere metaphysico , certitudo autem opinionis est in genere morali seu probabilitatis.

Inst. 5. Cognitio, quæ differt à scientia per negationem certitudinis , non differt per certitudinem etiam moralem : atqui opinio differt à scientia per negationem certitudinis , siquidem opinio est cognitio incerta negativè (ex concessis) seu non certa.

R. Dist. Min. Atqui opinio differt à scientia per negationem certitudinis metaphysicæ , C. Per negationem certitudinis moralis, N. Quia parit fiduciam moralem, seu probabilitatem cognitionem.

Inst. 6. Si opinio differat à scientia per negationem certitudinis metaphysicæ , idem intellectus scientia simul & opinione prædictus, foret simul metaphysicè certus & non certus de eadem veritate : atqui hoc implicat.

R. Dist. Maj. Foret simul certus metaphysicè , & non certus metaphysicè per diversa motiva, C. Per idem motum , N.

Inst. 7. Ea motiva sunt incompossibilia in eodem intellectu , quorum unum dicit objectum non posse aliter se habere ; alterum dicit, posse aliter se habere : atqui motivum scientiæ dicit rem non posse aliter se habere, motivum opinionis dicit posse aliter se habere ; ergo motiva scientiæ & opinionis sunt incompossibilia.

R. Dist. Maj. Quorum unum dicit objectum non posse aliter se habere in se & absolute, alterum dicit posse aliter se habere in se & absolute, C. Quorum unum dicit objectum non posse


posse aliter se habere in se & absolutè, alterum dicit posse aliter se habere relativè ad diversas rationes, N. Porrò motivum scientiæ dicit rem non posse aliter se habere absolutè simul & relativè: opinio verò dicit rem posse aliter se habere non absolutè & in se, sed relativè ad rationem probabilem & inefficacem. Hinc intellectus non est incertus de ipsa propositione, sed de connexione medii probabilis cum tali propositione.

Inst. 8. Non magis intellectus potest esse certus, & non certus metaphysicè per diversa motiva, quām idem aer possit esse lucidus simul & tenebrosus per diversa media.

R. Nego Maj. & par. Ratio disp. quia lux & tenebræ opponuntur privativè in eodem subiecto immediato, non item certitudo scientiæ & negatio certitudinis in opinione, quia sunt in diversis subiectis, puta actibus & habitibus scientiæ & opinionis.

Inst. 9. Atqui pariter certitudo scientiæ & negatio certitudinis metaphysicæ in opinione essent in eodem subiecto, putà in intellectu.

R. Dist. In eodem subiecto remoto, C. Proximo, N.



II. PROPOSITIO.

Scientia & Fides possunt stare simul in eodem intellectu.

PROB. Ut scientia & fides possint stare simul in eodem intellectu, satis est, quod possit quis scire simul, & credere eandem veritatem per diversa motiva. Atqui potest quis scire simul & credere eandem veritatem per diversa motiva; sic v. g. potest quis scire Deum existere, quia existunt creature, simul & idipsum credere, quia Deus revelavit Ecclesiæ. Ergo Scientia & Fides possunt stare simul in eodem intellectu.

O B J E C T I O II.

Si Scientia & Fides simul stare possent, intellectus posset simul elicere actum scientiæ, & actum Fidei; atqui non potest.

Prob. Min. Intellectus non potest simul elicere actus diversos : atqui actus scientiae & Fidei sunt diversi.

R. Dist. Maj. Intellectus non potest simul elicere actus diversos oppositos vel etiam disparatos , *Transcat* ; Subordinatos , N. Porro actus scientiae & Fidei essent subordinati , quia supponuntur idem affirmare , vel idem negare omnes.

Inst. 1. Si intellectus posset elicere simul actum scientiae & actum Fidei circa idem objectum, cognosceret evidenter & non evidenter idem objectum : atqui hoc implicat.

R. Dist. Maj. Cognosceret evidenter simul & non evidenter idem objectum per diversa scientiae & Fidei & motiva, C. Per idem motivum , N.

Inst. 2. Si intellectus cognosceret evidenter simul & non evidenter objectum , essent simul in intellectu claritas & obscuritas circa idem : atqui hoc implicat.

R. Dist. Maj. Essent simul in intellectu claritas positiva atque obscuritas negativa, C. Claritas positiva , atque obscuritas positiva . N. Nam Fides non est obscura positivè , quasi parat obscuritatem ; sed negativè , quatenus non valet remove-re obscuritatem , quæ antea fuerat in intellectu.

Inst. 3. Si claritas scientiae staret cum obscuritate Fidei , Fides non rectè diceretur . *Argumentum non apparentium* : atqui tamen sic definitur ab Apostolo Capite 11. Epist. ad Hebreos

R. Dist. Maj. Fides non rectè diceretur argumentum non apparentium absolute & sub omni respectu , C. Non apparentium relativè ad motivum Fidei , & vi Fidei , N. Porro Fides definitur ab Apostolo , *Argumentum non apparentium* (intellige) vi Fidei , quatenus Fides vi sua non facit res apparentes : sed hoc non obstat , quin esse possint res apparentes aliunde , putà per scientiam.

Inst. 4. Fides non esset argumentum rerum non apparentium absolute & sub omni respectu , Fides stare posset cum evidentia visionis beatificæ : atqui tamen Fides non stat cum visione beatifica , juxta illud Apostoli ad Corinth. Cap. 13. *Cum venerit , quod perfectum est (gloria) evanescatur quod ex parte est (Fides.)*

R. Dist. Maj. Fides stare posset cum visione beatifica , stare posset per se & ex natura rei , C. Stare posset per accidens , Deo

Deo nolente, N. Porro si Fides jam non stat cum visione beatifica, id sit per accidens ex sola Dei voluntate, quæ nobis innotescit, loco Apostoli citato: at per se & absolute stare possent Fides & visio beatifica.

Inst. 5. Spes non potest per se & absolute stare cum visione beatifica; ergo nec Fides.

R. Nego Conf. & par. Ratio disp. quia Spes definitur virtus circa bonum absens quatenus absens: sed in Beatis summum bonum est intimè præsens; at vero Fides abstrahit à præsentia & absentia objecti.



III. PROPOSITIO.

Scientia, Fides & opinio non possunt stare simul in eodem intellectu de eodem obiecto.

PROB. In principiis Thomistarum sic. / Actus vel habitus oppositi non possunt stare simul in eodem intellectu: atqui scientia, Fides, & opinio sunt actus vel habitus oppositi. Nam actus certus & incertus, actus evidens & inevidens sunt actus oppositi; atqui scientia est certa & evidens, Opinio est incerta, Fides est inevidens. Ergo scientia, Fides & opinio sunt actus vel habitus oppositi, proindeque non possunt stare simul in eodem intellectu de eodem objecto.

O B J E C T I O.

Scientia & opinio possunt stare simul in eodem intellectu modo possit quis scire simul & opinari de eadem re per diversa motiva: atqui potest quis, v. g. scire, Deum existere, quia creaturæ existunt, & id ipsum opinari, quia populi consentiunt.

Prob. Min. Tam potest quis scire simul & opinari de eadem re per diversa motiva, quam possit amare simul & odire idem objectum per diversa motiva, v. g. amare hominem,

quia est consanguineus, & odisse eundem, quia est improbus.

R. Nego Par. Ratio disp. quia qui amat hominem, quia consanguineus est, & eundem odio habet, quia improbus est, propriè non amat & odio habet idem objectum, sed diversa objecta, nempe consanguinitatem & improbitatem.

Inst. 1. Valet instituta paritas, si scientia & opinio de eâdem re per diversa motiva non opponantur inter se, sicut nec amor & odium per diversa motiva: atqui scientia & opinio nullo genere oppositionis opponuntur, neque contradictione, neque contrariè, &c.

R. Nego Min. Et dico scientiam & opinionem de eâdem re opponi contrariè rationi sui, quatenus una est cognitio certa, altera autem incerta: opponi verò contradictione rationae effectus, quem parerent in intellectu, quatenus eum prætarent certum simul & non certum de eâdem re.

Inst. 2. Contraria dicuntur ea, quæ magis pugnant secum invicem, quam cum aliis: atqui scientia & opinio de eâdem re minus pugnant secum invicem, quam cum aliis; quia scientia & error de eâdem re magis pugnant quam scientia & opinio.

R. Dist. Min. Atqui scientia & opinio minus pugnant inter se quoad veritatem & falsitatem, quam scientia & error, C. Minus pugnant quoad certitudinem & incertitudinem, N. Nempe scientia & error plurimum pugnant quoad veritatem & falsitatem: scientia autem & opinio plurimum quoad certitudinem & incertitudinem.

Inst. 3. Duæ cognitiones, quæ eandem veritatem affirman, vel eandem fallitatem negant, non plurimum pugnant inter se: atqui scientia & opinio supponuntur hic idem affirmare, vel idem negare.

R. Dist. Maj. Si idem affirment sine speciali oppositione, C. Secùs, N. At scientia & opinio specialem habent oppositionem, quatenus una dicit rem esse absque erroris formidine, altera dicit cum formidine.

Inst. 4. Idcirco asseritur scientiam & opinionem habere specialem inter se oppositionem, quia sicut scientia patit in intellectu & certitudinem, ita dicitur opinio patere

incertitudinem seu formidinem : atqui falsum est opinionem parere incertitudinem.

Prob. Min. Si opinio pareret incertitudinem, quod plures quis haberet de eadem re opiniones, ob plura opinandi motiva, eò magis magisque dubitaret de illa re : atqui hoc est contra experientiam.

Respondetur negando id sequi, quia, inquit, opinio non solum parit incertitudinem, sed & notitiam aliqualem rei, de qua opinamur; sed dum multiplicantur motiva opinandi eadem de re, crescit magis magisque notitia rei illius, sive minuitur sensim ac sine sensu mentis incertudo.



PHI-



PHILOSOPHIÆ
SECUNDA PARS,
DE REBUS MORALIBUS.



QUÆSTIO PRIMA

De malo quatenus malo.

PROPOSITIO.

Malum quatenus malum amari non potest à voluntate.

PROB. Illud non potest amari à voluntate, quod non habet vim alliciendi voluntatem ad sui prosecutionem; atqui malum quatenus malum non habet vim alliciendi voluntatem ad sui prosecutionem: nam quod est formaliter nocivum & disconveniens voluntati, non habet vim alliciendi voluntatem ad sui prosecutionem; atqui malum quatenus malum est formaliter nocivum & disconveniens voluntati, ex hypothesi eam est malum formaliter ut malum. Ergo malum quatenus malum non potest amari à voluntate.

OBJECTION I.

Illud potest amari à voluntate, quod potest esse objectum voluntatis. Atqui malum ut malum potest esse objectum voluntatis, quia circa illud potest versari voluntas.

R. Dilt.

R. Dist. Maj. Quod potest esse objectum voluntatis ut prosequentis, C. Ut aversantis, N. At malum ut malum est objectum voluntatis, non ut prosequentis, sed ut aversantis, sicut falsum ut falsum est objectum intellectus, non ut affirmantis, sed ut dissentientis.

Inst. Illud potest esse objectum voluntatis ut prosequentis, circa quod voluntas est libera. Atqui voluntas est libera circa malum ut malum.

R. Dist. Maj. Circa quod voluntas est libera libertate contrarietatis, C. Libertate contradictionis, N. Porro voluntas est libera circa malum ut malum libertate contradictionis ad odio habendum, vel non odio habendum: at non est libera libertate contrarietatis, ad amandum vel odio habendum indifferenter.

Inst. 2. Atqui ut voluntas possit prosequi malum ut malum, satis est, quod sit libera libertate contradictionis circa malum.

Prob. Subf. Ut voluntas possit prosequi malum ut malum, satis est, quod possit illud amare & non amare; atqui si sit libera libertate contradictionis circa malum, potest illud amare & non amare, quæ sunt contradictionia duo.

R. Dist. Min. Atqui si voluntas sit libera libertate contradictionis amoris & non amoris, C. Libertate contradictionis odii, & non odii, N. At voluntas circa malum non habet libertatem amoris & non amoris, sed odii, & non odii.

Inst. 3. Nisi voluntas sit libera circa malum libertate contradictionis amoris & non amoris; nunquam poterit voluntas idem objectum indifferenter amare & odiisse. Atqui hoc implicat.

R. Dist. Maj. Nunquam poterit voluntas, idem objectum indifferenter amare & odiisse, sub eodem respectu, eademque formalitate, C. Sub diverso respectu, diversâ formalitate, N. Nam potest idem amare ut bonum, & odio habere ut malum.

Inst. 4. Vel objectum repræsentatur voluntati ut bonum, vel ut malum: si repræsentetur ut bonum, poterit amare, sed non odiisse, si repræsentetur ut malum, poterit odiisse sed non amare. Ergo nunquam poterit voluntas amare & odiisse idem objectum.

R. Dist. Maj. Vel objectum repræsentatur voluntati ut bo-

bonum, vel ut malum conjunctim & collectivè, C. Disjunctim & distributivè, N. Sic, v. g. mens repræsentat simul voluntati jejuniū tempore quadragesimali esse bonum in ordine ad salutem obtinendam, & esse malum in ordine ad exemplandam cupiditatem; & tunc eligit voluntas, quod sibi libuerit.

Inst. 5. Implicat intellectum voluntati repræsentare idem objectum ut bonum, simul & malum conjunctim, hæc enim duo se se destruunt.

R. Dist. Implicat intellectum voluntati repræsentare, idem objectum ut bonum simul & malum, bonitate & malitiâ oppositis, C. Disparatis, N. Sic, v. g. implicare intellectum repræsentare simul jejuniū esse bonum in ordine ad salutem, & malum in ordine ad eandem salutem. At nihil implicat intellectum repræsentare jejuniū esse bonum in ordine ad salutem, & malum in ordine ad cupiditatem exemplandam.

Inst. 6. Si intellectus posset repræsentare voluntati idem objectum esse bonum simul & malum bonitate & malitiâ disparatis, possent simul esse in intellectu duas operationes, duo judicia, alterum de bono, alterum de malo. Atqui hoc implicat, quia pluribus intentus minor est ad singula sensus.

R. Dist. Maj. Poscent simul esse in intellectu duo judicia, disparata & conditionata, C. Opposita & absoluta, N. Porro non sunt incompossibilia duo simul judicia disparata & conditionata, v. g. ista duo, (jejunandum est, si velis præcepto Ecclesiæ obtemperare) (jejunandum non est, si velis tuæ servire cupiditati.)

Inst. 7. Si possent simul esse in intellectu duo judicia disparata & conditionata, unum de bono, alterum de malo, posset esse vitium in voluntate sine errore in intellectu, sine perverso intellectus judicio. Atqui hoc implicat, alioqui voluntas non dirigeretur ab intellectu.

R. Dist. Maj. Posset esse vitium in voluntate, sine errore in intellectu, sine errore speculativo & antecedenti, C. Sine errore practicè practico & consequenti, N. Nam postquam elegit voluntas hoc potius quam illud, tunc intellectus judicat judicio practicè practico, hoc esse faciendum, v. g. non esse jejunandum; & ibi est error consequens & à voluntatis electione dependens.

Inst. 8. Voluntas dirigitur à judicio intellectus. Ergo prius esset debet error in intellectu, quām vitium in voluntate.

R. Dist. Ant. Voluntas dirigitur à judicio intellectus speculativo, antecedenti, & conditionato, C. A judicio praeclē practico, & absoluto, Subdist. In mediis eligendis in ordine ad finem, C. In ipso fine eligendo, N. Nam primō voluntas eligit finem determinatum, & deinde absolute judicat intellectus de mediis convenientioribus in ordine ad talem finem.

Inst. 9. Si judicium speculativum, & conditionatum sufficeret ad dirigendam voluntatem; judicium, quo Nominales judicant malum, quā malum esse amabile, sufficeret excitandæ voluntati ad amorem.

R. Dist. Si judicium quodlibet speculativum sufficeret, C. Secūs, N. At non sufficit quodlibet promiscue speculativum judicium, sed illud duntaxat, quo objectum aliquod repræsentatur sub aliqua specie boni.

Inst. 10. Excitandæ voluntati ad amorem sufficit repræsentatio amabilitatis. Atqui judicium speculativum Nominalium de malo ut malo, repræsentat amabilitatem. Ergo sufficere ad amorem.

Resp. Dist. Maj. Sufficit repræsentatio amabilitatis, propter aliquam objeci bonitatem veram, vel apparentem, C. Sine ulla specie boni, N. At Nominales judicant malum ut malum esse amabile, sine ulla specie boni.

O B J E C T I O II.

TAM malum ut malum potest amari à voluntate, quām falsum ut falsum cognosci ab intellectu.

R. Nego par. Ratio disp. quia falsum ut falsum est intelligibile, suamque habet ideam in mente: at verò malum ut malum non est amabile, non habet vim alliciendæ voluntatis ad sui prosecutionem.

Inst. 1. Intellectus versatur circa falsum ut falsum, alio actu quam diffensu; ergo à pari voluntas versatur circa

malum ut malum ; alio actu quam odio , proindeque amore.

R. Dist. Conf. & par. Ratio disp. quia in intellectu præter assensum & dissensum , est simplex objecti apprehensio , prærequisita assensui vel dissensui . At verò in voluntate nulus est alius actus præter amorem & odium.

Inst. 2. Voluntas non est minus universalis quam intellectus ; ergo sicut intellectus habet actum aliquem præter assensum & dissensum ; ita voluntas habere debet actum præter amorem & odium.

R. Dist. Ant. Voluntas non est minus universalis quam intellectus ; non est minus universalis in amando , quod amabile est , & odio habendo , quod odibile est , quam intellectus in cognoscendo , quod cognoscibile est , C. Non est minus universalis quam intellectus , id est , tot exercet operationes , quod intellectus , N. Nam intellectus illustrat voluntatem , ideoque debet actum exercere , quem non exerceat voluntas.

Inst. 3. Facultas quæ recedit à malo ut malo per odium , potest accedere ad malum ut malum per amorem . Atqui voluntas recedit à malo per odium.

Nego Maj. Multa sunt enim , à quibus abhorremus , quæ tamen nunquam prosequi possumus , v. g. nociva , cognita ut nociva.

Inst. 4. Recessus ab objecto supponit accessum ad ipsum . Ergo facultas , quæ potest à malo recedere , potest & ad ipsum accedere.

R. Dist. Ant. Recessus ab objecto supponit accessum ad ipsum , supponit in Physicis , cito ; in Moralibus , N. Nam possumus naturaliter ab objecto declinare sive prævia ad ipsum inclinatione.

Inst. 5. Voluntas potest accedere ad illud omne , quod intellectus judicat amabile . Atqui intellectus judicat & publicè profitetur malum ut malum esse amabile .

R. Dist. Maj. Quod intellectus judicat amabile judicio practicè pratico , C. Speculativo , N. Porro intellectus non judicat malum ut malum esse amabile , nisi judicio speculativo , quod nunquam ad primum redigitur .

Inst. 6. Intellectus Dæmonum judicat annihilationem esse amabilem judicio practicè pratico . Atqui annihilation est malum ut malum .

Prob. Min. Quod nullam in se habet bonitatem, & affect destructionem bonitatis, certe est malum ut malum. At qui annihilation est hujusmodi.

R. Dist. Maj. Quod nullam in se habet bonitatem, nec absolutam, nec relativam, C. Absolutam tantum N. Porro annihilation habet aliquam bonitatem relativam respectu Dæmonium, quos solveret à miseriâ.

Inst. 7. Quod nulli subjecto bonum esse potest, certe nullam habet bonitatem relativam: atqui annihilation nulli subjecto potest esse bona.

R. Nego Min. Namque esset bona Dæmonibus, quos liberaret à miseriis.

Inst. 8. Quod tollit omne subjectum, non potest esse bonum subjecto. Atqui annihilation tollit subjectum omne.

R. Dist. Maj. Quod tollit omne subjectum, non potest esse bonum subjecto reliquendo, C. Destruendo, N. Nam bonditas annihilationis consisteret in eo, quod suum destruendo subjectum, ipsum pœnis substraheret incredibilibus.

Inst. 9. Quod non perficeret subjectum, non posset esse bonum subjecto. Atqui annihilation non perficeret Dæmones.

R. Dist. Maj. Non posset esse bonum positivum, C. Negativum, N. At annihilation esset bona negativa, quatenus imperfectionem maximam removeret à Dæmonibus: optabilius enim esset non esse, quam esse damnatum: hinc ajebat Christus Dominus de Iuda proditore: *bonum esset homini illi, si natus non fuisset.*

Inst. 10. Si annihilation esset bona negative Dæmonibus vel existentibus, vel non existentibus: neutrum dici potest.

Prob. Min. Quoad primam partem. Annihilation non potest esse bona, quando non est: atqui existentibus Dæmonibus annihilation non est. Ergo non potest esse bona Dæmonibus existentibus.

R. Dist. Maj. Annihilation non potest esse bona, quando non est, neque realiter, neque objectivè in idea, C. Quando non est realiter tantum, N. At annihilation est in ideâ Dæmonum appetentium ipsam.

Prob. Min. Quoad secundam partem. Nihil potest esse

bonum iis, qui non sunt. Ergo annihilatio non potest esse bona Dæmonibus non existentibus.

R. Dist. Ant. Nihil potest esse bonum positivè, C. Negativè, N. Eo sensu, quod removeat in perfectionem, v.g. damnationem.



QUÆSTIO SECUNDA.

De modo agendi Belluarum propter finem.

I. PROPOSITIO.

Belluae agunt propter finem formaliter.

PROB. Nam quæcumque agentia cognoscunt finem, ut finis est, & media ut media sunt, agunt formaliter propter finem: atqui Belluae cognoscunt finem, ut finis est, & media ut media sunt. Etenim ea cognoscunt finem, ut finis est, quæ alliciuntur à præcognita bonitate finis: atqui belluae alliciuntur à præcognitâ bonitate finis. Ergo Belluae cognoscunt finem ut finis est, proindeque agunt propter finem formaliter.

O B J E C T I O.

UT agens agat formaliter propter finem, debet cognoscere finem & rationem finis. Atqui belluae non cognoscunt finem & rationem finis. Ergo belluae non agunt formaliter propter finem.

Prob. Min. Belluae agunt propter finem medio modo inter agentia vegetantia, & rationalia. Atqui si cognoscerent finem & rationem finis, non agerent medio modo inter agentia vegetantia & rationalia; nam vegetantia neque finem cognoscunt, neque rationem finis, rationalia autem cognoscunt finem & rationem finis. Ergo belluae, ut agant medio modo, debent cognoscere finem, sed non rationem finis.

R. Dist. Maj. Belluae agunt propter finem medio modo inter agentia vegetantia & rationalia, medio per participatiōnem,

nem, C. Medio per exclusionem, N. Nam modus belluarum agendi propter finem participat aliquid de modo agendi & vegetantium & rationalium; sicut enim vegetantia feruntur in finem necessitate naturae, ita & belluae: sicut autem rationalia cognoscunt rationem finis constitutivam, ita & belluae, cum eo tamen discrimine, quod rationalia liberè & cum electione operentur, belluae autem naturali necessitate.

Inst. 1. Belluae non cognoscunt, nisi quod potest cadere sub sensus: atqui ratio constitutiva finis non potest cadere sub sensus; quia nullæ afficitur sensibili qualitate. Ergo belluae non cognoscunt rationem finis.

R. Dist. Maj. Belluae non cognoscunt, nisi quod potest cadere sub sensus, vel internos, vel externos, C. Externos tantum, N. Porro ratio finis non cadit quidem sub sensus externos, v. g. visum, at cadit sub sensus internos, v. g. imaginacionem: est enim mira vis imaginationis belluarum ad ea cognoscenda, que sub sensus externos non cadunt: sic ovis percipit inimicorum lupi, instinctu quodam naturali, qui non potest errare.

Inst. 2. Belluae non cognoscunt nisi quod est sensibile; atqui ratio finis non est sensibilis; est enim quædam formalitas purè intelligibilis. Ergo belluae non cognoscunt rationem finis, vel sensu interno.

R. Dist. Min. Atqui ratio finis non est sensibilis, si spectatur in abstracto, C. Si spectetur in concreto, N. Quamvis enim belluae non cognoscant rationem finis, prout est quædam formalitas abstracta & purè intelligibilis; cognoscunt tandem finem ut bonum & sibi convenientem.

Inst. 3. Ut belluae cognolcant alio modo rationem finis, debent comparare media cum fine, & finem cum mediis: atqui belluae non possunt comparare, siquidem comparatio est mentis operatio. Ergo belluae nullatenus possunt cognoscere rationem finis.

R. Dist. Maj. Debent comparare media cum fine, comparatione virtuali, C. Comparatione actuali, N. Porro belluae comparant media cum fine comparatione virtuali, quia uno & eodem actu cognoscunt & finem & media, ut utilia ad finem consequendum; quod rationalia solent discurrendo praestare.

Inst. 4. Si belluae cognoscerent & finem & media comparatione virtuali per unum eundemque actum, jam modus agendi belluarum esset nobilior modo agendi rationalium, quia foret simplicior; absurdum consequens.

R. Dist. Maj. Jam modus agendi belluarum esset nobilior secundum quid, C. Simpliciter, N. Porro modus agendi rationalium est simpliciter nobilior modo agendi belluarum; quia rationalia agunt cum reflexione, & electione liberâ, & propter finem longè præstantiorem; v. g. propter Deum & Dei cognitionem.

Inst. 5. Nobilis est simpliciter cognoscere & finem & media una & eodem actu, quam cognoscere multiplici, & cum reflexione. Atqui belluae cognoscerent finem & media uno & eodem actu; rationalia vero multiplici & cum reflexione: Ergo modus agendi belluarum esset nobilior simpliciter modo agendi rationalium.

R. Dist. Maj. Nobilis est cognoscere finem & media uno & eodem actu, quam multiplici, si cœtera sint aliunde paria, C. Secùs, N. Porro cœtera non sunt paria inter modum cognoscendi rationalium & belluarum: quia rationalia cognoscunt rationem finis longè distinctius; & finem intendunt longè nobiliorem; insuper & agunt liberè & ex electione.

Inst. 6. Atqui belluae nullatenus possunt cognoscere finem ut finem, & media ut media. Nam ea tantum agentia possunt cognoscere media ut media, quæ possunt consultare de mediis eligendis; atqui belluae non possunt consultare vel deliberare de mediis. Ergo nec cognoscere media ut media sunt.

R. Dist. Maj. Ea tantum agentia possunt cognoscere media ut media, cognitione reflexâ, quæ possunt consultare, C. Cognitione directâ seu apprehensiva, N. Porro belluae non consultant quidem; proindeque non possunt cognoscere media ut media cognitione reflexa; quia non indigent aliquo examine aut discursu ad dignoscenda media ad finem convenientiora; at instinctu quodam ducuntur, & sola cognitione directâ, unde minus perfectè cognoscunt convenientiam mediorum,

II. PROPOSITIO.

Belluæ non agunt propter finem formaliter.

PROB. Agere propter finem formaliter, est cognoscere finem ut finem, media ut media, rationem finis, & utilitatem mediorum in ordine ad finem. Atqui belluæ non cognoscunt finem ut finem, media ut media, rationem finis, & utilitatem mediorum: nam belluæ nihil cognoscunt, nisi quod est sensibile; atqui ratio finis & utilitas mediorum non sunt aliquid sensibile; quippe utilitas mediorum consistit in quadam illorum convenientia, quæ relatio est, relatio autem insensibilis est. Ergo belluæ non cognoscunt finem ut finem, media ut media in ordine ad finem, proindeque non agunt propter finem formaliter.

O B J E C T I O I.

BELLUÆ agunt propter finem, medio modo inter modum agendi rationalium, & modum agendi insensitivorum. Atqui non agerent medio modo, nisi agerent propter finem formaliter.

Prob. Min. Quæ agerent propter finem materialiter tantum, non agerent medio modo, inter modum agendi rationalium, & modum agendi sensitivorum. Atqui belluæ agerent propter finem materialiter solum.

R. Dist. Maj. Quæ agerent propter finem materialiter imperfectè sine ullâ præviâ cognitione sensuum, ut lapides, C. Materialiter perfectè ex præviâ cognitione sensitiva, N. Porro belluæ agunt propter finem materialiter perfectè; atque ita medium tenent inter rationalia, quæ agunt propter finem formaliter, & sensitiva, quæ agunt materialiter imperfectè.

Inst. 1. Ea agentia agunt propter finem modo perfectiori, quam materialiter perfectè, quæ assumunt media convenientia.

entiora ad finem ex prævia cognitione: atqui belluae assumunt media convenientiora ex prævia cognitione.

R. Dist. Maj. Quæ assumunt media convenientiora ex prævia cognitione majoris convenientiæ, C. Sine prævia cognitione majoris convenientiæ, N. Porrò belluae non valent cognoscere majorem mediorum convenientiam, quæ cum tota sit posita in relatione, inseparabilis est.

Inst. 2. Vel belluae assumunt media convenientiora ex prævia cognitione convenientiæ seu utilitatis, vel jucunditatis, vel honestatis. Atqui sæpè non assumunt media ex cognitione jucunditatis, nunquam vero ex cognitione honestatis.

R. Nego Min. Et dico assumere media ex cognitione jucunditatis.

Inst. 3. Canis, siveiente hyeme, traxit fluvium glacialem ad assequendum herum ex adversa ripa. Atqui illa trajectio nihil habet jucunditatis.

R. Dist. Min. Atqui illa trajectio nihil habet jucunditatis, si spectetur seorsim ab hero assequendo, C. Si spectetur conjunctim cum hero assequendo, N. Nam præsentia heri plus potest ad alliciendum canem, quam frigus aquæ ad arandum.

Inst. 4. Quod parit cani dolorem valde sensibilem, non potest dici cani jucundum. Atqui trajectio fluvii glacialis parit cani dolorem valde sensibilem.

R. Dist. Maj. Quod pari cani dolorem valde sensibilem voluptate majorem, C. Voluptate minorem, N. Porrò illa trajectio fluvii glacialis plus affert cani voluptatis, quam molestiæ, sicut offa paulo calidior parit eidem cani aliquid doloris, plus tamen voluptatis.

Inst. 5. Ibi non est voluptas dolore major, ubi magna sunt doloris indicia, nulla vero voluptatis. Atqui in trajiciente cane magna sunt doloris indicia, latratus & ululatus; nulla autem voluptatis indicia.

R. Nego Min. Quoad secundam partem. Nam magnum voluptatis, quam percipiat canis indicium, est ipsa trajectio, quæ certè non assumeretur à cane, nisi speciem aliquam jucundatis haberet.

Inst. 6. Trajectio molesta cani, non est indicium voluptatis, quam percipiat canis. Atqui trajectio fluvii glacialis est

molesta cani, nihilque habet in se, quod jucunditatem parere valeat.

R. Dist. Maj. Trajectio molesta simpliciter cani, C. Molesta secundum quid, N. At illa trajectio est secundum quid molesta, simpliciter verò jucunda.

Inst. 7. Nihil est in illa trajectione, quod valeat allicerē canem ad sui prosecutionem: quia nihil nisi asperum præ se fest.

R. Dist. Nihil est in illa trajectione præcisè & secundum se spectatā, C. In illa trajectione ut conjuncta cum assecutione heri præsentis, N.

Inst. 8. Ut illa trajectio ut conjuncta cum assecutione heri, esset jucunda cani, deberet canis posse conjungere trajectionem fluvii cum assecutione heri. Atqui canis non potest hæc duo conjungere, alioqui compararet, & judicaret.

R. Dist. Maj. Deberet canis posse conjungere trajectionem fluvii cum assecutione heri, conjungere apprehensivè per simplicem intuitum, C. Conjungere judicativè, per affirmationem, N. Porro canis hæc duo conjungit apprehensivè, quatenus utrumque simul apprehendit, simul percipit.

Inst. 9. Non est difficilior cani percipere utilitatem, seu convenientiam trajectoris, quam ipsam assecutionem heri, sunt enim ex æquo insensibiles.

R. Dist. Maj. Quam ipsam assecutionem sumptam in abstracto, C. Sumptam in concreto & materialiter, N. Quamvis enim causis non percipiat rationem formalem assecutionis heri, percipit herum assequendum, sibique blandientem.

O B J E C T I O II.

A Gentia ratione prædita agunt propter finem formaliter. Atqui belluae ratione pollent.

Prob. Min Docilitas seu capacitas scientiæ, est indicium rationis. Atqui est in belluis docilitas: ergo & ratio.

R. Dist. Maj. Docilitas propriè dicta, quæ sit conjuncta cum discursu, comparatione, C. Docilitas impropriè dicta, quæ sit conjuncta cum sola memoria, N. Porro docilitas, quæ deprehenditur in belluis, est foetus solius memoriarum.

Inst. Agentia reflexiva possunt docilitate propriè dictâ & rationali. Atqui belluæ sunt reflexivæ, refleclunt enim supra præterita.

R. Dist. Maj. Agentia reflexiva supra suas cognitiones, C. Reflexiva supra objecta suarum cognitionum. N. Porro belluæ refleclunt supra objecta sensibilia priùs cognita, at non supra suas cognitiones, quæ sunt insensibiles.

Inst. 2. Refleclere supra suas cognitiones, est suas cognoscere cognitiones: atqui belluæ suas cognoscunt cognitiones.

Prob. Min. Belluæ possunt cognoscere quidquid est ipsis præsens & proportionatum. Atqui cognitiones belluarum sunt belluis præsentes & proportionatæ. Ergo belluæ suas cognoscunt cognitiones.

R. Dist. Maj. Quidquid est ipsis præsens, & proportionatum objectivè, tanquam objectum cognoscendum, C. Effectivè, tanquam effectus suæ causæ, N. Porro cognitiones belluarum sunt quidem effectus facultatum cognoscitivarum, sed non sunt objecta cognoscibilia à belluis, quia non sunt sensibiles.

Inst. 3. Quidquid est materiale & cognoscibile, est proportionatum facultati cognoscitivæ materiali: Atqui cognitiones belluarum sunt materiales & cognoscibiles. Ergo sunt proportionatæ belluis objectivæ.

R. Dist. Maj. Quidquid est materiale & sensibile, C. & insensibile, N. Nam sensus nihil percipit, nisi quod est sensibile; Porro cognitiones belluarum non sunt sensibiles, quia nullæ sensibili qualitate donantur.

Inst. 4. Tam omne materiale est proportionatum facultati cognoscitivæ materiali; quam omne spiritale sit proportionatum facultati cognoscitivæ spiritali. Atqui ita est.

R. Nego Maj. & par. Ratio disp. quia facultas cognoscitiva spiritualis est universalissima, & se extendit ad omne generatim intelligibile: at varo facultas cognoscitiva materialis est valde limitata ad certum sensibile, v. g. visus ad colorem, auditus ad sonos.

Inst. 5. Valet paritas allata, si detur in belluis facultas materialis universalis. Atqui datur hujusmodi facultas, nempe sensus communis.

R. Dist. Maj. Si detur in belluis facultas materialis uni-

ver-

versalis ad omnia materialia ut materialia, C. Ad omnia materialia, ut sensibilia, N. Porro sensus communis dicitur facultas universalis, non relativè ad omnia materialia ut materialia, sed relativè ad omnia sensibilia, idèque definitur sensus internus discernens objecta sensuum exteriorum, v. g. colorem à sapore.

Inst. 6. Tam sensus communis potest esse universalis relativè ad omnia generatim materialia, quam quilibet alias sensus particularis sit circa aliquod materiale in particulari.

R. Nego par. Ratio disp. quia aliquod materiale in particulari est sensibile, proindeque potest esse objectum sensus in particulari, v. g. color objectum visus. At omnia generatim materialia non sunt sensibilia, nec proinde objecta sensus communis.

Inst. 7. Omnia generatim materialia ut materialia sunt objectum sensus communis, aliorumvè sensuum internorum, modo cadat aliquid sub sensum internum, quod nunquam cadit in sensus externos. Atqui ita est.

Prob. Min. Tam potest aliquid cadere sub sensum internum, quod nunquam cadit sub sensus externos, quam possit aliquid cadere sub intellectum, quod nunquam cadit sub sensum internum.

R. Nego par. Ratio disp. quia major est dependentia & subordinatio inter sensus internos & externos, quam inter intellectum & sensum internum, siquidem intellectus absolute non pendet à sensibus internis. At sensus internus est essentialiter discernens objecta sensuum exteriorum.


Inst. 8. Ideò cadit aliquid sub intellectum, quod nunquam cadit in sensum internum, quia species intelligibiles non debent necessariò à sensu ad intellectum traduci; sed pariter species sensuum internorum non derivantur ab externis.

Prob. Min. Amicitia matris & inimicitia lupi sunt in sensu interno ovis. Atqui species amicitiae & inimicitiae non derivantur à sensu externo.

Prob. Min. Quæ non sunt in sensibus externis non derivantur ab illis: atqui amicitia matris & inimicitia lupi non sunt in sensibus externis, quia neque sunt coloratæ, neque sapidæ, &c.

R. Dist. Maj. Atqui amicitia & inimicitia lupi non sunt

in sensibus externis, non sunt per se proximè & immediate, C. Per signa quædam exteriora, & sensibilia, N. Sic inimicitia lupi innotescit ovi per præcedentes morsus, perdentes minaces, & alia ad nocendum indicia.



QUÆSTIO TERTIA.

De Beatitudine Hominis objectiva.

I. PROPOSITIO.

Bona creata non sunt Hominis objectiva beatitudo.

PROB. Ea bona non sunt hominis objectiva beatitudo, quæ non possunt omnem hominis, ut homo est, appetitum explere; atqui bona creata non possunt omnem hominis appetitum explere: nam ea bona non possunt omnem hominis appetitum explere, quibus possellis restat adhuc majus bonum ab homine possidendum; atqui possellis bonis omnibus creatis, adhuc restat majus bonum ab homine possidendum: etenim possellis bonis finitis, & per participationem, restat adhuc bonum infinitum, & per essentiam possidendum ab eo, cuius facultates sunt illimitatae: atqui facultates hominis, ut homo est, sunt illimitatae utpotè spiritales: Ergo bona creata non possunt omnem hominis, ut homo est, appetitum replere, proindeque non sunt hominis objectiva felicitas.

O B J E C T I O.

BEATITUDO HOMINIS POTES TCONSISTERE IN IIS, QUÆ POSSUNT EXPLERE HOMINIS APPETITUM. ATQUI BONA CREAT A POSSUNT EXPLERE HOMINIS APPETITUM.

Prob. Min. Quæ sunt appetitui hominis abundè proportionata, possunt hominis appetitum explere: atqui bona creata sunt appetitui hominis abundè proportionata.

R. Dist.

R. Dist. Maj. Quæ sunt appetitui hominis abundè proportionata, instar finis ultimi & summi boni, C. Instar mediorum ad finem ultimum, N. Porrò bona creata sunt homini proportionata, non instar finis ultimi, & summi boni, sed instar mediorum in ordine ad finem ultimum.

Inst. 1. Bona creata & finita sunt appetitui finito & creato proportionata instar finis ultimi; atqui appetitus hominis est creatus & finitus.

R. Dist. Min. Atqui appetitus hominis est finitus intrinsecè, & quoad entitatem suam, C. Est finitus extrinsecè, & quoad objectum & finem suum, N. Quia animam hominis Dei capacem, quod Deo minus est, occupare potest, satiare non potest, ex D. Bernardo.

Inst. 2. Tam bona creata & finita intrinsecè, possunt explere appetitum finitum intrinsecè, quam bona increata & infinita intrinsecè possint explere appetitum increatum & infinitum intrinsecè.

R. Nego Par. Ratio disp. quia bonis increatis & infinitis, nihil majus esse potest; at bonis creatis possessis, majus quid supereat possidendum à facultate universalissimâ, qualis est intellectus humanus.

Inst. 3. Atqui appetitus hominis est limitatus bonis creatis, ita ut non possit se se extendere ad objectum infinitum.

Prob. Subs. Appetitus hominis non potest se se extenderet ad objectum infinitum, si objectum infinitum non posset attingi nisi unico modo, eoque infinito; atqui ita est.

Prob. Min. Objectum supernaturale non potest attingi nisi unico modo eoque supernaturali: ergo à pari objectum infinitum non potest attingi nisi unico modo, eoque infinito.

R. Nego Conf. & par. Ratio disp. quia supernaturale dicitur relativè ad potentiam naturalem, cuius vires superat: at infinitum dicitur absolute, & in se, quia infinitas continet perfectiones, sine ordine ad potentiam finitam, cuius vires excedat.

Inst. 4. Infinitum non potest attingi nisi modo sibi proportionato: atqui unicus modus objecto infinito proportionatus est infinitus; ergo infinitum non potest attingi nisi unico modo, eoque infinito.

R. Ne-

R. Dist. Mjn. Atqui unicus modus objecto infinito proportionatus est infinitus, modus adæquatus, perfectè adæquans infinitam Dei intelligibilitatem, C. Modus inadæquatus, nec perfectè adæquans intelligibilitatem Dei, N. At modus cognoscendi objecti infiniti adæquatus proprius est Divinitatis mentis.

Inst. 5. Atqui infinitum attingi non potest nisi adæquatè, & perfectè.

Prob. Subs. Quod non potest attingi à cognoscente, nisi secundum se totum, non potest attingi nisi adæquate, atqui in infinitum nequit attingi nisi secundum se totum,

R. Dist. Maj. Nisi secundum se totum & totaliter, C. & non totaliter, N. At necesse non est Deum attingi totaliter, seu modis omniaibus, quibus attingi potest absolute.

Inst. 6. Objectum indivisibile non potest attingi nisi totum, & totaliter attingatur: atqui infinitum, de quo jam sermo est, indivisibile est.

R. Dist. Maj. Objectum indivisibile tum virtualiter, tum realiter, tum quoad modum cognoscibilitatis, tum quoad entitatem, C. realiter tantum & quoad entitatem, N. At Dei substantia indivisibilis realiter, est infinitis modis & participabilis, & intelligibilis.

Inst. 7. Modus cognoscendi sequitur modum essendi; ergo objectum indivisibile quoad entitatem, est quoque indivisibile quoad modum cognoscibilitatis unicum.

R. Dist. Ant. Modus cognoscendi cognoscentis sequitur modum essendi cognoscentis, C. Modus cognoscendi cognoscentis sequitur modum essendi rei cognitæ, N. Sic modus cognoscendi intellectui congenitus, sequitur modum essendi naturalem intellectui.

Inst. 8. Punctum Mathematicum non potest tangi, quin totum tangatur & totaliter, ergo à pari indivisibile Metaphysicum, v. g. Deus, attingi non potest, quin totum attingatur & totaliter.

R. Nego Cons. & par. Ratio disp, quia punctum mathematicum (si datur) est indivisibile etiam virtualiter, nec diversas habet realiter facies, ut secundum quid tangatur, & non tangatur aliunde: at Deus est indivisibilis non virtualiter, sed realiter, habet diversas intelligibilitates, ut uno & altero intelligatur modo.



II. PROPOSITIO.

Deus est hominis objectiva beatitudo.

PROB. Ille solus est hominis objectiva beatitudo, qui solus potest omnem hominis, ut homo est, appetitum explere. Atqui solus Deus potest omnem hominis, ut homo est, appetitum explere; nam hominis, ut homo est à belluarum conditione secretus, duplex est appetitus, nempe inquisitio veritatis per intellectum & desiderium bonitatis per voluntatem; atqui solus Deus potest explere utrumque hunc hominis appetitum, quia solus est prima simili cetera veritas, solus est prima per essentiam bonitas, fons & radix bonorum omnium; Ergo solus Deus est hominis objectiva beatitudo.

O B J E C T I O.

BONUM INFINITUM NON EST BEATITUDO HOMINIS. Atqui Deus est bonum infinitum.

R. Nego Maj. Nam beatitudo est summum bonum, summum autem bonum est bonum infinitum.

Inst. 1. Bonum, quod non potest ab homine possideri, non est beatitudo hominis. Atqui bonum infinitum non potest ab homine possideri, quia non potest cadere sub ius & dominium hominis.

R. Dist. Maj. Bonum, quod non potest ab homine possideri, possessione physicâ seu objectivâ, C. Possessione civili seu juridicâ, N.

Inst. 2. Quod nullam habet cum facultatibus hominis proportionem, non potest ab homine possideri possessione physicâ atque objectivâ. Atqui bonum infinitum nullam habet cum facultatibus hominis proportionem; quia finiti ad infinitum nulla est proportio.

R. Dist. Min. Atqui bonum infinitum nullam habet proportionem entitatis specificam, C. Habitudinis, N. Sicut enim visum inter & colorem est habitudo, ita intellectum inter & intelligibile est essentialis relatio.

Inst. 3. Ideo foret aliqua proportio habitudinis, inter bo-

bonum infinitum & hominem, quia bonum infinitum est intelligibile, & homo est intellectivus. Atqui hæc ratio nulla est.

Prob. Min. Licet oculus sit sensitivus, & sonus sit sensibilis, nulla tamen est proportio habitudinis oculum inter & sonum. Ergo licet homo sit intellectivus, & bonum infinitum sit intelligibile, nulla tamen est proportio habitudinis inter hominem & bonum infinitum.

R. Nego Cons. & par. Ratio disp. quia oculus est facultas materialis, & valde limitata à suo organo ad certum & determinatum objectum, puta ad colores. At intellectus est universalissimus præ sua immaterialitate.

Inst. 4. Facultas finita profectò est limitata, & determinata ad unum quid. Atqui intellectus quantumvis immaterialis, est finitus.

R. Dist. Maj. Facultas finita, tum intrinsecè, tum extrinsecè, C. Finita extrinsecè tantum, Subdist. est limitata, quoad modum cognoscendi finitum, C. Quoad objectum cognoscendum, N. Hinc intellectus non cognoscit bonum infinitum nisi modo finito.

Inst. 5. Tam facultas intrinsecè finita, est limitata ad objectum finitum cognoscendum, quam causa intrinsecè finita ad effectum finitum producendum.

R. Nego Par. Ratio disp. quia causa debet in se præcontinere omnes effectus perfectiones, siquidem ab ea derivantur. At facultas cognoscitiva non debet objecti cognoscendi perfectiones omnes in se continere, sed solum repræsentare.

Inst. 6. Atqui pariter facultas cognoscitiva boni infiniti debet infinitas in se continere perfectiones.

Prob. Subl. Facultas, quæ debet efformare ideam infinitam, debet infinitas in se continere perfectiones. Atqui facultas cognoscitiva boni infiniti debet efformare ideam infinitam; siquidem idea specificatur ab objecto.

R. Dist. Maj. Quæ debet efformare ideam infinitam entitativè, C. Repræsentative, N. At quam efformat intellectus noster Dei ideam, ea non est infinita, nisi repræsentativè; quantum repræsentat objectum infinitum; eo ferè modo, quo imago in speculo depicta est vitalis repræsentativè, quatenus repræsentat lineamenta vultus alijs animati.

Inst. 7. Idea specificatur ab objecto; sicut relatio à ter-

termino; ergo si objectum sit infinitum entitativè; idea erit infinita entitativè.

R. Dist. Ant. Idea specificatur extrinsecè ab objecto,
C. Intrinsecè, N. Sed à modo attingendi, & repræsentandi
objectum.

Inst. 8. Idea, quæ est in eodem gradu immaterialitatis
cum objecto infinito entitativè, est infinita entitativè. Atqui
idea objecti infiniti debet esse in eodem gradu immaterialita-
tis cum objecto infinito, siquidem habitudo utriusque fundatur
in immaterialitate.

R. Dist. Maj. Quæ est in eodem gradu immaterialita-
tis specificæ, C. Genericæ, N. Porro, idea objecti, & ob-
jectum non convenient, nisi in gradu generico, necesse non est,
ut convenient in gradu specifico, ut constat de visione & co-
loribus.

QUÆSTIO QUARTA.

De Beatitudine formali.

I. PROPOSITIO.

Beatitudo formalis consistit saltem inadæquate in cognitione seu visione Dei.

PROB. In ea hominis operatione consistit saltem ina-
dæquate beatitudo formalis, quæ sicut aliquem hominis mo-
tum in Deum: atqui cognitio Dei sicut aliquem hominis mo-
tum in Deum possidendum; nam possessio Dei tanquam pri-
mæ per essentiam veritatis, sicut aliquem hominis motum in
Deum possidendum: atqui cognitio Dei fruitiva, est ipsa
possessio Dei tanquam primæ per essentiam veritatis; cum
intima unio hominis cum Deo per viam intellectus; hinc
Joan. 17. legimus: *Hæc est vita æterna, ut cognoscant te*
solum verum Deum, & quem misisti Iesum Christum: er-
go beatitudo formalis consistit saltem inadæquate in cognitio-
ne fruitiva Dei.

O B J E C T I O.

Beatitudo formalis est possessio summi boni. Atqui cognitio Dei non est possessio summi boni.

Prob. Min. Visio agri non est possessio agri; ergo cognitio Dei non est possessio Dei ut summi boni.

R. Nego Cons. & par. Ratio disp. quia possessio agri debet esse civilis & juridica, visio autem agri non sic est: at verò possessio summi boni est Physica per intimam unionem hominis cum Deo, visio autem Dei sic est.

Inst. 1. Possessio summi boni Physica est fruitio illius. Atqui visio Dei non potest dici fruitio summi boni, siquidem fruitio est actus voluntatis, non intellectus.

R. Dist. Maj. Est fruitio latè sumpta pro intima unione facultatis cum objecto praesente, C. Est fruitio strictè sumpta pro actione voluntatis circa bonum ut praesens, N. At visio Dei est fruitio illius, sicut visio colorum dicitur fruitio colorum.

Inst. 2. Actus, qui non habet pro objecto Deum ut summum bonum, non potest dici fruitio summi boni, vel latè sumpta. Atqui visio seu cognitio Dei, non habet pro objecto Deum ut summum bonum, sed ut verum, quia bonitas est objectum voluntatis.

R. Dist. Min. Atqui visio Dei non habet pro objecto Deum ut summum bonum amandum, C. ut summum bonum cognoscendum, N. At summum bonum attingitur non solum amore, & inclinatione, sed etiam representatione.

Inst. 3. Actus, qui se habet in beatitudine tanquam conditio, sine qua non, certè non est de ipsa beatitudinis essentia: atqui visio seu cognitio, se habet in beatitudine tanquam conditio requisita quatenus scilicet, ignoti nulla est cupidio.

R. Dist. Maj. Actus, qui se habet in beatitudine, tanquam conditio ad beatitudinem, C. Tanquam conditio ad amorem, N. Porro cognitio summi boni est quidem conditio ad amorem, quia prærequiritur amori; sed non est conditio prærequisita ad beatitudinem, quia est prima beatitudinis pars; sicut materia est conditio ad formam educendam, interim tamen est de essentia totius naturalis.

Inst.

Inst. 4. Cognitio est conditio requisita ad amorem; atque amor est beatitudo; ergo est conditio requisita ad beatitudinem.

R. Dist. Min. Atqui amor est beatitudo partialis, & inadæquata, C. Totalis & adæquata, N. Quare est conditio ad beatitudinem partialem; sicut materia, quæ pars est corporis, est conditio ad formam sui comprehendem.

Inst. 5. Beatitudo est ultima operatio, seu quies appetitus in bono; atqui cognitio Dei non est ultima operatio, seu quies hominis in Deo; siquidem tendit ad ulteriorem actum, nempe ad amorem.

R. Dist. Maj. Beatitudo totalis & completa, est ultima operatio, C. Partialis & inchoata; Subdist. Est ultima operatio facultatis, cuius est operatio, C. Est ultima operatio cuiuscumque facultatis, N. Sic amor Dei est ultima operatio voluntatis circa Deum: & visio Dei est ultima operatio intellectus circa summum bonum. Similiter visio Dei est quies hominis in Deo, non quies cuiuscumque facultatis, sed intellectus: sicut amor est quies voluntatis.

Inst. 6. Actus, qui non primariò intenditur ab homine, non est pars beatitudinis totalis. Atqui cognitio non primò per se intenditur à beato.

Prob. Min. Quod est primum in executione, est postremum in intentione. Atqui cognitio Dei est primum in executione actus. Ergo est secundarius in intentione.

R. Dist. Maj. Quod est primum in executione, est postremum in intentione, si sermo sit de fine & mediis, C. Si sermo sit de fine & fine, N. Porro cognitio & amor in beatitudine, non se habent ut medium & finis, sed ut partes ejusdem totius moralis; sicut materia & forma sunt partes totius physici, licet materia sit prima in executione, forma autem secunda.

Inst. 7. Actus præstantissimus est in intentione primus. Atqui amor est actus præstantior cognitione.

Prob. Min. Ille actus est præstantior, cuius oppositum est deterius; atqui oppositum amoris deterius est oppositum cognitionis; odium enim Dei pejus est privatione Dei.

R. i. Nego Maj. Nam oppositum castitatis conjugalis, adulterium, pejus est oppositum castitatis virginalis, simplici

fornicatione, & tamen castitas conjugalis non præstat virginali.

R. Dist. Maj. Cœteris aliundè paribus, C. Cœteris imparibus, N. At cognitio videtur præstare amori, in eo, quod trahat ad se objectum instar manus, amor autem excurrat in objectum instar pedis.

Inst. 8. Ergo dæmones, qui Deum perfectè norunt, erunt beati beatitudine saltem partiali.

R. Nego Conf. Quia dæmones Deum non norunt, ut sibi liberalem & beneficū, sed ut vindicem scelerum; beatitudo autem consistit in gratâ Dei possessione, ut liberalis, & benefici.

II. PROPOSITIO.

Beatitudo formalis consistit saltem inadæquate in amore Dei fruitivo.

PROB. In ea hominis operatione consistit saltem inadæquate beatitudo formalis, quæ sistit aliquem hominis motum in Deum possidendum; atqui amor Dei fruitivus sistit aliquem hominis motum in Deum possidendum: nam possessio Dei tanquam primæ per essentiam bonitatis, sistit aliquem hominis motum in Deum possidendum: atqui amor Dei fruitivus est ipsa possessio Dei tanquam primæ per essentiam bonitatis, cum sit intima unio hominis cum Deo per viam voluntatis. Hinc Matth. 25. legimus: *Intra in gaudium Domini tui; gaudium autem h̄c est amor Dei, quo beatus complacet tibi de bonis Dei. Ergo beatitudo formalis consistit saltem inadæquate in amore Dei fruitivo.*

O B J E C T I O.

Beatitudo formalis est vita æterna: atqui vita æterna non consistit in amore, sed in cognitione, dicente Christo, Joan. 17. Hæc est vita æterna, ut cognoscant te.

R. Dist. Min. Atqui vita æterna totalis & adæquate sumpta, non consistit in amore, C. Vita æterna inadæquate sumpta, N. Nam partim in cognitione, partim in amore.

Inst.

Inst. Vita æterna inadæquatè sumpta non consistit in amore, si tota nostra merces sit visio Dei: atqui ex S. Aug. Visio est tota nostra merces.

R. Dist. Min. Atqui visio est tota nostra merces, tota intensivè, C. tota extensivè, N. hoc est per visionem Deum totum, & secundum suas perfectiones omnes attingimus: at non totaliter, quia iterum possumus Deum totum attingere per amorem.

Inst. 2. Ea operatio non est merces nostra, quæ supponit Deum jam possessum: atqui amor Dei supponit, Deum jam possessum, quia supponit visum; ergo amor non est de mercede æternâ.

R. Dist. Maj. Quæ supponit Deum jam possessum adæquatè, C. Jam possessum inadæquatè solum & ex parte intellectus, N. Nam possidetur primò visione, secundò amore.

Inst. 3. Deus aut possidetur adæquatè, aut nullatenus possidetur; siquidem est in se simplex & indivisibilis: atqui amor supponit Deum jam aliquatenus possessum; ergo supponit possessum adæquatè.

R. Dist. Maj. Deus aut possidetur adæquatè, aut nullatenus possidetur adæquatè ex parte sui, C. Adæquatè ex parte modi attingendi, N. Nam dupli modo attingi potest, visione, & amore.

Inst. 4. Operatio, quæ abstrahit à præsentia objecti, nullatenus est possessiva Dei: atqui amor abstrahit à præsentiā objecti, siquidem communis est & viatoribus & comprehensoribus.

R. Dist. Maj. Atqui amor abstrahit à præsentia objecti, amor in genere, vel desiderii. C. Amor fruitivus, N. is enim supponit Deum jam intimè præsentem per visionem.

Inst. 5. Idem est amor viæ & patriæ, desiderii & fruitivus ex Theologis; atqui amor viæ seu desiderii non est possessivus Dei; ergo nec amor patriæ.

R. Dist. Maj. Idem est amor viæ & patriæ, idem quoad substantiam & entitatem, C. Idem quoad modum attingendi objectum. N. Nam in via fertur in Deum ut absentem & obscurè cognitum per fidem: in patria autem fertur in eum ut præsentem, & clarè cognitum per visionem intuitivam.

Inst. 6. Proprietas visionis fluens à visione, non est essentialiter possessiva Dei simul cum visione: atqui amor patris seu fruitivus fluit à visione, estque illius proprietas.

R. Negó Min. Nam non fluit amor à visione; primò quia non producitur à visione, physicā emanatione; secundò, quia non residet in eadem cum visione facultate.

Inst. 7. Quod sequitur necessario visionem & eā positā statim ponitur, fluit à visione; atqui amor fruitivus necessario sequitur visionem, & eā positā, statim ponitur.

R. Dist. Maj. Et eā positā tanquam essentiā, C. Tanquam conditionē requisitā, N. Porrò postā quidem visione tanquam conditionē prærequisitā, ponitur amor, ferè sicut posita approximatione ligni ad ignem ponitur ignis.

Inst. 2. Atqui amor sequitur visionem ea ratione, ut non sit ejus compars in beatitudine.

Prob. Subs. Quod non est quid primum in beatitudine, non est de beatitudinis essentia: atqui amor non est quid primum in beatitudine, siquidem supponit aliquid se prius, putā visionem.

R. Dist. Maj. Quod non est quid primum in beatitudine, comparatè ad totam beatitudinis essentiam, C. Comparatè ad partem suam, N. Porrò amor est quid primum in beatitudine comparatè ad totam beatitudinis essentiam: sicut forma substantialis est quid primum in corpore, comparatè ad totum compositum, et si non sit comparatè ad materiam sui partem.

Inst. 9. Pars essentialis beatitudinis debet esse quies in Deo: atqui amor fruitivus non est quies in Deo.

Prob. Min. Motus in Deum non est quies in Deo, amor Dei etiam fruitivus est motus in Deum.

R. Dist. Maj. Motus in Deum, ut absentem, C. Motus in Deum ut præsentem, N. Porrò amor fruitivus est motus in Deum ut præsentem per visionem.

Inst. 10. Nullus est motus in rem præsentem, sic lapis non moyetur ad centrum præsens; ergo amor fruitivus non potest esse motus in Deum præsentem.

Dist. Ant. Nullus est motus in rem præsentem, motus physicus & propriè dictus, C. Motus metaphoricus, N. At amor

amor fruitivus est motus metaphoricus, id est inclinatio perfecta voluntatis in Deum.

Inst. II. Per amorem beatus non possidet, sed potius possidetur.

R. Dist. Non possidet effectivè, C. Effectivè, N.

III. PROPOSITIO.

Beatitudo formalis consistit essentialiter in solo gaudio.

PROB. Beatitudo formalis est quies in summo bono: atqui solum gaudium est quies in summo bono: quia gaudium est ultima operatio beatorum circa Deum, terminus omnium motuum. Ergo beatitudo formalis consistit essentialiter in solo gaudio.

O B J E C T I O.

Essentia rei alicujus debet esse quid primum in illâ; atqui gaudium non est quid primum in beatitudine, cum sit ultima operatio beati. Ergo gaudium non est beatitudinis formalis essentia.

R. Dist. Maj. Essentia rei alicujus debet esse quid primum in illa, quid primum tanquam ratio formalis constitutiva, C. Quid primum tanquam conditio prærequisita, N. Porro gaudium non est quid primum in beatitudine, si habeatur ratio conditionum prærequisitarum; at est quid primum tanquam ratio essentialis constitutiva.

Inst. Quod in beatitudine fluit ab alio priori se, non est quid primum in beatitudine: atqui gaudium fluit ab alio se priori, nimirum à visione & amore, ex quibus sequitur; ergo gaudium non est quid primum in beatitudine tanquam ratio formalis constitutiva.

R. Dist. Maj. Quod in beatitudine fluit ab alio priori, quod sit essentia beatitudinis, C. Ab alio priori, quod non sit essentia beatitudinis, N. At gaudium sequitur quidem visionem

nem & amorem sicut conditiones prærequisitas ad beatitudinem; sed non tanquam beatitudinem ipsam, sicut amor sequitur visionem velut conditionem prærequisitam ad amandum.

Inst. 2. Quod sequitur possessionem Dei, sequitur essentiam beatitudinis: atqui gaudium sequitur possessionem Dei, quia Deus possidetur per visionem & amorem, quibus beati Deo intimè unjuntur; ergo gaudium sequitur essentiam beatitudinis.

R. Dist. Maj. Quod sequitur possessionem Dei fruitivam, sequitur essentiam beatitudinis, C. Quod sequitur possessionem Dei qualemcumque nec fruitivam, N. Porro gaudium sequitur quidem qualemcumque Dei possessionem per visionem & amorem, sed hæc possessio non est fruitiva, cum non sit complacentia voluntatis in bono præsenti.

Inst. 3. Quies in bono possesto, non est ipsa possessio boni: atqui gaudium definitur & est, quies in bono possesto; ergo gaudium non est ipsa possessio summi boni.

R. Dist. Maj. Quies in bono possesto non est ipsa possessio boni, si sit quies in bono possesto per operationem distinctam à quiete, C. Si sit quies in bono possesto per ipsammet quietem, N. Porro gaudium beatorum est quies in bono possesto per ipsummet gaudium, proindeque est & ipsa formalis possessio summi boni.

Inst. 4. Possessio Dei debet habere pro objecto Deum ejusque perfectiones; atqui gaudium seu complacentia beatorum non habet pro objecto Deum, sed possessionem Dei; quia gaudium est operatio, quâ beati gaudent de possessione Dei; ergo gaudium non est ipsa possessio Dei.

R. Dist. Min. Atqui gaudium non habet pro objecto Deum, sed possessionem Dei, gaudium reflexum, C. Gaudium directum, N. At beatitudo consistit non in gaudio reflexo, quod est beatitudinis proprietas, sed in gaudio directo.

Inst. 5. Gaudium directum est amor; ergo si beatitudo consistat in gaudio directo, non consistit in operatione distinctâ ab amore.

R. Dist. Ant. Gaudium directum est amor complacencie, C. Est amor benevolentie, N. Nam primò beatus fertur in Deum per amorem benevolentie, deinde sibi complac-

cet

cet in summo bono præsenti; hæc autem complacentia est gaudium, & ipsa beatitudinis essentia.

Inst. 6. Si gaudium directum esset ipsa beatitudinis essentia, beatitudo esset incompossibilis cum tristitia: atqui tamen Christus Dominus erat ab initio beatus, & tristis usque ad mortem, ergo &c.

R. Dist. Maj. Beatitudo esset incompossibilis cum tristide Deo amissio, qualis est tristitia damnatorum, C. Cum tristitia aliunde orta quam de amissio Deo, N. Porro Christus erat tristis, sed de peccatis hominum; simul & beatus complacencia voluntatis in Deo viso & amato.

IV. PROPOSITIO.

Beatitudo formalis non consistit essentialiter in gaudio.

PROB. Beatitudo formalis non consistit in ea operatione, quæ supponit Deum jam adæquate possedium, atqui gaudium supponit Deum jam adæquate possendum & ut primam veritatem per visionem, & ut primam simpliciter honestatem per amorem; ergo gaudium non est de essentia beatitudinis formalis.

O B J E C T I O.

B^Eatitudo formalis est merces rependenda beatis; atqui merces rependenda beatis, est gaudium, juxta illud, Matthei 25. *Intra in gaudium Domini tui;* ergo beatitudo formalis consistit in gaudio.

R. Dist. Min. Atqui merces rependenda beatis est gaudium directum, & ab amore indistinctum, C. Est gaudium reflexum, N. Nam gaudium hoc est beatitudinis proprietas duntaxat.

Inst. 1. Beatitudo formalis est finis ultimus, atqui solum gaudium est propriè finis ultimus, quia est ultima beati operatio circa Deum; ergo beatitudo formalis est solum gaudium.

R. Dist. Maj. Beatitudo formalis est finis ultimus

essentialis & primarius, C. Est finis ultimus integralis & secundarius, N. Porro gaudium est duntaxat finis ultimus accidentalis & secundarius, quia supponit Deum jam adaequatè posse sum per visionem & amorem.

Inst. 2. Finis ultimus essentialis & primarius est quies in summo bono : atqui solum gaudium est quies in summo bono ; ergo solum gaudium est finis ultimus essentialis & primarius.

R. Dist. Maj. Finis ultimus essentialis est quies in summo bono, quies essentialis, quæ sit intima unio beati cum summo bono, C. Quies accidentalis, quæ supponat unionem eum cum summo bono, N. Porro gaudium in beatis est quies solummodo accidentalis, supponens unionem perfectum beati cum summo bono, per visionem & amorem.

Inst. 3. Quies in summo bono essentialis debet esse operatio, quæ sistat omnem motum : atqui solum gaudium est ejusmodi, cum sit ultima operatio ; ergo solum gaudium est quies essentialis in summo bono.

R. Dist. Maj. Quies in summo bono debet esse operatio, quæ sistat omnem motum, instar possessiones summi boni, C. Instar proprietatis possessione fluentis, N. Porro gaudium non tam est possessio summi boni, quam proprietas fluens à possessione Dei, cum supponat Deum jam adaequatè possum, & ut verum, & ut bonum.

Inst. 4. Atqui visio & amor, quæ præcedunt gaudium, non sunt possessio Dei ; ergo nulla solutio.

Prob. Subs. Possessio Dei sistit omnem motum in Beatibus : atqui visio & amor non sistunt omnem motum in beatibus, quia ulterius exurgit gaudium ; ergo visio & amor non sunt possessio Dei.

R. Dist. Maj. Possessio Dei sistit omnem motum in beatibus, motum in beatitudinem, C. Motum in proprietatem & appendicem beatitudinis, N. Porro gaudium est appendix & proprietas beatitudinis : visio autem & amor non sistunt quidem omnem motum, qui tendat in proprietates beatitudinis, quale est gaudium, sed sistunt omnem motum in ipsam beatitudinem.

Inst. 5. Illa operatio est ipsa beatitudo essentialis, quæ propter se appetitur, & propter quam cetera appetuntur : atqui gaudium propter se appetitur, & propter ipsum cetera juxta


juxta illud secundum quod unumquodque nos amplius deleat, secundum illud operemur, necesse est; ergo gaudium est ipsa beatitudo.

R. Dist. Maj. Quæ propter se appetitur tanquam essentia beatitudinis, C. Tanquam appendix & proprietas beatitudinis, N. Porro si cœteris appetuntur propter gaudium, appetuntur tanquam propter appendicem beatitudinis, ferè sicut rationalitas appetitur propter capacitatem scientiæ & virtutis, cuius est fons & radix.

Inst. 6. Posito gaudio cœteris per mentem sublatis adhuc quis foret beatus: sublato autem gaudio cœteris interim positis non foret beatus; ergo beatitudo magis præcipue consistit in gaudio.

R. Nego primam partem suppositionis. Nihil enim absurdum magis, quam supponere quemquam gaudere posse sublatis quibuscumque bonis; siquidem gaudium supponit necessario possessionem boni.

R. 2. Dist. Secundam partem antecedentis. Sublato gaudio, non foret quis beatus, beatitudine integrali, C. Essentiæ, N. Nam sublato gaudio adhuc intimè uniretur Deo, & per intellectum videndo, & per voluntatem amando.



QUÆSTIO QUINTA.

De possibilitate Statûs naturæ puræ.

Status naturæ puræ spectatur dupliciter: primo quoad viam, quatenus includeret concupiscentiam, ignorantiam, & alias infirmitates: secundo quoad terminum, quatenus in eo statu ordinaretur homo ad beatitudinem pure naturalem, atque omni dono supernaturali spoliaretur.

PROPOSITIO.

Status naturæ puræ est valde possibilis ex omni parte.

PROB. Ille status est possibilis ex omni parte, qui ne-

que repugnat ex parte Dei, neque tamen ex parte Dei, neque tamen ex parte hominis. Atqui status naturæ puræ est hujusmodi.

Et primò quidem non repugnat ex parti sui. Nam iste status non repugnat ex parte sui, cuius attributa non se se destruunt; atqui attributa statū naturæ puræ non se se destruunt; nam attributa statū naturæ puræ, sunt quædam perfectiones naturales cum quibusdam defectibus naturalibus; atqui sunt valde compossibilis illæ perfectiones naturales cum quibusdam defectibus naturalibus; v. g. sagacitas mentis cum ignorantia vincibili, libertas voluntatis cum concupiscentia; ergo attributa statū naturæ puræ non se se destruunt, proindeque non repugnat ex parte sui,

Deinde non repugnat ex parte Dei: nam ille status non repugnat ex parte Dei, qui neque adversatur divinæ bonitati, nec sapientiæ, nec justitiæ, nec aliis Dei attributis. Atqui status naturæ puræ est hujusmodi; nam ille status nulli attributo Dei adversatur, in quo Deus nihil denegaret homini debitum; atqui in statu naturæ puræ Deus nihil denegaret homini debitum, naturales & debitas perfectiones concederet, sagacitatem mentis ad scientias comparandas, libertatem voluntatis ad virtutes exercendas, imò & proponeret felicitatem viribus naturæ proportionatam. Ergo status naturæ puræ non repugnat ex parte Dei.

Denique non repugnat ex parte hominis. Nam ille status non repugnat ex parte hominis, in quo qui conderetur homo, nullo careret ex iis, quæ sibi naturaliter debentur: atqui in statu naturæ puræ qui conderetur homo, nullo careret ex iis, quæ sibi naturaliter debentur; careret quidem donis supernaturalibus, sicut & spe visionis intuitivæ; sed ista dona sunt homini naturaliter indebita; juxta illud Apostoli ad Rom. 6. *Gratia Dei vita eterna,*

O B J E C T I O I.

Ille status est impossibile, qui repugnat divinæ bonitati: atqui status naturæ puræ est hujusmodi.

Prob. Min. Ille status repugnat divinæ bonitati, in quo Deus

Deus affligeret innocentes. Atqui in statu naturæ puræ Deus affligeret innocentes malis propè infinitis.

R. Dist. Maj. In quo Deus affligeret innocentes, malis poenitibus, C. Malis naturalibus, N. At quæ forent in statu naturæ puræ mala, ea forent naturalia, non poenalia.

Inst. Deus affligeret innocentes ignorantia & concupiscentia: atqui hæc sunt mala poenalia.

Prob. Min. Ea mala sunt poenalia, quæ sunt totidem poenæ peccati originalis: atqui ignorantia & concupiscentia sunt poenæ peccati originalis.

R. Dist. Min. Atqui ignorantia & concupiscentia sunt poenæ peccati originalis; per accidens, & in nobis, C. Sunt poenæ peccati per se, & absolutè, N. Quia sunt defectus naturales, humanitatis appendices.

Inst. 2. *De concupiscentia.* Sic. Ea sunt per se mala, quæ prohibentur à lege divina; atqui concupiscentia prohibetur à lege divina: *Non concupisces.*

R. Dist. Min. Atqui concupiscentia prohibetur à lege divina, quoad consensum, quando trahit ad illicita, C. Prohibetur quoad sensum, N. Nam est in nobis sine nobis sensus concupiscentiæ.

Inst. 3. Peccatum prohibetur à lege divina: atqui concupiscentia est peccatum, ex Apost. ad Rom. 7.

R. Dist. Maj. Peccatum in sensu formaliter acceptum, C. In sensu causaliter, N. Porrò concupiscentia dicitur ab Apostolo peccatum, non formaliter, alioqui non remaneret post Baptismum: sed causaliter, quatenus est in nobis effectus peccati, & sèpè inclinat ad peccatum, ut etiam declarant Patres Concilii Tridentini sess. quintæ, Can. 5.

Inst. 4. Inordinatio contra rectam rationem est peccatum formaliter: atqui concupiscentia etiam quoad sensum, est quædam inordinatio partis inferioris contra rectam rationem.

R. Dist. Maj. Inordinatio formaliter voluntaria, C. Inordinatio inchoata, materialis, & prorsus involuntaria, N. Porrò sensus concupiscentiæ est quædam deordinatio, sed prorsus involuntaria; siquidem est in nobis sine nobis, ante omnem nostræ voluntatis consensum.

Inst. 5. Illud est per se malum & formaliter, quod nisi esset à peccato, esset à malo Deo ad sensum Manichæorum: atqui

atqui concupiscentia nisi esset à peccato, esset à malo Deo, ex Aug. contra Pelagianos.

R. Dist. Min. Ex Aug. disputante contra Pelagianos argumento ad homines, C. Ex Aug. absolute & nullâ factâ hypothesi, N. Porro eo loci arguit August. efficaciter contra Pelagianos, suppositis Pelagianorum principiis, hoc ferè pacto: Vel concupiscentia, quām experimur, venit à peccato originali, vel à bono Deo, vel à natura, vel à malo Deo. Sed non venit à bono Deo, vel à natura, siquidem nulla fuit in Adamo concupiscentia; ejusque natura erat integra. Ergo vel venit à peccato vel à malo Deo. At non loquitur absolute August. alioqui non diceret in Libris Retract. Tametsi concupiscentia & ignorantia essent primordia naturalia, adhuc vincerentur Mznichaei.

Inst. 6. Vel concupiscentia est per se mala, vel est defectus aliquis naturalis: atqui non sic est.

Prob. Min. Licitum est consentire defectibus naturalibus, v. g. morbis: atqui licitum non est consentire concupiscentiae. Ergo non est defectus naturalis.

R. Dist. Maj. Licitum est consentire defectibus naturalibus, qui sunt materia patientiæ, C. Qui sunt materia intemperantiæ, N. At concupiscentia est materies intemperantiæ.

Inst. 7. Defectus naturalis potest esse à natura: atqui concupiscentia non potest esse à natura.

R. Nego Min. Nam fundatur in animalitate nostra, quæ de natura sua prosequitur bonum sensibile; fit autem ut in nobis prosequatur illud contra dictamen rationis.

Inst. 8. Quod est contra naturam, non potest esse à natura: atqui concupiscentia est contra naturam humanam. *Caro concupiscit adversus spiritum.*

R. Dist. Min. Atqui concupiscentia est contra naturam, ut rationalem, *Ego*; ut sentientem, N. Quare non est à natura ut rationali, bene autem ut sentiente: fundatur enim in animalitate.

Inst. 9. Quod sollicitat nos ad malum, non potest esse nobis à natura inditum: atqui concupiscentia sollicitat nos ad malum.

R. Dist. Maj. Quod sollicitat invincibiliter ad malum per se & ex parte sui, C. Quod sollicitat vincibiliter ad malum per

per accidens & ratione subiecti, N. At concupiscentiae motus non sunt per se mali, sed per accidens, quatenus sunt in homine: alicuius locum non haberent in belluis.

Inst. 10. In statu naturæ puræ nulla esset gratia ad vincendos concupiscentiae motus: ergo essent invincibilis.

R. Dist. Cons. Ergo essent invincibilis ex motivo honestatis supernaturalis & christianæ, C. ex motivo honestatis pure moralis & naturalis, N.

Inst. *De ignorantia*. Homo ignocens non debet privari perfectione sibi naturaliter debita: atqui per ignorantiam privaretur debitâ sibi scientiâ.

Prob. Min. Summa hominis perfectio naturalis est homini debita; atqui scientia rerum naturalium est summa & naturalis perfectio hominis.

R. Dist. Min. Atqui scientia ut acquirenda successu temporis, C. Ut infusa à primo momento creationis, N.

Inst. Iterum: intellectus sine scientia actuali est imperfectus. Ergo scientia est illi debita.

R. Dist. Ant. Est imperfectus negativè, C. Privativè, Subdist. sine scientia quoad capacitatem, C. Quoad actum, N.

Inst. Tandem. Opus Dei immediatum debet esse perfectum in ordine suo. Ergo & in statu naturæ puræ.

R. Dist. Debet ex quadam decentia, C. Ex necessitate absolutâ, N.

O B J E C T I O II.

III e status repugnat divinæ justitiæ, in quo non posset homo consequi finem simpliciter ultimum, seu beatitudinem: atqui in statu naturæ puræ, homo non posset consequi finem ultimum, quia non posset videre Deum.

R. Dist. Min. Atqui in statu naturæ puræ homo non posset consequi finem ultimum supernaturalem, & absolute indebitum, C. Naturalem, & sibi debitum, N. Nam posset Deo abstractivè cognito uniri per amorēm naturalem.

Inst. Homo in statu naturæ puræ non posset consequi visionem Dei intuitivam; atqui visio illa est finis hominis naturalis,

Prob. Min. Finis ille est homini naturalis, quia patrimonium est hominis, & à quo excludi non potest sine injustitiâ. Atqui visio Dei intuitiva est hujusmodi, ex Aug. contra Julianum Pelag. *Imago Dei in nullo inimica Dei excluditur à patrimonio suo : injustum Deum facis?*

R. Dist. Min. Atqui visio Dei intuitiva non potest homini sine injustitiâ denegari, hypotheticè & juxta principia Pelagianorum, C. Non potest denegari absolutè, N. Scilicet asserebat Julianus, infantes esse natos ad regnum Cœlorum, à quo tamen excludebantur sine ullo præcedente peccato originali, morientes sine Baptismo. Hoc sensu ait August. regnum Cœlorum esse patrimonium hominum; nunc scilicet, & in nostro statu ex singulari Dei munificentia.

Inst. 2. Ea beatitudo est homini naturalis absolute, quam homo naturaliter appetit. Atqui homo naturaliter appetit visionem Dei intuitivam.

Prob. Min. Homo naturaliter appetit cognoscere, quidquid continetur intra limites facultatis intellectivæ: atqui Deus intuitivè videndus, sic continetur, siquidem est de genere intelligibilium.

R. Dist. Min. Atqui Deus intuitivè videndus continetur intra limites facultatis intellectivæ, per gratiam elevatæ ad statum supernaturalem, C. Intrâ limites facultatis sibi reactæ, & in puris naturalibus, N.

Inst. 3. Non posset intellectus elevari per Dei gratiam ad intuitum Dei, nisi de se haberet proportionem aliquam: atqui proportio illa est quidam appetitus, seu natura quantum apta ad intuitum Dei.

R. Dist. Maj. Nisi haberet proportionem aliquam inchoatam & valde remotam, C. Perfectam & proximam, N. Habet quidem proportionem & appetitum valde remotum fundatum in immaterialitate suâ; at non habet perfectum, quia natura non dat appetitum perfectum, nisi ad id, quod penes nos est naturaliter obtinere.

Inst. 4. Qui naturaliter videt aliquem effectum egregium, naturaliter desiderat videre causam: atqui naturaliter homo videt effectus Dei mirabiles: Ergo appetit perfectè videre Deum.

R. Dist. Maj. Naturaliter appetit videre causam, quan-

quando causa & effectus sunt ejusdem ordinis, C. Secundus, N.

Inst. 5. Vel homo naturaliter appetit Deum intueri vel contentus esse potest cognitione Dei abstractivâ: atqui hac contentus esse non potest.

Prob. Homo beatus contentus esse nequit ea Dei cognitione, quæ communis est beatis & damnatis, probis & improbis: atqui cognitio Dei abstractiva est hujusmodi.

R. Dist. Min. Atqui cognitio Dei abstractiva est communis beatis & damnatis, probis & improbis; cognitione genericâ, C. Specifica & determinata, N. Nam in illo statu naturæ puræ beati nossent Deum ut sibi beneficium & remuneratum; at damnati nossent ut vindicem & iratum.

Inst. 6. Implicat beatum nihil beatitudinis experiri in patriâ, quod non expertus sit in viâ. Atqui id contingere in statu naturæ puræ.

Prob. Min. Quām haberet in patria, ea non esset nisi abstractiva Dei notitia, sicut & in via foret.

R. Dist. In patria non esset nisi abstractiva, sed multò perfectior conjuncta cum amore naturali inamissibili, C. Non esset nisi abstractiva & aliunde par, N. Nam Deus perfectiori modo se se daret beatis cognoscendum, per creaturas perfectiores.

Inst. 7. Beatitudo beatum non debet relinquere anxiū & irrequietum: atqui cognitio Dei abstractiva, tametsi perfectior, adhuc relinquere hominem anxiū & irrequietum.

Prob. Min. Appetitus universalissimus tantiū est irquietus, quandiu non unitur summo bono, habetque aliquid iterum appetendum: atqui posita cognitione abstractiva res ita est.

R. Dist. Maj. Quamdiu non unitur modo naturæ suæ proportionato, C. Modo naturæ vires excedente, N.

Inst. 8. Cognitio Deo abstractivè, superest optanda Dei visio intuitiva.

R. Dist. Superest optanda ex Dei gratiâ elevante, C. Optanda ex viribus naturæ, N.



QUÆSTIO SEXTA.

De Existentia libertatis moralis.

PROPOSITIO.

Datur in Homine etiam lapsō libertas moralis.

P R O B. In eo datur libertas moralis, in quo datur facultas suorum actuum domina, siue ipsius determinativa: atqui datur in homine etiam lapsō facultas suorum actuum domina siue ipsius determinativa; nam in eo datur facultas suorum actuum domina siue ipsius determinativa, in quo datur facultas indifferens ad omnia bona particularia eligenda vel non eligenda: atqui datur in homine etiam lapsō facultas indifferens ad omnia bona particularia; sunt enim facultates hominis, ut homo est, universalissimæ, & nulli bono particulari astricte, utpote spirituales, atque adeò illimitatae; ergo datur in homine etiam lapsō facultas suorum actuum domina, siue ipsius determinativa, proindeque datur in homine etiam lapsō libertas moralis. Hinc Ecclesiastici Cap. 31. laudatur vir justus, qui potuit transgredi & non est transgressor, facere mala, & non fecit. Laus ista supponit meritum, meritum supponit libertatem.

O B J E C T I O.

Ille non est liber, qui non habet in sua potestate vias suas: atqui homo non habet jam in potestate vias suas, ex Scriptura.

R. Dist. Min. Homo non habet in sua potestate vias suas quoad executionem, & exitum, **C.** Quoad intentionem & propositum, **N.**

Inst. Ille non habet in sua potestate vias suas quoad intentionem, qui in actionibus naturalibus necessitatur à con-

cu-

Cupiscentia, & in supernaturalibus à Dei gratia. Atqui homo est hujusmodi.

Prób. Min. Quod primam partem, Ille necessitatibus à concupiscentia, quia jam peccat ex gravi & dura necessitate; atqui ex August. homo jam peccat ex gravi necessitate. Peccantem hominem secuta est gravis & dura necessitas.

R. Dist. Min. Homo jam peccat ex gravi necessitate moralis, C. Physicā N. Hoc est, tanta est in homine, ex quo peccavit, infirmitas, & ad bonum difficultas, ut in multis offendat; at eā ratione ut possit resistere, consentire, vel dissentire proprie voluntatis est, ex Aug.

Inst. 2. Ille peccat ex gravi necessitate physicā, qui ideo peccat, quia liberum suum perdidit arbitrium: atqui homo peccat ex gravi necessitate, quia liberum perdidit arbitrium, ex Aug.

R. Dist. Min. Homo peccat ex gravi necessitate, quia liberum perdidit arbitrium, quoad appendicem, quæ erat lumen ad bonum facilitas, C. Quoad essentiam, quæ est indifferētia agendi, vel non agendi, N. Nam beatus potuit transgre- di legem & non est transgressor, ex Scriptura.

Inst. 3. Ille suā excidit libertate quoad essentiam, qui jam facit malum, quod non vult, nec facit bonum, quod vult: atqui homo est hujusmodi, ex Apost. ad Rom. 7.

R. Dist. Min. Atqui homo facit malum, quod non vult in motibus concupiscentiæ antecedentibus, C. In consentiendo motibus illis, N. At loquitur Apostolus de experientiâ concupiscentiæ, quæ nostræ potestati non subjacet.

Inst. 4. Ille facit malum, quod non vult, qui captivatur in lege peccati: atqui homo captivatur in lege peccati, ex Apost. ibidem.

R. Dist. Min. Atqui homo captivatur in lege peccati, quoad sensum & experientiam motu in concupiscentiæ, C. Quoad consensum, N. Nam adjuvante Dei gratia potest non consentire iis motibus ex Apost. ibidem. *Quis me liberabit de corpore mortis hujus? gratia Dei.*

Inst. 5. Ubi peccatum est, ibi consensus est: atqui homo captivatur in lege peccati; ergo captivatur quoad consen- sum.

R. Dist. Maj. Ubi peccatum est formaliter, C. Peccatum causaliter, N. Porro nomine (peccati) Apostolus eo loci inteligit concupiscentiam; quam ideo appellat (peccatum) quia venit a peccato, sicut effectus a causa.

Inst. 6. Ille captivatur ad peccandum, cuius non est volentis neque currentis: atqui hominis non est volentis, neque currentis, ex Apost. ad Rom. 3.

R. Dist. Min. Atqui hominis non est volentis, aut currentis, sine Dei gratia præveniente, & adjuvante, C. Cum Dei gratia, N. Hinc addit Apostolus, sed Dei misericordia.

Inst. 7. Quoad secundam partem, quæ est de gratia. Quod determinat hominem ad bonum, necessitat in actionibus supernaturalibus: atqui gratia Dei efficax determinat hominem ad bonum, ideoque dicitur ab Augusto viætrix.

R. Dist. Min. Atqui gratia Dei efficax determinat moraliter ad bonum, C. Physicè, N. Nam suadet magis quam determinat, ideoque ab Augusto vocatur viætrix. delectatio.

Inst. 8. Quod effectum suum fortitur ineluctabiliter, & insuperabiliter, profectò determinat physicè: atqui gratia Dei efficax effectum fortitur ineluctabiliter atque insuperabiliter ex Aug.

R. Dist. Min. Gratia efficax fortitur effectum ineluctabiliter moraliter, C. Physicè, N. Hinc non semel comparat S. August, efficaciam gratiae cum efficaciâ, quam habent nubes ad alliciendos infantes, & rami virides ad trahendos oves.

Inst. 9. Ea gratia suum sortitur effectum ineluctabiliter physicè, cui voluntas non potest resistere: atqui gratiae trahenti non potest absolutè resistere voluntas.

Prob. Min. Si voluntas posset resistere gratiae efficaci, jam supponi posset gratiam efficacem non esse efficacem: atqui implicat gratiam simul esse efficacem & non efficacem.

R. Dist. Maj. Jam supponi posset gratiam esse efficacem, in actu primo, seu effectivam, simul & inefficacem in actu secundo, C. Efficacem in actu secundo, & inefficacem in actu secundo, N. Tametsi enim suum semper fortassis fortatur

tur effectum, fieri tamen posset, ut non sortiretur; quo in casu esset efficax in actu primo, & non in actu secundo, effectiva, & non efficiens.

Inst. 10. Gratia, quæ per se & essentialiter est efficax, suo non potest effectu carere: atqui gratia efficax est per se & essentialiter efficax: alioqui non differret à sufficiente.

R. Dist. Min. Atqui gratia efficax, est per se efficax dependenter à nostrâ voluntate annuente, C. Independenter à voluntate nostrâ, N. Hinc ait Apostolus, *Gratia Dei meum.*

Inst. 11. Nisi gratia efficax esset per se efficax independenter à nostrâ voluntate, jam Dei gratia libero subjiceretur arbitrio: atqui hoc repugnat.

R. Dist. Maj. *Gratia Dei libero subjiceretur arbitrio* quoad determinationem, vitalitatem & libertatem actionis, C. Quoad supernaturalitatem, N. Scilicet in actione meritoria duo sunt gradus, supernaturalitas, & determinatio, seu consensus liber. Gratia confert actioni supernaturalitatem, voluntas dat determinationem.

Inst. 12. *Quod est in nobis sine nobis operatur & velle & perficere, protet non subjicitur arbitrio voluntatis:* atqui gratia Dei est hujusmodi.

R. Dist. Maj. *Quod est in nobis sine nobis, non subjicitur arbitrio, quoad motionem prævenientem,* C. Quoad determinationem & consensum liberum, N. Nam primò, excitat voluntatem nostram gratia, secundò nostrum est, & vocanti respondere, & consentire trahenti.

Inst. 13. Si gratia Dei pendet à libertate nostra Iquoad determinationem & consensum, jam libertas tenet primas in merito: atqui econtra.

R. Dist. Maj. *Libertas tenet primas in merito, quatenus liberum est & determinatum,* C. Quatenus supernaturale est, & semen vitæ æternæ, N. At simpliciter gratia primas tenet, quia meritum aestimatur magis à gradu supernaturalitatis, quam à gradu libertatis.

Inst. 14. Si ita est, homo poterit se se discernere in negotio salutis, cùm tamen dicat Apostolus, *Quis te discernit?*

R. Dist. *Homo poterit se se discernere ex Dei gratia,*

præveniente, adjuvante, C. Sine Dei gratia, ad sensum Pelagianorum, N. Nam non sumus sufficientes cogitare aliquid ex nobis tanquam ex nobis, ex eodem Apost.

O B J E C T I O . II.

Ille non est liber, qui dum agit, necessariò agit: atqui homo dum agit, necessariò agit; ita ut impliceat ipsum non agere.

R. Dist. Maj. Qui dum agit, necessariò agit necessitate antecedente, C. Necessitate consequente, N. At necessitas consequens non perimit libertatem: siquidem est effectus libertatis.

Inst. 1. Ille agit necessariò necessitate antecedente, cuius omnes actiones sunt à Deo præscitæ & decretæ: atqui omnes hominis actiones sunt à Deo præscitæ & decretæ.

R. Dist. Maj. Cuius omnes actiones sunt a Deo præscitæ, præscientia antecedente, C. Consequente, N.

Inst. 2. Præscientia antecedit actiones nostras: Ergo actiones nostræ sunt præscitæ præscientia antecedente.

R. Dist. Ant. Præscientia Dei antecedit actiones nostras ut præsentes in tempore, C. Ut futuras ab æterno, N. Nam ideo præscivit actiones futuras, quia futuræ erant per consensum voluntatis futurum.

Inst. 3. Nisi præscientia Dei antecederet actiones nostras etiam ut futuras, jam non esset præscientia, sed postscientia.

R. Dist. Jam non esset præscientia relativè ad futuritatem, C. Relative ad existentiam temporaneam, N. Hoc est, prius sunt futuræ actiones, quam præsciantur à Deo: at prius sciuntur, quam existant in tempore.

Inst. 4. Causa futurorum ut futurorum antecedit futura at futura: atqui præscientia Dei est causa futurorum ut futurorum, ut sèpè legimus apud SS. Patres, & nominatim apud Aug.

R. Dist. Min. Atqui præscientia Dei est causa futurorum à libertate Dei dependentium, qualis est creatio mundi, C. A libertate nostra dependentium, quale est Antichristi peccatum, N.

Inst.

Inst. 5. Vel præscientia Dei est causa futurorum etiam liberorum à libertate nostra dependentium, vel libertas & futurum actionum ejus sunt causa præscientiae Dei : atqui hoc posterius implicat.

R. Dist. Min. Atqui libertas nostra non est causa præscientiae Dei physica & propriè dicta, C. Moralis & impropriè dicta, N. Nam nisi actiones nostræ essent futuræ, Deus eas non præsciret futuras.

Inst. 6. Omnis causalitas arguit dependentiam, & omnis dependentia sonat imperfectionem : atqui neutra cadit in Deum.


R. Dist. Maj. Omnis causalitas arguit dependentiam, vel physicam, vel moralem, C. Physicam semper, N.

Inst. 7. Dependentia physica arguit imperfectionem physicam; ergo & dependentia moralis arguit imperfectionem moralem.

R. Nego Conf. & par. Ratio disp. quia dependentia physica est inferioris à superiore per influxum realem & physicum: at dependentia moralis sèpius est superioris ab inferiori, v. g. divitis à paupere; pendet enim dives à paupere, ut largiatur eleemosynam, quia, ni flagitaret pauper, non erogaret dives.

Inst. 8. Dependentia voluntatis ab intellectu dirigente est moralis, & tamen sonat imperfectionem aliquam in voluntate: ergo dependentia moralis dicit imperfectionem saltem moralem, proindeque locum in Deo habere non potest.

R. Dist. Conf. Ergo dependentia moralis sonat imperfectionem aliquando, C. Semper, N. Toties autem dependentia moralis sonat imperfectionem, quoties oritur illa dependentia ex indigentia dependentis, qualis est dependentia voluntatis ab intellectu dirigente & illustrante. Ad quam admittimus in Deo dependentiam moralem, ea non oritur ex illius indigentia, sed ex ratione primæ & universalissimæ causæ.





QUÆSTIO SEPTIMA.

De indifferentia Libertatis.

PROPOSITIO.

Essentia libertatis moralis consistit in activa contradictionis indifferentia.

PROB. In eo consistit essentia libertatis moralis, quod est quid primum in libertate morali, fons & radix omnium libertatis moralis proprietatum. Atqui activa contradictionis indifferentia est hujusmodi.

Et primo quidem est, quid primum in libertate morali; nam illud est quid primum in libertate morali, quo præcisè intellecto, intelligitur libertas, quo præcisè non intellecto, non intelligitur libertas: atqui intellectâ præcisè indifferentiâ contradictionis agendi, vel non agendi; intelligitur libertas moralis, & eâ non intellectâ, non intelligitur libertas; nam nemo intelligitur liber, nisi qui dominus est suorum actuum: nemo intelligitur suorum actuum dominus, nisi qui habet in sua potestate, agere & non agere; nemo intelligitur habere in sua potestate agere & non agere, nisi qui indifferentis est ad agendum & non agendum. Ergo activa contradictionis indifferentia est quid primum in libertate.

Deinde vero est fons & radix proprietatum libertatis moralis: nam libertatis moralis proprietates sunt præsertim capacitas meriti & demeriti, capacitas laudis & vituperii: atqui meritum & demeritum, laus & vituperium supponunt indifferentiam, atque ab ea fluunt tanquam à radice; nemo enim meretur aut demeretur, nisi qui habet in sua potestate actionem elicere vel non elicere; ergo activa contradictionis indifferentia est fons & radix proprietatum libertatis moralis.

OB-

O B J E C T I O.

SI libertas consisteret in indifferentia; ubicumque foret libertas, foret & indifferentia: atqui non ita est.

Prob. Min. In Christo Domino erat libertas tum circa actiones supererogationis, tum circa observationem legis naturalis: atqui tamen non erat indifferens ad hæc.

R. Nego Min. Nam in tantum fuit liber, in quantum fuit indifferens,

Inst. 1. Quoad primam partem de actionibus supererogationis. Ille non fuit indifferens ad mortem subeundam, qui non poterat absolutè non mori; atqui Christus D. non poterat absolutè non mori.

Prob. Min. Ille non potuit absolutè non mori, quem oportuit pati: atqui Christum oportuit pati, Lucæ 24.

R. Dist. Maj. Quem oportuit pati necessitate antecedente, C. Necessitate consequente; N. Porro quæ fuit Christo moriendi necessitas, ea fuit consequens liberam ejus acceptationem, quippe qui *oblatus est, quia voluit*, ex Scriptura.

Inst. 2. Ille passus est necessitate antecedente, qui accep-
perat à Patre æterno mandatum moriendi: atqui Christus ac-
ceperat à Patre suo moriendi præceptum, cui non poterat
non obtemperare.

R. Dist. Maj. Qui acceperat à Patre æterno mandatum moriendi absolutum, C. Conditionatum, N. At quod dederat Christo moriendi præceptum Pater æternus, id erat conditio-
natum, & dependebat à libera Christi acceptatione.

Inst. 3. Mandatum illud est absolutum, cui satisfit per obedi-
entiam: atqui Christus implevit acceptum de morte sub-
eundâ mandatum, per obedientiam; *Fāctus est obediens us-
que ad mortem.*

R. Dist. Min. Atqui Christus implevit mandatum per obedi-
entiam, quæ supponebat liberam Christi acceptationem.
C. Per obedientiam quæ excluderet liberam acceptationem, N.
Alioqui, non legeremus, oblatum esse, quia voluit, posuisse ani-
mam suam à se ipso.

Inst. 4. Illud mandatum excludebat liberam Christi

D. acceptationem, à quo Christus postulavit dispensari, nec tamen obtinere potuit: atqui Christus postulavit à subeunda morte dispensari, nec tamen obtinere potuit.

R. Dist. Min. Christus postulavit dispensari à morte, nec obtinuit, postulavit inefficaciter, & conditionatè, C. Efficaciter, & conditionatè, C. Efficaciter & absolutè, N. Alioqui obtinueret, siquidem semper exauditus est pro sua reverentia, & ut ipse ajebat, scio, quia me semper audis.

Inst. 5. Ille postulabat efficaciter, qui enixè adeò postulabat, ut sudor sanguinis toto manaret corpore: atqui Christus postulabat sic,

R. Dist. Maj. Si sudor ille oriretur ex efficaci intentione, & animo obtainendi, C. Si ex alio motivo, N. At sudor ille oriebatur ex infirmitate naturali partis inferioris ad pericula mortis semper trepidantis; voluit autem Christus has induere infirmitates, ut realitatem humanitatis in se comprobaret.

Inst. 6. Ille postulabat ex animo obtainendi, qui obtinueret, si fieri potuisset: atqui Christus enixè adeò postulabat, ut obtinueret, si fieri potuisset; Pater, si fieri potest, transfeat à me calix iste.

R. Dist. Maj. Fieri non potuit, ut obtineret, consequenter ad liberam acceptationem, C. Antecedenter ad consensum & acceptationem, N. Efficaciter enim volebat pati, & inefficaciter reluctabatur, ex quadam velleitate.

Inst. 7 Quoad secundam partem de observatione legis naturalis. Ille non fuit indifferens circa observationem legis naturalis, qui non potuit non implere naturalia præcepta: atqui Christus utpote impeccabilis non potuit non implere præcepta naturalia.

R. Dist. Min. Atqui Christus non potuit non implere præcepta naturalia, quoad substantiam considerata, C. Quoad circumstantias, N. v. g. non potuit non amare Deum, sed potuit amare, vel ex hoc, vel ex alio motivo religionis, ex motivo redemptionis humanæ.

Inst. 8. Christus promeritus est circa substantiam præceptorum naturalium: igitur erat liber ad illa spectata sic, neque tamen erat indifferens sub illo respectu.

R. Dist. Ant. Christus promeritus est circa substantiam præceptorum naturalium, ut determinatum circumstantiis libe-

liberis, C. Circa substantiam præcisè, N. Sicut Martyres morte suâ promerentur, non quoad substantiam præcisè, sed prout mors appetitur ab iis ex motivo laudabili, v. g. pro defensione religionis Christianæ.

Inst. 9. Christus non erat indifferens ad id, quod oriebatur ex principio valdè necessario: atqui circumstantiæ observationis legis naturalis oriebantur ex principio valdè necessario, nimirum ex principio charitatis.

R. Dist. Maj. Atqui circumstantiæ observationis legis naturalis oriebantur ex principio necessariò, prout versabatur circa Deum, C. ex principio necessariò, prout se se extendebat ad extrinseca objecta, N. Sic charitas erat in Christo necessaria, prout ea versatur circa Deum, non prout porrigitur ad opus redemptionis humanæ.

Inst. 10. Christus necessitatibus ad opera perfectiora: ergo ad illas, quas suscepit, circumstantias.

R. Dist. Ant. Necessitatibus ad opera perfectiora, quantum sunt de pæcepto, C. Quatenus sunt de consilio, N.

O B J E C T I O II.

Deus fuit summè liber circa actiones transeuntes suas v. g. creationem mundi, sed nunquam fuit indifferens.

Prob. Min. Qui semper fuit in actu, nunquam fuit indifferens: atqui Deus semper fuit in actu, siquidem immutabilis est.

R. Dist. Maj. Qui semper fuit in actu, nunquam fuit indifferentiâ passivâ, seu suspensionis, C. indifferentiâ activâ, seu determinativitatis, N.

Inst. 1. Qui fuit ab æterno determinatus, nunquam fuit indifferens: atqui Deus fuit ab æterno determinatus.

R. Dist. Min. Atqui Deus fuit ab æterno determinatus, determinatione consequente, C. antecedente, N.

Inst. 2. Ut Deus fuisset determinatus determinatione consequente, deberet aliquid fuisse prius in Deo ipsâ determinatione suâ: atqui nihil eâ cogitari potest prius, alioqui in illo priori fuisset suspensus ab omni actione.

R. Dist. Maj. Deberet aliquid fuisse prius in Deo prioritate naturæ, C. Temporis, N. Quia prius cogitatur Deus potens determinare se se, quam cogitetur determinatus actu.

Inst. 5. Determinatio, cuius principium est necessarium necessitate antecedente, est antecedens : atqui principium determinationis divinæ est absolute & antecedenter necessarium, nimirum Deus

R. Dist. Maj. Cujus principium est necessarium in operando, C. In existendo, N. Porro Deus est quidem principium absolutè necessarium in existendo, at non in operando, v. g. in condendo mundo.

Inst. 4. Modus operandi sequitur modum essendi ; ergo cum Deus sit principium necessarium quoad existentiam, est quoque quoad operationem.

R. Modus operandi sequitur modum essendi, quoad aliqua, C. Quoad omnia, N. Alioqui sicut nihil cooperamur fabricandæ naturæ nostræ, nihil quoque cooperaremur operationibus humanis nostris.

Inst. 5. Illud est in Deo necessarium necessitate antecedente, quo Deus carere nunquam potuit ; atqui nunquam Deus carere potuit suâ determinatione, decreto suo de condendis creaturis.

Prob. Min. Deus carere non potuit aliquo sibi intrinsecō : atqui determinatio seu decretum est aliquid intrinsecum Deo.

R. Dist. Min. Atqui determinatio est aliquid intrinsecum, si determinatio spectetur principiativè, seu entitativè, C. Si spectetur terminativè, N. Licet enim non potuerit Deus carere entitate decreti & volitionis suæ, potuit tamen carere terminatione eorum ad creaturas.


Inst. 6. Determinatio terminativè sumpta est relatio actionis Dei ad terminum extrinsecum : atqui Deus non potuit carere intrinsecā sibi relatione.

R. Dist. Min. Atqui Deus non potuit carere intrinsecā sibi relatione, carere quoad entitatem, C. Quoad denominationem, N. Vel, ut ajunt Theologi, secundum esse IN, C. Secundum esse AD, N.

Inst. 7. Si Deus fuit indifferens ad suam determinationem & decretum, debuit posse carere decreto quatenus liber-

ro : atqui decretum quatenus liberum est intrinsecum Deo ; ergo potuisse carere decreto intrinsecus spectato.

R. Dist. Min. Atqui decretum quatenus liberum est Deo intrinsecum in ordine ad extrinseca, C. Est Deo intrinsecum præcisè, N. Hinc Deus potuit carere termino decreti extrinseco , nempe creaturis ; at non proposito , volitione , vel actione.



QUÆSTIO OCTAVA.

An dentur actus humani *indifferentes* in individuo,

I. PROPOSITIO.

Non dantur actus humani indifferentes in individuo.

PROB. Dari actus humanos *indifferentes* in individuo, est dari actus humanos , qui finem ultimum habeant *indifferentem*, nec bonum nec malum moraliter : atqui nulli dantur actus humani , qui finem habeant ultimum *indifferentem*, nec bonum nec malum moraliter; nam omissis actus humanus vel refertur ad Deum , tanquam finem ultimum , vel non refertur ; si refertur , tunc finem habet ultimum bonum ; si non refertur , tunc habet finem ultimum malum , estque moraliter malus : etenim actus ille malus est , qui conquiescit in creatura tanquam in suo fine ultimo , est enim Dei injuriousus : atqui actus , qui non refertur ad Deum , tanquam ad finem ultimum , conquiescit in creaturâ tanquam in suo fine ultimo. Ergo qui actus non refertur ad Deum tanquam finem ultimum , is est moraliter malus , proindeque omnis actus humanus habet finem , vel bonum vel malum moraliter , & sic omnis actus humanus , est vel bonus vel malus moraliter , nullus autem *indifferens* in individuo.

OB-

O B J E C T I O . I.

ACtus, quineque sunt laude, nec vituperio digni, sunt indiferentes: atqui quidam actus humani neque sunt laude, neque vituperio digni, v. g. deambulare.

R. Dist. Min. Quidam actus humani neque sunt laude neque vituperio digni, si habeatur ratio solius objecti, C. Si habeatur ratio finis ultimi, N. Nam vel conquiescant in Deo, & boni sunt, vel hærent in creaturis, & mali sunt.

Inst. 1. Datur finis simpliciter ultimus indifferens; ergo quidam actus humani neque sunt laude neque vituperio digni, si habeatur ratio finis.

Prob. Ant. Datur medium inter finem ultimum bonum, & finem ultimum malum; ergo datur finis ultimus indifferens.

Prob. Ant. Inter ea opposita, quæ non sunt contradictiones, datur medium per negationem: atqui finis ultimus bonus, & finis ultimus malus non opponuntur contradictione, quia se habent ut ens & ens.

R. Dist. Maj. Datur medium in quibusdam subjectis, C. In omni subiecto, N. Sic inter esse sanum & esse ægrum, datur medium in Angelis; at non datur in animalibus. Ita inter finem bonum & finem malum datur medium in actibus humanis indeliberatis; at non datur in actibus humanis.

Inst. 5. Finis, qui neque est imperatus, neque prohibitus, est valde indifferens. Atqui datur in actibus humanis finis ultimus nec imperatus nec prohibitus.

R. Dist. Maj. Atqui datur in actibus humanis finis ultimus nec imperatus, nec prohibitus absolutè, C. Hypotheticè, N. Nam ex hypothesi, quod finem ultimum nobis voluerimus proponere, tenemur bonum proponere.

Inst. 3. Potest aliquis deambulare post coenam sanitatis causâ, atqui sanitas neque est finis imperatus, neque prohibitus, etiam hypotheticè.

R. Dist. Min. Atqui sanitas non est finis prohibitus, tanquam intermedius & subordinatus, C. Tanquam ultimus & subordinans, N. Nam conquiescere in sanitate, tanquam in fine simpliciter ultimo, esset Deo valde injuriosum.

Inst.

Inst. 4. Non tenemur deambulat onem & alias actiones similes ad Deum referre tanquam finem ultimum, ergo sanitas potest esse finis ultimus deambulationis nec imperatus, nec prohibitus.

Prob. Ant. Actus supererogationis non cadunt sub præceptum : atqui deambulare, recitare rosarium &c. sunt actus supererogationis; ergo non sunt de præcepto, nec proinde tenemur eos ad Deum referre.

R. Dist. Maj. Actus supererogationis non cadunt sub præceptum, ex parte objecti, C. Ex parte finis ultimi, N. Licet enim non tenearis absolute recitare rosarium : si tamen recitaveris, teneris ex bono motivo recitare.

Inst. 5. Finis ille non est de præcepto, qui potest licet omitti. Atqui finis bonus actionis supererogationis potest licet omitti ; ergo non est de præcepto.

R. Dist. Maj. Finis ille non est de præcepto absolute, C. Hypotheticè, N. Sic honor parenti exhibendus potest absolute omitti ; at ex hypothesi, quod cum parente rem habueris, teneris honorare.

Inst. 6. Præceptum non est de impossibili : atqui mortali impossible est, ut referamus actiones omnes ad finem bonum ultimum, obstantibus animi distractionibus.

R. Dist. Min. Impossible est, ut referamus actiones omnes ad finem ultimum bonum, referamus actualiter, formaliter, exprestè, C. Virtualiter, & implicitè, N. Nam sufficit, si de Deo cogitaverimus aliquando, nec priorem illam retractaverimus intentionem, reliquæ actiones nostræ virtualiter referri ad Deum censemur.

Inst. 7. Præceptum illud, si quod sit, de referendis etiam virtualiter actionibus ad Deum, vel esset naturale, vel positivum ; neutrum dici potest.

R. Nego Min. Primo, Est naturale, quia est præceptum justitiae hominis erga Deum ; cum enim homo plus Deo debeat acceptum referre, quam possit, tenetur sicutem referre quantum potest : Potest autem virtualiter referre ad illum actiones suas omnes. Secundo, est positivum, & habetur tam in veteri testamento, Diliges Dominum ex toto corde tuo, &c. quam in novo, Sive edatis, sive bibatis, sive aliud quid faciatis, omnia in gloriam Dei facite.

Inst. 8. Præceptum naturale non latet sapientes, & doctores: atqui præceptum de referendis actionibus omnibus ad Deum latet viros bene sapientes; latuit D. Bonaventuram, Scotum, & jam latet Scotistas: ergo non est naturale.

R. Dist. Maj. Præceptum naturale primarium, v. g. Declina à malo, C. Secundarium, v. g. Noli duello configere, N. At præceptum de referendis actionibus ad Deum est duntaxat naturale secundarium, longo sed efficaci discurso deducatur ex præcepto justitiae primario.

Inst. 9. Præceptum omne vel est affirmativum vel negativum: atqui præceptum de referendis actionibus ad Deum omnibus, neque est affirmativum, neque negativum; igitur nullum est.

R. Nego Min. Primò est affirmativum, quia jubet referre actiones ad Deum; Secundò est negativum, quia vetat consequenter referre actiones ad creaturas tanquam finem ultimum.

Inst. 10. Præcepta affirmativa non semper obligant; ergo non semper tenemur nostras ad Deum referre actiones.

R. Dist. Ant. Præcepta affirmativa non semper obligant quoad objectum actionis, C. Quoad finem ultimum. Subdist. Non obligant absolute, C. Hypotheticè, N. Atque in hoc discrepant à negativis, quæ semper absolute obligant, v.g. Non ocaides

O B J E C T I O II.

Actus liberi sunt indifferentes: atqui dantur actus liberi; ergo & indifferentes.

R. Dist. Maj. Actus liberi sunt indifferentes indifferentiâ, quæ excludat necessitatem, C. indifferentiâ, quæ excludat bonitatem & malitiam moralem, N. Scilicet vox ista (indifferentes) est valde æquivoca.

Inst. Docent Logici, quod quidquid convenit speciei, conveniat & individuo: atqui dantur actus indifferentes in specie; ergo & in individuo.

R. Dist. Min. Dantur actus indifferentes in specie physica,

ca, C. In specie morali, N. Quare dantur quoque actus indifferentes in individuo physico ex parte objecti actionis : At non dantur indifferentes in individuo morali, ex parte finis ultimi.

Inst. 2. Datur medium inter finem ultimum bonum & malum moraliter, sicut inter animal rationale, & irrationale ; ergo dantur actus indifferentes in individuo ex parte finis ultimi.

R. Dist. Ant. Datur medium inter finem ultimum bonum & malum, datur Logicè & in mente, C. Moraliter, & à parte rei, N. Quamvis enim finis ultimus generatim abstrahat à bono & malo ; re ipsa tamen omnis actus humanus habet finem vel bonum, vel malum moraliter, vel Deum, vel creaturas.

Inst. 3. Homo potest licet agere propter finem ultimum sensibilem & jucundum ; ergo datur finis moraliter nec bonus, nec malus.

Prob. Ant. Homo potest agere & quatenus animal & quatenus rationalis : atqui quatenus animal potest conuiescere in fine sensibili jucundo.

R. Dist. Min. Atqui homo quatenus animal potest quietescere in fine jucundo, in actibus hominis seu indeliberatis, C. actibus humanis & deliberatis, N. actus humanos tenentur conformare rationi.

Inst. 4. Tam homo ut animal potest conuiescere in bono sensibili, quam ut rationalis possit conuiescere in bono spirituali, in Deo.

R. Neg. par. Ratio disp. quia operationes animalitatis debent esse subordinatae ratione in homine, proindeque referri debent ad finem bonum ex praescripto rationis.

Inst. 5. Quod convenit belluis ut animalibus, potest competere homini ut animali : atqui conuiescere in bono sensibili, convenit belluis ut animalibus ; ergo potest convenire homini ut animali.

R. Dist. Maj. Quod convenit belluis ut animalibus, convenit & homini ut animali, physicè loquendo, C. Moraliter loquendo, N. Ratio disp. quia appetitus sentiens in belluis est sui juris, at in homine subordinatur rationi.

Inst. 6. Ratio non mutat jura animalitatis ; ergo non im-

impedit quin licet homo ut animal conquiescat in sensibili-
bus.

R. Dist. Ant. Ratio non mutat jura animalitatis, qua-
si ea essentialiter evertat, C. Dirigendo ad finem superio-
rem, N.

II. PROPOSITIO.

*Dantur actus quidam humani indifferentes in
individuo.*

PROB. In principiis Scotistarum sic. Ut dentur actus
humani quidam indifferentes in individuo, satis est, quod pos-
sit homo actus quosdam humanos elicere propter finem in-
differentem, nec bonum, nec malum moraliter: atqui potest
homo actus quosdam elicere suos propter finem indifferen-
tem; nam qui non tenetur actus omnes suos aliquâ honesta-
te morali imbuere, potest quosdam actus elicere propter fi-
nem indifferentem; atqui non tenetur homo actus omnes
suos aliquâ honestate morali imbuere; si enim teneretur ad id,
vel ex præcepto naturali, vel positivo: atqui nullâ lege, nec
naturali, nec positivâ ad id adstringitur homo; namque lex
naturalis omnibus est comparata: lex positiva divina vel hu-
mana non latet viros eximiè sapientes & doctos; atqui ta-
liqua honestate morali, fuit ignota viris benè doctis, ut S. Bo-
naventuræ, Scoto, jamque latet Scotistas omnes. Ergo nul-
quâ honestate morali, proindeque potest elicere quosdam a-
ctus propter finem indifferentem; & sic dantur actus quidam
humani indifferentes in individuo.

O B J E C T I O.

SI darentur actus quidam humani indifferentes in individuo
posset voluntas hominis in medio consistere, ut neque bo-
na esset neque mala moraliter. Atqui non potest voluntas
hominis in medio consistere, ut neque bona sit neque mala, ut
do-

docet S. August. pluribus in locis. Ergo non dantur actus indifferentes.

R. Dist. Maj. Posset voluntas hominis in medio consistere ratione actus, nec boni, nec mali moraliter, C. Ratione statutis gratiae, vel peccati, N. Porro non potest quidem voluntas hominis consistere in medio ratione statutis, quia semper est vel in statu gratiae, vel in statu peccati; at potest consistere in medio, ratione actus, quia potest elicere actum, nec bonum, nec malum moraliter.

Inst. Si quando posset voluntas hominis in medio consistente ratione actus, maximè circa verbum aliquod otiosum; at qui verbum otiosum non est indifferens, siquidem de illo rationem reddent homines in die Judicii, ut expresse docet Christus Dominus, Matth. 12. vers. 36.

R. Dist. Maj. Si quando posset voluntas hominis voluntas in medio consistenter ratione actus, maximè circa verbum otiosum negativè, C. Circa verbum otiosum privativè, N. Porro quidem mala sunt moraliter & damnanda verba otiosa privativè, in quibus proférēndis consumitur plus temporis, quam recta ratio permittat: quo sensu vituperatur otiosus homo. At non sunt moraliter mala verba otiosa negativè, id est, verba, quæ nec ad honestatem conducunt, nec ab honestate revocant: videtur autem Christus Dominus loco citato, loqui de verbo otioso privativè, id est pernicioſo; id enim profert occasione hujus quod impīi Pharisæi dixerant; *Hic non ejicit Dæmones nisi in Beelzebub principe Dæmoniorum.*

Inst. 2. Atqui actus otiosus negativè est moraliter malus. Prob. Subs. *Qui non colligit mecum dispergit*, inquit Christus in Evang. Atqui qui elicit actus otiosos negativè, seu non bonos, non colligit cum Christo. Ergo dispergit, proindeque peccat.

R. Dist. Maj. *Qui non colligit cuim Christo, dispergit*, quando & quoties tenetur colligere, C. Quando non tenetur colligere, N. Porro nullâ lege tenetur homo suos omnes actus ad Deum referre, nec lege naturali, nec positivâ, divinâ, vel humana.

Inst. 3. Ille tenetur actus omnes suos ad Deum referre, qui sive edat, sive bibat, sive aliud quid faciat, omnia debet in gloriam Dei facere; atqui ad id tenetur homo legē

divinâ, quam tradit Apostolus in Epist. 1. ad Corinth. Cap. 10.

R. Dist. Maj. Qui tenetur omnia in gloriam Dei facere, positivè, ita ut semper in omnibus actibus suis positivè intendat Dei gloriam, C. Qui tenetur omnia in gloriam Dei facere negative, id est, nihil facere contra Dei gloriam, N. Porrò debet quidem homo omnia in gloriam Dei facere negativè, ita ut nihil unquam faciat contra Dei gloriam; at non tenetur omnia in gloriam Dei facere positivè; tamen enim Deus sit omnium aëtum nostrorum dominus, nihilominus tamen non est ita eorum exactor, ut omnes nostros motus & actus absolute præcipiat ad sui gloriam esse referendos.

Inst. 4. Atqui tenetur homo suos omnes actus ad Deum referre positivè.

Prob. Subs. Ille tenetur suos omnes actus ad Deum referre positivè, cui licitum non est quiescere in creatura tanquam in fine ultimo. Atqui homini licitum non est quiescere in creatura tanquam in fine ultimo: quia si violaret legem charitatis, justitiae & gratitudinis. Ergo tenetur homo suos omnes actus ad Deum referre.

R. Dist. Maj. Cui licitum non est quiescere in creatura tanquam in fine ultimo negative, C. Tanquam in fine ultimo positivè, N. Porrò non est quidem homini licitum quiescere in creatura positivè, ita ut creaturam ponat sibi pro fine ultimo principali; at potest homo quiescere in creatura negative, quia potest non ulterius tendere, nec actionem suam ad Deum positivè referre.

Inst. 5. Si quando posset homo licetè quiescere in creatura, nec ulterius tendere ad Deum; jam non teneretur diligere Deum ex toto corde, ex totis viribus. Atqui tamen ad id tenetur homo.

R. Dist. Maj. Jam non teneretur homo diligere Deum ex toto corde, totis viribus, intensivè, seu ordinativè, C. appreciativè, N. Porrò tenetur quidem homo Deum diligere ex totis viribus appreciativè, id est, Deum pluris facere, quam quodcumque aliud bonum; at non tenetur Deum diligere ex totis viribus ordinativè, quia nulla lege tenetur ordinare suos omnes actus in Deum.

Inst. 6. Tenetur homo omnia sua Deo rependere titulo iustitiae & gratitudinis, quia cuius est fundus, hujus est fructus.

R. Dist.

R. Dist. Tenetur homo omnia sua Deo rependere repeati vel præcipienti, C. Deo non repetenti, sed permittenti, N. Porro Deus non repetit omnes actiones nostras.

Inst. 7. Tam Deus postulat, ut omnes actiones humanæ pendeant ab ipso tanquam fine ultimo, quām postulet, ut pendeant ab ipso tanquam causā primā efficiente: atqui hoc posterius verum est.

R. Nego Maj. & par. Ratio disp. quia Deus ut prima causa efficiens, est causa essendi simpliciter, seu bonitatis naturalis; at verò Deus ut finis ultimus moralis, non est causa essendi simpliciter, sed benè & honestè essendi. Porro bonitas moralis, seu honestas non se extendit ad omnes actiones, sicut bonitas naturalis & physica se se extendit ad omnes. Quare illud tantum concludi debet, quod non refertur ad Deum tanquam ad finem ultimum moralem, non esse benè & honestè: at non statim est malè, quia potest esse indifferenter.

Inst. 8. Tam homo tenetur semper agere conformiter dictamin rationis circa finem honestum, quām belluae teneantur semper agere conformiter naturæ sensitivæ circa finem jucundum. Atqui hoc posterius verum est.

R. Nego Maj. & par. Ratio disp. quia belluae operantur uno tantum modo; & habent unum duntaxat bonum propositum, nempe sensibile & jucundum. At homo non uno tantum operatur modo, cum sit agens liberum, nec unum duntaxat bonum habet sibi propositum, sed multiplex, nempe honestum & jucundum; ideoque potest intendere bonum honestum inter operandum bene, & jucundum inter operandum indifferenter.



QUESTIO NONA.

An virtus moralis sit habitus essentialiter bonus.

I. PROPOSITIO.

Virtus moralis est habitus essentialiter bonus.

PROB. Ille habitus est essentialiter bonus, qui essen-

tialiter est rectæ rationi conformis atque honestati morali : atqui Virtus moralis est essentialiter conformis rectæ rationi, cum diligatur à prudentia, ideoque definitur, *habitus electivus in ea mediocritate consistens, quam Vir prudens prescripsit.* Ergo virtus moralis est habitus essentialiter bonus.

O B J E C T I O.

Habitus indifferens, non est essentialiter bonus : Atqui virtus moralis est habitus indifferens.

Prob. Min. Habitus liber & electivus est indifferens : atqui virtus moralis est habitus liber & electivus, ut liquet ex ejus definitione.

R. Dist. Maj. Habitus liber & electivus est indifferens : id est, potest erumpere, vel non erumpere in actum, C. Est indifferens, id est, potest inclinare ad bonum & malum promiscue, N.

Inst. Ille habitus est indifferens eâ ratione, ut possit inclinare ad bonum & malum, qui potest concurrere ad actus moraliter malos ; atqui virtus moralis potest concurrere ad actus moraliter malos, v. g. ad actum superbiæ, putâ si quis superbiat de virtute suâ.

R. Dist. Maj. Qui potest concurrere ad actus malos instar principii aequum malorum, C. Instar objecti & occasionis actuum malorum, N. Porro virtus moralis potest quidem esse objectum & occasio actus mali, v. g. superbiæ : at non potest esse principium actus mali, quia per se tendit ad honestatem.

Inst. 2. Ille habitus potest esse principium actuum malorum, qui potest indifferenter habere finem bonum & malum moraliter : atqui virtus moralis est hujusmodi.

Prob. Min. Suppono quempiam Christianum per plures annos jejunasse propter malum finem, v. g. propter Christum ; & subinde jejunare propter malum finem, v. g. propter inanem gloriam, atqui in illâ hypothesi, temperantia indifferenter habet bonum & malum finem.

R. Dist. Min. Atqui temperantia habet bonum & malum finem, temperantia famulans seu imperata, qui residet in appetitu sentiente, C. Temperantia imperans & principalis, qua refi-

residet in voluntate, N. Nempe præter virtutem temperantiae residentem in voluntate, sunt quidam habitus alii famulantes, qui resident in appetitu sensitivo, ipsumque veluti frænant.

Inst. 3. Habitus temperantiae imperans, est habitus ille temperantiae, qui residet in voluntate, atqui in nostra hypothesi habitus, qui residet in voluntate, concurrit ad jejunandum propter malum finem.

Prob. Min. Tunc habitus temperantiae residens in voluntate concurrit ad jejunandum propter malum finem, cum voluntas experitur facilitatem ad jejunandum propter malum finem: atqui in nostra hypothesi voluntas experitur facilitatem ad jejunandum propter malum finem.

R. Dist. Maj. Cum voluntas experitur facilitatem ad jejunandum propter malum finem, facilitatem positivam, C. Negativam tantum, N. Porro quam experitur subinde voluntas in jejunando facilitatem, ea solùm est negativa, quæ oritur ex solâ remotione impedimentorum in appetitu sensitivo, qui per frequens jejunandi exercitium est abundè dominus: sicut qui dominum concendit equum, experitur facilitatem in eo, quo voluerit; flectendo.

Inst. 4. Ea facilitas est positiva, quæ oritur ex habitu positivo: atqui major illa jejunandi propter malum finem facilitas, oritur ex habitu positivo. Ergo positiva est.

R. Dist. Min. Atqui major illa jejunandi facilitas oritur ex habitu positivo famulante, & qui residet in appetitu sensitivo, C. Ex habitu positivo imperante, & qui residet in ipsa voluntate, N.

Inst. 5. Si quid impedit, quominus major ea voluntatis facilitas ad jejunandum oriretur ex habitu temperantiae positivo imperante, maximè, quia temperantia imperans exigit essentialiter motivum honestatis: Atqui non exigit essentialiter motivum honestatis.

Resp. Nego Min. Quippe cùm faciat hominem simpliciter bonum, debet habere motivum essentialiter honestum.

Inst. 6. Habitus temperantiae imperans non exigit essentialiter, quod non est sibi intrinsecum: atqui motivum honestatis non est intrinsecum temperantiae imperanti; siquidem finis est extrinsecus agenti.

R. Dist. Maj. Quod non est sibi intrinsecum, nec essentialiter connotatum, C. Et est essentialiter connotatum, N. At finis honestus essentialiter connotatur à virtute morali, si-
c ut veritas connotatur à virtute intellectuali.

II. PROPOSITIO.

Virtus moralis non est habitus essentialiter bonus,

PROB. Habitus ille non est essentialiter bonus, qui inclinat ad actus modo bonos, modo malos : atqui habitus virtutis moralis inclinat ad actus modo bonos, modo malos ; si quis enim diu abstineat à cibo in honorem veri Dei, & subiude factus miler apostata incipiat abstinere à cibo in honorem Idolorum, tunc habitus temperantiae, qui primà vice inclinabat ad actus bonos, postremo inclinat ad malos actus, nempè ad jejunandum in honorem falsi numinis, Ergo habitus virtutis moralis non est bonus essentialiter.

O B J E C T I O

Habitus ille est essentialiter bonus, qui semper inclinat ad bonum morale. Atqui habitus virtutis moralis semper inclinat ad bonum morale.

Prob. Min. Tam habitus virtutis moralis inclinat semper ad bonum morale, quam habitus virtutis intelle&ualis v. g. scientiae, inclinet, semper ad verum intelle&uale : atqui hoc posterius certum est.

R. N. Maj. & par, Ratio disp. quia virtus intelle&ualis, adæquatè & unicè æstimatur ab objecto, quod est verum in verum : At virtus moralis æstimatur non solum ab objecto, sed etiam à fine & circumstantiis, quæ quia variari possunt in moralibus, ideo & variari potest habitus moralis bonitas & malitia.

Inst. Ideò virtus intelle&ualis semper inclinat ad verum, quia specificatur à vero ut vero ; atqui pariter virtus moralis specificatur à bono ut bono ; ergo pari utrobique ratio.

R. Dist.

R. Dist. Min. Atqui pariter virtus moralis specificatur à bono ut bono objecto, seu officio, C. A bono fine, N. Namque bonitas finis est accidentaria habitui virtutis, v. g. temperantiae.

Inst. 2. Ille habitus specificatur à bono fine, qui non potest inclinare ad actus vitiosos : atqui habitus virtutis moralis non potest inclinare ad actus vitiosos, alioqui jam non esset habitus virtutis, sed vitii.

R. Dist. Min. Atqui habitus virtutis moralis non potest inclinare ad actus vitiosos, si sit habitus virtutis formaliter sumptus, ut est virtutis, C. Si sit habitus materialiter sumptus, ut est indifferens ad bonum vel malum finem, N. Sic enim flecti potest & ad bonum & ad malum, juxta intentionem agentis.

Inst. 3. Habitus virtutis non inclinat nisi ad actus similes iis actibus, quibus primâ vice productus est : atqui productus est bonis actibus, ergo inclinat semper ad bonos.

R. Dist. Maj. Habitus virtutis non inclinat nisi ad actus similes iis actibus, quibus productus est, similes ratione objecti seu officii, C. Similes ratione finis & circumstantiarum, N. Nam ratio finis est extrinseca & prorsus accidentaria habitui virtutis ; v. g. abstinere à cibo in honorem, vel veri Numinis, vel Jovis.

Inst. 4. Habitus virtutis inclinat semper ad actus similes ratione objecti actibus, quibus productus est ; ergo etiam inclinat semper ad actus similes ratione finis actibus, quibus productus est.

R. Nego Cons. & par. Ratio disp. quia ratio finis est extrinseca habitui virtutis ; ratio autem objecti, seu officii intrinseca.

Inst. 5. Ratio finis est intrinseca habitui, qui connotat finem honestum recte rationi conformem : atqui habitus virtutis moralis connotat finem honestum & conformem recte rationi ; ergo ratio finis boni atque honesti est intrinseca habitui virtutis.

R. Dist. Maj. Qui connotat finem honestum, connotat per se & ex intentione operis, C. Connotat per accidens, & ex fine operantis tantum, N. Porrò non nisi finem honestum, v. g. quod habitus virtutis moralis connotet ho-

honorem Dei; siquidem potest & ad malum finem detinendi.

QUÆSTIO DECIMA,
 De Medio virtutis moralis.

PROPOSITIO.

Justitia etiam vindex non est in Medio formaliter.

PROR. Ea virtus non est in medio formaliter, contra quam nemo peccare potest per excessum: atqui contra Justitiam nemo peccare potest per excessum: nam nemo peccare potest per excessum contra virtutem, in cuius materia non potest esse excessus tali virtuti oppositus: atqui in materia justitiae non potest esse excessus injuriosus, etenim materia justitiae est bonum cuique, quod suum est praesulandum. Atqui in bonis esse non potest excessus injuriosus: atque ut res parat magis, excurramus per singulas justitiae species.

Si debeas Titio quinquaginta nummos, & reddas centum, excedis profecto in materia justitiae commutativæ; at excessus iste non est injuriosus Titio, quia nihil adimis de jure Titii.

Si militiae Dux inter distribuenda militibus suis spolia, det Sempronio quinquaginta nummos, cui debentur viginti duntaxat, excedit profecto in materia justitiae distributivæ, at excessus iste non est injuriosus Sempronio, ut per se patet.

Si Judex crudelis graviores, quam par sit, poenas decernat in fontem, v. g. crurifragium pro suspendio, non peccat in materia justitiae vindicis per excessum injuriosum; nam excedit quidem in materia justitiae vindicis respectu actoris poenas reposcentis fonti infligendas; at excessus iste non est actori injuriosus, imo firmat jus ipsius; interea Judex facit injuriam son-

sonti, sed per defectum, quatenus non satis curat conservatio-
nem corporis de cōtero illæsi post exolutas poenas : poenæ
autem non sunt materia justitiae vindicis respectu fontis, cum
non sint ejus emolumentum. Ergo contra justitiam nemo
potest peccare per excessum, proindeque justitia non est in
medio formaliter.

O B J E C T I O.

EA virtus est in medio formaliter, quæ hinc inde duobus
oppugnatur vitiis, per excessum & per defectum. Atqui
justitia vindex est hujusmodi.

Prob. Min. Quæ ratio probat temperantiam oppugnari
vitio per excessum, eadem probat justitiam oppugnari ex-
cessu.

R. Nego par. Ratio disp. quia datur excessus in materia
temperantiae, temperantie contrarius, v. g. ebrietas. Atve-
rò dari non potest excessus in materia justitiae contrarius ju-
stitiae, siquidem materia justitiae est bonum cuique redden-
dum, non potest autem esse excessus in bonis, qui pugnet
contra justitiam.

Inst. Ideò temperantia oppugnatur vitio per excessum,
quia datur excessus in materia temperantiae : atqui pariter da-
ri potest excessus in materia justitiae, v. g. crurifragium pro
suspendo.

R. Dist. Min. Atqui dari potest excessus in materia justi-
tiae, qui non sit injuriosus, idèque non pugnet contra justi-
tiam, C. Excessus, qui sit injuriosus, N. Nam si actor reposcat
suspendum fonti intelligendum, Judex autem decernat cruri-
fragium, excessus ille non est actori injuriosus.

Inst. 2. Excessus in poenis est fonti valde injuriosus.

R. Dist. Excessus in poenis est fonti injuriosus, sub eo re-
spectu, sub quo non est in materia justitiae respectu fontis, C.
Sub eo respectu, sub quo est in materia justitiae, N. Nam poe-
næ sunt quidem materia justitiae respectu actoris, at non re-
spectu fontis.

Inst. 3. Atqui poenæ sunt materia justitiae vindicis respe-
ctu fontis.

Prob. Subs. Tam pœnæ sunt materia justitiae vindicis respectu fontis, quām præmia sunt materia justitiae remuneratīe respectu merentis.

R. Nego par. Ratio disp. quia præmia sunt bona merenti, ita ut in ea ius acquirat, qui meretur. At pœnæ non sunt bona fonti, nullumque jus acquirit in pœnas, qui facinus perpetrat, quia jus non est nisi in bona.

Inst. 4. Quod est fonti debitum, est materia justitiae vindicis respectu fontis, sicut præmia respectu merentis. Atqui pœnæ sunt debitæ fonti.


R. Dist. Maj. Quod est fonti debitum propriè & propter jus reposcendi, C. Impropiè & sine jure reposcendi, N. At non nisi impropiè debentur fonti pœnæ, neque jus habet sons in pœnas reposcendas.

Inst. 5. Illud est fonti propriè debitum, à quo denominatur & specificatur justitia vindex; atqui à pœnis specificatur justitia vindex.


R. Dist. Min. Atqui à pœnis infligendis specificatur justitia vindex tanquam à materia sua respectu actoris, C. Tanquam à materia sua respectu fontis, N. Scilicet justitia, quam debet exercere Judex respectu fontis, connotat & supponit pœnas infligendas tanquam materiam justitiae respectu actoris pœnas reposcentis. At ipsa habet pro materia sua respectu fontis jus fontis de cætero conservandum.

Inst. 6. Illud est materia justitiae vindicis respectu fontis, de quo sons conqueri potest tanquam de excessu sibi injurioso. Atqui sons merito conqueri potest de gravioribus pœnis sibi illatis.

R. Dist. Maj. De quo sons conqueri potest tanquam de excessu in materia juris sui, C. In materia juris alieni, N. At sons conqueritur de gravioribus pœnis tanquam de excessu in materia juris publicæ, non autem in materia juris sui: igitur sons conqueri potest, quod dum sine injuria actoris plus sibi debiti in conservatione corporis de cætero illæsi; atque ita defectus est justitiae contra fontem.



QUÆ-



QUÆSTIO UNDECIMA.

De subjecto Fortitudinis & Temperantie.

PROPOSITIO.

Fortitudo & temperantia resident in voluntate tanquam in subjecto.

PROB. Habitus formaliter electivus & spiritalis residet in facultate formaliter electiva & spiritali : atqui fortitudo & temperantia sunt habitus formaliter electivi & spiritales, quia virtus moralis definitur, *habitus electivus*, &c., sola autem voluntas est facultas electiva simul & spiritalis : ergo fortitudo & temperantia resident in voluntate tanquam in subjecto.

O B J E C T I O.

Partes irrationales sunt appetitus concupiscens & irascens, non autem voluntas : atqui fortitudo & temperantia sunt in partibus hominis irrationalibus (ex Philosopho.)

R. Dist. Min. Atqui fortitudo & temperantia sunt in partibus irrationalibus, sunt objectivè, tanquam circa proprium objectum, C. Sunt subjectivè, tanquam in subjecto suo, N. Sicut enim prudentia est subjectivè in intellectu, & objectivè in voluntate, cuius dirigunt actiones : ita fortitudo & temperantia sunt subjectivè in voluntate, objectivè autem in appetitu sentiente, cuius moderatur passiones.

Inst. Fortitudo & temperantia sunt subjectivè in ea facultate quam dirigunt : atqui dirigunt appetitum sentientem ejusque passiones.

R. Dist. Maj. Sunt in ea facultate, quam dirigunt immoderata, C. Mediate tantum, N. Sicut enim equus dirigitur ab habenis mediante manu equitis, ita appetitus sentiens dirigitur à fortitudine, mediante voluntate,

Inst.

Inst. 2. Ea facultas immediate dirigitur à virtute, cuius actus sunt virtutis moralis actiones: atqui actus appetitus sentientis sunt virtutis moralis actiones, v. g. modica ciborum sumptio.

R. Dist. Maj. Cujus actus sunt virtutis moralis actiones elicite seu imperantes, C. Imperatæ tantum & subordinatae, N. Porro actus appetitus sensitivi posunt esse virtutis actiones, sed imperatæ à voluntate, non autem imperantes & elicite, quia nec sunt liberæ per se nec honestæ, alioqui dicendum esset vim motricem esse per se capacem alicujus virtutis moralis.

Inst. 3. Moderatio timoris & audaciæ in periculis mortis, est actio virtutis imperans: atqui moderatio hæc pertinet ad appetitum; quia ad eandem facultatem pertinet moderare vivere, cujus est posse excedere & deficere.

R. Dist. Maj. Moderatio timoris & audaciæ est actio virtutis imperans, C. Prout se tenet ex parte voluntatis imperantis, C. Prout se tenet ex parte appetitus sensitivi obsequantis, N. Imperat voluntas moderationem timoris, & appetitus exequitur.

Inst. 4. Actus fortitudinis non est illius facultatis, quæ non habet pro objecto pericula mortis pertimescenda: atqui voluntas non habet pro objecto pericula mortis pertimescenda.

Prob. Min. Facultas de se immortalis non habet pericula mortis pertimescenda: atqui voluntas de se est immortalis.

R. Dist. Maj. Facultas immortalis tam effectivè quam entitativè, C. Entitativè tantum, N. Porro voluntas est quidem immortalis entitativè; sed non effectivè: siquidem est facultas individui mortalis, cuius gratiâ tenetur pertimescere mortem.

Inst. 5. Atqui facultas entitativè immortalis, nequit versari circa pericula mortis.


Prob. Subf. Facultas omnis specificatur ab objecto, circa quod versatur; ergo si sit entitativè spiritalis & immortalis, nequit versari circa objectum materiale, quale est periculum mortis.

R. Dist. Ant. Facultas specificatur ab objecto simul & modo tendendi in objectum, C. Ab objecto materiali præcisè,

cise, N. Alioqui intellectus esset materialis, eò quod versetur circa res materiales cognoscendas.

Inst. 6. Facultas materialis restringitur ad materialia; ergo & spiritalis ad spiritalia.

R. Nego Conf. & par. Ratio disp. quia qui potest plus, potest & minus: sed non vice versa; facultas spiritalis est universalissima, materialis est valde limitata.



QUÆSTIO DUODECIMA.

An Judex debeat judicare secundum allegata & probata contra propriam scientiam.

Judex, ex hypothesi quod sententiam ferre teneatur, in causa capitali, debet judicare secundum allegata & probata, reclamante privatâ suâ scientiâ.

PROB. Persona publica, ut publica, debet uti scientiâ ut publicâ, atqui Judex ut Judex in ferendâ sententiâ est persona publica ut publica: ergo debet uti scientiâ publicâ: atqui scientia judicis publica est ea, quæ habetur ex allegatis & probatis; ergo Judex ut Judex in ferendâ sententiâ, debet judicare secundum allegata & probata; reclamante licet privata suâ scientiâ,

O B J E C T I O .

Nefas est judici condemnare innocentem: atqui si judex judicaret secundum allegata & probata reclamante suâ scientiâ, jam condemnaret innocentem.

R. Dist. Maj. Nefas est condemnare innocentem, cuius innocentia sit publicè nota, C. Cuius innocentia sit privatim tantum nota, N. Nam in judice ut judice privata scientia computatur pro nullâ.

Inst. Judex debet potius abstinere à judicio, quām innocentem condemnare, cuius innocentia est tantum privatim nota; ergo non debet judicare.

R. Dist. Ant. Debet potius abstinere à judicio, si possit de consensu reipublicæ, C. Si non possit, nolente republicâ, N. At supponimus in præsenti quæstione judicem velle quidem, sed non posse abstinere à ferendâ sententiâ.

Inst. 2. Judex non debet se se contaminare peccato lethali, atqui si judicaret ex allegatis & probatis contra privatam scientiam, se se contaminaret peccato mortali.

Prob. Min. Quicumque agit contra conscientiam in re gravi, peccat mortaliter: atqui judex in nostro casu ageret contra suam conscientiam.

Prob. Min. Qui decernit pœnas in eum, quem certo novit nullas esse promeritum, is agit contra suam conscientiam: atqui judex in nostro casu decerneret pœnas in eum, quem certo nosset nullas esse promeritum.

R. Dist. Maj. Quem certo novit nullas esse promeritum, scientiâ publicâ, qua tenetur uti, C. Scientiâ privatâ, quam tenetur velut obliuisci, N. Nam judex ut judex non agit suo nomine, nihilque debet ex arbitrio suo facere, sed juxta quod leges & iura pronuntiant.

Inst. 3. Judex tenetur scientiam veram anteponere scientiæ falsæ: atqui scientia allegatorum est falsa, ut supponitur, scientia judicis propria est vera; ergo debet anteponere scientiam privatam scientiæ allegatorum.

R. Dist. Maj. Judex debet anteponere scientiam veram scientiæ falsæ, si coetera sint paria, id est, si utraque scientia sit publica, vel utraque privata, C. Secùs, id est, si vera sit privata, & publica sit falsa, nec ut talis innotescat publicè, N. Judex enim est persona publica.

Inst. 4. Judex nullâ ratione debet audire vocem mendacii: atqui in casu nostro audiret vocem mendacii, falsa nempe testimonia.

R. Dist. Maj. Si mendacium illud possit publicè detegi, C. Si non possit, N.

Inst. 5. Graviter peccant, non solum qui faciunt, sed etiam qui facientibus consentiunt ex Apost. Rom. 2. Atqui Judex, qui judicaret ex allegatis consentiret facientibus mala, si quidem annueret falsis testibus.

R. Ne-

R. Nego Min. Neque enim dici potest contentire mentientibus, qui publicè detestatur mendacium & profitetur se paratum esse abdicare se magistratu, si sineret republica.

Inst. 6. Judex causam adjudicaret falsis testibus & quidem cognitis; ergo consentiret mentientibus.

R. Ditt. Causam adjudicaret falsis testibus; ut suo fungens officio personæ publicæ, & cum sincerâ execratione mendacii, C. Próprio nutu, N. Nam supponitur abhorre à mendacio testimoniū; hinc quidquid est peccari, redundat in testes, at non in judicem.

Inst. 7. Si Petrus sciret certò Mariam non esse uxorem suam, non posset eam accipere in uxorem, tametsi testes affirmarent esse; ergo à pari, si judex certò sciat Petrum esse innocentem, non potest eum condemnare, tametsi falsi testes affirment esse reum.

R. Nego Cons. & par. Ratio, quia scire Mariam esse uxorem, est negotium privatum ut privatum.

II. PROPOSITIO.

Judex non debet in causa capitali judicare secundum allegata & probata, reclamante privatâ suâ scientiâ.

PROB. Judex nullâ ratione debet innocentem sibi cognitum ut tales occidere: atqui si Judex judicaret in causa capitali secundum allegata & probata reclamante privatâ scientiâ, occideret innocentem sibi cognitum ut tales: ergo Judex non debet judicare secundum allegata & probata reclamante privatâ suâ scientiâ.

O B J E C T I O.

Judex debet judicare secundum allegata & probata reclamante privatâ scientiâ, si in ore duorum vel trium testimoniū debeat perire accusatus: atqui in ore duorum aut trium testimoniū peribit, qui interficietur: Deuter. cap. 7. ergo debet Judex judicare secundum allegata testimoniū & probata.

R. Ditt

R. Dist. Min. In ore duorum vel trium testium peribit, qui interficietur, id est, non poterit damnari quisquam sine duorum vel trium testimonio, C. id est, damnabitur, in quem insurrexerint duo vel tres falsi testes cogniti ut tales a judice, N. Hinc ibidem statim subjungitur, *Nemo occidatur uno contra se dicente testimonium.*

Inst. Persona publica ut publica debet sequi scientiam publicam: atqui judex ut judex est persona publica; ergo debet sequi scientiam publicam ex depositione testium.

R. Dist. Min. Atqui judex ut judex est persona publica, si sententiam fert & judicat, C. Si abstinet a judicando, N. Licet enim non debeat judex uti privatâ suâ scientiâ ut innocentem criminis accusatum absolvat, eâ tamen uti potest & debet, ut abstineat a judicio in accusatum innocentem terendo, ne audiat vocem mendacii & a vero deviet.

Inst. 2. Non magis judex abstinere debet a judicando secundum allegata & probata contra privatam scientiam; quam Sacerdos a porrigo sacram synaxim homini, quem privata scientia nosset cum peccato mortali accedere: atqui hoc posterius verum est, & constat exemplo Christi Domini, qui Iudæ proditori sibi cognito ut tali corpus suum porrexit, ergo &c.

R. Nego Maj. & par. Ratio disp. quia Sacerdos porrigit Christi corpus homini, quem novit infectum peccato lethali, nihil facit contra præceptum naturale, imo facit, ut vitet scandalum: at vero judex condemnans innocentem ex allegatis falsorum testium reclamante propriâ scientiâ, violaret præceptum hoc naturale, *Insontem & justum non occides.*

Inst. 3. Ille tenetur judicare secundum depositionem testium, qui alligatur depositioni testium: atqui judex ut judex alligatur depositioni testium, alioqui frustra testes adhibenerunt in judiciis; ergo tenetur judex judicare secundum allegata & probata.

R. Dist. Min. Atqui judex alligatur depositioni testium, si privata scientia non reclamet, C. Si reclamet scientia privata, N. Quanquam enim teneatur sequi depositionem testium inferendâ suâ sententiâ, non tenetur tamen ei adhærere, si abstineat, ut par est, a judicando.

Inst. 4. Idcirco teneretur judex in nostra hypothesi abstine-

stinere à ferenda sententiâ, quia nullâ ratione licet occidere innocentem: atqui falsum est, quod nullâ ratione, nullo in casu id liceat.

Prob. Min. Licet iis, qui urbes obsident, explodere tormenta bellica versus illam urbis partem, in quâ obfessi omnes parvulos collocassent; ergo licet aliquando propter bonum publicum innocentes opprimere.

R. Dist. Cons. Licet aliquando innocentes opprimere, modò id fiat indirectè tantum, C. si id fiat directè, N. Igitur obfessor directè non intendit occidere parvulos insontes, primarius enim ejus finis est dejicere muros, ut fiat possessor urbis: Secùs autem est de judece, cuius finis primarius est conservare innocentes, quos tamen directè opprimeret, si judicaret, ex allegatis.

Inst. 5. Non magis judeex judicando secundum allegata & probata censeretur directè occidere innocentem, quam carnifex justitiae minister exequendo sententiam mortis in eum, quem certò nosset innocentem.

R. Nego par. Ratio disp. quia carnifex est nudum justitiae instrumentum, cuius proinde non est in patientis innocentiam inquirere; at verò judeex est causa cognitor, in cuius conscientia lex naturalis deposituit autoritatem conservandi innocentis, quod fieri potest.





PHILOSOPHIAE PARS TERTIA, DE REBUS METAPHYSICIS.



QUÆSTIO PRIMA.

De Existentia & Natura Metaphysices.

PROPOSITIO.

Existentia Metaphysica.

PROB. Nomine Metaphysices intelligitur scientia entis realis ab omnia materia secreti : atqui ex illit scientia entis realis ab omni materia secreti : nam certò a' que evidenter novimus : *Ens esse intelligibile, quia verum est : Deum existere, quia existunt creature ; Animam rationalem esse immortalē, quia est substantia spiritalis.* Ergo existit Metaphysica.

O B J E C T I O.

I qua datur Metaphysica, inutiles sunt aliæ scientiæ ; falsum consequens.

PROB. Maj. Tunc inutiles erunt aliæ scientiæ, cùm dabitur scientia, quæ spectet objectum omnium scientiarum : atqui, si qua datur Metaphysica, spectat objectum omnium scientiarum, nempe ens omne.



R. Dist.

R. Dist. Maj. Cùm dabitur scientia, quæ spectet obje^ctum, formale omnium scientiarum, C. Objec^ctum materiale, N. At ens, quod est commune Metaphysicæ cum aliis scientiis, aliter ab ipsa, aliter ab aliis spectatur; ab ipsa quidem spectatur ens ut ens generatim: Ab aliis vero ens ut tale & determinatum, v. g. à Physicâ ut corpus naturale.

Inst. Ea sufficit scientia, quæ tractat de rebus omnibus: atqui unica Metaphysica (si datur) tractat de rebus omnibus; ergo unica sufficit Metaphysica, si datur.

R. Dist. Maj. Quæ tractat de rebus omnibus spectatis tam secundum rationes suas specificas & particulares, quam secundum genericas, C. Speciatis secundum rationes genericas tantum, N. Porro Metaphysica non attingit speciales rerum omnium rationes, sed duntaxat genericas, quatenus ne m^epe sunt entia: aliæ vero scientiæ attingunt speciales illas rerum rationes, v. g. Physica rationem corporis ut corpus est.

Inst. 2. Disciplina, quæ tractat de genere, tractat & de speciebus huic generi subiectis: atqui Metaphysica, si datur, tractat de ente generatim; ergo tractat quoque de rebus omnibus secundum rationes speciales spectatis.

R. Dist. Maj. Tractat & de speciebus huic generi subiectis, si species illæ participant objectum formale disciplinæ, C. Si non participant, N. Porro res omnes speciatæ secundum speciales suas rationes non participant objectum formale Metaphysics, nempe abstractionem ab omni materia: Si corpus non abstrahit ab omni materia: hinc est, quod Metaphysica speciales rerum omnium rationes non attingat.

Inst. 3. Disciplina, quæ tractat de gradu, qui identificatur cum ratione speciali rerum omnium, tractat quoque de ipsa ratione speciali rerum omnium: atqui Metaphysica tractat primò per se de gradu entis, qui identificatur cum ratione speciali rerum omnium.

R. Dist. Maj. Qui identificatur formaliter, C. Entitativè, N. At gradus genericus entis & gradus specialis talium entium formaliter distinguuntur, quia diversas fortijuntur ideas & definitiones.

Inst. 4. Quod nihil est formaliter præter ens, identifi-

tificatur formaliter cum ente : atqui rationes speciales rerum omnium nihil sunt formaliter præter ens, v. g. corpus ut corpus nihil est præter ens.

R. Dist. Min. Atqui rationes speciales rerum nihil sunt præter ens tale, seu determinatum, C. Præter ens generatim ut ens præcisè, N. Sic corpus est ens tale, nempe corporeum seu contractum per corporeitatem.

Inst. 5. Atqui ens tale, nihil dicit præter ens generatim.

Prob. Subf. Si ens tale diceret aliquid præter ens generatim, ens generatim non esset transcendentale ad omnia : atqui tamen est.

R. Dist. Maj. Non esset transcendentale ad omnia, quæ se habent ut differentiæ entis, C. Quæ se habent ut species, N.

II. PROPOSITIO.

Metaphysica est scientia propriè dicta.

PROR. Habitus demonstrativus rei necessariæ per causas, est scientia propriè dicta : atqui Metaphysica est habitus demonstrativus rei necessariæ per causas : plures enim ipsa conficit demonstrationes de objecto suo, v. g. Deum existere, quia existunt creatura ; Deum esse immutabilem, quia est infinitè perfectus ; aeternum, quia immutabilis ; animam nostram esse incorruptibilem, quia substantia spiritus est ; ergo Metaphysica est scientia propriè dicta.

O B J E C T I O.

Scientia definitur cognitio rerum inferiorum per inferiores causas, habetque cum sapientiâ oppositionem : atqui Metaphysica non est cognitio rerum inferiorum, est vero sapientia.

R. Dist. Maj. Scientia specificè sumpta, C. Scientia genericè sumpta, N. Nam sic, est cognitio vera certa & evidens rei necessariæ per causas, abstrahendo à rebus inferioribus, & altissimis.

Inst.

Inst. Scientia genericè sumpta est cognitio abstrahens à rebus altissimis & inferioribus : atqui Metaphysica non est hujusmodi ; ergo non est scientia genericè sumpta.

R. Dist. Cons. Ergo Metaphysica non est scientia genericè, hoc est non est genus scientiæ abstrahentis à rebus inferioribus & altissimis, C. Non est scientia genericè, hoc est non comprehenditur sub genere scientiæ tanquam species, N.

Inst. 2. Atqui Metaphysica non est scientia comprehensa sub genere scientiæ.

Prob. Subf. Vera scientia debet habere objectum certum & determinatum : atqui Metaphysica non habet objectum certum & determinatum ; siquidem excurrit indeterminatè per omnia,

R. Dist. Min. Atqui Metaphysica non habet objectum certum & determinatum , id est, limitatum ad certam entis speciem, ut Physica, C. Non habet objectum certum , id est, certe assignabile , N. Nam versatur circa ens reale ut ens generatim.

Inst. 3. Objectum scientiæ debet esse intelligibile : atqui ens ut ens generatim , non est intelligibile ; ergo non potest esse objectum Metaphysicæ ut scientiæ.

Prob. Min. Quod abstrahit à materia intelligibili, non est intelligibile ; atqui ens ut ens generatim, abstrahit à materia intelligibili, sensibili, & singulari.

R. Nego Maj. Nam materia intelligibilis , est materia prima, vel aliquid dicens essentialē habitudinem ad materiam, v. g. quantitas : atqui quod abstrahit à materia sic specificatā potest esse intelligibile , ut substantia generatim , accidens , ens ut ens.

Inst. 4. Quod abstrahit à materia sensibili non est sensibile ; ergo quod abstrahit à materia intelligibili, non est intelligibile.

R. Nego Cons. & par. Ratio disp. quia nihil est sensibile præter materiam sensibilem ; proindeque , si quid ab ea abstrahat, nequit esse sensibile : at multa sunt intelligibilia præter materiam intelligibilem, ut substantia generatim : proindeque si quid ab eâ abstrahat , adhuc potest esse intelligibile.

Inst. 5. Nihil potest intelligibile , nisi fuerit sensibili-

le, Nihil est in intellectu, quin prius fuerit in sensu: atqui quod abstrahit à materia intelligibili, non potest esse sensibile; ergo quod abstrahit à materia intelligibili, nequit esse intelligibile.

R. Dist. Maj. Nisi fuerit sensibile, vel per se, vel per aliud, vel proximè, vel remotè, C. Per se & proximè, N. Porro ens ut ens, est sensibile per singularia sua, per hoc & illud ens in singulari.

Inst. 6. Atqui ens, quod abstrahit à materia intelligibili, non potest fieri sensibili, per aliud & remotè.

Prob. Subs. Quod non potest realiter existere etiam per aliud, non potest fieri sensibile etiam per aliud; atqui ens, quod abstrahit à materia intelligibili, nequit realiter existere etiam per aliud; siquidem abstrahit quoque à materia singulari, & sensibili; ergo non potest esse sensibile per sua singularia.

R. Dist. Min. Atqui ens ut ens generatim, non potest existere realiter, ens secundo intentionaliter sumptum pro ipsa ratione universalitatis formalis, C. Ens primò intentionaliter pro ipso gradu entis ut sic, N.



QUÆSTIO SECUNDA.

De Potentia Obedientiali,

I. PROPOSITIO.

Datur in creaturis potentia obedientialis.

PROB. Nomine potentiae obedientialis intelligitur quædam capacitas producendi, vel recipiendi aliquid, quod naturæ vires excedat: atqui datur in creaturis capacitas producendi vel recipiendi aliquid, quod naturæ vires excedat; nam datur in intellectu capacitas Dei intuitivè videndi, & in voluntate capacitas Dei intuitivè videndi, & in voluntate capacitas elicendi actus charitatis circa Deum: cùm enim intellectus noster sit summè intellectivus, Deus autem ut videndus intuitivè,

fit intelligibilis, est in intellectu nostro capacitas Dei intuitivè videndi. Idem dicendum de voluntate nostra respectu amoris, ergo datur in creaturis potentia obedientialis.

O B J E C T I O

Si daretur potentia obedientialis in creaturis, ea vel foret naturalis, vel supernaturalis: atqui neutrum dici potest: si enim esset naturalis, nihil posset ad effectus supernaturales, si autem foret supernaturalis, recipi non posset in creaturâ purè naturali; ergo non datur potentia obedientialis.

R. Nego Min. Et dico potentiam obedientialem esse naturalem simul & supernaturalem sub diverso respectu; est quidem naturalis entitativè & intrinsecè, quia non distinguitur realiter ab entitate creaturarum, quarum est potentia obedientialis; est autem supernaturalis extrinsecè, quatenus connotat effectus supernaturales attingendos, Deo specialiter & uberiori concurrente.

Inst. Potentia, quæ proicit effectus intrinsecè supernaturales, est intrinsecè supernaturalis; atqui potentia obedientialis, si datur, proicit effectus supernaturales intrinsecè, v.g. visionem Dei intuitivam.

R. Dist. Maj. Quæ proicit per se & ex natura sua effectus intrinsecè supernaturales, C. Quæ proicit per complementum supernaturale desuper infulum, N. Porrò intellectus, v. g. proicit visionem Dei intuitivam: non per se & ex natura sua, sed per complementum supernaturale, quod à Theologis dicitur *lumen glorie*.

Inst. 2. Illud est per se & ex natura sua supernaturale, quod creaturæ non inest, nisi specialiter à Deo infundatur: atqui potentia obedientialis est hujusmodi, si datur.

Prob. Min. Potentia obedientialis est quædam capacitas eliciendæ actionis supernaturalis, quæ fit, ut creatura sit formaliter potens elicere actionem hanc: atqui creatura non est potens elicere actionem supernaturalem, nisi potentia illa specialiter infundatur.

R. Dist. Min. Nisi specialiter potentia infundatur ratione complementi, C. Ratione sui, N. Sic potentia videndi Deum intuitivè à Deo infunditur ratione complementi.

quod est lumen gloriae : at non ratione sui , quia est ipsa mentis intellectivitas.

Inst. 3. Vel potentia obedientialis , quae est in intellectu , v. g. ad videndum Deum , infunditur à Deo ratione sui , vel ratione sui est homini congenita : atqui non est congenita homini.

Prob. Min. Si potentia videndi Deum intuitivè esset homini naturaliter congenita , homo naturalem haberet appetitum videndi Deum. Falsum consequens.

R. Dist. Maj. Homo naturalem haberet appetitum videndi Deum inchoatum , C. Completum & perfectum , N. Appetitus autem ille inchoatus constituit in summâ & universalissimâ mentis intellectivitate.

Inst. 4. Si homo haberet naturalem videndi Deum appetitum inchoatum , visio Dei intuitiva esset homini naturalis & debita. Falsum Cons.

R. Nego Maj. Cum enim visio Dei intuitiva non appetatur ab homine , nisi quatenus elevato per auxilium gratiae supernaturalis , non potest esse naturalis & debita , sicut nec gratia.

Inst. 5. Illud est homini naturale & debitum , ad quod habet potentiam & appetitum saltem inchoatum : atqui supponitur homo habere appetitum inchoatum ad visionem Dei intuitivam. Ergo esset ei naturalis & debita.

R. Nego Maj. Nam illud solum est homini naturale & debitum , ad quod habet potentiam completam naturaliter.

Inst. 6. Reunio animæ cum corpore est homini naturalis & debita , licet homo non habeat ad eam appetitum naturalem nisi inchoatum ; ergo illud est homini naturale & debitum , ad quod homo naturalem habet appetitum inchoatum.

R. Dist. Cons. Si illud sit supernaturale duntaxat quoad modum , C. Quoad substantiam & entitatem , N. At reunio animæ cum corpore est naturalis quoad substantiam , licet non sit naturalis quoad modum , quo fit ; hinc est animæ debita quoad substantiam , at non quoad modum .

II. PROPOSITIO.

Non datur potentia obedientialis in quolibet ad quodlibet.

PROB. Dari potentiam obedientialem in quolibet ad quodlibet, est quamlibet promiscue creaturam elevari posse ad quoslibet promiscue effectus producendos. Atqui implicat quamlibet promiscue creaturam elevari ad quoslibet promiscue effectus producendos; nam implicat creaturam elevari ad eos effectus producendos, ad quos nullam habeat proportionem potentiamve saltem inchoatam: atqui plures sunt creaturæ, quæ nullam prorsus habent proportionem potentiamve etiam inchoatam ad effectus quoslibet promiscue producendos: Sic punctum zenonicum nullam habet proportionem cum magnitudine mensurandâ, lapis cum visione eliciendâ: Ergo implicat quamlibet promiscue creaturam elevari ad quoslibet promiscue effectus producendos, proindeque non datur potentia obedientialis in quolibet ad quodlibet.

OBJECTIO.

POTENTIA obedientialis est essentialis subjectio creaturæ ad Deum in ordine ad effectus supernaturales: atqui quælibet creatura habet hujusmodi potentiam in ordine ad quoslibet effectus.

Prob. Min. Quælibet creatura habet potentiam in ordine ad effectus, qui continentur intra limites creaturæ: atqui effectus quilibet (in quæstione) continentur intra limites creaturæ.

R. Dist. Maj. Qui continentur intra limites creaturæ cuiuslibet indiscriminatim, C. Creaturæ certæ & determinatæ, N. Porro effectus, in quæstione, continentur intra limites creaturæ non cuiuslibet, sed certæ & determinatæ, v. g. visio Dei intuitiva continetur intra limites intellectus humani lumine corporei, nullam habentis cum Deo videndo proportionem.

Inst. Effectus finiti continentur intra limites facultatis finitæ : atqui effectus, in quæstione, sunt finiti. Ergo continentur intra limites cuiuslibet indiscriminatim creatura.

R. Dist. Maj. Effectus finiti continentur intra limites facultatis finitæ proportionem habentis cum talibus effectibus, C. Nullam habentis proportionem, N. At quælibet creatura non habet sufficientem proportionem cum quibuslibet effectibus ; v. g. punctum Mathematicum cum quantitate mensurandâ.

Inst. 2. Ut effectus contineatur intra limites facultatis productivæ, sufficit proportio generica ; atqui quælibet creatura habet proportionem genericam cum quolibet effectu finito,

R. Dist. Maj. Sufficit proportio generica proxima, & sufficiens, C. Remota & insufficiens, N. At proportio generica, quæ est inter creaturam quamlibet, & effectum quemlibet, est valdè remota & insufficiens, v. g. proportio entis, quæ est inter punctum Mathematicum, & quantitatem mensurandam.

Inst. 3. Inter causam & effectum producendum, sufficit proportio productivi & producibilis : atqui quælibet creatura est productiva, quilibet effectus sunt producibles ; ergo sufficiens est proportio generica inter quamlibet creaturam & quemlibet effectum.

Prob. Maj. Tam ad producendum quemlibet effectum sufficit proportio productivi & producibilis, quam ad videndum intuitivè Deum sufficiat proportio intellectivi, & intelligibilis.

R. Nego par. Ratio disp. quia potentia quælibet intellectiva est universalis in cognoscendo ; at quælibet causa non est universalis in producendo ; sic potentia productiva muscarum est limitata ad muscas, nec potest se se extendere ad productionem angelorum.

Inst. 4. Ideò sufficit proportio intellectivi ad intelligibile, quia in intellectivo est potentia saltem inchoata, quæ potest compleri, & reddi sufficiens ab agente superiori uberiori concurrente : atqui pariter in qualibet creatura productiva, est inchoata potentia, quæ possit reddi sufficiens & compleri ad quemlibet effectum.

Prob Min. Ut potentia productiva de se reddatur sufficiens ad quemlibet effectum, satis est, si Deus suo uberiori concurso possit supplere defectum potentiae ad quemlibet effectum: atqui Deus potest absolute supplere hujusmodi defectum.

R. Dist. Min. Atqui Deus potest absolute supplere hujusmodi defectum, ita ut supplendo, censeatur solus agere, atque effectum producere, C. Ita ut creatura producat effectum unum cum Deo, N. Etsi enim Deus possit solus producere frigus, v. g. non potest tamen praestare, ut ignis producat frigus, siquidem nullam habet cum tali effectu proportionem.

Inst. 5. Deus non est minus potens inter agendum cum creaturis, quam si ageret solitariè. Ergo si possit sine creatura supplere defectum causae productivæ, poterit & supplere inter agendum simul cum creatura.

R. Dist. Cons. Poterit, nisi repugnet ex parte creaturæ, C. Si repugnet ex parte creaturæ, N. At repugnat creaturam erumpere in actum, quem non contineat, vel ad cuius oppositum sit à naturâ suâ determinata, v. g. ignis ad productionem frigoris, cum sit ex natura sua determinatus ad calorem.

Inst. 6. Non magis repugnat ex parte creaturæ, quamlibet creaturam erumpere in quemlibet effectum, quam ignem inferiorum materialem torquere dæmones spiritales: atqui hoc non repugnat, sicut nec repugnat aquam baptismalem producere gratiam sanctificantem.

R. Dist. Min. Atqui non repugnat ignem inferiorum torquere dæmones, moraliter, C. Torquere physicè, N. At ignis inferiorum torquet dæmones non physicè, quasi physicè agat in ipsis per influxum realem, sed moraliter, quatenus ad presentiam ignis excitantur in voluntate dæmonum dolores acerbissimi. Idem dicendum de aqua baptismali respectu gratiarum sanctificantium.

Inst. 7. Nisi ignis inferiorum torqueret physicè; non torqueret veris & miris modis; atqui torquet veris & miris modis; ex S. August.

R. Dist. Maj. Non torqueret veris & miris modis physicis per influxum realem, C. Veris & miris modis moralibus, sed tamen efficacissimis, N. At ignis inferiorum

tor-

torquet veris & miris modis, eo sensu quod dæmones experientur acerbissimum doloris sensum ad præsentiam ignis infernalis, non quidem physicè, sed moraliter agentis.



QUÆSTIO TERTIA.

De primo cognitionis Principio.

I. PROPOSITIO.

Primum cognitionis Principium est ista propositio:

(*Quidquid evidenter percipitur, illud est certissimum.*)

PROB. Illud est primum cognitionis Principium, vi cuius certi sumus de cœteris quibuscumque principiis & propositionibus: atqui de cœteris quibuscumque principiis naturalibus certi sumus vi illius propositionis, (*quidquid evidenter percipitur, illud est certissimum.*) Nam in tantum certi sumus de veritate naturali alicujus propositionis, in quantum evidenter percipimus rem esse talem, qualis per propositionem exprimitur; idque constat inductione, sc. non aliter certi sumus, his duo esse quatuor triangulum tribus constare angulis; circulum habere partium suarum aequidistantiam à centro; totum esse majus suâ parte; impossibile esse idem simul esse & non esse, quamvis quia hæc & similia evidenter percipimus; quidquid autem evidenter percipitur, illud est certissimum. Ergo prædicta propoñtio est primum cognitionis principium.

O B J E C T I O.

Primum cognitionis principium debet esse causa cœterorum. Atqui hæc propoñtio (*quidquid evidenter, &c.*) non est causa veritatis cœterorum principiorum, v. g. istius, *declinandum est à malo.*

R. Dist.

R. Dist. Maj. Debet esse causa cognoscendi cœterorum;
 C. Causa esendi, N. Porrò hæc propositio quidquid, &c. est
 unica causa cognoscendi cœterorum principiorum : quia in
 tantum certi sumus de cœteris, in quantum sunt eviden-
 tia.

Inst. Si ista propositio (*quidquid, &c.*) esset causa
 cognoscendi cœterorum principiorum, de nullius proposi-
 tionis veritate certi esse possemus, nisi prius cognita pro-
 positione illa : atqui multa possunt nobis esse certa, quin
 prius innotuerit hæc propositio, (*quidquid, &c.*) ut sit
 apud Rusticos.

R. Dist. Maj. Nisi prius cognitâ hâc propositione, cogni-
 tâ, vel formaliter, & secundum terminos, quibus concipitur, vel
 æquivalenter, & secundum sensum, C. Nisi cognitâ formaliter,
 N. At nemo vel rusticus potest esse certus de minimâ
 veritate naturali, nisi vi istius principii, saltem æquivalenter
 præcogniti, scilicet, quia veritas est evidens, & convi-
 cens.

Inst. 2. Non sumus certi de veritate cœterarum proposi-
 tionum vi illius propositionis, quæ mutuantur certitudinem suam
 ab aliâ propositione priori : atqui hæc propositio (*quid-
 quid, &c.*) suam mutuantur certitudinem ab ista alia propo-
 sitione, *Deus est verax & bonus.*

Prob. Min. In tantum certus sum de ista propositione
 (*quidquid, &c.*) in quantum certus sum errare me non posse
 in rebus evidentibus : atqui non possum esse certus non et-
 rare me in rebus evidentibus, nisi prius certus fuerim, Deum
 esse veracem & bonum.

R. Nego Min. Imò non sum certus Deum esse veracem
 & bonum, nisi quia id evidenter percipio ; (*quidquid autem
 evidenter percipitur, illud est certissimum.*)

Inst. 3. Non possum esse certus non errare me in rebus
 evidentibus ; nisi prius certus fuerim, non falli me in per-
 ceptione rerum evidentium ab aliquo præpotente, sed ma-
 ligno genio : atqui non possum esse certus non falli me sic,
 nisi prius certus fuerim, Deum esse veracem & bonum.

Prob. Min. Non possum esse certus non falli me in per-
 ceptione rerum evidentium ab eo genio, qui potest infinitis,
 quos penetrare & prævidere non possum, modis deciperet me :
 atqui præpotens ille sed malignus genius posset infinitis, quos
 pene

penetrare non possum , modis decipere me , nisi certus sim
Deum esse veracem & bonum.

R. Dist. Min. Atqui præpotens ille & malignus genius
posset infinitis decipere me modis in rebus obscuris, C. In re-
bus perspicuis, N. Namque error non aliundē nasci potest quām
ab obscuritate.

Inst. 4. Ens , à quo pendet essentialiter evidētia per-
ceptionum nostrarum, posset decipere nos in rebus evidētibus,
nisi verax supponeretur & bonum : atqui ab illo præpotente,
& superiori genio pendet essentialiter evidētia per-
ceptionum nostrarum.


R. Dist. Maj. Ens , à quo pendet evidētia perceptio-
num nostrarum , ut sit conjuncta cum veritate , C. Ut existat
præcisè , N. Porrò pendet quidem à Deo evidētia , ut existat
aliqua ; at ab eo non pendet , ut sit necessariò conjuncta cum
veritate.

Inst. 5. Evidētia perceptionum nostrarum pendet ab
aliquo ente supremo , ut existat. Ergo non possum esse cer-
tus de existētia evidētiae , nisi prius certus fuerim de exi-
stētia Dei.

R. Dist. Ant. Evidētia pendet à Deo , ut existat aliqua,
pendet quoad se , C. Quoad nos , N. Nam prius certus sum de
evidētia perceptionis meæ , quam assurgam inde ad notitiam
existētiae Dei : sicut prius innotescunt nobis creaturæ , ex
quibus devénimus ad notitiam Dei.

Inst. 6. Qui non est certus de principio , non potest esse
certus de principiato : atqui qui non est certus de existētia
Dei , non est certus de principio ipsius evidētiae ; ergo nec de
ipsa evidētia.

R. Dist. Maj. Qui non est certus de principio cognoscendi , C. de principio essendi , N. Porrò Deus est principium
essendi , at non cognoscendi , quia incipiunt à cognitione
creatuarum , & inde procedimus ad
notitiam Dei.



II. PROPOSITIO.

Primum cognitionis principium est ista propositio.

(*Impossibile est idem simul esse & non esse.*)

PROB. Ea propositio primum est cognitionis principium, quæ est universalissima, indemonstrabilis, & demonstrativa cœterarum. Atqui ista propositio, (*impossibile est idem simul esse & non esse,*) est hujusmodi : est quidem universalissima, siquidem consistat terminis universalissimis, nimirum ente & non ente : est indemonstrabilis, siquidem nulla est alia propositio, per quam demonstrari possit veritas hujus propositionis (*si forte negetur :*) tandem est demonstrativa cœterarum, quia per eam propositionem possent facile revinciri falsitatis, qui cœteras temerè negassent propositiones, quia manifestæ contradictionis arguerentur, & fateri cogerentur, idem simul esse & non esse ; (*impossibile autem est idem simul esse & non esse.*) Ergo prædicta propositio est primum cognitionis principium.

O B J E C T I O.

Primum cognitionis principium debet esse demonstrativum cœterarum propositionum. Atqui hæc propositio, (*impossibile est, &c.*) non est demonstrativa cœterarum.

Prob. Min. Propositio negans non infert affirmantem, alioqui conclusio non sequeretur deteriorem partem : atqui hæc propositio (*impossibile est idem, &c.*) negans est, & propositiones bene multæ sint affirmantes.

R. Dist. Maj. Propositio negans non infert affirmantem, non infert directè, C. Indirectè & deducendo ad incommodum, N. Porrò hæc propositio (*impossibile est, &c.*) probat indirectè affirmantes, v. g. hanc (*totum est majus sua parte,*) hoc pacto :

Impossibile est idem simul esse & non esse.

Atqui, si totum non esset majus suâ parte, idem simul esset & non esset tosum.

Ergo impossibile est rotum non esse maius suā parte,

R. 2. Negando Min. Quia dici potest hanc propositionem, (*impossibile est, &c.*) esse affirmantem, & sic veritatem debere, (*idem simul esse & non esse, est impossibile.*)

Inst. Própositio cœterarum demonstrativa debet esse universalissima. Atqui hæc propositio (*impossibile est, &c.*) non est universalissima.

Prob. Min. Ea propositio non est universalissima, quæ non negat quodlibet medium inter ens & non ens: atqui hæc propositio, (*impossible, &c.*) non negat quodlibet medium inter ens & non ens, quia negat solum medium per participationem; at non per exclusionem.

R. Nego Min. Quia medium per participationem inter ens & non ens, & medium per exclusionem sunt unum & idem in contradictoriis: siquidem ens simul & non ens, est neque ens, neque non ens: non est quidem ens, quia est non ens; non est verò non ens, quia est ens.

Inst. i. Medium per exclusionem & medium per participationem non sunt unum & idem. Ergo propositio, quæ negat medium per participationem, non ideo negat medium per exclusionem.

Prob. Ant. Medium per participationem, & per exclusionem non sunt quid idem; si ex eo quod Petrus neque sit in templo, neque non sit in templo, non possit inferri enim simul esse & non esse in templo: atqui non potest inferri sic.

R. Nego Min. Nam erit in templo, quia dici non potest eum non esse in templo; Secundò, non erit in templo, ut supponitur. Ergo erit simul & non erit in templo.

Inst. 3. Ex eo quod aliquid neque sit album, neque nigrum, neque sit videns, neque cœcum, non potest inferri, illud simul esse album & nigrum, videns & cœcum: ergo à pari ex eo quod Petrus neque sit in templo, neque non sit, non licet inferre eum esse simul & non esse.

R. Nego Maj. & par. Ratio disp. quia album & nigrum sunt duo contraria: at inter contraria datur medium omni sensu: esse verò & non esse in templo, sunt duo contradictiones latissimè patentia;

Inst.

Inst. 4. Atqui pariter negatio non entis, non infert ens, sicut negatio nigri non infert album.

Prob. Subf. Non magis negatio non entis infert ens, quam negatio tenebrarum inferat lucem.

R. Nego par. Ratio disp. quia lux & tenebrae sunt duo privativa, ideoque minus latè patent, quām ens & non ens simpliciter, quæ sunt duo contradictoria.



QUÆSTIO QUARTA.

Sit - ne possibilis creatura creatrix.

I. PROPOSITIO.

Possibilis est creatura creatrix.

PROB. Possibilis est ea creatura, quæ nihil arguit infinitum & independens soli Deo proprium. Atqui creatura creatrix nihil argueret infinitum & independens soli Deo proprium. Nam creatura creatrix argueret solummodo virtutem producendi aliquid è nihilo subjecti; atqui virtus producendi aliquid è nihilo subjecti non est infinita, vel independens, soli Deo propria; non magis enim opus est virtute infinita ad producendum aliquid è nihilo subjecti in creatione, quām ad producendum aliquid è nihilo sui in eductione: atqui non requiritur virtus infinita ad producendum aliquid è nihilo sui in negotio eductionis, ut omnes agnoscant; ergo nec requiritur virtus infinita ad producendum aliquid è nihilo subjecti in negotio creationis; neque enim longius distant ab invicem subjectum & nihilum subjecti, quam esse sui, & nihilum sui. Igitur possibilis est creatura creatrix.

O B J E C T I O.

Implicat creaturam fieri causam universalissimam. Atqui creatura creatrix foret causa universalissima.

Prob. Min. Effectus universalissimus non venit nisi à PARS III. Q. cau-

causâ universalissimâ : atqui effectus creationis est universalissimus, cùm sit ipsum ens creabile : Ergo creatura creatrix foret causa universalissima.

R. Dist. Min. Atqui effectus creationis est universalissimus, si sit effectus creationis universalissimæ & independentis, C. si sit effectus creationis particularis & dependentis, N. Porro non contendimus posse creaturam creare entia quælibet creabilia universaliter & independenter, sed aliqua tantum, pro ratione virtutis, quæ creaturæ potest à Deo comunicari.

Inst. Atqui effectus creationis nullus esse potest nisi à causa universalissima & independenti. Ergo nulla solutio.

Prob. Subs. Effectus, qui supponit in causa sua virtutem simpliciter infinitam, non potest esse nisi à causa universalissima & independenti ; atqui effectus creationis, præcisè ut creatio est, supponit in causa virtutem simpliciter infinitam.

Prob. Min. Ea virtus est simpliciter infinita, quæ superat distantiam terminorum simpliciter infinitam : atqui effectus creationis supponit in causa sua virtutem, quæ superet distantiam simpliciter infinitam.

Prob. Min. Virtus creandi superat distantiam, quæ est inter ens & nihil purum : atqui distantia hæc est simpliciter infinita, inter terminos infinitè distantes, & omnimodè disproportionatos. Ergo virtus creandi superat distantiam simpliciter infinitam.

R. Ditt. Maj. Hanc virtus creandi superat distantiam ; quæ est inter ens & nihil, finita, C. Inter ens & nihil infinita, N.

R. Dist. Min. Atqui distantia nihil ad ens est infinita, si sint ens infinitum & nihil infinitum, C. Si sint ens finitum, & nihil finitum, N. Porro ens creaturæ est finitum, pariter & ejus nihilum est finitum ; sicque non videntur infinitè distare, præfertim cum ambo convenienter in eo, quod de nihilo participent ; sic v. g. homo est ens finitum, quia in homine est negatio infinitorum entium, seu perfectionum, quibus caret.

Inst. 2. Atqui ens creaturæ, & ejus nihilum, tametsi finita, infinitè distant. Ergo nulla solutio.

Prob. Subs. Ea infinitè distant, inter quæ nulla datur similitudinem.

similitudo vel propinquitas : atqui inter ens creaturæ ejusque nihilum nulla datur similitudo vel propinquitas, cum se totis discrepent. Ergo infinitè distant.

R. Dist. Maj. Ea infinitè distant, inter quæ nulla datur similitudo neque positiva, neque negativa, C. Similitudo positiva tantum, N. Porro inter ens creaturæ, ejusque nihilum, nulla quidem datur similitudo positiva, qualis esse solet inter entia duo realia & positiva. At datur aliqua similitudo saltem negativa inter ens creaturæ ejusque nihilum, quatenus non est inter ea disproportio tanta, quanta cogitari potest, v. g. quanta inter ens Dei, ejusque nihilum.

Inst. 3. Ea distantia est omnino infinita, quæ tanta est, ut major cogitari non possit: atqui major cogitari non potest distantia, quam quæ est inter ens creaturæ ejusque nihilum.

Prob Min. Major cogitari nequit distantia, quam quæ est inter terminos, qui in nullo prorsus conveniunt; atqui ens creaturæ, ejusque nihilum in nullo prorsus conveniunt, neque ratione sui, neque ratione subjecti, siquidem creatio sit ex nihilo tum sui, tum subjecti.

R. Dist. Maj. Major cogitari nequit distantia, quam quæ est inter terminos, qui in nullo prorsus conveniunt, & sunt infiniti, C. Et sunt finiti, N. Porro termini creationis sunt ambo finiti, puta ens creaturæ ejusque nihilum.

Inst. 4. Licet termini creationis universalissimæ sint finiti, puta creaturæ, earumque nihilum, attamen infinita requiritur virtus ad creandam universaliter quamlibet creaturam. Ergo etiam quanvis termini creationis particularis sunt finiti; tamen infinita videtur requiri virtus ad creandam aliquam in particulari creaturam.

R. Nego Cons. & par. Ratio disp. quia creare universaliter quamlibet creaturam arguit independentiam, & rationem primæ causæ supra sortem omnis creaturæ, proindeque arguit infinitam virtutem: non item creare particulariter aliquam determinatè creaturam, quia potest competere uni certæ creaturæ respectu alterius creaturæ; v. g. Angelo, respectu muscæ.

II. PROPOSITIO.

Impossibilis est creatura creatrix.

PROB. Virtus simpliciter infinita nulli potest creaturæ communicari : atqui virtus creandi est simpliciter infinita ; nam ea virtus est simpliciter infinita , quæ superat distantiam terminorum simpliciter infinitam : atqui virtus creandi superat distantiam terminorum simpliciter infinitam ; superat enim distantiam , quæ est nihili creaturæ ad ens creaturæ : atqui talis distantia est simpliciter infinita , cùm sit inter terminos contradictione oppositos , quibus nihil omnino commune est ; ergo virtus creandi est simpliciter infinita , proindequæ impossibilis est creatura creatrix .

O B J E C T I O.

Possibilis est creatura , quæ cùm sit productiva de se , producat id , quod de se producibile est ; atqui creatura est de se productiva , & effectus creationis est de se producibilis ; ergo possibilis est creatura creatrix .

R. Dist. Maj. Possibilis est creatura , quæ producat id , quod de se producibile est , dependenter à subiecto educationis , **C.** Quæ producat independenter ab omni subiecto , **N.** Porro effectus creationis est producibilis independenter ab omni subiecto , sive superat vires creaturæ , quæ nihil quidquam producere potest , nisi ex subiecto præjacente .

Inst. Atqui possibilis est creatura , quæ producat effectum independenter à subiecto præjacente ; ergo nulla solutio .

Prob. Subf. Possibilis est creatura , quæ producat effectum , ad cuius productionem non requiritur infinita virtus : atqui ad producendum effectum independenter à subiecto præjacente , non requiritur infinita virtus .

Prob. Min. Ad producendum effectum finitum non requiritur infinita virtus : atqui producere effectum independenter à subiecto præjacente , est producere effectum infinitum ; ergo ad producendum effectum dependenter à subiecto , non requiritur infinita virtus .

R. Dist.

R. Dist. Maj. Ad producendum effectum finitum finito modo, non requiritur infinita virtus, C. Ad producendum effectum finitum, infinito modo, non requiritur infinita virtus, N. Porro producere effectum independenter à subiecto, in negotio creationis, est producere infinito modo, nimirum superando distantiam terminorum simpliciter infinitam, virtus autem productiva non tam estimatur ab effectu producio, quam à modo effectus producendi.

Inst. 2. Producere effectum finitum supplendo influxum finitum causæ finitæ absentis, non est producere infinito modo: atqui producere independenter à subiecto, est supplere influxum finitum causæ materialis absentis; ergo producere effectum independenter à subiecto, non est producere infinito modo.

R. Dist. Maj. Producere effectum finitum supplendo influxum finitum in genere causæ materialis, non est producere infinito modo, C. Supplendo influxum finitum in genere causæ efficientis uberioris influentis, N. Porro in negotio creationis suppletur influxus causæ materialis absentis, sed suppletur in genere causæ efficientis; ad id autem opus est infinita virtute, ut supereretur distantia terminorum simpliciter infinita.

Inst. 3. Idcirco opus esset virtute infinitâ ad supplendum influxum causæ materialis in negotio creationis, quia ibi esset infinita terminorum superanda distantia inter nihilum creaturæ & creaturam: atqui non est infinita distantia inter nihilum creaturæ & creaturam.

Prob. Min. Inter finitos terminos, non est infinita distantia: atqui nihilum creaturæ & creatura sunt termini ambo finiti, talis enim est privatio, qualis est forma, cuius est privatio; ergo non est infinita distantia inter nihilum creaturæ & creaturam.

R. Dist. Maj. Inter finitos terminos non est infinita distantia, si sint finiti ratione distantiae, C. Si sint finiti ratione sui tantum, N. Porro nihilum creaturæ & creatura sunt quidem duo termini finiti ratione sui, at infiniti sunt ratione distantiae, idque mirum videri non debet; nam si duo Angeli, vel duo homines infinitè distarent ab invicem, jam forent finiti ratione sui, & tamen infiniti ratione distantiae seu interyallii.

Inst. 4. Infinita non est ea distantia, quā potest assignari major: atqui potest assignari distantia major, quam quae est inter nihilum creaturæ, & creaturam.

Prob. Min. Deus magis distat à nihilo sui, quam creatura à nihilo creaturæ; ergo potest assignari distantia major, quam quae est inter nihilum creaturæ & creaturam.

R. Nego Ant. Quia sicut Deus & nihilum Dei in nullo conveniunt, ita creatura & nihilum creaturæ in nullo conveniunt: proindeque pariter distant.

Inst. 5. Quod non potest redigi in nihilum, magis distat à nihilo, quam quod potest annihilari: atqui Deus redigi non potest in nihilum, creatura potest; ergo Deus magis distat à nihilo sui, quam creatura à nihilo creaturæ.

R. Dist. Maj. Quod non potest redigi in nihilum, magis distat à nihilo, si major distantia à nihilo sit, ratio cur non possit redigi in nihilum, C. Secūs, N. Porrò si Deus redigi non potest in nihilum; id non habet à majore sui distantiam à nihilo, sed à suā independentiam; cùm ē contra si creatura possit annihilari, id habet à suā dependentiam, non vero à minore sui distantiam à nihilo.

Inst. 6. In tantum aliquid distat à nihilo, in quantum excludit negationem entis: atqui Deus magis excludit à se negationem entis quam creatura, quia cùm Deus magis participet de perfectione, magis etiam participat de ente; ergo Deus magis distat à nihilo, quam creatura.

R. Dist. Min. Atqui Deus magis excludit à se negationem entis, in genere perfectionum, quae non participantur à cratura, C. In genere perfectionum, quas creatura participat, N. Sic, v. g. quia Deus est omnipotens, magis excludit à se negationem entis in genere omnipotentie, quam non participat à creatura; sed Deus in ratione existentis, & realis, non magis distat à nihilo existentiæ suæ, quam creatura existens dicitur à nihilo suæ existentiæ.



Q[uæ]stio. Q[uæ]nta?

QUÆSTIO. QUINTA.

De concursu Dei cum creaturis.

PROPOSITIO.

*Deus immediate concurrit cum creaturis ad singulas
earum operationes.*

PROB. Ille concurrit immediatè cum creaturis ad singulas earum operationes, à quo creaturæ dependent dependentiâ omnium maximâ & essentiali, quæ non possit salvari sine concursu immediato: atqui creaturæ dependent à Deo dependentiâ omnium maximâ, quæ non potest salvari sine concursu Dei immediato ad singulas operationes: nam salvari non potest essentialis & omnium maxima creaturarum à Deo dependentia, nisi creaturæ intelligentur immediatè dependere à Deo in fieri, conservari, & operari: atqui intelli gî non possunt dependere à Deo immediate in operari, sine necessitate concursus Dei immediati ad singulâs operationes; ergo Deus immediatè concurrit cum creaturis ad singulas earum operationes.

O B J E C T I O.

Concursus Dei immediatus est inutilis, si creaturæ possint agere independenter à tali concursu: atqui creaturæ possunt agere independenter à concursu immediato.

Prob. Min. Quæ independenter à concursu immediato Dei habent completam agendi potentiam, possunt agere independenter à concursu Dei immediato: atqui creaturæ sunt hujusmodi.

R. Dist. Maj. Quæ habent completam agendi potentiam non subordinatam causæ superiori, C. Subordinatam agendi superiori, N. Porro quæ inest creaturis agendi potentia, ea est dependens, & essentialiter subordinata causæ superiori coagenti.

Init. Ea completam de se habent agendi potentiam sine subordinatione, quæ continent effectus suos vel eminenter

vel formaliter instar causarum principalium : atqui creaturæ sunt hujusmodi.

R. Dist. Maj. Instar causarum principalium simpliciter, & independentium, C. Instar causarum secundum quid principalium & dependentium ab agente superiori, N.

Inst. 2. Atqui creaturæ sunt independentes à concursu Dei immediato.

Prob. Subs. Sine concursu Dei immediato salvatur essentialis subordinatio creaturarum Deo per solum concursum mediatum : ergo, &c.

Prob. Ant. Tunc abundè salvatur essentialis subordinatio creaturarum Deo ; quando creaturæ dicuntur à Deo pendere in fieri, esse, conservari & operari : atqui per solum concursum mediatum creaturæ adhuc dependerent in fieri, esse, conservari & operari.

R. Dist. Min. Atqui per solum concursum mediatum, creaturæ adhuc dependerent à Deo, in fieri, conservari & operari, dependerent remotè, C. Proximè, & sufficienter, N. Nam plus est dependere inter operandum à Deo immediate concurrente per simultaneum influxum, quàm pendere mediata dōntaxat per concessam priùs facultatem operandi.

Inst. 3. Atqui essentialis dependentia creaturarum à Deo per concursum mediatum est sufficiens & proxima.

Prob. Subs. Vel redundat dependentia creaturarum à Deo immediate concurrente vel agnoscenda est dependentia à Deo physicè præmotente ; atqui hoc posterius implicat, ergo & prius,

R NegoMaj. Ratio disp. quia dependentia à Deo præmotente esset violenta, utpote eripiens creaturis debitum in actiones suas dominium, non item concursus.

Inst. 4. Vel redundat dependentia à concursu immediato, vel agnoscenda est præmotio physica, si parem utraque voluntati necessitatem inferat : atqui concursus immediatus & præmotio physica parem inferunt agendi necessitatem.

Prob. Min. Ideò præmotio physica dicitur voluntati necessitatem inferre, quia eā semel positā, voluntas non potest non agere ; sed pariter posito concursu immediato Dei voluntas non potest non agere.

R. Dist. Min. Sed pariter posito concursu immediato Dei, voluntas non potest non agere, posito tanquam hypothesi consequenti, C. Antecedenti, N. At è contra præmotio physica inferret voluntati necessitatem antecedentem, quia efficaciter applicaret creaturas, sic ut non valerent resistere.

Inst. 5. Quod necessariò prærequiritur ad agendum, se habet tanquam hypothesis necessaria & antecedens & atqui concursus Dei immediatus necessariò prærequiritur ad agendum.

R. Dist. Maj. Quod necessariò requiritur ad agendum, si non sit in nostrâ potestate illud accersere, vel non accersere, C. Si sit in nostrâ potestate illud accersere, N. At est in potestate libertatis accersere, concursum, vi suæ determinationis.

Inst. 6. Quod est prius actione creaturæ, non est in creaturæ potestate illud accersere : atqui concursus Dei immediatus prior est omni actione, & determinatione creaturarum.

R. Dist. Maj. Quod est prius prioritate temporis, vel causalitatis, C. Prioritate universalitatis, & essendi consecutio-
nis, N. At Dei concursus immediatus non est prior actione creaturæ prioritate temporis, vel causalitatis, quasi sit causa illius : at est prior universalitate, quia requiritur ad omnes universim creaturarum actiones.

O B J E C T I O II.

EX actionibus creaturarum quædam sunt bonæ, quædam malæ moraliter : atqui implicat Deum concurrere ad malas actiones ; ergo implicat Deum concurrere ad omnes.

Prob. Min. Si Deus concurreret ad actiones malas, esset author peccati : falsum consequens.

R. Dist. Maj. Si Deus concurreret ad actiones malas formaliter sumptas, ex parte malitiae, C. Materialiter sumptas ex parte actus humani, N. Porro Deus non concurrit ad formale peccati, seu ad malitiam moralem, sed & actum humanum, seu materiale peccati.

Inst. Si Deus concurrit ad actiones malas, concurrit ad id omne, ad quod ipsa concurrit creatura: atqui creatura concurrit non modo ad materiale, sed etiam ad formale peccati, ergo Deus concurreret ad peccatum formaliter sumptum.

R. Dist. Maj. Deus concurreret ad id omne, ad quod ipsa concurrit creatura efficiendo, C. Deficiendo, N. Porro creatura concurrit ad malitiam peccati, non ut causa efficiens, sed ut deficiens, quia militia nihil aliud est quam defectus.

Inst. 2. Nisi Deus concurreret ad formale peccati, esset in actionibus creaturæ gradus aliquis à Deo independens.

R. Dist. Esset in actionibus creaturæ gradus aliquis independens, gradus privativus seu defectus ipse, C. Gradus positivus & realis, N. At concurrere ad defectum sonat imperfectionem, & solius esse potest causæ deficientis; Deus autem deficere non potest.

Inst. 3. Atqui si Deus concurreret ad actiones malas, concurreret ad defectum actionis.

Prob. Subs. Qui concurrit ad id, quod est necessarium conjunctum cum defectu, concurrat necesse est ad defectum ipsum; atqui Deus concurreret ad materiale peccati, necessarium conjunctum cum defectu; ergo concurreret ad defectum ipsum.

R. Dist. Min. Atqui materiale peccati est necessarium conjunctum cum defectu, conjunctum ex parte cause secundæ deficientis, C. Conjunctum ex parte cause primæ indefectibilis, N. Nam defectus actionis unicè repetitur à libertate deficiente.

Inst. 4. Ille concurrit ad actionem ut formaliter defectuosam, qui concurrit ad actionem prout esse formaliter difformis respectu rationi: atqui Deus concurrens ad actiones malas, concurreret ad actionem prout formaliter difformem respectu rationi.

R. Dist. Min. Atqui Deus concurreret ad actionem prout est difformis ex parte creaturæ deficientis, C. Prout est difformis ex parte lui, N. Nam tota difformitas actionis petitur à causa particulari determinante & defectibili.

Inst. 5. Deus & creatura concurrunt unicâ & indivisibili actione; ergo si actio illa esset difformis ex parte creaturæ, esset quoque ex parte Dei.

R. Dist.


R. Dist. Ant. Concurrerent unicâ & indivisibili actione realiter & entitativè, C. Formaliter & consideratione, N. Nam alia est formalitas actionis, ut se tenet ex parte Dei concurrentis, alia ut se tenet ex parte creaturæ deficientis; creatura deficit in actione, quia non agit ex debito.

Inst. 6. Licet homo in actione sua non intendat difformitatem actionis, nihilominus deficit intendendo materiale peccati; ergo quamvis Deus concurrens non intendat difformitatem actionis, si tamen ponat materiale actionis, deficere censetur.

R. Nego Conf. & par. Ratio disp. quia homo est causa particularis, & determinans: Deus autem agit ut causa universalis, & determinata.

Inst. 7. Ergo saltem Deus deficit ut causa generalis & determinata.

R. Nego Conf. Sicut sol non censetur deficere in productione fructus amari.



QUÆSTIO SEXTA.

De Præmotione Physica.

PROPOSITIO.

Non datur Physica præmotio ad sensum Thomistarum.

PROB. Ea non admittenda præmotio, quæ inutilis est, noxia libertati, injuriosa Deo: atqui præmotio physica est hujusmodi. Et primò quidem est inutilis; nam ea præmotio est inutilis creaturis inter operandum, sine quâ possunt creaturæ hic & nunc ad agendum determinari: atqui sine præmotione physica possunt creaturæ hic & nunc determinari ad agendum; nam creaturæ vel sunt liberæ vel necessariæ; si liberæ sunt, suâ possunt libertate determinare se; si sunt necessariæ, suâ fatis naturali necessitate determinantur; ergo physica præmotio est inutilis.

Deinde verò est noxia libertati. Nam determinatio antecedens

cedens & physica, est noxia libertati, cuius essentia est indiffer-
rentia antecedens: atqui physica præmotio est determinatio
creaturarum à Deo antecedens & physica, & quidem talis, ut
eā semel positiā, repugnet non sequi effectum; ergo physica
præmotio est noxia libertati.

Denique est injuria Deo. Nam ea præmotio est inju-
riosa Deo, quā semel positiā Deus foret auctor peccati: atqui
positiā præmotione physicā foret Deus auctor peccati; nam
auctor est peccati, qui primus instigat & physicè applicat ad
peccandum creaturem de peccato ne quidem cogitantes; atqui
per physicam præmotionem Deus instigaret & applicaret phy-
sicè ad peccandum creaturem nē de peccato quidem cogitan-
tes, ergo est Deo valde injuria ista præmotio.

O B J E C T I O I.

PRIMUM movens physicè præmovet secundum: atqui Deus
est primum movens, creatura est secundum.

R. Dist. Maj. Primum movens prioritate causalitatis at-
que influxū, C. Prioritate dignitatis atque universalitatis, N.
At Deus est primum movens dignitate, quia summè indepen-
dens in suis operationibus, & universalitate, quia generatim
concurrit ad omnes creaturem operationes.

Inst. 1. Prima causa est primum movens prioritate cau-
salitatis: atqui Deus est prima causa simpliciter.

R. Dist. Min. Atqui Deus est prima causa existendi, C.
Operandi, N. Quia præmovet quidem physicè creaturem ad
existendum, at non ad operandum.

Inst. 2. Prima causa operans, est prima causa operan-
di: atqui Deus est prima simpliciter causa operans.

R. Dist. Min. Atqui Deus est prima simpliciter causa
operans in suis operationibus, C. In operationibus creature-
rum, N. Quia non eas ad operandū physicè determinat, sed
ad concurrendū determinatur ab ipsis.

Inst. 3. Qui operatur in nobis velle & perficere, est pri-
ma causa operans in operationibus creaturem: atqui Deus
operatur in nobis velle & perficere.

R. Dist.

R. Dist. Min. Atqui Deus operatur in nobis velle & perficere, operatur moraliter, per gratias suaviter excitantes, C. Operatur physicè, præmovendo, N.

Inst. 4. Qui attingit à fine ad finem fortiter, operatur velle & perficere, physicè præmovendo; atqui Deus attingit à fine ad finem fortiter.

R. Dist. Min. Atqui Deus attingit à fine ad finem fortiter, morali sed efficaci suatione, C. Physicâ præmotione, N. Hinc additur, *& disponit omnia suaviter*; non suaviter autem, si physicè, quia tolleret libertatem.

Inst. 5. Ille attingit à fine ad finem physicâ præmotione, cui creaturæ omnes essentialiter subordinantur in operationibus suis: atqui Deo subordinantur in operationibus suis: atqui Deo subordinantur essentialiter creaturæ omnes.

R. Dist. Maj. Cui creaturæ omnes differentialiter subordinantur tanquam physicè prædeterminanti, præmoventi, C. Tanquam concurrenti, N. Nam subordinatio creaturarum Deo fatis intelligitur per concursum, quatenus nihil quidquam operari possunt creaturæ, nisi Deo concurrente.

Inst. 6. Quæ subordinantur essentialiter Deo sicut instrumentum causæ principali, subordinantur Deo tanquam physicè præmoventi: atqui creaturæ omnes subordinantur Deo sicut instrumentum causæ principali.

R. Dist. Maj. Quæ subordinantur Deo sicut instrumentum artificiale & passivum, C. Sicut instrumentum naturale & activum, N. Porro creatura est instrumentum Dei naturale & activum, habens in se principium sui motus.

Inst. 7. Quæ non possunt movere se nisi prius moveantur à Deo, subordinantur Deo sicut instrumentum artificiale artifici suo: atqui creaturæ non possunt movere se, nisi prius moveantur à Deo.

Prob. Min. Creaturæ non possunt moveri à seipsis, ergo prius moveantur à Deo necesse est.

Prob. Ant. *Quidquid movetur, ab alio movetur* (ex axiomate,) ergo creaturæ possunt moveri à seipsis.

R. Dist. Ant. Ab alio movetur, si non habeat in se principium sui motus, C. Si habeat vim sui motivam, N. At vim illam sibi vindicant creaturæ,

Inst. 8. Si creaturæ moverentur à seip sis, jam similes-
tentia actu, & in potentia respectu sui : atqui hoc implicat.

R. Dist. Maj. Simil essent in actu, & in potentia activâ,
C. Passivâ, N. Quia motum non recipiunt aliund;

O B J E C T I O II.

QUAE dependent à Deo dependentia omnium maximâ, de-
pendent à Deo physicè præmovente : atqui creaturæ
dependent à Deo dependentia omnium maximâ.

R. Dist. Maj. Quæ dependent à Deo dependentia maxi-
mâ, violentâ & præternaturali, C. dependentia maximâ na-
turali & debitâ, N. At dependentia creaturarum à Deo præ-
movente physicè, esset violenta, quia vim faceret libertati cau-
sarum secundarum.

Inst. Ideò violenta foret dependentia creaturarum à
Deo præmovente physicè, quia vim faceret libertati causarum
secundarum : atqui hoc aperte falsum est.

Prob. Min. Ultimum libertatis complementum vim non
facit libertati ; atqui præmotio physica esset ultimum libertatis
complementum,

Prob. Min. Quod constitueret voluntatem in actu se-
cundo operantem, esset ultimum libertatis complementum :
atqui præmotio physica constitueret voluntatem in actu se-
cundo operantem.

R. Dist. Maj. Quod constitueret voluntatem in actu se-
cundo operantem indifferenter, C. Necessario, N. At præmo-
tio physica inferret necessitatem agendi antecedentem, quia
afferret determinationem physicam antecedentem.

Inst. 2. Quod relinquit potestatem non agendi in sensu
diviso, non infert necessitatem voluntati antecedentem : atqui
præmotio physica relinquit in voluntate potestatem non agen-
di in sensu diviso.

R. Dist. Maj. Quod relinquit potestatem non agendi in
sensu diviso hypothesis consequentis, C. In sensu diviso hypo-
thesis antecedentis, N. Porrò præmotio physica est hypothesis
antecedens, determinatio antecedens ; proindeque tollit indif-
ferentiam antecedentem, in quâ constitut libertatis essentia.

Inst. 3. Tam præmotio physica relinquit potestatē
agen-

agendi, & non agendi in sensu diviso, quam gratia Dei efficax: atqui gratia Dei efficax relinquit hujusmodi potestatem,

R. Nego Maj. & par. Ratio disp. quia gratia Dei efficax est solummodo moralis impulso, relinquens resistendi potentiam; non ita præmotio physica, siquidem repugnat suum non consequi effectum (ex Thomistis.)

Inst. 4. Definitum est à Concilio Tridentino, gratiam Dei non tollere libertatem, & relinquere potestatem dissentienti: atqui gratia, de qua loquitur Tridentinum, est physica præmotio surpernaturalis.

Prob. Min. Loquitur Concilium Tridentinum de gratiâ, quæ tollebat libertatem in principiis Hæreticorum: atqui sola gratia physicè præmovens tollebat libertatem in principiis Hæreticorum.

R. Dist. Maj. Loquitur Concilium de gratiâ, quæ tollebat libertatem in principiis hæreticorum, de gratiâ ut gratiâ præcisè, abstrahendo à modo ipsius physico, C. De gratiâ secundum modum impellendi physicum, quem Hæretici vindicabant ipsi, N. Scilicet Tridentinum definit generatim gratiam Dei non tollere libertatem, idque contrà hæreticos; utrum autem physicè vel moraliter suum obtineat effectum, nihil expressè definit; conjicimus solum propendisse in eam sententiam, quæ gratiæ dat moralem impulsionem, quia aliqui non videtur, quo pacto posset gratiæ voluntas resistere seu dissentire.

Inst. 6. Definitio Concilii debuit esse directè opposita errori hæreticorum: atqui error hæreticorum erat gratiam physicâ præmoventem tollere libertatem; ergo definit Concilium, gratiam physicè præmoventem non tollere libertatem.

R. Dist. Maj. Definitio Concilii debuit esse directè opposita errori, opposita quoad dogma, C. Quoad rationem dogmatis, N. Dogma erroneum erat, gratiam tollere libertatem, & hoc damnatum est à Concilio: ratio dogmatis erat;

quia erat physica motio, hoc intactum à Concilio.



QUÆSTIO SEPTIMA.

Dentur - ne Accidentia physica.

PROPOSITIO.

Dantur Accidentia physica & absoluta à substantiis realiter distincta.

PROB. Accidentia physica sunt accidentia realiter separabilia à substantiis, quarum sunt accidentia. Atqui dantur accidentia realiter separabilia à substantiis: nam in Sacramento Altaris post factam consecrationem superflunt species panis & vini, ut definitum est a Concilio Tridentino, Sess. 13. Can. 2, atqui species illæ panis & vini superstites sunt accidentia physica & absoluta. Enimvero species illæ vel sunt accidentia physica, vel accidentia modalia, vel substantiæ. Atqui non sunt substantiæ, quia tota panis & vini substantia conversa est in corpus & sanguinem Christi, ut ibidem docetur: neque sunt accidentia modalia, quia sunt separatae ab omni subjecto, Modis autem sunt inseparabiles à subjectis suis. Ergo species illæ panis & vini post factam consecrationem superstites, sunt accidentia physica & absoluta; proindeque dantur accidentia physica & absoluta à substantiis realiter distincta.

O B J E C T I O.

Nihil debet Philosophus admittere, quod sibi non fuerit evidenter notum; atqui accidentia physica non sunt evidenter nota; eorum enim nulla prorsus habetur idea. Ergo non dantur accidentia physica.

R. 1. Dist. Maj. Nihil debet Philosophus admittere, quod sibi non fuerit evidenter notum, non debet admittere tanquam evidens, C. Tanquam probabilius, N.

R. Dist. Min. Atqui accidentia physica non sunt evidenter nota, absolute & nullâ factâ hypothesi, Transeat, Non sunt evidenter nota hypotheticè suppositis semel fidei principiis

pius. N. Nam si remanent species in altaris mysterio & sub illis speciebus corpus Christi, necesse est dari accidentia physica, ut dictum est suprà.

Inst. Nullum datur accidens physicum, si quodlibet accidens sit realiter inseparabile à materia; atqui quodlibet accidens est à materia inseparabile.

Prob. Min. Modus & modificatio materiæ est inseparabilis à materia; atqui quodlibet accidens est materiæ modus & modificatio. Ergo quodlibet accidens est inseparabile à materia.

R. Dist. Maj. Modus materiæ est inseparabilis à materia, si sit modus metaphysicus, ut inflexio digiti, C. Si sit modus physicus, ut quantitas, N.

Inst. 2. Modus materiæ essentialiter inhærens, est modus materiæ metaphysicus: atqui quodlibet accidens est ens essentialiter inhærens materiæ, quia definitur sic. Ergo quodlibet accidens est modus materiæ metaphysicus.

R. Dist. Maj. Modus materiæ essentialiter inhærens in actu secundo, C. Essentialiter inhærens in actu primo tantum, N. Porrò accidens non est ens essentialiter inhærens nisi in actu primo, quatenus essentialiter exigit esse in alio, quamquam interim fieri possit, ut non sit inhærens actu secundo, si nempe subducatur inhæsionis subiectum, ut contingit in Altaris Mysterio.

Inst. 3. Si quod est accidens realiter separabile à subiecto inhæsionis, maximè magnitudo solida: atqui magnitudo non est a materia realiter separabilis.

Prob. Min. Proprietas materiæ est inseparabilis à materia. Atqui magnitudo solida est materiæ proprietas. Ergo est inseparabilis à materia.

R. Dist. Maj. Proprietas materiæ est inseparabilis à materia, si sit proprietas metaphysica, C. Si sit proprietas physica, N. Porrò magnitudo solida est materiæ proprietas physica, realiter ab ea separabilis, & separata in Altaris Mysterio.

Inst. 4. Attributum materiæ necessarium, reciprocum ab essentia materiæ profluens, est ejus proprietas metaphysica & inseparabilis. Atqui magnitudo solida est attributum materiæ necessarium & reciprocum, Ergo est ejus proprietas metaphysica.

R. Dist. Maj. Attributum materiæ necessarium necessitate metaphysicâ, C. Necessarium necessitate physicâ tantum, N. Porrò magnitudo est attributum materiæ necessarium, sed necessitate physicâ, quia physicè loquendo, nec est materia sine magnitudine, nec magnitudo absque materiâ, tametsi absolute mutuò separari queant, ut in Altaris Mysterio.

Inst. 5. Magnitudo solida est attributum necessarium necessitate metaphysicâ illius substantiæ, quæ non potest concipi nisi ut extensa & divisibilis: atqui materia concipi non potest nisi ut extensa, & divisibilis.

R. Dist. Maj. Quæ non potest concipi nisi ut extensa extensione quantitativa & impenetrabili, C. Nisi ut extensa extensione entitativâ & penetrabili, N. Porrò materia concipiatur ut extensa, entitativè, & divisibilis in plures entitatis suæ partes.

Inst. 6. Atqui materia concipi non potest nisi ut extensa quantitativer. Ergo, &c.

Prob. Subf. Materia concipi non potest, nisi ut constans duobus hinc & inde terminis, medioque interjecto: atqui non potest concipi ut constans duobus terminis. & medio, nisi concipiatur ut extensa quantitativer.

R. Dist. Maj. Materia concipi non potest nisi ut constans duobus terminis & medio interjecto, si materia spectetur in suo statu naturali & physico, C. Si spectetur in statu præternaturali, & absolute possibili, N. Porrò materia absque magnitudine est in statu præternaturali, sed statu absolute possibile, ut videre est in Sacramento Altaris.



QUÆ-

QUESTIONE: Quid est Deus? Quid est ens? Quid est substantia? Quid est causa? Quid est principio?

QUESTIO OCTAVA.

De existentia Dei.

PROPOSITIO.

Existentia Dei demonstratur efficaciter à posteriori.

PROB. Demonstrari aliquid à posteriori est demonstrari per effectus sibi necessariò & evidenter connexos: atqui existentia Dei demonstratur per effectos suos sibi necessariò & evidenter connexos, nimis per creaturas; atque potest ea demonstratio institui ferè sic:

Nomine Dei intelligitur Ens necessarium independens & perfectissimum in omni genere. Atqui existat necesse est Ens aliquod necessarium independens & perfectissimum; vel enim existit ens aliquod necessarium, vel omnia quæcunque entia, sunt contingentia; sed implicat entia omnia esse contingentia; nam si entia omnia essent contingentia, omnia possent esse vel non esse promiscuè; sed implicat entia omnia esse vel non esse indiscriminatim; nam si omnia possint esse vel non esse; supponamus omnia non esse; *possibili posito, in actu nihil sequitur absurdum*: sed si supponamus omnia non esse, jam omnia erunt possibilia simul & non erunt; erunt quidem possibilia, quia sunt contingentia, contingens enim est, quod potest esse vel non esse. Deinde non erunt possibilia, nam non erunt possibilia, quæ existentiam fortiri nunquam poterunt; atqui quæ supponuntur non esse, nunquam poterunt existentiam fortiri, nec a seipso, nec ab alio; non quidem à se, quia nihil est, quod sic possit existentiam conferre, alioqui foret seipso prius & posterius simul: non etiam ab alio, quia nihil aliud esse supponitur, cùm supposuerimus omnia non esse. Ergo implicat omnia esse contingentia, preindeque existat oportet Ens aliquod necessarium; Ens autem illud, Deus est.

OBJECTIO I.

Demonstrari à posteriori est demonstrari per effectus. At qui existentia Dei non potest demonstrari per effectus Dei, id est per creaturas.

Prob. Min. Ens necessarium non potest demonstrari per ens contingens : atqui Deus est Ens summe necessarium, creaturæ sunt entia valde contingentia.

R. Nego Maj. Immo verò si datur ens contingens, datur ens necessarium, quidem impossible est omnia entia esse contingentia; alioquin jam essent possibilia simul & non essent.

R. 2. Dist. Maj. Ens necessarium non potest demonstrari per ens contingens, quoad connexionem, C. Quoad entitatem N. Porrò creaturæ sunt entia quidem contingentia quoad entitatem, quia possunt existere vel non existere. At non sunt entia contingentia quoad connexionem, quia necessarium habent cum ente summe necessario connexionem, ut aperte vincit demonstratio S. Thomæ petita ex creaturam contingentiam.

Inst. Medium demonstrationis debet esse necessarium. Atqui entia contingentia non possunt esse medium necessarium.

R. Dist. Maj. Debet esse necessarium, vel absolute, vel hypotheticè, C. Necessarium, absolute, N. Porrò entia quidem contingentia non possunt esse medium necessarium absolute, quia possunt absolute non esse; sed sunt medium necessarium hypotheticè, quia ex hypothesi, quod semel existant, habent necessariam connexionem cum ente necessario, si quidem non sunt à seipsis.

Inst. 2. Entia absolute contingentia non possunt esse medium demonstrationis entis absolute necessarii: atqui Deus est ens absolute necessarium. Ergo creaturæ, quæ sunt entia absolute contingentia, non sunt medium demonstrationis existentiæ Dei.

Prob. Maj. Ea demonstratio foret vitiosa, cuius conclusio esset fortior præmissis, seu non sequeretur deteriorem partem. Atqui in ea demonstratione, in qua entia absolute contingentia

tia essent medium demonstrationis entis absolutè necessarii, conclusio foret præmissis fortior.

Prob. Min. In ea demonstratione, conclusio foret præmissis fortior, in qua inferretur ens absolutè necessarium ex ente non absolutè necessario: atqui in ea demonstratione, in qua entia absolutè contingentia essent medium demonstrationis entis absolutè necessarii, res ita se haberet. Ergo hujus demonstrationis conclusio foret præmissis fortior.

R. Dist. Maj. In qua inferretur absolutè ens absolutè necessarium ex ente non absolutè necessario. C. In qua inferretur hypotheticè tantum, N. At in demonstratione existentiæ Dei per creaturas infertur non absolutè, sed hypotheticè tantum ens absolutè necessarium; id est; ex hypothesi, quod existant creature, certi sumus existere ens absolutè necessarium.

Inst. 3. Atqui nequidem hypotheticè inferri potest ens absolutè necessarium, ex creaturis.

Prob. Subs. Ut legitimè inferatur ens necessarium ex creaturis, debet manifestum esse, creaturas esse ab ente absolutè necessario: atqui non liquet esse ab ente absolutè necessario.

Prob. Min. Quæ supponi possunt esse ab aliis & aliis creaturis, non liquet ea esse ab ente absolutè necessario: atqui creature possunt supponi esse ab aliis & aliis creaturis, si quidem nihil habent, quod excedat vim agendi creaturarum.

R. Dist. Maj. Quæ supponi possunt esse ab aliis & aliis creaturis sine subordinatione ad causam simpliciter primam, C. Cum subordinatione ad causam simpliciter primam, N. At detegitur essentialis subordinatio creaturarum ad causam simpliciter primam, quia cum aliæ, & aliæ creature sint contingentes, possunt supponi esse, vel non esse omnes, atque ita essent possibles, & impossibles, nisi sit causa simpliciter prima, vi cuius possent transire à statu possibilitatis ad statum existentiæ.

Inst. 4. Liquere non potest, creaturas esse subordinatas cause simpliciter primæ, nisi demonstretur impossibilem esse progressum in causis prioribus & prioribus: atqui progressus ille infinitus non potest demonstrari impossibilis. Imo jam datur polita Aristotelis sententia de Mundi æternitate.

R. Dist. Maj. Nisi demonstretur impossibilem esse progressum in causis æquivocis, C. In causis univocis N. Porro esto, quod non valeat demonstrari impossibilis progressus in causis univocis, at certè demonstratur impossibilis progressus in infinitum in causis æquivocis; quia præter collectionem omnium causarum secundarum univocarum, necesse est existere primam aliquam causam æquivocam: nam tota collectio causarum secundarum est contingens, igitur potest supponi non esse: at si non esset, jam esset possibilis, & impossibilis. nisi daretur prima causa æquivoca extra illam collectionem, & consequenter necessaria.

Inst. 5. Si collectio tota causarum secundarum possit supponi necessaria absolute, certe demonstrari non potest prima aliqua simpliciter causa æquivoca extra illam collectionem. Atqui tota collectio creaturarum potest supponi necessaria.

R. Nego Min. Cum enim singulæ collectionis hujus partes sint contingentes, quâ ratione fieri poterit collectionem esse absolute necessariam? atque hoc supponere tam absurdum est, quam ex pluribus cœcis oriri posse collectionem videntum.

Inst. 6. Quod est æternum, id est absolute necessarium: atqui in hypothesi æternitatis mundi, collectio creaturarum est æterna. Ergo potest supponi absolute necessaria.

R. Dist. Maj. Quod est æternum, id est absolute necessarium; in ea hypothesi, in qua solus Deus supponitur æternus, ut de facto se res habet, C. In hypothesi Aristotelis & S. Thomæ de Mundi æternitate, N. Nam in illa posteriori hypothesi Mundus esset æternus per participationem à Deo, tanquam primâ simpliciter causa.

Inst. 7. Quod potest supponi æternum & improductum, potest supponi absolute necessarium: atqui collectio creaturarum contingentium potest supponi æterna & improducta.

Prob. Min. Tam supponi potest entia absolute contingentia, esse tamen improducta, quam supponi possit ens absolute necessarium esse productum: atqui hoc supponitur in Mysterio SS. Trinitatis.

R. Nego Maj. & par. Ratio disp. quia non omnis productio arguit imperfectionem, si nimis rūm fiat per com-

mu-

municationem infinitæ naturæ, qualis est productio Verbi divini à Patre æterno. At omnis negatio productionis in ente existente, sonat maximam omnium perfectionum, quia dicit independentiam, infinitudinem, proindeque competere non potest entibus contingentibus.

OBJECTIO II.

Etenuis concludit hæc vulgaris demonstratio, quatenus supponit entia omnia fore contingentia, nisi Deus dicatur existere. Atqui non sequitur omnia fore idcirco contingentia.

Prob. Min. Tota collectio entium contingentium potest dici necessaria: Ergo non sequitur omnia entia fore contingentia.

R. Nego Ant. Nam implicat ex entibus contingentibus oriri collectionem necessariam: undè enim illa existendi necessitas emanaret?

Et certè. Ubi est existendi necessitas, ibi est summa independentia, proindeque infinitudo in perfectionibus. Sed quis dixerit, collectionem entium contingentium esse summè independentem atque infinitam in perfectionibus; quasi verò ex imperfectis & dependentibus concipi possit oriri collectio infinita & independens.

Inst. Tota collectio entium contingentium potest dici necessaria; si ex contingentia creaturarum distributivè sumptuum non liceat inferre contingentiam collectionis: atqui hoc non licet inferre.

Prob. Min. Ex contingentia creaturarum distributivè sumptuarum inferre contingentiam collectionis, est concludere à sensu distributivo ad collectivum. Atqui non licet concludere sic; quasi verò posset concludi sic; Quilibet Apostolus est unus: Ergo omnes Apostoli sunt unus.

R. Dist. Maj. Est concludere à sensu distributivo ad collectivum in attributo communi tam collectioni, quam distributioni, C. In attributo proprio vel collectionis, vel distributionis, N. At licet concludere à distributione ad collectionem, in attributis communibus tam collectioni, quam distributioni, v. g. ex eo, quod singuli homines sunt rationales,

recte concluditur, omnem hominum collectionem esse rationalem: jam vero contingentia est attributum commune tam collectioni, quam distributioni entium contingentium, ut mox demonstratum est.

Inst. 2. Non magis ex eo, quod singulæ creaturæ sint contingentes, licet inferre totam earum collectionem esse contingentem, quam ex eo, quod singuli milites exercitū, vel singuli lapides acervi, sint entia per se, licet inferre collectionem militum, vel lapidum esse ens per se. Atqui hoc posterius non licet.

R. Nego Maj. & par. Ratio disp. quia *ens per se* est attributum distributionis, vel militum, vel lapidum proprium: & *ens per accidens* est attributum solius collectionis; siquidem nomine entis per accidens nihil aliud intelligitur quam multitudine entium completorum. At vero contingentia est attributum commune collectioni, si sit commune distributioni, quia nomine entis necessarii non intelligitur collectio entium contingentium.

Inst. 3. Sed pariter necessitas potest dici attributum collectionis creaturarum proprium.

Prob. Subs. Ea collectio dici potest necessaria, quæ non potest supponi tota non esse. Atqui collectio creaturarum non potest supponi tota non esse.

Prob. Min. Non magis omnia ens contingentia collectivè sumpta possunt supponi non esse, quam omnia entia contingentia collectivè sumpta possint supponi simul esse: atqui supponi nequeunt simul, quia infinitum creatum est impossibile.

R. vulgo Negando Maj. & par. Disparem esse rationem dicunt, quia sequitur aliqua contradicatio ex eo, quod supponentur omnia possibilia existere, quia sunt infinita.

R. Nego, Dist. Min. Atqui supponi nequeunt omnia contingentia collectivè sumpta simul existere, omnia generatim, C. omnia jam existentia, per quæ demonstratur existentia entis necessarii, N. Cum enim jam existant, ergo supponi possint existere: sed existunt contingentia, ergo possunt supponi non esse; si non essent, jam essent possibilia simul & non essent, quod implicat.

Inst. 4. Entia, quæ sunt infinita, non possunt simul sumi, vel tolli, atqui entia contingentia existentia possunt ab

Atheis

Atheis supponi infinita numero. Ergo non possunt simul accipi, ut supponantur non esse omnia.

R. Dist. Maj. Entia infinita non possunt simul sumi; ab solutè & nullâ factâ hypothesi, *cetero*; non possunt simul sumi in hypothesi Atheorum, N. Nam si simul existunt infinita in hypothesi Atheorum; ergo simul accipi possunt in eadem hypothesi.

ஆகூலாகும். ஆகூலாகும்? ஆகூலாகும் ஆகூலாகும்

QUÆSTIO NONA.

De immortalitate Animæ rationalis.

PROPOSITIO.

Anima rationalis demonstratur efficaciter immortalis.

PROB. Ut Anima rationalis demonstretur immortalis, satis est, quod demonstretur, substantiam spiritalem esse immortalem, & animam rationalem esse substantiam spiritalem; sed utrumque demonstratur efficaciter.

Et primò quidem demonstratur substantiam spiritalem esse immortalem. Ea substantia est immortalis, quæ nullâ ratione potest interire: atqui substantia spiritalis nullâ ratione potest interire: nam quod interit, vel interit per dissolutionem partium suarum, ut si domus solo æquetur: vel interit per corruptionem subjecti, ut anima belluarum, quæ essentialiter materialis est; vel interit per contrarium, ut frigus per calorem virtus per vitium; vel tandem interit defectu causæ conservantis, ut lux aëris occidente sole. Atqui substantia spiritalis, nullo ex his modo potest interire: non quidem per dissolutionem partium, quia nullas habet, ad discrimen rerum corporearum; non etiam per corruptionem subjecti, quia non pendet essentialiter à subjecto, ad discrimen formarum substantialium corporearum; neque per aliquid contrarium, quia substantia nihil est contrarium, præsertim si

fuerit spiritalis; non tandem defectu causæ conservantis, quia causam habet conservativam indefectibilem, putà Deum. Ergo substantia spiritalis nullâ ratione potest interire, proindeque est immortalis.

Deinde verò Anima rationalis demonstratur substantia spiritalis. Nam ea substantia est spiritalis; cujus operationes sunt spiritales: atqui operationes animæ rationalis ut rationalis sunt spirituales, nimirum intellectiones & volitiones: et enim operationes illæ sunt spiritales, quæ attingunt objecta immaterialia immateriali modo; sed intellectiones & volitiones attingunt, obiecta prorsùs immaterialia, immateriali modo; attingunt enim rationes Entium genericas & universalissimas, reflectendo, judicando, inferendo, recurriendo supra seipcas. Ergo operationes animæ rationalis sunt spiritales, proindeque anima rationalis est substantia spiritalis.

O B J E C T I O I.

UT demonstretur Anima rationalis immortalis, debet primò demonstrari spiritalis; secundò ex illa spiritualitate inferri immortalitas. Atqui neutrum praestari potest efficaciter.

Prob. Min. Quoad primam partem. Non potest demonstrari animam rationalem esse spiritalem, nisi per operationes ejus spiritales: atqui operationes animæ rationalis non sunt spiritales, & tametsi foret, non posset inferri animam esse spiritalem quoad substantiam.

R. Nego Min. Nam primò intellectio & volitio sunt operationes materialitatis expertes, siquidem assurgunt supra materialia; secundò, si sunt spiritales, oriuntur à principio spiritali.

Inst. Non magis ex operationibus animæ rationalis spiritalibus (si forte dentur) potest inferri animam esse spiritalem quoad substantiam, quam ex operationibus materialibus, quas exercet, v. g. sensationibus, liceat inferre ipsam esse materialiem quoad substantiam.

R. Nego par. Ratio disp. quia operationes minus nobiles possunt oriri à principio nobiliori, proindeque ma-

materiales à principio spiritali; at operationes nobiliores oriri non possunt à principio ignobiliori, proindeque spiratales à materiali; uno verbo, qui potest plus, potest & minus, at non vicissim.

Inst. 2. Non minus facultas specificatur ab operatione materiali, quam ab operatione spiritali; ergo si non constituitur materialis ab operatione materiali, nec constituetur spiritalis ab operatione spiritali.

R. Dist. Ant. Facultas specificatur ab operatione materiali, si sit totalis & adæquata ejus operatio, C. Si sit inadæquata solum & minus præcipua operatio, N. Nam specificatur ab operatione nobiliori, quæ si fuerit spiritalis, ipsa facultas futura est spiritalis.

Inst. 3. Atqui operationes animæ rationalis, quarum conscientia sumus, sunt materiales, aut saltem non possunt demonstrari spiritales.

Prob. Subf. Operationes illæ non sunt spiritales, quarum pars maxima nobis est cum belluis communis, & pendent omnes ab organis corporeis; atqui operationes animæ rationalis, quarum conscientia sumus, sunt hujusmodi.

R. Dist. Min. Operationes animæ rationalis ut sentientis, C. Ut rationalis, Subdist. Pendent ab organis corporeis, pendent per accidens & tanquam ab occasionibus, C. Pendent per se necessariò, N. Cum enim assurgant supra omnem corporeitatem, exerceri possunt absolute independenter ab organis corporeis.

Inst. 5. Illæ operationes sunt per se materiales, quæ possunt supponi oriri à principio nobilissimo quidem, sed materiali, quoad substantiam: atqui operationes animæ rationalis ut rationalis sunt hujusmodi.

Prob. Min. Tam operationes hominum, quæ assurgunt supra materialitatem communem, possunt refundi in principium materiale nobilius quam operationes, quæ assurgunt supra conditionem materiæ, possint refundi in principium materiale nobilius ipsâ materiâ: atqui id sit in belluis, quibus conceditur anima materialis nobilior materia.

R. Nego Maj. & par. Ratio disp. quia operationes belluarum assurgunt quidem supra conditionem materiæ, at non supra conditionem materialitatis cuiuscumque, contra vero operationes nostræ rationales, v.g.

In-

Intellectio, assurgunt supra quancumque materialitatem, attingunt objecta spiritualia & universalissima.

Inst. 5. Illæ operationes non assurgunt supra quancumque materialitatem, quæ nihil percipiunt nisi per imagines corporeas & phantasmatæ materialia: atqui operationes animæ rationalis ut rationalis sunt hujusmodi, ideoque ligatis sensibus cessat operatio animæ rationalis.

R. Dist. Maj. Quæ nihil percipiunt nisi per imagines corporeas, in quibus hærent, C. Ex quibus ansam accipient sublimiora detegendi, N. At intellectio non hæret in imaginibus corporeis, sed solum excitatur ab illis, & inde procedit ad notitiam objectorum sublimiorum, atque ab omni materiæ concretione abstractorum, ut liquet de mathematicis demonstrationibus.

Inst. 6. Illæ operationes hærent in imaginibus corporeis, quæ nihil percipere possunt nisi corporeo modo: atqui operationes animæ rationalis nihil percipere valent nisi corporeo modo.

Prob. Min. Operationes animæ nihil percipere possunt aliter, quam intellectui repræsentatur: atqui nihil repræsentatur intellectui alio modo quam corporeo per imagines corporeas.

R. Dist. Min. Atqui nihil repræsentatur intellectui ab imaginatione aliquæ sensibus, nisi corporeo modo, C. Nihil intellectui repræsentetur à seipso, nisi corporeo modo, N. Nam intellectus vel habet à natura species spiritales & universales, vel eas cudit à seipso, ubi excitatus est ab imaginibus corporeis.

Inst. 7. Non possumus esse certi de spiritualitate operationum animæ rationalis; nisi certi fuerimus de speciebus intellectus spiritualibus: atqui non sumus certi de speciebus illis, quas qui negaret, non facile refelli posset.

R. Dist. Min. Atqui non sumus certi de speciebus spiritualibus, quantum ad modum, quo habeantur, C. Quantum ad efficiam earum & naturam, N. Cum enim exhibeant nobis objecta spiritualia, & universalia abstracta ab omni concretione materiæ, certi sumus eas esse spiritales, universales & abstractas à concretione materiæ, quodmodocumque tandem obtineantur.

O B J E C T I O II.

UT reætè inferatur animæ rationalis immortalitas ex spiritualitate, debet esse necessaria connexio inter spiritualitatem & immortalitatem: atqui non est ea necessaria connexio.

Prob. Min. Si foret necessaria connexio inter spiritualitatem & immortalitatem, quidquid esset spiritale, esset immortale seu incorruptibile: atqui res non ita se habet, ut constat de habitibus mentis & voluntatis.

R. Dist. Maj. Quidquid esset spiritale, esset immortale, si illud fuerit substantia, C. Si fuerit accidentis, N. Ratio disp. quia accidentibus potest esse aliquid contrarium, non tamen substantiis. Porro anima rationalis probatur immortalis, non ex eo, quod sit spiritualis præcisè, sed ex eo, quod sit substantia spiritualis.

Inst. I. Atquinon reætè infertur animam esse immortalem, ex eo, quod sit substantia spiritualis.

Prob. Subs. Non magis inferri potest animam esse incorruptibilem, ex eo, quod sit substantia spiritualis, quam interri possit, materiam primam esse corruptibilem ex eo, quod sit substantia materialis: atqui hoc posterius non licet inferre.

R. Nego Maj. & par. Ratio disp. quia spiritualitas in substantia excludit omne genus corruptionis; primò, à contrario, quia substantia nihil contrarium est; secundò, defectu subjecti, quia substantia non indiget subiecto; tertio, defectu organi corporei ejusque dispositionis, quia substantia spiritualis organo corporeo non indiget: at vero materialitas in materia prima non est sufficiens fundamentum corruptionis, quia corruptio fit remanente subiecto: cum autem materia prima sit primum & ultimum subiectum, ipsa perire non potest remanente subiecto.

Inst. 2. Si anima sit incorruptibilis ex eo, quod sit substantia spiritualis, sola substantia spiritualis erit incorruptibilis. *Ibi solùm est proprietas, ubi solùm est essentia, unde fluit:* atqui non sola substantia spiritualis est incorruptibilis, siquidem materia prima est quoque incorruptibilis.

R. Dist.

R. Dist. Maj. Sola substantia spiritalis erit incorruptibilis incorruptibilitate, quæ fundatur & fluit à substantiâ spiritali, C. Sola substantia spiritalis erit incorruptibilis absolute quacumque incorruptibilitate, N. At alia est substantiæ spiritalis incorruptibilitas, alia materiæ primæ. Substantia spiritalis dicitur incorruptibilis, quia nihil habet contrarium, nec corrupti potest ad corruptionem subjecti: eo quod nec sit ipsum subjectum, nec sit in subjecto; at vero materia prima dicitur incorruptibilis, ex eo quod, cum sit ipsum subjectum primum & ultimum, perire non possit aliquo remanente subjecto.

Inst. 3. Substantia, quæ dicit essentiale ordinem ad materiam seu subjectum corruptibile, non est incorruptibilis: atqui quædam substantia spiritalis incompleta, ut anima, dicit essentiale ordinem ad subjectum corruptibile, nempe ad materiam organis instrutam.

R. Dist. Maj. Quæ dicit essentiale ordinem ad subjectum intentionis more accidentium, vel educationis more formarum materialium, C. Ordinem ad subjectum informatonis, N. At anima rationalis informat quidem materiam, sed ex ea non educitur, more aliarum formarum.

Inst. 4. Forma, quæ non potest demonstrari posse exercere operationes suas extra corpus, est corruptibilis cum corpore: atqui anima rationalis non potest demonstrari posse operationes exercere extra corpus.

R. Neg. Min. Cum enim illius operationes assurgant supra materialitatem, sunt spiritales; si sunt spiritales, ergo pollunt exerceri extra molem corporis.

Inst. 5. Anima rationalis non potest demonstrari posse exercere operationes suas extra corpus, per eas operationes, quas semper exercet in corpore dependenter à corpore: atqui operationes animæ, quarum consciæ sumus, exercentur in corpore dependenter à corpore; ergo per eas operationes non possumus probare animam posse operari extra corpus independenter à corpore.

R. Dist. Maj. Per eas operationes, quas exercet in corpore, quatenus exercentur in corpore & quatenus dependent à corpore. D. Quatenus assurgunt supra corporeitatem omnem, N. Scilicet operationes, quas anima rationalis exercet in corpore, habent primo quod assurgant supra corporeitatem: se-

cun-

cundo quod elicantur dependenter à sensibus tanquam occasionibus: per eas autem operationes, quatenus assurgunt supra corporeitatem, demonstramus ipsas posse exerceri extra corpus.

Inst. 6. Forma, quæ non potest operari nisi per conversionem ad phantasmatum, non potest operari extra corpus: atque anima rationalis non potest operari nisi per conversionem ad phantasmatum. Ergo, &c.

Prob. Min. Anima rationalis non potest operari, nisi excitetur & moveatur ab objectis: atqui non potest excitari & moveri nisi à phantasmati; Ergo &c.

R. Dist. Min. Non potest excitari & moveri nisi à phantasmati, quandiu est in statu unionis cum corpore, C. Absolutè, N. Nam per species & imagines à Deo conditore suo acceptas, potest absolutè intelligere extra corpus.

Inst. 7. Species illæ seu imagines à Deo Conditore infusæ, quarum interventu anima potest intelligere extra corpus, essent supernaturales: atqui demonstrari non potest animam extra corpus habere posse aliquid supernaturale.

R. Dist. Maj. Essent supernaturales, si forent infusæ supra exigentiam animæ, C. Ad exigentiam ipsius, N. Nam anima naturaliter exigit id, sine quo naturales non posset exercere operationes.

Inst. 8. Quod non inest animæ à naturâ, certè supernaturale est: atqui species illæ à Deo conditore infusæ, non inest animæ à naturâ, sed desuper infunderentur.

R. Dist. Min. Species illæ non inessent animæ à naturâ naturaliter, C. Naturantè, N. Nam auctor naturæ non deest in necessariis; est autem necesse species illas animæ separatae infundi ad connaturales sibi operationes exercendas.

Inst. 9. Si exigerentur naturaliter illæ species ab anima, essent quoque infusæ animæ, dum versatur in corpore.


R. Nego Prop. Nam anima, quandiu est in corpore, excitatur à sensibus, idèque non indiget speciebus infusis.

Inst. Sensus utpote corporei non possunt agere in animam spiritalem, ergo non excitatur à sensibus.

R. Dist. Non possunt agere physicè, C. Moraliter, N. Nam tanta est radicalis unio inter facultates hominis, ut una valeat alteram excitare saltem moraliter; sic intellectus excitat moraliter voluntatem, sic pedes diriguntur ab oculis.



PHILOSOPHIÆ
PARS QUARTA,
DE REBUS
PHYSICIS.



PROPOSITIO PRÆAMBULA.

Physica est scientia.

PROB. Omnis habitus demonstrativus rei necessariæ per causas, est scientia propriè dicta: atqui physica est habitus demonstrativus rei necessariæ per causas; siquidem multas facit demonstrationes de objecto suo, quales sunt istæ, omne mixtum est corruptibile, quia constat quatuor elementis: Omne corpus naturale est mobile, quia constat materiâ & formâ phycicis, quæ sunt principia motus; ergo Physica est scientia propriè dicta.

O B J E C T I O.



A disciplina non est scientia, quæ non habet objectum sufficienter necessarium ad scientiam: atqui Physica non habet objectum sufficienter necessarium ad scientiam.

Prob. Min. Quod est essentialiter mobile, non est sufficienter necessarium ad scientiam: atqui objectum Physicæ est essentialiter mobile; ergo non est sufficiens ad scientiam.

R. Dist.

R. Dist. Maj. Quod est essentialiter mobile, id est mutabile quoad essentiam, C. Id est, principium motus naturalis, N. Porro corpus naturale dicitur mobile, non quod sit mutabile quoad essentiam, sed quod sit principium radicale motus naturalis.

Inst. 1. Quod est essentialiter corruptibile & dissolubile, est essentialiter mutabile: atqui corpus naturale est essentialiter corruptibile & dissolubile, siquidem constat ex eo corruptibilibus principiis, materia & forma, quatuor elementis.

R. Dist. Min. Atqui corpus naturale est essentialiter corruptibile quoad existentiam, C. Quoad essentiam, N.

Inst. 2. Id cuius entia conflatur ex corruptibilibus principiis est corruptibile quoad essentiam: atqui essentia corporis naturalis conflatur ex corruptilibus principiis; ergo corpus est corruptibile quoad essentiam.

R. Dist. Maj. Est corruptibile, quoad essentiam particularem & physicam, C. Quoad essentiam generalem, N. Nam immutabiliter verum est, *omne corpus mixtum componi debet ex quatuor elementis.*

Inst. 3. Quod consideratur à Physica quatenus singulare, non consideratur quoad essentiam generalem & metaphysicam: atqui corpus consideratur à physica quatenus singulare.

Prob. Min. Quod consideratur quatenus sensibile, consideratur quatenus singulare, siquidem sensibile definitur, ens singulare: atqui corpus naturale consideratur à Physica quatenus sensibile, quia Physica non abstrahit à materia sensibili.

R. Dist. Maj. Quod consideratur quatenus sensibile in particulari, C. Quatenus sensibile in communi, N. Porro corpus consideratur à Physica quatenus sensibile in communi, abstrahendo ab hoc & illo sensibili in particulari.

Inst. 4. Disciplina, quæ versatur circa sensibilia corpora particularia considerat corpus sensibile in particulari; atqui Physica versatur circa corpora sensibilia particularia, v. g. Cœlum, Solem, &c.

R. Dist. Min. Atqui Physica versatur circa corpora sensibilia particularia, specificè vel genericè sumpta, C. Numericè sumpta, Subdist. Versatur secundariò, C. Primariò, N. Nam

primario physica spectat corpus generatim, & deinde ad particularia descendit.

Inst. 5. Physica primariò versatur circa eclypses Solis & Lunæ, & circa Solis motum diurnum & annum: atqui hæc omnia sunt sensibilia particularia.

R. Dist. Maj. Physica hæc considerat, quatenus fiunt certas juxta constantesque regulas, C. Secus, N.

Inst. 6. Ea non fiunt juxta certas constantesque regulas, quæ necesse non est taliter fieri: atqui necesse non est eclypses Solis & Lunæ, v. g. motum solis annum & diurnum taliter fieri: imo contingit aliquando, ut aliter factum fuerit, v. g. tempore Josue.

R. Dist. Min. Atqui necesse non est, taliter hæc fieri necessitate absolutâ, & metaphysicâ, C. Necessitate physicâ, quæ fundatur in naturali rerum ordine; N.

Inst. 7. Ergo Physica non est absolute certa.


R. Dist. Non est absolute certa, quatenus versatur circa existentias corporum, C. Quatenus versatur circa essentias, N.

Inst. 8. Ea disciplina nullatenus est certa, cujus principia non sunt certa: atqui principia Physicæ non sunt certa.

Prob. Min. Principia, de quibus controvertitur inter Philosophos, certa non sunt: atqui de principiis physicis controvertitur, v. g. inter Aristotelem, Cartesium, Epicurum & alios.

R. Dist. Min. Atqui de principiis physicis controvertitur in Physica imperfecta & qualis est hodie, C. In Physica perfecta, qualis esse debet, N.

R. 2. Dist. Min. Atqui de principiis physicis controvertitur, principiis complexis seu axiomatibus, N. Principiis simplicibus, Subdist. Controvertitur quoad modum explicandi, C. Quoad substantiam rei, N. Nam saltem omnes consentiunt, corpus naturale ex dupli parti constare debere, alterâ quidem communiori, quæ dicitur materia, alterâ vero specialiori, quæ dicitur forma physica.



QUÆSTIO PRIMA.

De principiis corporum naturalium.

PROPOSITIO.

Tria sunt principia generationis corporum naturalium, materia, forma & privatio.

PROB. Tot sunt principia generationis corporum, quot sunt, sine quibus, nec esse nec concipi potest generatio corporum: atqui tria sunt, sine quibus generatio corporum nec esse nec concipi potest: namque generatio intelligitur ut transitus à non esse ad esse, à non formâ ad formam physicam: atqui non potest concipi transitus à non esse ad esse, à non formâ ad formam sine tribus hisce, materiâ, formâ & privatione; etenim concipi nequit fieri transitus à non formâ ad formam, nisi concipiatur, primò, subiectum transiens, & est materia; secundò, terminus ad quem transit, & est forma; tertio, terminus à quo transit, & est privatio formæ, à quâ materia transit ad formam in generatione; ergo tria sunt, sine quibus generatio corporum nec esse nec concipi potest, proindeque tria sunt principia generationis corporum naturalium, materia, forma, & privatio.

OBJECTIO PRIMA.

Formam non esse principium generationis.

Terminus ad quem generationis non est principium generationis: atqui forma physica est terminus ad quem generationis.

R. Dist. Maj. Terminus ad quem remotus, ultimus, & qui, C. Proximus, medius & quo, N. Porro forma non est terminus, qui seu ultimus, sed proximus, quo mediante resultat compositum.

Inst. 1. Principium generationis debet præcedere generationem; sed forma non præcedit generationem.

Prob. Min. Quod producitur per generationem, non præcedit generationem: atqui forma producitur per ipsam generationem, v. g. Forma ignis producitur per ipsam generationem.

R. Dist. secundum Min. Atqui forma producitur per generationem sumptam pro educatione formæ ex præacente materia, C. Per generationem sumptam pro actione productivâ totius compositi, N. Sic dum generatur ignis, primò educitur forma è ligno; secundò generatur compositum ex illa forma cum materia.

Inst. 2. Quod non præcedit educationem formæ, non præcedit actionem productivam compositi, si educatio formæ & productio totius sint simul: atqui sunt simul; ergo forma, quæ non præcedit educationem, non præcedit generationem compositi.

R. Dist. Min. Education & productio compositi sunt simul tempore, C. Natura, N. Nam prius est formam educi, quam resultare compositum ex unione formæ cum materia.

Inst. 3. Si forma concurreret ad generationem compositi, ipsum compositum dici posset genitum: atqui compositum dici non potest genitum; ergo forma non concurrit ad illius generationem.

Prob. Min. Homo est quoddam compositum naturale: sed homo dici nequit genitus.

Prob. Min. Id, cuius nulla pars est generabilis vel generabilis dici non potest genitum: sed nulla pars hominis est genita, vel generabilis, neque materia, neque anima rationalis.

R. Dist. Maj. Dici non potest genitum secundum partes seorsim sumptas, C. Secundum se totum, N. Nam ipsum totum generatur, quia resultat ex unione animæ cum materia; nec fit ex puro nihilo sed ex præacente materia.

Inst. 4. Totum compositum non distinguitur à partibus suis: atqui partes non sunt genitæ; ergo nec totum compositum.

R. Dist. Maj. Totum non distinguitur à partibus collectivè sumptis & unitis, C. Distributivè sumptis & seorsim, N.

At

At partes uniuntur physicè per generationem , per quam materia transit à privatione animæ ad animam.

Inst. 5. Partes totius collectivè sumptæ & unitæ non distinguuntur à partibus distributivè sumptis & seorsim ; ergo si distributivè non sunt genitæ , nec erunt collectivè.

R. Dist. Maj. Partes collectivè non distinguuntur à partibus distributivè , non distinguuntur quoad entitatem , C. Quoad novum statum , N. At hoc sufficit , ut totum dicatur genitum : sicut enim licet partes domus , v. g. lapides , sint à Deo creati seorsim , ipsa tamen domus , quæ non distinguitur ab iis collectivè sumptis & artificialiter unitis , non dicitur creata ab Architecto , sed extracta ; ita licet duæ partes hominis sint à Deo creatæ , nihilominus totus non dicitur ab alio homine creatus , sed genitus.

Inst. 6. Quod generatur , transit per ipsam generationem à non esse ad esse : atqui compositum , cuius partes non generantur seorsim , verè non transit à non esse ad esse , quia non acquirit novam existentiam vi generationis.

R. Dist Min. Sed compositum cujus partes non generantur seorsim verè non transit à non esse partium suarum , ad esse partium , C. Non transit à non esse totius compositi , ad esse totius compositi , N. Nam incipit existere totum , quod antea non erat totum.

Inst. 7. Nova generatio debet dare novam existentiam.

R. Dist. Debet dare novam existentiam vel toti vel partibus , C. Partibus , Subdist. Si generatio ipsas producat partes , C. Secùs , N.

OBJECTIO SECUNDA.

Materiam non esse principium corporum.

Primum principium corporis naturalis debet esse simplex : atqui materia non est simplex , sed composita ex parte magis & minus communi.

R. Dist. Maj. Primum principium corporis debet esse simplex in ordine physico , C. In ordine metaphysico , N. Porro materia non est simplex in ordine metaphysica , quia constat

ex suo genere suaque differentiâ : sed est simplex physicè, quia non componitur instar corporis naturalis.

Inst. 1. **Quod** componitur ex partibus physicis, non est simplex in ordine physico : atqui materia componitur ex partibus physicis, nempe suis entitativis.

R. Dist. Min. Sed materia componitur ex partibus physicis homogeneis, C. Heterogeneis & essentialibus, N. Quia materia non componitur nisi ex partibus, quæ sunt totidem materiæ partiales, idèque non componitur ex aliis, propriè loquendo.

Inst. 2. **Quod** componitur ex partibus physicis certam habentibus formam physicam, constat ex partibus physicis heterogeneis : atqui materia componitur ex partibus certam habentibus formam & dispositionem.

R. Dist. Min. Materia componitur ex partibus certam habentibus formam, materia secunda, C. Materia prima, N. Hæc enim concipitur ut subjectum omnium formarum, capax omnium, indifferens ad omnes.

Inst. 3. Atqui materia prima non est principium generationis corporum.

Prob. Subf. Si materia prima esset principium generationis corporum, esset subjectum generationis ; atqui non est subjectum generationis.

Prob. Min. Subjectum generationis debet esse generabile, sicut subjectum creationis debet esse creabile : sed materia prima est ingenerabilis.

R. Dist. Maj. Subjectum generationis sui ipsius, debet esse generabile. C. Subjectum generationis alterius à se, N. Porrò materia prima est subjectum generationis non sui ipsius ; sed formæ & corporis naturalis, eo ferè modo, quo vñ dicuntur subjectum generationis plantarum, vel corruptionis liquorum.

Inst. 4. Subjectum generationis corporum debet vi generationis transire à non esse ad esse ; siquidem generatio corporis definitur, *Transitus subjecti à non esse ad esse*, à privatione ad formam : atqui materia prima vi generationis non transit à non esse ad esse, siquidem erat antea.

R. Dist. Maj. Subjectum generationis corporum debet transire à non esse formæ physicæ, ad esse formæ physicæ, C. Debet transire à non esse sui, ad esse sui, N. Porrò in genera-

xatio-

ratione corporis materia prima transit à non esse formæ physicæ ad formam physicam.

Inst. 5. Quod vi generationis transit ab una specie ad alteram, transit à non esse sui ad esse sui: atqui subjectum generationis transit per ipsam ab una specie ad alteram, quia transit ab uno specificativo ad alterum, ab una forma ad alteram: ergo materia, quæ non transit sic, non est subjectum generationis.

R. Dist. Maj. Quod transit ab una specie sui ad alteram speciem sui, C. Ab una specie corporis ad alteram speciem corporis, N. Sic materia prima transit à specie hominis ad speciem cadaveris, sed non transit ab una specie materiæ ad alteram speciem materiæ.

Inst. 6. Subjectum generationis ante generationem nullius erat speciei, & statim post incipit esse alicujus speciei; ergo transit ad speciem sui.

R. Dist. Ant. Ante generationem nullius erat speciei completae & in ratione totius, C. Incompletae & in ratione materiæ, N. Nam erat de specie materiæ.

Inst. 7. Subjectum per generationem transit à non actu ad actu, à non perfectivo ad perfectivum; ergo transit ad novam sui speciem.

R. Dist. Ant. Transit à non actu physico, ad actu physicum, C. A non actu metaphysico, seu existendi, N. Nam ante generationem verè existit.

OBJECTIO TERTIA.

Privationem non esse principium generationis.

Principium generationis corporis dat esse corpori: atqui privatio non dat esse corpori, siquidem ipsa nihil est.

R. Dist. Min. Privatio non dat esse corpori: non dat positivè & influendo, C. Non dat negativè & recedendo, N. Ideoque privatio non est principium corporis positivum & influens: sed est negativum & recedens.

Inst. 1. Si privatio esset principium corporis in fieri, corpus naturale fieret ex nihilo: atqui *ex nihilo nihil fit*.

R. Dist. Maj. Corpus fieret ex nihilo, tanquam à termino à quo fit transitus, C. Ex nihilo tanquam à parte com-

ponente, N. Porrò ex nihilo nihil fit per compositionem, sed fit aliquid ex nihilo tanquam à termino à quo fit transitus, à non igne, v. g. ad ignem.

Inst. 2. Si corpus naturale fieret ex privatione, privatio principiaret vel quando est, vel quando non est: atqui neutrum dici potest.

R. Nego Min. Et dico principiare quando est, non quidem permanendo, sed definendo.

Inst. 3. Quandiu est privatio formæ nondum est generatio, quia nondum est forma; ergo privatio non principiat, quando est.

R. Dist. An. Quandiu est privatio formæ remanens, C. Definens, Subdist. Nondum est generatio in facto esse, C. In fieri. N. Quia dum recedit privatio, accedit forma, & fit generatio: sed nondum facta est.

Inst. 4. Sequeretur privationem formæ & formam simul esse in generatione.

R. Dist. Simul esse, unam, recedendo, alteram, accedendo, C. Simul permanendo, N.

Inst. 5. Si privatio formæ principiaret recedendo, in generatione deberet fieri transitus à privatione ad formam: atqui in generatione corporis non fit transitus à privatione ad formam.

Prob. Min. Ibi non fit transitus à privatione formæ ad formam, ubi materia non est sine forma: atqui materia nunquam est aut fuit sine forma; ergo non fit transitus à privatione ad formam.

R. Dist. Min. Materia nunquam est sine forma aliqua, C. Sine forma illa, quæ per generationem accedit, N. Sic ante generationem ignis, materia non erat sine forma ligni, sed erat sine forma ignis, ideoque fit transitus ad formam ignis.

Inst. 6. Atqui in generatione inutilis est privatio formæ accendentis, si præcessit forma vetus.

Prob. Subs. Ibi ad generationem corporis intelligendam inutilis est privatio formæ, ubi sine privatione adsunt terminus à quo, terminus ad quem, & subjectum: sed sine privatione adsunt primò terminus à quo: nempe forma vetus recedens; secundò, terminus ad quem, nempe forma nova accedens; tertio, subjectum, nempe materia.

R. Dist.

R. Dist. Maj. Ubi adest terminus à quo essentialis, C. Accidentalis, N. Porrò forma vetus recedens est terminus à quo solum accidentalis, quia non necessario intelligitur in conceptu generationis, ut videre est in generatione primò primā.

Inst. 7. Ille terminus à quo est essentialis generationi, si ne quo concipi nequit fieri generatio: atqui sine forma veteri recedente concipi nequit generatio.

Prob. Min. Sine forma veteri recedente concipi nequit generatio, si generatio unius sit corruptio alterius: atqui generatio unius est corruptio alterius, ex axiomate.


R. Dist. Maj. Si generatio unius est formaliter & per se corruptio alterius, C. Per accidens tantum, N. Porrò generatio unius est semper corruptio alterius, sed per accidens, & non per se, quia absolute intelligi potest nova generatio sine ulla præcedente corruptione.

Inst. 8. Forma vetus per se & necessario expellitur vi generationis, v. g. forma ligni vi generationis ignis: forma vivens, vi generationis formæ cadavericæ.

R. Dist. Forma vetus per se & necessariò expellitur vi generationis, si generatio sumatur prout est conversio totius in totum, C. Si generatio sumatur prout est transitus à non esse formæ ad esse formæ, N.

Inst. 9. Materia per se & necessariò exigit formam in ipsa generatione.

R. Dist. Materia exigit per se formam ad sui perfectionem, C. Ad generationem corporis, Subdist. Exigit formam antecedentem, C. Recedentem, N.



QUÆSTIO SECUNDA.

De existentia materiæ primæ.

I. PROPOSITIO.

Materia prima habet propriam existentiam.

PROB. Quod habet propriam productionem distinctam à productione formæ & compositi, habet & propriam existentiam distinctam ab existentia formæ & compositi,

siquidem productio terminatur ad existentiam; atqui materia prima habet propriam productionem distinctam à productione formæ & compositi: squidem forma producitur per educationem, compositum per generationem, materia per creationem; cum sit ingenerabilis & incorruptibilis. Ergo materia prima habet propriam existentiam.

O B J E C T I O.

PUra potentia non habet propriam existentiam: atqui materia prima est pura potentia, non habens aliam quam subjecti rationem.

R. Dist. Maj. Pura potentia tūm physica, tūm metaphysica, C. Pura potentia physica tantūm, N. Porrò materia non est pura potentia metaphysica, quia includit plures actus metaphysicos; ut differentiam essentiale specificam & numericam, atque existentiam.

Inst. 1. Ens imperfectissimum est pura potentia tūm physica, tūm metaphysica; atqui materia prima est ens imperfectissimum.

R. Dist. Maj. Ens imperfectissimum tūm physicè, tūm metaphysicè, C. Physicè tantūm, N. Porrò materia est quidem imperfectissima physicè, quia de se nullum includit actum physicum, sed non est imperfectissima metaphysicè, quia includit actus metaphysicos.

Inst. 2. Ens, quod nullum includit actum metaphysicum, est imperfectissimum metaphysicè: atqui materia prima nullum de se includit actum metaphysicum.

Prob. Min. Ens, quod ita est imperfectum, ut nullum includat actum Physicum, multò minus includit actum metaphysicum, qui præstantior est Physico: atqui materia ita est imperfecta, ut nullum includat actum physicum; ergo à fortiori non includit metaphysicum, qui Physico præstat.

R. Dist. Maj. Actus metaphysicus præstantior est Physico, si dicatur metaphysicus eō, quod sit abstractus ab omni materia, C. Si dicatur metaphysicus eō, quod non distinguitur à subjecto plus quam virtualiter, N. Porrò existentia materiæ dicitur actus metaphysicus, non quod sit abstractus ab omni materia, sed quod non distinguitur ab ipsa plus quam virtualiter.

Inst.

Inst. 3. Atqui materia prima nullam includit prorsus actum metaphysicum.

Prob. Subs. Si materia includeret de se actum aliquem metaphysicum, forma physica non esset actus primus materiæ: atqui tamen est actus primus.

R. Dist. Maj. Forma physica non esset actus primus materiæ metaphysicus, C. Physicus, N.

Inst. 4. Forma Physica debet cum materia facere ens per se: atqui non faceret ens per se cum materia, si supponeret in materia actum metaphysicum.

Prob. Min. Ex actu & actu non fit ens per se, sed per accidens; atqui materia & forma essent in illa hypothesi duo entia in actu, siquidem duplice constarent existentiâ.

R. Dist. Maj. Ex actu & actu completis, C. Ex actu & actu incompletis, N. Porro existentia materiæ & existentia formæ sunt actus duo incompleti & partiales, ex quibus resultat unica totalis existentia corporis.

Inst. 5. Duæ animæ rationales sunt duo actus incompleti, neque tamen possunt facere ens per se; ergo ex actu & actu incompletis non potest fieri ens unum per se.

R. Dist. Ant. Duæ animæ rationales sunt duo actus incompleti disparati, C. Subordinati, N. At existentia materiæ & existentia formæ sunt subordinatae ad unam totalem existentiam componendam, sicut essentia materiæ & essentia formæ sunt subordinatae ad unam totalem essentiam constituantem.

Inst. 6. Quæ subordinantur ad faciendum ens per se, debent se habere ad invicem ut actus & potentia: atqui existentia materiæ non se haberet ad existentiam formæ ut potentia ad actum; ergo non essent actus subordinati.

Prob. Min. Ipsa formalis rei alicuius actualitas non potest se habere ad aliud ut potentia ad actum; atqui existentia est ipsa formalis actualitas rei.

R. Dist. Maj. Non potest se habere ut potentia ad actum, sub eo respectu, sub quo est actualitas, C. Sub alio respectu, N. Porro existentia materiæ est ipsa materiæ actualitas respectu essentia materiæ, & est potentia perfectibilis respectu formæ physice.

Inst. 7. Si materia habeat aliquam de se actualitatem, jam dum forma recipitur in materia, actus recipitur in actu: sed hoc implicat.

R. Dist.

R. Dist. Maj. Actus physicus recipitur in actu metaphysico, C. Actus physicus in actu physico, N.

Inst. 8. Actus metaphysicus supponit physicum, quia gradus metaphysici resultant ex physicis; ergo actus primus physicus non potest recipi in actu metaphysico.

R. Dist. Ant. Actus metaphysicus totius supponit actum physicum, C. Actus metaphysicus partis supponit actum physicum, N. Quia pars est in suo ordine perfecta ante resultationem totius.

II. PROPOSITIO.

Materia prima non habet propriam existentiam.

PROB. Quod nullam de se habet actualitatem, propriam de se non habet existentiam, siquidem existentia est actus: atqui materia prima nullam de se habet actualitatem; nam pura potentia nullam includit actualitatem, alioqui non esset pura. Atqui materia prima est pura potentia; ergo materia de se nullam habet actualitatem, proindeque propriam non habet existentiam.

O B J E C T I O.

QUOD habet propriam productionem distinctam à productione formæ, habet & propriam existentiam distinctam ab existentia formæ: atqui materia habet propriam productionem.

Prob. Min. Materia producta fuit per creationem, forma verò per educationem: atqui creatio est productio distincta ab educatione.

R. Dist. Maj. Materia producta fuit per creationem terminatam ad compositum, in quo creata est, C. Per creationem ad se specialiter terminatam, N. Nam materia non tam creata fuit quam concreata, solius enim est entis completi per se creati; materia autem non est ens, sed inchoatio entis.

Inst. Quod est prius & forma & composito non producitu

citur per creationem compositi , nec existit per existentiam illius : atqui materia prior est composito , utpote causa compositi .

R. 1. Dist. Maj. Quod est prius composito prioritate temporis , C. Prioritate naturæ , N. Non prioritas naturæ non est prioritas existendi , sed causandi , ideoque non impedit realem existendi simultatem .

R. 2. Dist. Maj. Quod est prius composito secundum actualitatem existentiæ , C. Secundum realitatem potentiarum , N. Porro materia , sicut non est nisi potentia essendi , ita non præcedit compositum nisi secundum realitatem potentiarum , nec existit nisi in toto composito , & per compositum .

Inst. 2. Materia in illo priori naturæ , quo præcedit & formam & compositum , jam intelligitur existens : sed nondum existit per existentiam compositi ; ergo per se existit .

Prob. Maj. Quod intelligitur causans : intelligitur existens : atqui in illo priori naturæ , materia jam intelligitur causans compositum ; ergo jam intelligitur existens .

R. Dist. Maj. Quod intelligitur causans per modum causæ efficientis , C. Per modum causæ materialis , N. Ratio disp. quia causa efficiens causat per modum dantis existentiam effectui , ideoque oportet , quod intelligatur existens , antequam causet . At verò causa materialis causat per modum potentiarum recipientis existentiam , ideoque non oportet , quod illam præ habeat .

Inst. 3. Quod intelligitur extra nihil , jam intelligitur existens : atqui quod causat per modum causæ materialis , jam intelligitur extra nihil in illo priori , quo concipitur causare ; ergo in illo priori jam intelligitur existens .

R. Dist. Maj. Quod intelligitur extra nihil completere , & per modum entis , C. Incompletè & per modum inchoationis entis , N. At in illo priori materia non est ens , sed solum inchoatio entis : siquidem per se non sistitur in linea entis , sed ulterius tendit ad hoc , ut sit ens ; existentia autem dicitur quasi rei alicujus sistentia , ideoque quod per se existit , ulterius non refertur .

Inst. 4. Quod est extra nihil incompletè habet existentiam saltem incompletam : atqui materia in illo priori est extra nihil incompletè per modum inchoationis entis & potentiarum : ergo in illo priori habet existentiam saltem incompletam .

R. Nego

R. Nego Maj. Nam ad existendum non fatis est rem esse quomodocumque extra nihil, sed debet esse per modum rei completae & terminatae in linea entis, quia existentia est terminus entis, ejusque iistentia.

Inst. 5. Non datur medium inter ens & nihil: ergo quod est extra nihil, est ens, proindeque existit.

R. 1. Dist. Ant. Non datur medium inter ens & nihil, secundum rem & durationem, C. Secundum præcisionem, N. Quia inter ens & nihilum mediat potentia realis extendi, quæ quamvis semper sit vel intra vel extra nihilum pro omni duratione, atramen præcindi potest à forma per considerationem, & sic non intelligitur ut ens, sed ut tendentia à nihilo ad ens.

R. 2. Dist. Cons. Ergo quod est extra nihil, est ens per se, vel per existentiam compositi, C. Est ens per se & independenter à composito, N.

Inst. 6. Nisi materia existeret per se & independenter à composito, pereunte existentia compositi, periret quoque existentia materiæ: atqui hoc apertè falsum est.

Prob. Min. Quod amittit existentiam, corruptitur: atqui pereunte composito non corruptitur materia; ergo non amittit existentiam.

R. Dist. Maj. Quod amittit existentiam, ita ut nulla subrogetur alia, C. Si subrogetur alia existentia, N. Porro cum corruptio unius sit generatio alterius, ubi materia unam perdit existentiam, alia statim ei subrogatur: sicut ergo servus non dicitur liberari ex eo, quod ab una servitute transeat ad aliam; ita nec materia dicitur corrupti, ex eo, quod unam deponens existentiam statim recipiat alteram.

Inst. 7. Pereunte composito, cessat conservatio compositi, manet autem conservatio materiæ; ergo alia est existentia compositi, & alia materiæ.

R. Dist. Ant. Manet conservatio materiæ diversa ab ea, quæ fuerat prius, C. Manet eadem quæ prius, N. Nam cessante composito cessat & conservatio materiæ, quæ ei inerat ab eo composito, sed nova statim ei subrogatur conservatio à novo composito.

Inst. 8. Actio conservativa materiæ debet esse tantæ virtutis, ut possit eam producere, si opus esset: atqui actio generativa novi compositi geniti non est tantæ virtutis, ut possit

pro-

producere materiam, siquidem ipsa est ingenerabilis; ergo materia non conservatur per eam actionem, quâ generatur aut conservator novum compositum.

R. Dist. Maj. Atqui actio generativa non est tantæ virtutis, ut possit producere materiam, si opus esset, actio generativa quatenus est à principio creato; C. Quatenus est ab ipso Deo, N. Cum enim eadem generatio procedat, & à Deo & à creatura, Dei autem virtus sit infinita, ea generatio posset producere materiam, si opus esset, quatenus est actio se tenens ex parte Dei.

QUÆSTIO TERTIA.

De existentia formæ substantialis.

PROPOSITIO.

Datur forma substantialis in corpore naturali.

PROB. Ut detur forma substantialis, satis est, quod in corpore naturali detur primum radicale & internum operandi principium, & quod illud sit forma substantialis distincta realiter à materia; atqui utrumque perinde verum est.

Primo quidem datur in corpore naturali primum & internum operandi principium. Nam datur in corpore principium illud, quod est connaturalius, & aliundè non est impossibile: atqui primum & internum operandi principium est connaturalius corpori, & aliundè non est impossibile: est quidem connaturalius, quia naturalius est agere ab intrinseco quam ab extrinseco, movere seipsum quam moveri ab alio. Neque verò est impossibile primum illud & internum operandi principium; si enim foret impossibile, maximè quia esset illud materiale, nec tamen esset materia: atqui non implicat aliquid esse materiale, quod non sit materia, quia non implicat aliquid dependere à materia, nec tamen esse material. Ergo datur in corpore naturali primum & internum operandi principium.

Dein-

Deinde verò primum illud & internum operandi principium in corpore, est ipsa forma substantialis distincta realiter à materia : nam vel est forma substantialis, vel materia, vel forma accidentalis : atqui neque est materia, nec forma accidentalis ; non est quidem materia, quæ de se iners est & otiosa ; neque est forma accidentalis, quæ pariter est iners & inactuosa, cujusmodi sunt omnes modi, & dispositiones mechanicæ corporis. Ergo restat, quod primum illud & internum operandi principium in corpore sit forma substantialis, proindeque datur forma substantialis distincta realiter à materia.

OBJECTIO PRIMA.

Formam substantialem esse impossibilem.

EA forma est impossibilis, quæ foret substantia & non foret simul : atqui forma substantialis (si daretur) foret substantia simul & non foret.

Prob. Min. Forma, quæ posset adesse aut abesse à subjecto sine subjecti interitu, non foret substantia, sed accidens ; atqui forma substantialis (si daretur) posset adesse & abesse à materia sine illius interitu : ergo foret accidens & non substantia.

R. Dist. Maj. Forma quæ, &c. non foret substantia sed accidens logicum, C. Phylicum & propriè dictum, N. Porro forma substantialis potest dici accidens logicum materiæ, si-
cūt vestis dicitur accidens corporis.

Inst. I. Forma, quæ est in subjecto non tanquam pars, & sine eo esse non potest, est accidens physicum : atqui forma substantialis (si daretur) esset in materia non tanquam pars, & sine materia esse non posset naturaliter ; ergo esset accidens physicum.

R. Dist. Maj. Forma, quæ est in subjecto non tanquam pars, nec tanquam compars totius resultantis, C. Sed est compars totius resultantis, N. Porro forma substantialis non est quidem pars materiæ, cui inest, sed est cum materia pars totius compositi physici resultantis ex unione utriusque simul : si-
cūt anima rationalis in homine.

Inst.

Inst. 2. Licet albedo sit in materia tanquam compars totius resultantis ex unione utriusque nihilominus albedo est verum accidens physicum; ergo pariter & forma, quæ dicitur substantialis.

R. Nego Cons. & par. Ratio disp. quia ex albedine & materia non resultat nisi totum per accidens; at ex forma substantiali & materia resultat totum per se, & novæ proprietates, quæ ex singulis non resultarent.

Inst. 3. Forma, quæ essentialiter pendet à materia in suo esse, conservari & operari, est verum accidens physicum: atqui forma substantialis, si daretur, penderet essentialiter à materia in suo esse, fieri, conservari & operari.

R. Dist. Maj. Quæ penderet essentialiter à materia tanquam à subjecto inhæsionis, C. Tanquam à subjecto eductio-
nis & informationis, N.

Inst. 4. Forma, quæ non alia ratione uniretur materiæ quam accidens physicum uniatur subjecto, penderet à subjecto inhæsionis: atqui forma substantialis non aliter uniretur materiæ quam accidens physicum subjecto suo.

Prob. Min. Ea forma non aliter unitur materiæ, quam accidens physicum uniatur subjecto, quæ localiter tantum seu adhæsivè affluit materiæ sine ulla penetratione: atqui forma substantialis localiter tantum seu adhæsivè affluit materiæ sine ulla sui cum materia penetratione.

Prob. Min. Forma substantialis materialis non potest participare proprietates substancialis spiritalis: atqui penetrare seu pervadere obvia corpora est proprietas substancialis spiritalis.

R. Dist. Maj. Forma substantialis non potest participare proprietates substancialis spiritalis specificas & reciprocas, C. Genericas, N. Porro penetrare & pervadere non est proprietas substancialis spiritalis specifica, sed potius generica & communis.

Inst. 5. Forma, quæ foret extensa & divisibilis, non posset habere penetrationem genericam & communem: atqui forma substantialis materialis (si daretur) esset extensa & divisibilis, quia corporea esset & ex parte ex partibus materiæ divisibilibus.

R. Dist. Maj. Forma, quæ foret extensa extensione quantitativâ & solidâ & divisibilis divisibilitate quantitativâ, C. Quæ foret extensa extensione entitativa & minimè solidâ, N.

Inst. 6. Forma, cujus partes non se se penetrant, debet esse extensa extensione quantitativâ & solidâ : atqui partes formæ substantialis materialis (si daretur) non se se penetrarent, quia non esset tota in singulis materia partibus.

R. Dist. Debet esse extensa extensione quantitativa per materiam extensam, C. Per se, N.

Inst. 7. Forma, quæ seorsim à materia remaneret extensa extensione quantitativâ, est per se extensa extensione quantitativâ : atqui forma substantialis materialis (si daretur) remaneret extensa seorsim à materia.

Prob. Min. Forma, quæ esset in loco circumscripтивè esset extensa extensione quantitativâ : atqui forma, quæ dicitur substantialis, seorsim à materia esset in loco circumscripтивè.

Prob. Min. Vel esset in loco circumscripтивè vel definitivè : atqui non esset definitivè.

Prob. Min. Esset in loco definitivè, proprium est spirituum & spiritualium ; atqui forma illa non esset de genere rerum spiritualium ; ergo non esset in loco definitivè.

R. Dist. Maj. Esset in loco definitivè absque multitudine partium entitativarum est proprium spirituum, C. Esset in loco definitivè per multitudinem partium entitativarum, N. In hoc ergo differret illa forma substantialis materialis à spiritu, quod spiritus careat partibus entitativis : illa verò forma de se habeat plures entitatis partes, penetrabiles tamen & minimè solidas.

OBJECTIO SECUNDA.

Formam substantialem esse impossibilem.

Illa forma est impossibilis, quæ foret materia simul & non foret ; atqui forma substantialis foret materia simul & non foret.

Prob. Min. Omnis substantia materialis est materia : atqui forma, quæ dicitur substantialis, esset substantia materialis ; ergo esset materia.

R. Dist. Maj. vel Dist. Maj. Omnis substantia materialis passiva, est materia, C. Omnis substantia materialis activa, N. Nam forma substantialis est substantia materialis ; neque tamen est materia, quia non est purè passiva.

Inst.

Inst. 1. Omnis substantia spiritualis est spiritus; ergo omnis substantia materialis generatim est materia.

R. Nego Cons. & par. Ratio disp. quia omnis substantia spiritualis habet proprietates spiritus: at non omnis substantia materialis habet proprietates materiæ, quia non omnis est iners & otiosa per se.

Inst. 2. Substantia, quæ habet plures entitatis partes, extensionem & divisibilitatem, habet proprietates materiæ: atqui omnis substantia materialis est hujusmodi.

R. Dist. Maj. Habet proprietates materiæ aliquas, genericas & communes, C. Habet proprietates materiæ omnes, specificas & reciprocas, N. Nam forma substantialis non est iners & otiosa, sicut materia.

Inst. 3. Atqui omnia forma substantialis est iners & otiosa, sicut materia.

Prob. Subs. Nisi omnis substantia materialis sit iners & otiosa, vel activitas ei conveniret, quia est substantia, vel quia est materialis, vel tandem quia est substantia materialis simul: atqui nullum ex his dici potest.

R. Nego Min. & dico activitatem convenire formæ substantiali, eo quod sit substantia materialis per modum actus primi & radicalis principij operandi.

Inst. 4. Si activitas conveniret formæ substantiali, eo quod sit substantia materialis, omnis substantia materialis foret activa: atqui hoc falsum est, ut constat de materia.

R. Dist. Maj. Si activitas conveniret formæ substantiali, eo quod sit iubstantia materialis præcisè, C. Eo quod sit substantia materialis per modum actus primi in corpore, N.

Inst. 5. Activitas non competit ei substantiæ, quæ sequitur conditionem materiæ: atqui omnis substantia materialis sequitur conditionem materiæ.

Prob. Min. Effectus sequitur conditionem ignobilis causæ suæ: atqui omnis substantia materialis est effectus materiæ, quia pendet essentialiter à materia.

R. Dist. secundam Maj. Omnis effectus sequitur conditionem causæ suæ efficientis, C. Causæ suæ materialis, N. Alioqui homo esset ejusdem cum materia conditionis, quod nemo dixerit.

Inst. 6. Illud sequitur conditionem materiæ circa inertiam: quod non movet nisi prius aliunde motum acceperit:

atqui omnis substantia materialis non movet nisi prius aliunde motum acceperit, nempe à Deo.

R. Nego Min. vel Dist. Min. Atqui omnis substantia materialis motum accipit ab alio, motum in actu primo, id est, movendi principium, C. motum in actu secundo, id est, ipsissimum motionem, N.

Inst. 7. *Quidquid movetur, ab alio movetur* (ex axiome;) ergo omnis substantia materialis accipit motum aliunde etiam in actu secundo.

R. Dist. Ast. Quidquid movetur, ab alio movetur, si non habeat in se principium motus sui, ut lapis dum sursum projicitur, C. Si habeat in se principium sui motus, ut homo, N.

Inst. 8. Quod est in quiete positum, indiget moveri ab alio: Atqui omnis substantia materialis est vel potest esse in quiete posita; ergo indiget ab alio moveri.

R. Dist. Maj. Quod est in quiete positum, indiget moveri ab alio, si sit potentia passiva, non valens de se transfire de potentia ad actum, C. Secus, N. At forma substantialis est activa, & valet de se transfire à potentia ad actum positis omnibus ad agendum requisitis.

Inst. 9. Nisi omnis substantia materialis moveretur ab alio, certè moveretur à seipso: atqui hoc implicat: alioquin esset simul in actu & in potentia, respectu sui ipsius.

R. Dist. Min. Implicat idem simul esse in actu & in potentia activa, N. Passiva, Subdist. Implicat idem esse in actu, per se primo, simul & in potentia per se primò, C. esse in actu per se & in potentia per accidens & secundariò, N. Porro forma substantialis per se primò movet, & per accidens movetur ad motum totius corporis, sicut contingit etiam in anima rationali.

OBJECTIO TERTIA.

Formam substantialem esse inutilem.

Illa forma est inutilis, sine qua possunt explicari omnes corporum naturalium functiones & operationes: atqui sine forma substanciali explicari possunt.

Prob.

Prob. Min. Quæ operationes possunt explicari per solam materiam ejusque dispositiones mechanicas, possunt explicari sine forma substantiali: atqui corporum naturalium operationes possunt explicari per solam materiam ejusque dispositiones.

R. Nego Min. vel Dist. Min. Atqui corporum naturalium operationes possunt explicari per solam materiam, tanquam per causam instrumentalem, secundariam & passivam, C. Tanquam per causam principalem & primariam, N. Nam materia est iners & otiosa,

Inst. 1. Operationes purè materiales possunt explicari per solam materiam ejusque dispositiones mechanicas: atqui corporum naturalium operationes sunt purè materiales; ergo possunt explicari per solam materiam ejusque affectiones.

R. Nego Maj. vel Dist. Possunt explicari per materiam instrumentaliter, C. Principaliter, N. Nam materia est de se iners, nullius operationis opifex.

Inst. 2. Tam operationes materiales possunt principaliter explicari per materiam, quam operationes spirituales possunt explicari per spiritum.

R. Nego par. Ratio disp. quia spiritus est de se activus & operativus; at verò materia est de se iners & otiosa.

Inst. 3 Idem sit judicium de ceteris operationibus corporum naturalium ac de incessu & cognitione belluarum: atqui incessus & quæ dicitor cognitione belluarum, possunt explicari principaliter per materiam.

Prob. Min de incessu. Quod potest explicari per solam contradictionem & retractionem muscularum, potest explicari per solam materiam ejusque affectiones; atqui incessus belluarum sic facilè explicatur.

R. Dist. Min. Atqui incessus belluarum facilè explicatur per contradictionem muscularum dependenter à principio interno movente, C. Independenter à principio illo interno, N. At principium illud internum est ipsa forma substantialis belluarum.

Inst. 4. Frustraneum est principium illud internum ad explicandum incessum belluarum, si belluae determinentur sufficienter ad incessus suos extrinsecus ab objectis seu corpusculis, & intrinsecus à suis spiritibus animalibus contractiones vel retractiones muscularum procurantibus: atqui ita est.

R. Nego Min. vel Dist. Atqui belluae sufficienter determinantur ab objectis, corpusculis, & spiritibus animalibus cum subordinatione ad formam principalem, C. Sine tali subordinatione, N.

Inst. 5. Non debet incessus belluarum explicari per plura principia, quando potest per pauciora juxta Mechanicæ leges; atqui explicare per corpuscula & spiritus animales est explicare per pauciora magisque mechanica principia,

R. Dist. Maj. Quando potest explicari per pauciora & æquè naturaliter, C. Minus naturaliter, N. At naturalius est motus belluarum explicare per internum & principale movendi principium, quia naturalius est moveri ab intrinseco & à se, quam moveri ab extrinseco tantum.

Inst. 6. Tam motus & incessus belluarum possunt & debent explicari per solas affectiones mechanicas, absque interno principali principio operandi, quam motus horologii portatilis per solam adaptionem partium cum vi elasticâ tympani.

R. Nego par. Ratio disp. quia horologium est opus arte factum ex industria hominum, qui suis operibus non valent conferre internum se se movendi principium: at belluae sunt opera Dei, qui potuit internum conferre principium, quod cum sit naturalius verisimile est contulisse.

Inst. 7. Potuit Deus bellugas eâ ratione disponere, ut tametsi essent machinæ, pura automata, nihilominus easdem exhiberent functiones, quas in ipsis jam deprehendimus; atqui si ita est, verisimile est fecisse.

R. Nego Min. Quia hoc minus est naturale, alioqui pari arguento concludi posset, Deum fortassis nunc elaborasse homines eâ ratione, ut per solas mechanicas dispositiones exhiberent suas functiones, quæ conclusio esset valde periculosa.

Inst. 8. Verisimile non est bellugas moveri atque operari per principium, quod vix ac ne vix quidem intelligitur, nec nisi obscure admodum explicatur; atqui hujusmodi est forma, quæ dicitur substantialis.

R. Dist. Min. Atqui forma substantialis vix ac ne vix quidem intelligitur quoad questionem *quid sit*, *Transeat*, *Quoad questionem, an sit*, N. Nam ex operationibus belluarum nostris non assimilibus conjicitur esse in belluis principium

pium internum respondens animæ rationali in nobis quoad sensationes.

OBJECTIO QUARTA.

Non dari formas substantiales in plantis.

EA forma est inutilis in plantis, sine qua facile physice & mechanicè possunt explicari, quæcumque sunt plantarum operationes : atqui sine forma substantiali possunt sic explicari plantarum operationes, nempe nutritio, accretio & generatione.

Prob. Min. Quod explicatur per materiam certâ ratione dispositam, per tubulos & canales succis alimentitii exceptiendis à natura destinatos, certè explicatur absque forma substantiali : atqui nutritio & accretio plantarum rectè explicantur per materiam certâ ratione dispositam.

R. Dist. Min. Atqui nutritio & accretio plantarum explicantur per materiam dispositam per tubulos & canales tanquam per causam instrumentalem minusque præcipuam, C. Tanquam per causam principalem, N. Nam insuper est quoddam primarium, quod iis functionibus præsit, principium, & dicitur anima vegetans, sicut in homine est anima rationalis.

Inst. 1. Ea non datur in plantis forma, cuius origo nec interitus explicari possunt, cuius natura vix ac ne vix quidem intelligi potest : atqui formæ substantialis plantarum origo atque interitus explicari non possunt.

Prob. Min. Illius formæ substantialis origo foret vel educatione vel creatio, illius interitus foret vel corruptio vel annihilatione : atqui neutrum dici potest.

R. Nego Min. Et dico formas substantiales plantarum produci per educationem è sinu materiæ, interire verò per corruptionem aliquo remanente subiecto.

Inst. 2. Illa forma non producitur per educationem, nec interit per corruptionem, quæ secundum se totam producitur ex nihilo, secundum se totam abit in nihilum : atqui forma substantialis plantarum (si datur) fit ex nihilo, & abit in nihilum.

R. Dist. Min. Forma substantialis plantarum fit ex nihilo sui & abit in nihilum sui, C. Fit ex nihilo subjecti, & abit in nihilum subjecti, N.

Inst. 3. Illa forma producitur ex nihilo tum sui tum subjecti, ad cuius productionem materia non magis concurrit quam ad productionem animae rationalis : atque ad productionem formae substantialis plantarum (si datur) materia non magis concurrit, quam ad productionem animae rationalis.

Prob. Min. Materia, quae se habet subjectivè ad productionem animae rationalis, & vegetativæ plantarum, non magis concurrit ad productionem unius quam alterius ; atque materia se habet subjectivè ad productionem animae vegetantis, pariter & rationalis.

R. Dist. Min. Materia se habet subjectivè ad productionem utriusque animæ, subjectivè, sed diversimode, C. Eodem modo, N. Nam se habet subjectivè ut id *ex quo* respectu vegetantis, & subjectivè ut id *in quo*, respectu rationalis.

Inst. 4. Materia non se habet subjectivè ut id *ex quo*, ad productionem illius formæ, quæ nil quidquam est materiæ : atque anima vegetans plantarum (si datur) nil quidquam est materiæ.

R. Nego Maj. vel Dist. Ad productionem illius formæ, quæ nil quidquam est materiæ, nec materiale quid, C. Secùs, N. Porro anima vegetans plantarum est essentialiter materialis, quia pendet à materia.

Inst. 5. Implicit aliquid educi è materia, quod nihil materiæ : atque anima vegetans plantarum (si datur) nihil est materiæ.

R. Dist. Maj. Implicit aliquid educi è materia, educatione sterili & merè locali, quod nihil sit materiæ, C. Educi educatione fœcundâ & productivâ, N. At anima vegetans educitur educatione fœcundâ, sicut effectus educitur è sua causa.

Inst. 6. Nihil potest educi absolute è materia, quod in ipsa non præcontineatur : atque quod nihil est materiæ, non præcontinetur in materia.

R. Dist. Min. Quod nihil est materiæ, non præcontinetur in ipsa, actu & formaliter, C. Potestate & virtualiter, N.

Inst. 7. Quod non influit in formam, non concurrit ad ejus productionem: atqui materia utpote iners, non influit in formam.

R. Dist. Min. Materia non influit activè in formam, C. Passivè, N. Quia sustentat actionem agentis formam edacentis.

Inst. 8. Sustentare est agere: atqui materia sustentaret; ergo ageret.

R. Dist. Maj. Sustentare, vim positivè faciendo, sicut sustentat bajulus, C. Sustentare passivè tantum se habendo, N. At sic materia sustentat.

OBJECTIO QUINTA.

Non dari formas substantiales in belluis.

Forma substantialis belluarum vulgo agnoscitur tanquam principium internum cognoscitivum; atqui non datur in belluis hujusmodi principium.

Prob. Min. Ibi necesse non est agnoscere principium internum cognoscitivum, ubi nulla agnoscenda est cognitio; atqui in belluis nulla agnoscenda est cognitio.

Prob. Min. Si daretur cognitio in belluis, ea deberet esse vel spiritualis vel materialis: atqui neutrum dici potest.

R. Nego Min. Et dico esse materialem, quia derivatur à principio materiali belluarum.

Inst. 1. Quidquid materiale est, extensum est & divisibile: atqui nulla cognitio potest esse extensa & divisibilis; ergo nulla cognitio potest esse materialis.

R. Dist. Maj. Quidquid materiale est, extensum est extensione entitativâ, C. Quantitativâ, N. Porro cognitio belluarum dici potest extensa extensione entitativâ.

Inst. 2. Prius est habere plures extra se invicem partes, quam esse divisibile; atqui formæ belluarum non habent plures extra se invicem partes.

R. Dist. Maj. Prius est habere plures extra se invicem partes, quam esse divisibile quantitativè, C. Entitativè, N. Nam plures entitatis partes possunt se penetrare, proindeque non esse extra se invicem.

Inst. 3. Quæ seorsim à materia forent aliquod punc̄tum & in punc̄to, certè non habent plures entitatis partes de se : atqui belluarum cognitiones (si darentur) forent seorsim à materia punc̄tum aliquod, quia in cognitione non est distinguenda pars a parte.

R. Dist. Min. Cognitiones belluarum forent aliquod punc̄tum & in punc̄to loci, C. Entitatis, N.

Inst. 4. Nihil materiale potest esse in loco definitivè, hæc enim est prærogativa rerum spiritualium : atqui cognitiones belluarum (si darentur) essent in loco definitivè ; ergo non forent materiales, sed spiritales, contra hypothesim.

R. Nego Maj. vel Dist. Nihil materiale potest esse in loco definitivè per simplicitatem entitatis, ut sp̄ritus, C. Per compositionem entitatis, N.

Inst. 5. Tam implicat aliquid materiale esse in loco definitivè, quam implicit aliquid spiritale esse in loco circumscriptivè ; atqui hoc posterius implicat.

R. Nego Maj. & par. Ratio disp. quia spiritale, cùm non habeat plures partes, nequit habere partes extra partes in ordine ad locum materiale potest habere plures partes se se actu penetrantes, & hoc est, esse in loco definitivè.

Inst. 6. Implicit plures partes materjales se se mutuò penetrare, ergo implicit eas esse in loco definitivè.

R. Dist. Ant. Implicit plures partes materiales solidas se se penetrare, Eſto, Minimè solidas, N.

Inst. 7. Partes substantiales sunt solidæ : atqui partes formarum in quæſtione eſſent substantiales.

R. Dist. Maj. Partes substantiales & quantæ, C. Nec quantæ, N. Quia ex sola quantitate oritur resistentia & impenetrabilitas.

QUÆSTIO QUARTA.

De distinctione magnitudinis à materia.

I. PROPOSITIO.

*Magnitudo distinguitur realiter actualiter
à materia.*

PROB. Ea distinguuntur realiter ab invicem, quæ se-
paran-

parantur ab invicem, & separatim existunt : atqui magnitudo & materia separatim existunt in sacrostanto Altaris mysterio, ubi reperitur materia corporis Christi absque extensione sua, & iterum, reperitur extensio panis & vini, absque materia panis & vini, quae tota jam est conversa in corpus & sanguinem Domini, virtute consecrationis ; ergo materia & magnitudo separantur ab invicem & separatim existunt, proindeque magnitudo distinguitur realiter à materia.

O B J E C T I O I.

Nomine magnitudinis intelligitur actualis extensio in longum, latum & profundum : atqui hujusmodi extensio actualis non distinguitur realiter à materia.

Prob. Min. Quod formaliter includitur in idea materiæ, non distinguitur realiter à materia : atqui actualis extensio in longum, latum & profundum includitur formaliter in idea materiæ.

Prob. Min. Corpus & materia sunt quid idem : atqui actualis extensio includitur formaliter in idea corporis, quod definitur longum, latum & profundum,

R. Dist. Maj. Corpus physicum & materia sunt quid idem, C. Corpus mathematicè sumptum & materia, N. At corpus physicè sumptum est subiectum longitudinis, latitudinis & profunditatis, non est verò ipsa longitudo.

Inst. 1. Atqui corpus physicè sumptum & magnitudo sunt unum & idem ; ergo nulla solutio.

Prob. Subf. Si corpus physicè sumptum & magnitudo non essent quid idem, maximè quia possent à se mutuo separari : atqui non possunt separari.

Prob. Min. Suppono materiam separari à magnitudine, hac factâ hypothesis argumentor : Implicat materiam seorsim à magnitudine esse magnam : atqui in illa hypothesis materia seorsim à magnitudine esset magna.

Prob. Min. Vel materia seorsim à magnitudine foret magna, vel partes materiæ omnes confluarent ad punctum loci : atqui in illa hypothesis partes materiæ non confluarent ad punctum loci.

Prob. Min. Si partes materiæ confluarent ad punctum loci ,

loci vel confluenter in instanti vel successivè vel per motum localem , vel sine motu locali : atqui neutrum horum dici potest.

R. Nego Min. Et dico in prædicta hypothesi partes materiæ confluxuras ad punctum loci successivè & per motum localem , quia ad se mutuò accederent & penetrarent.

Inst. 2. Partes materiæ non possunt confluere ad punctum loci successivè & per motum localem , nisi forent magnæ seu extensæ : atqui in ea hypothesi non essent magnæ.

Prob. Maj. Tunc materia intelligitur magna formaliter & extensa , quando partes materiæ diversum occupant realiter actualiter locum : atqui , quo tempore confluenter ad punctum , diversum occuparent realiter actualiter locum partes materiæ , nam pro eo tempore nondum confluxissent.

R. Dist. Maj. Quando partes materiæ diversum occupant locum circumscripтивè , C. Definitivè , N. Porro in illa hypothesi partes occuparent diversa loca , non circumscripтивè ut antea , sed definitivè , siquidem suâ denudarentur extensione (ex hypothesi .)

Inst 3. Esse in loco circumscripтивè est esse totum in toto loco , & secundùm diversas sui partes esse in diversis loci partibus : atqui partes materiæ , quo tempore confluenter ad punctum loci essent hujusmodi.

R. Dist. Maj. Esse in loco circumscripтивè est esse secundùm diversas sui partes solidas & impenetrabiles in diversis loci partibus , C. Secundùm diversas sui partes penetrabiles nec solidas , N. At partes materiæ in illa hypothesi essent penetrabiles , siquidem ab eis sublata fuisset origo impenetrabilitatis magnitudo.

Inst. 4. Illæ partes sunt solidæ & impenetrabiles , quæ se se tangunt nec tangunt secundùm se totas ; atqui in prædicta hypothesi partes materiæ se tangerent , nec se tangerent secundum se totas , quia nondum essent in uno puncto loci ; ergo essent solidæ & impenetrabiles.

R. Dist. Maj. Illæ partes sunt solidæ & impenetrabiles , quæ se tangunt nec secundùm se totas , ob aliquam resistantiam mutuam partium ad invicem , C. Ob confluxum & motum localem , qui non potest in instanti perfici , N. Porro partes materiæ non se se tangerent secundùm se totas , eo quod nondum confluxissent , non autem ob resistantiam ad invicem mutuam.

O B J E C T I O II.

NUlla alia ratio adigit Philosophos ad distinguendam magnitudinem à materia, quām quia afferunt Corpus Christi esse in Eucharistia absque sua magnitudine, & magnitudinem panis absque suā materia, atqui utrumque falsum est.

Prob. Min. *Quoad primam partem.* Corpus illud non est sine sua magnitudine, quod habet partes positas extra partes in ordine ad locum: atqui Corpus Christi in Eucharistia habet partes positas extra partes in ordine ad locum.

R. Nego Min. Quia totum est in tota Hostia, & totum in singulis Hostiæ partibus, ut definitum est in Concilio Tridentino.

Inst. 1. *Corpus organicum habet partes extra partes in ordine ad locum: atqui Corpus Christi in Eucharistia est corpus organicum.* Ergo habet partes extra partes in ordine ad locum.

R. Di. Maj. *Corpus organicum existens modo naturali, C. Corpus organicum existens modo supernaturali, N. Porro Christi Corpus est in Eucharistia modo supernaturali, & ineffabili.*

Inst. 2. *Nisi corpus Christi haberet partes extra partes in ordine ad locum, partes Corporis Christi in Eucharistia essent confusæ: atqui non sunt confusæ; alioqui jam esset materia informis.*

R. Dist. Maj. *Partes Corporis Christi in Eucharistia essent confusæ confusionē loci, quia sunt in eodem indivisibiliter puncto loci, C. Essent confusæ confusionē entitatis, N. Nam semper servant ordinem debitum & naturalem ad invicem.*

Inst. 3. *Ut partes corporis Christi non sint confusæ confusionē entitatis, debent talem servare ordinem ad invicem, ut aliæ sint superiores, aliæ inferiores: atqui non possunt aliæ esse superiores, aliæ inferiores, nisi sint positæ extra se invicem in ordine ad locum.* Ergo partes Corporis Christi in Eucharistia sunt positæ extra se invicem in ordine ad locum.

R. Dist. Maj. *Partes Corporis Christi debent talem servare ordinem, ut aliæ sunt superiores, aliæ inferiores, in ordine ad*

ad se & in actu primo, C. In ordine ad locum & in actu secundo, N.

Inst. 4. Quod correspondet partibus formaliter extensis est formaliter extensum in ordine ad locum : atqui Corpus Christi in Eucharistia respondet partibus Hostiæ formaliter extensis ; ergo est formaliter extensum in ordine ad locum.

R. Dist. Maj. Quod correspondet circumscriptivè, C. Definitivè, N. Alioqui Deus, Angelus & anima formalem haberent extensionem, siquidem correspondent partibus materialiter extensis, v. g. anima nostra corpori nostro.


Inst. 5. Corpus illud correspondet circumscriptivè partibus formaliter extensis, cuius partes habent situm, figuram & statutam : atqui Corporis Christi partes habent Eucharistia situm, figuram & statutam.

Prob. Min. Canit Ecclesia de Corpore Christi *nec fractus, nec fractura signati minuitur* ; ergo habet situm, statutum & figuram.

R. Dist. Id canit Ecclesia, ut ostendat nullam fieri divisionem ipsius Corporis Christi, dum dividitur Hostia, C. Id canit, ut doceat esse in Corpore Christi veram & actualem figuram & statutam. N. Hinc immediatè ante verba citata canit : *nulla rei sit scissura, signi tantum sit fractura* : & statim subdit : *ne vallices sed memento, tantum esse sub fragmanto, quantum toto legitur*.

Inst. 6. Idem est Corpus Christi in Eucharistia, quod in cruce pendebat, quod jam in Cœlo existit : atqui idem non esset, nisi in Eucharistia situm, figuram, statutum & statutam habeat, sicuti aliâs.

R. Dist. Maj. Idem est Corpus Christi in Eucharistia, & in Cœlo, idem quoad substantiam, atque entitatem, C. Idem quoad modum existendi, N. Alioqui sicut in cruce & in cœlo sit sextupedale, esset pariter in Eucharistia sextupedale.



O B J E C T I O III.

Modus & modificatio materiæ non distinguitur à materia distinctione reali majori: atqui magnitudo est modus & modificatio materiæ, quia facit, ut materiæ partes sint certo quodam modo dispositæ.

R. Dist. Maj. Modus inseparabilis & metaphysicus, ut inflexio digiti, C. Modus separabilis & physicus, ut quantitas, quæ separatim existit in Altaris mysterio, N.

Inst. 1. Implicit magnitudinem separari à materia, & separatim existere; ergo eò modus materiæ inseparabilis à materia.

Prob. Ant. Implicit magnitudinem seorsim à materia esse substantiam simul & non esse: atqui magnitudo separata à materia foret substantia simul & non esset.

Prob. Min. Ens per se existens, independens à subjecto inhæsionis, est substantia propriè dicta, atqui magnitudo separata à materia esset ens per se existens: independens à subjecto inhæsionis, quia existeret absque subjecto.

R. Dist. Min. ult. syllog. Atqui magnitudo esset independens à subjecto inhæsionis in actu secundo, C. In actu primo, N. Nam essentialiter exigeret subjectum, nec nisi per miraculum sine subjecto existeret,

Inst. 2. Quod essentialiter exigit esse in subjecto inhæsionis, non potest absolute existere sine subjecto: atqui magnitudo exigit essentialiter esse in subjecto inhæsionis, siquidem in hoc differt à materia & forma substantiali.

R. Dist. Min. Atqui magnitudo essentialiter exigit esse in subjecto inhæsionis, esse in actu primo, id est, posse esse, C. Esse in actu secundo, Subdist. naturaliter & juxta naturalem ordinem, C. Absolutè, etiam miraculo interveniente, N.

Inst. 3. Non magis accidentis potest esse sine actuali inhæsionis, quam substantia sine actuali subsistentia, vel propria, vel aliena salse.

R. Nego Maj. & par. Ratio disp. est, quia subsistentia convenit substantiæ absolutè, & in ordine ad se. At vero inhæsio actualis convenit accidenti relativè & in ordine ad subjectum; cum ergo subjectum possit absolutè non

non existere, ut in Altaris mysterio; fit ut accidens non semper inhæreat in actu secundo.

Inst. 4. Nullum aliud argumentum probat magnitudinem existere separatim à materia, quām quod petitur ab Altaris mysterio, in quo dicitur magnitudo panis supereesse factā consecratione: atqui nihil necesse est agnoscere veram & realēm panis magnitudinem factā consecratione.

Prob. Min. Ut explicetur appositi mysterium altaris, sufficit, si dicatur factā consecratione Corpus Christi adesse sub speciebus remanentibus: atqui hoc dici potest absque eo, quod remaneat vera & realis magnitudo, dummodò remaneant species & apparentiæ magnitudinis panis.

R. Dist. Maj. Sufficit, si dicatur remanere species panis & vini, C. Species accidentium panis & vini, N. Porro sublatā magnitudine verā & reali panis, jam non remanerent species panis, sed duntaxat species & apparentiæ accidentium; Concilium autem Tridentinum definit remanere species panis & vini.

Inst. 5. Ad explicandum Altaris Mysterium satis est, si dicatur esse signum sensibile continens realitatem Corporis Christi: atqui sine ulla magnitudine verā & reali panis potest esse in Eucharistia signum sensibile, nimirum apparentiæ eadem in sensibus, quæ fuerant antea.

R. Dist. Maj. Satis est, si dicatur, esse signum sensibile permanens, & remanens, asservatum, & asservandum in Sacrario, & sub quo Christus existat realiter in Altari, C. Satis est, si dicatur esse signum transiens, nec in Altari remanens, sed duntaxat in sensibus, N. Nam Concilium Tridentinum dicit, Corpus Christi esse sub specie panis, manentibus speciebus panis --- Sacramentum Eucharistiae in Sacrario reservari --- separationem fieri specierum in Eucharistia. Quæ certè nequeunt intelligi de solis apparentiis, quæ sensibus nostris inexistentia.

Inst. 6. Dici potest, Deum sic afficere sensus nostros, ut eadem, quæ prius objecta percipiamus, tametsi non sint reipsa: atqui tunc apparebit magnitudo panis, nec tamen erit.

R. Dist. Maj. Id dici potest absolute, & abstracto à circumstantiis, in quibus institutum est à Christo Eucharistiae Sacramentum, C. Id dici potest positis rebus & circumstantiis, ut sunt, N. Nam mo-

modus ille explicandi non potest conciliari cum iis, quæ ex Tridentino mox retulimus.

Inst. 7. Quando legimus, Christum apparuisse Mariæ Magdalenæ sub specie hortulani, vel Spiritum Sanctum descendisse in Christum sub specie columbæ, hæc non intelliguntur de realitate hortulani, vel columbæ, sed de apparentis; ergo etiam dum dicitur, Christum esse sub specie panis, id intelligi potest de apparentiis & non de realitatibus.

R. 1. Nego Ant. Quia nihil vetat hœc intelligi de verâ hortulani specie & figurâ, quam Christus induisset.

R. 2. Nego Cons. & par. Ratio disp. quia apparitiones illæ hortulani & columbæ fuerunt solum transitoriae & ad breve tempus. At vero apparentiae in Eucharistia sunt permanentes & diuturnæ, hinc signum est esse reales & veras.

Inst. 8. Si species illæ panis & vini essent realia accidentia, non rectè canceret Ecclesia (*vissus, gustus in te fallitur.*)

R. Dist. In Eucharistia visus & gustus fallit ratione consequentium, C. Ratione fui, N. Scilicet substantia panis solet esse conjuncta illis accidentibus visis & gustatis, nec tamen est, facta consecratione.

II. PROPOSITIO.

Magnitudo non distinguitur realiter à materia.

PROB. Modus & modificatio materiæ est realiter inseparabilis à materia: atqui magnitudo est modus & modifica-
tio materiæ: sicut autem figura est modus rei figuratae inseparabilis à re figurata; ita extensio est modus rei extensæ inseparabilis à re extensâ seu materiâ. Ergo magnitudo non distinguitur realiter à materia.

O B J E C T I O.

Accidens physicum distinguitur realiter à suo objecto:
atqui magnitudo est accidens physicum materiæ.

PARS IV.

U

R. Dist.

R. Dist. Maj. Accidens physicum & absolutum, C. Et modale, N. Porro magnitudo seu extensio materiae est accidens modale consistens in situ & ordine partium materiae in ordine ad locum.

Inst. 1. Accidens modale non potest existeré seorsim à subiecto : atqui magnitudo panis, v. g. existit seorsim à materia in angustissimo Altaris Sacramento ; ergo magnitudo materiae non accidens modale.

R. Dist. Maj. Atqui magnitudo panis existit seorsim à materia, magnitudo accidentium panis, C. Magnitudo materiae panis ; N. Scilicet in Altaris mysterio supersunt accidentia panis, & simul accidentium magnitudo, quia supersunt accidentium partes extra partes in ordine ad locum.

Inst. 2. In Altaris mysterio superest ea magnitudo panis, quæ erat in pane ante consecrationem, atqui magnitudo, quæ erat in pane ante consecrationem, est ipsa magnitudo materiae panis ; ergo post consecrationem superest magnitudo non solum accidentium, sed & ipsius materiae, quæ transsubstantiata est.

R. Dist. Maj. Superest ea magnitudo, quæ erat in pane ante consecrationem, quæ erat propria accidentium panis, C. Quæ erat propria materiae panis, N.

Inst. 3. Ubi panis est, non est alia magnitudo accidentium panis, & alia materiae panis : atqui superest in Altaris mysterio magnitudo accidentium ; ergo & ipsius materiae.

R. Nego Maj. Quia totuplex esse debet magnitudo, quotuplex est res magna ; magnitudo multiplicatur pro multiplicatione subjectorum ; igitur alia & alia est magnitudo materiae, atque accidentium.

Inst. 4. Non est alia & alia magnitudo plurimumque se se penetrant : atqui materia panis & accidentia se se penetrant, ubicumque panis est ; ergo non est alia & alia magnitudo materiae panis atque accidentium.

R. Nego Maj. Nam plura, quæ se se penetrant, talis esse possunt conditionis, ut singulas partes suas habeant extra partes ; proinde singula magnitudine suā donentur.


Inst. 5. Si alia & alia esset magnitudo plurimum, quæ se se penetrant, plures magnitudines se se penetrarent : atqui hoc implicat.

R. Dist.

R. Dist. Maj. Plures magnitudines diversi generis se se penetrarent, C. Plures magnitudines ejusdem generis, N. Porro non implicat magnitudinem accidentium penetrare magnitudinem materiae in eodem corpore, quia cum accidentia non extendantur nisi propter materiam, debent partes accidentium esse penetratiè intrà partes materiae, ut sic finem assequantur suum.

Inst. 6. Omnis magnitudo dicit impenetrabilitatem, ergo implicat plures magnitudines etiam diversi generis se se penetrare.

R. Dist. Ant. Omnis magnitudo dicit impenetrabilitatem partium rei, cuius est magnitudo propria. C. Dicit impenetrabilitatem cum aliâ magnitudine heterogeneâ, N. Sic magnitudo materiae dicit mutuam partium materiae impenetrabilitatem: at non dicit impenetrabilitatem cum magnitudine accidentium, quia partes accidentium exigunt esse intrà partes materiae, proindeque eas penetrare.



QUÆSTIO QUINTA.

De compositione continui.

I. PROPOSITIO.

Continuum non componitur ex punctis Zenonicis.

PROB. Continuum non componitur ex iis, quæ non possunt facere extensionem continuam: atqui puncta Zenonica facere non possunt extensionem continuam: nam quæ necessariò se se penetrant, dum se tangunt, facere non possunt extensionem continuam: atqui puncta Zenonica necessariò se se penetrant, dum se tangunt. Etenim ea se se penetrant, quæ se tangunt secundum se tota & totaliter: atqui puncta Zenonica, dum se tangunt, se tangunt secundum se tota & totaliter, siquidem nullas se ponunt habere partes, nullam dimensionem; ergo puncta Zenonica non possunt facere extensionem continuam.

proindeque continuum non componitur ex punctis Zenoniciis.

O B J E C T I O.

Quod constat ex partibus inextensis & indivisibilibus, constat ex punctis Zenoniciis : atqui continuum constat ex partibus inextensis & indivisibilibus.

Prob. Min. Tam continuum potest constare ex partibus inextensis & indivisibilibus, quam numerus exurgere ex unitatibus, non numeris : atqui numerus exurget ex unitatibus, quae seorsim non sunt numerus.

R. Nego Maj. & par. Ratio disp. quia plures unitates simul unitæ faciunt multitudinem, proindeque numerum : at verò plura inextensa simul puncta nunquam facerent extensionem, proindeque nec continuum, siquidem se se penetrarent.

Inst. 1. Se habent puncta ad continuum sicut unitates ad numerum, inquit Mathematici ; ergo tam continuum potest constare ex punctis, quam numerus ex unitatibus, non numeris.

R. Dicit. Ant. Se habent puncta virtualia ad continuum, sicut unitates ad numerum, C. Puncta actualia, N. Scilicet partes reipsa extensæ, sed tamen spectatae absque extensione, & quasi forent vera puncta ingrediuntur compositionem continui, sicut unitates compositionem numeri.

Inst. 2. Ideò numerus exurget ex non numeris, quia plures unitates simul junctæ faciunt multitudinem : atqui pariter plura inextensa puncta simul juncta possunt facere extensionem.

Prob. Min. Tam plura inextensa puncta possunt facere extensionem simul juncta, quam plura entia incompleta, ut materia & forma, simul juncta facere ens completum; plura indivisibilia, ut Angeli, facere unum divisibile.

R. Nego par. Ratio disp. quia ens completum nihil habet incompossibile cum incompletis duobus : at verò extensum habet incompossibilitatem cum inextensis, quia inextensa cum se se mutuo penetrent, non possunt aliquid extensem procurare.

Inst. 3. Ideo extensem haberet incompossibilitatem cum partibus inextensis, quia partes illæ inextensæ se se penetrarent; atqui non necessariò se se penetrarent partes inextensæ.

Prob. Min. Illa non necessariò se se penetrarent, quæ possunt existere extrà se invicem in diversis locis: atqui puncta inextensa possunt existere extrà se invicem in diversis locis, siquidem mutuam non dicunt à se invicem dependentiam.

R. Dist. Min. Atqui puncta inextensa possunt existere extra se invicem, ex hypothesi, quod se se non tangant immediate, C. Ex hypothesi, quod se se tangant, N. Nam si se se tangunt, se se tangunt secundum se tota & totaliter, proindeque se se penetrant.

Inst. 4. Illa possunt se se tangere sine penetratione, quæ possunt se se tangere secundum unam sui faciem, & non tangere secundum aliam faciem: atqui puncta inextensa possunt se se tangere secundum unam sui faciem, & non secundum aliam.

R. Nego Min. Quia implicat dari plures facies in punto inextenso, nam facies sonat quandam amplitudinem. **2.** Quia quamvis punctum inextensem haberet diversas facies, si semel tangat secundum unam, necesse est, quod tangat secundum omnes, nam facies una non est extrà alteram faciem; ergo si tangat secundum hanc, tangit & secundum illam.

Inst. 5. Tam potest punctum extensem tangere secundum unam sui faciem, & non secundum aliam, quam possit extensem in longum, latum & profundum tangere secundum unam sui dimensionem, v. g. latitudinem, & non tangere secundum aliam, v. g. profunditatem.

R. Nego par. Ratio disp. quia quod extensem est, habet partes solidas & impenetrabiles, proindeque potest tangere secundum unam sui dimensionem & non secundum alteram: at verò punctum inextensem nihil solidi, nihil impenetrabilis in se continet, sed simplicitatem omnimodam absque resistentiâ, quia resistentia non venit nisi ab extensione, & quæ nulla est in punto inextenso.

Inst. 6. Atqui pariter punctum inextensem est maximè solidum & impenetrabile.

Prob. Subs. Eò solidius est aliquid, quo minus est in eo locus divisioni: atqui in puncto inextenso nullus est divisioni locus; ergo punctum inextensum debet censeri maxime solidum.

R. Dist. Maj. Eò solidius est aliquid, quo minus est in eo divisioni locus, ob partium intimam compactionem, ut contingit in ferro, C. Defectu partium dividendarum, ut sit in rebus, quæ carent partibus, N. porrò punctum nullas habet partes.

Inst. 7. Tam solidum esse potest id, quod caret partibus, quam possit esse minimè solidum id, quod plures habet partes: atqui non semper est solidum & impenetrabile, quod habet partes, v. g. materia & forma substantialis; ergo à pari solidum esse potest, quod caret partibus.

R. Nego Maj. & par. Ratio disp. quia quod caret partibus, non habet, quod opponat obviis corporibus: at verò quod plures habet partes, potest carere principio resistendi, nimirum extensione actuali, ex qua oritur soliditas atque impenetrabilitas.

O B J E C T I O II.

Continuum constat ex iis partibus, sine quibus non potest explicari contactus globi perfecti cum piano perfecto: atqui sine punctis zenoñicis non potest explicari absolute contactus globi perfecti cum piano perfecto.

Prob. Min. Globus perfectus non potest tangere planum perfectum nisi in puncto: ergo sine punctis zenoñicis explicari non potest hujusmodi contactus.

R. Dist. Ant. Non potest tangere planum nisi in puncto virtuali, C. Actuali, N. Id est, in parte re ipsâ divisibili tangit, sed quæ consideratur indivisibiliter.

Inst. 1. Vel globus perfectus tangit planum perfectum in puncto actuali, vel tangit in aliqua parte indivisibili & extensa: atqui non tangit in parte extensa & divisibili.

Prob. Min. Globus perfectus non potest tangere planum perfectum in una parte, in qua non potest ei adæquari: atqui globus perfectus non potest adæquari piano in parte excensa & divisibili.

Prob.

Prob. Min. Partes figuræ irregularis non possunt sibi perfectè adæquari : atqui pars extensa globi , & pars extensa plani sunt figuræ irregularis , una est globosa , altera est plana ; ergo globus & planum non possunt sibi adæquari in parte extensa & divisibili .

R. Dist. Min. Atqui partes extensæ globi sunt figuræ irregularis , si spectentur materialiter & entitativè , C. Si spectentur formaliter , prout sunt tangentes & tactæ , N. Nam quamvis pars quælibet globi sit entitativè globosa , tamen non spectatur ut talis , quatenus tangit planum , quia pars divisibilis tangit indivisibiliter , seu quasi foret indivisibilis .

Inst. 2. Partes globi debent spectari , quatenus sunt in globo : atqui quatenus sunt in globo , sunt globosæ : ergo debent spectari ut globosæ .

R. Dist. Min. Atqui quatenus sunt in globo , sunt globosæ , si spectentur materialiter , C. Si spectentur formaliter ut sunt tangentes , N. Nam ut sic , spectari debent quasi totidem puncta ; sicut via , quæ longa est simul & lata , saepe spectatur ut longa & non ut lata , quamvis sit materialiter lata .

Inst. 3. Si globus tangeret planum in parte materialiter extensa & divisibili , tangeret ipsum secundum suam soliditatem & profunditatem : atqui hoc implicat , alioqui ipsum penetraret .

R. Dist. Maj. Tangeret ipsum secundum suam soliditatem & profunditatem materialiter sumptam , D. Formaliter sumptam , N. Id est , ipsum tangeret per partem , quæ re ipsâ solida est & profunda , sed non consideratur quatenus solida & profunda , sicut via , quæ re ipsâ lata est , consideratur à viatore non quatenus lata est .

Inst. 4. Ea corpora se se tangunt secundum profunditatem formaliter sumptam , quæ se se tangunt secundum dimensionem indistinctam à profunditate : atqui globus & planum se se tangerent secundum dimensionem indistinctam à profunditate .

R. Dist. Maj. Quæ se se tangunt secundum dimensionem indistinctam formaliter à profunditate , C. Indistinctam materialiter atque entitativè , N. Nam alia est consideratio formalis partis ut latæ , & alia partis ut profundæ .

Inst. 5. Ea corpora se se tangunt secundum profunditatem formaliter, ut profunditas est, quae se se tangunt per mutuum in se invicem ingressum: atque globus & planum in illa hypothesi se se tangunt per mutuum in se se mutuo ingressum.

Prob. Min. Profundum tangens aliud profundum penetrat ipsum: atque globus & planum sic se se tangerent.

R. Dist. Maj. Profundum tangens aliud profundum penetrat ipsum, si tangat profundè, C. Si tangat improfundè, N. Porro globus profundus tangeret planum profundum, sed tangeret improfundè, sicut via lata & profunda fatigat viatorem, non latè & profundè, sed longè, id est, ut longa formaliter.

Inst. 6. Tam implicat profundè aliter se tangere quam profundè, quam implicet, quae sensibilia sunt, vel visibilia, sentiri, vel videri aliter quam sensibiliter, vel visibiliter.

R. Nego Par. Ratio disp. quia ratio visibilitatis & sensibilitatis ingreditur conceptum visionis & sensationis, res enim non videntur aut sentiuntur, nisi quatenus visibles vel sensibles: at verò ratio profunditatis non ingreditur conceptum contactus corporum: non enim corpora se se tangunt, quia sunt profunda, sed quia sunt lata, immo si (per impossibile) non esse profunda, adhuc se se tangere possent.

II. PROPOSITIO.

Continuum non componitur ex punctis physicis.

PROB. Continuum non constat ex iis, quae manifestam includunt in idea sua contradictionem: atque puncta physica manifestam involvunt in idea sua contradictionem: nam puncta physica sunt puncta formaliter extensa, & tamen indivisibilia: atque manifestè repugnat dari aliquid formaliter extensem & tamen indivisibile; quod enim est formaliter extensem, habet extrema duo & medium interjectum: atque quod habet extrema duo & medium interjectum, est divisibile; ergo puncta physica manifestam involvunt contradictionem, proindeque continuum non componitur ex punctis physicis.

OBJE-

O B J E C T I O.

PUNcta physica sunt extensa formaliter & indivisibilia : atqui continuum constat ex partibus formaliter extensis & indivisibilibus.

Prob. Min. Continuum constat ex iis partibus, quæ simul junctæ possunt facere extensionem continuam : atqui partes extensæ & indivisibles possunt facere extensionem continuam.

R. Dist. Maj. Quæ simul junctæ possunt facere extensionem continuam, nec involvunt in idea sua contradictionem, C. Secùs, N. Porrò partes extensæ indivisibles involvunt in idea sua apertam contradictionem, quia forent inextensæ simul & non forent, siquidem essent indivisibles ex hypothesis.

Inst. 1. Partes extensæ & indivisibles non involvunt in idea sua contradictionem, si non repugnat aliquid esse formaliter extensem, & tamen formaliter indivisibile ; atqui hoc non repugnat.

Prob. Min. Non magis repugnat aliquid esse formaliter extensem & indivisibile, quam repugnet aliquid esse formaliter divisibile & inextensem ; atqui non repugnat aliquid esse formaliter divisibile & inextensem simul, v. g. materiam expertem magnitudinis suarum ; ergo non repugnat aliquid esse formaliter extensem & indivisibile.

R. Nego Maj. & par. Ratio disp. quia quod est inextensem formaliter, potest habere plures entitatis partes, in quas dividit possit, ut materia : at quod est extensem, habet eo ipso multitudinem extremorum interjecto medio distantium, proindeque divisibile est absolute.

Inst. 2. Non repugnat id, quod est unum, una entitas, esse indivisibile : atqui aliquid extensem potest esse unum, una entitas ; ergo potest esse indivisibile.

R. Dist. Maj. Non repugnat id, quod est unum simplex, esse indivisibile, C. Id quod est unum compositum, N. Porrò quidquid extensem est formaliter, compositum est, quia habet extrema duo distantia, & medium interjectum.

Inst. 3. Non repugnat id esse indivisibile, quod est unum, una entitas excludens à se multitudinem partium : atqui extensem Epicureum est unum unitate excludente multitudinem partium ; ergo est unum unitate simplici.

R. Dist. Min. Atqui extensum Epicureum est unum unitate excludente multitudinem partium, atque in hoc involvit apertam contradictionem, C. Secus, N.

Inst. 4. Atqui partes continui debent esse formaliter extensae, & tamen excludere à se multitudinem partium.

Prob. Subf. Partes continui debent habere duas conditio-nes; primò, ut possint facere magnitudinem; secundò, ut possint esse terminus creationis: atqui non haberent primam, nisi essent extensae, nec secundam, si non excluderent à se multitudinem partium.

Prob. Min. *Quoad secundam partem.* Illud non est terminus creationis, quod fit ex aliquo præsupposito: atqui partes continui fierent ex aliquo præsupposito, nisi excluderent à se multitudinem partium.

R. Dist. Maj. Quod fit ex aliquo præsupposito per educationem, C. Per compositionem, N. Porrò partes extensae sunt ex præsuppositis aliis partibus suis minoribus per compositionem, non autem per educationem, quia non educuntur ex suis partibus, sicut educitur forma substantialis ex materia.

Inst. 5. Non magis dici potest continuum à Deo creari, si fiat ex partibus præsuppositis per compositionem, quam dominus dici possit creari ab Architecto, cum fit ex præjacentibus partibus suis per compositionem.

R. Nego par. Ratio disp. quia architectus ipsas non producit partes domūs, sed aliundē productas colligit: at verò Deus non solum colligit continui partes; sed etiam omnes simul & semel ex nihilo extrahit.

Inst. 6. Fieri potest, ut Deus partes continui antea disseminatas colligeret; ergo continuum non posset dici creatum.

R. Dist. Conf. Non posset dici creatum præcisè ratione modi colligendi partes, C. Ratione totius entitatis, N. Nam tota substantia esset creata à Deo.

O B J E C T I O II.

Continuum componitur ex iis partibus, quæ requiruntur necessariò ad faciendam extensionem continuam: atqui puncta physica necessariò requiruntur ad faciendam extensionem continuam,

Prob.

Prob. Min. Ad faciendam extensionem continuam requiruntur necessariò primæ pates extensæ, prima componentia extensa : atqui primæ partes extensæ sunt puncta physica, quia debent esse indivisibiles.

R. Dist. Maj. Requiruntur primæ partes extensæ, primæ secundum quid & comparatè ad totum continuum, C. Primæ simpliciter & absolute, N. Quia in divisione continui nunquam deveniri potest ad primam simpliciter partem, quæ non valeat ulterius dividi in duas minores partes & simpliciores.

Inst. 1. Ad faciendam extensionem continuam requiruntur primæ simpliciter & absolute partes, vel datur progressus in infinitum in partibus continui : atqui implicat progressus in infinitum in composito.

R. Dist. Min. Atqui implicat progressus in infinitum in composito essentiali atque heterogeneo, C. In composito integrali & homogeneo, N. Ratio disp. quia compositum essentiale non debet constare ex partibus ejusdem secum rationis & naturæ : at verò compositum homogeneum constat ex partibus ejusdem secum naturæ & rationis : sicut ergo continuum est divisibile, ita pars quælibet continui est extensa & divisibilis.

Inst. 2. Implicat quodlibet continuum esse infinitum actu : atqui esset infinitum actu, nisi primæ darentur in eo partes simpliciter & absolute.

Prob. Min. Illud est infinitum actu, ex quo educi possunt infinitæ partes ; atqui ex quolibet continuo educi possunt partes infinitæ, si non dentur primæ in eo simpliciter partes.

R. Dist. Maj. Ex quo educi possunt infinitæ partes, possunt potentiam consummabili & categorematicâ, C. Possunt potentiam inconsummabili & syn-categorematicâ, N. Porrò potentia continui in perpetuum dividendi est inconsu-
mabilis, ita ut implicet eam esse totaliter redactam ad actum, alioqui ventum esset ad punctum aliquod vel Zenonicum, vel physicum; utrumque autem implicat.

Inst. 3. Illud est infinitum actu & categorematicè, in quo tot actu reperiuntur partes, ut nulla sit actu prima, nulla ultima : atqui in quolibet continuo tot erunt actu partes,

partes, ut nulla fuerit, actu prima & ultima; ergo continuum est infinitum actu.

R. In opinione existimantium partes continui non esse distinctas ante divisionem.

Dist. Maj. In quo tot actu reperiuntur partes, ut nulla sit actu ultima, si partes illae sint actu distinctae ante divisionem, C. Secus, N. Porrò continui partes non sunt actu distinctae ante divisionem, proindeque non faciunt numerum actu infinitum,

Inst. 4. Illae partes sunt actu distinctae, quarum una est realiter extra alteram; atqui una pars continui est realiter extra alteram ante divisionem, v. g. pars Orientalis est realiter extra Occidentalem.

R. Dist. Maj. Quarum una est realiter extra alteram, per actualem unius ab altera separationem vel distinctionem, C. Per actualem continuitatem, N. Porrò pars Orientalis est quidem extra Occidentalem per continuitatem totius, non verò per actualem separationem vel distinctionem.

Inst. 5. Illae partes sunt extra se se invicem per actualem unius ab altera distinctionem, quae singulæ habent suas differentias numericas distinctas; atqui singulæ partes continui habent suas differentias numericas distinctas ante divisionem.

R. Dist. Min. Singulæ partes continui habent differentias numericas potestate distinctas, C. Actu distinctas, N. Sicut enim ante divisionem sunt separabiles, ita sunt distinguibiles, & facta separatione, actu sunt distinctae.

Inst. 6. Vel singulæ partes continui habent differentias numericas actu distinctas ante divisionem, vel dicendum est, quod eas acquirant vi divisionis: atqui eas non acquirunt vi divisionis, quia post divisionem nihil habent, quod prius non habeant.

R. Dist. Min. Atqui singulæ partes non acquirunt suas differentias numericas vi divisionis, eas non acquirunt quoad entitatem & rem, C. Quoad distinctionem & numerum, N. Nam sicut per divisionem fiunt actu separatae, cum antea essent divisibles; ita vi divisionis fiunt partes actu distinctae, cum antea essent solummodo distinguibiles.

Inst.

Inst. 7. Partes, quæ sunt ante separationem divisibiles, sunt ante separationem distinctæ quoad entitatem; atqui partes continui essent ante separationem divisibiles.

R. Dist. Maj. Quæ sunt divisibiles, sunt distinctæ potestate, C. Actu, N.

Inst. 8. Separabilitas realis est argumentum distinctionis realis.

R. Dist. Est argumentum distinctionis realis potentialis, C. Actualis, Subdit. In rebus heterogeneis, C. Homogeneis, N. Ratio disp. quia partes totius homogenei sunt ejusdem naturæ cum toto; proindeque necesse non est, quod distinguantur actualiter à se invicem: è contra vero partes totius heterogenei sunt diversæ naturæ à toto; ut corpus & anima ab homine.

R. 2. *In opinione existimantium partes continui esse distinctas ante divisionem.*

Dist. superiore Maj. Illud est infinitum actu; in quo reperiuntur tot actu partes, ut nulla sit prima & ultima in eadem divisione quantitatis sextupedalis in pedes datur primus & ultimus semipes; & sic deinceps.

Inst. Si datur in divisione continui prima & ultima pars, vel illa ultima pars esset divisibilis vel indivisibilis. Si divisibilis est; ergo non est ultima. Si indivisibilis; ergo est punctum Zenonicum, vel physicum.

R. Partem illam esse divisibilem aliâ divisione; sed non eadem divisione; sic v. g. si divisio totius facta est in pedes, quilibet pes est iterum divisibilis non in pedes, sed in semipedes.

R. 3. *In opinione existimantium numerum infinitum actu esse possibilem.*

Dist. superiore Maj. Inst. 2. Implicit quodlibet continuum esse infinitum actu in magnitudine, C. In multitudine, partium proportionalium semperque minorum, N.

Inst. Si quodlibet continuum esset infinitum actu in multitudine, essent in continuo quolibet perfectiones actu infinitæ; falsum conf.

R. Dist. Maj. Essent infinitæ homogeneous, C. heterogeneous, N. Neque tamen continuum idcirco esset infinite perfectum, quia sicut infinitus muscarum numerus nihil per-

perfectus diceret quam una, vel altera musca: ita dicendum de infinitis continui partibus.

Inst. Sequeretur inde omnia continua esse perfecte aequalia; siquidem unum infinitum non est altero infinito majoris aut minus.

R. Dist. Sequeretur inde omnia continua esse aequalia in multitudine partium proportionalium, C. In magnitudine singularum partium aliquotarum, N. Nam partes unius continui majoris sunt majores partibus alterius continui minoris.

III. PROPOSITIO.

Continuum componitur ex partibus in infinitum divisibilibus.

PROB. Quod constat ex partibus semper extensis, semper continuis, constat ex partibus semper divisibilibus: atqui continuum constat partibus semper extensis, semper continuis; vel enim constat partibus semper extensis, vel constat partibus tandem inextensis: atqui continuum non constat partibus tandem inextensis, quia non constat punctis zeno-nicis; ergo componitur ex partibus semper extensis, proindeque in infinitum divisibilibus.

O B J E C T I O.

Quod est in infinitum divisibile, infinitis constat partibus: atqui continuum infinitis non constat partibus, alioqui esset infinitum.

R. Dist. Maj. Infinitis constat partibus proportionalibus & indeterminatae magnitudinis, C. Aliquoties certis & determinatis, N. Porro in continuo sunt partes infinitae proportionales semperque decrescentes: si linea bipedalis constat ex pede, semipede, quadrante, semi-quadrante, quadrante quadrantis, & sic deinceps: ita tamen ut infinitae partes illae non superent quantitatem bipedalem.

Inst. 1. Si continuum constaret ex partibus infinitis proportionalibus, constaret ex minoribus & minoribus in infinitum

infinitum : atqui non constat ex minoribus & minoribus in infinitum.

Prob. Min. Si continuum constaret ex minoribus & minoribus in infinitum, constaret etiam ex majoribus & majoribus in infinitum : nam quæ sunt minora & minora descendendo, sunt majora & majora ascendendo.

Nego Maj. vel Dist. Maj. Constatet etiam ex majoribus & majoribus in infinitum, si posset assignari prima pars proportionalis inter ascendendum, C. Si non posset assignari prima pars proportionalis, N. Porro nulla est pars prima proportionalis in continuo, à qua duci possit initium, ut ascensus fiat ad majores in infinitum.

Inst. 2. In composito finito potest assignari prima pars & ultima simpliciter pars : atqui continuum est compositum finitum ; ergo potest in continuo assignari prima & ultima pars.

R. Dist. Maj. In composito finito tamen secundum partes proportionales, quam secundum aliquotas, C. Secundum aliquotas tantum, N. Porro continuum est quidem finitum secundum partes aliquotas, & determinatae magnitudinis : at non secundum partes proportionales : quia quamvis in quantitate bipedali certus sit numerus pedum vel semipedum ; non est tamen certus pedis, semipedis, quadrantis, semiquadrantis, & sic deinceps, numerus.

Inst. 3. Partes proportionales & aliquotæ identificantur : atqui continuum non est infinitum secundum partes aliquotas, ergo nec secundum proportionales.

R. Dist. Maj. Identificantur realiter actualiter, C. Formaliter & quoad modum considerationis, N. Nam una pars aliqua est divisibilis in infinitas proportionales semper minores & minores.

Inst. 4. Illud non est divisibile in infinitum in partes proportionales, cujus omnes divisiones possunt absolviri : atqui omnes continui divisiones possunt absolviri.

Prob. Min. Tunc omnes divisiones continui possunt absolviri, quando continuum potest dividi in tot partes, in quot divisibile est : atqui continuum dividi potest in tot partes, in quot divisibile est.

R. Dist. Min. Atqui continuum dividi potest in tot partes, in quot divisibile est : ita ut semper & semper restet aliquid

aliquid dividendum. C. Ita ut nihil amplius restet dividendum, N.

Inst. 5. Ut continui pars nulla dividenda restet, satis est, si omnes continui tollantur uniones : atqui possunt absolute tolli omnes continui uniones : siquidem sunt omnes corruptibiles ; ergo continuum potest dividi, ita ut nulla restet pars dividenda.

R. Dist. Maj. Satis est, si omnes continui tollantur uniones collectivè sumptæ, C. Distributivè sumptæ, N. Porro implicat tolli omnes continui uniones collectivè sumptas, quæ iis sublatis ventum esset ad puncta, quod absurdum est.

Inst. 6. Quæ uniones possunt simul & semel à Deo annihilari, possunt collectivè tolli : atqui omnes uniones continui possunt simul & semel à Deo annihilari per subtractionem conversationis.

R. Dist. Min. Atqui omnes continui uniones collectivè possunt simul & semel annihilari, ita ut nihil de continuo remaneat post annihilationem, C. Ita ut aliquid de continuo remaneat, N. Nam sublatis illis unionibus collectivè sumptis, quod remaneret vel esset extensum, vel non ; si sit extensum, ergo est divisibile iterum ; si non sit extensum ; ergo erit punctum, quod impossibile est.

Inst. 7. Sublatis unionibus continui omnibus, adhuc remanerent, quæ uniebantur per illas uniones : ergo remaneret aliquid de continuo.

R. Nego Ant. Quia, cùm, quæ uniebantur, essent extensa, indigebant unione, ut in esse suo perseverarent : si ergo omnis tollatur unio, ergo non remanebunt, quæ antea uniebantur.

Inst. 8. Uniones illæ omnes tollerentur per divisionem : atqui divisio relinquit res divisas, ergo sublatis unionibus continui omnibus, adhuc remanerent, quæ uniebantur antea.

R. Dist. Min. Atqui divisio relinquit res divisas, si non tollat, quod necessarium est ad conversationem earum, C. Secùs, N. At unio aliqua necessaria est ad conservationem partium continui, quæ concipi nequeunt sine extensione, proindeque nec sine unione.

IV. PROPOSITIO.

Continuum componitur ex punctis physicis.

PROB. Quod constat partibus extensis & tamen indivisibilis, constat ex punctis physicis: atqui continuum constat partibus extensis. & tamen indivisibilis; nam continuum constat ex partibus, quæ tales sunt, ut ex iis constituatur aliquid extensum & tamen finitum: atqui ad hoc necesse est, ut partes illæ sint extensæ & tamen indivisibiles; nam si non essent extensæ, non possent aliquid extensum facere, si non essent indivisibiles, essent infinitæ partes, & sic continuum facerent infinitum; ergo continuum constat ex punctis physicis.

O B J E C T I O.

Quod constat ex minoribus, & minoribus in infinitum continuis, constat ex semper divisibilibus: atqui continuum constat ex minoribus & minoribus in infinitum continuis.

Prob. Min. In cujus nulla pars est indivisibilis, constat ex minoribus & minoribus in infinitum continuis: atqui nulla pars continui est indivisibilis.

Prob. Min. Omne extensum est divisibile: atqui omnis pars continui est extensa formaliter; ergo est divisibilis.

R. Dist. Maj. Omne extensum extensione composita est divisibile, C. Extensione simplici, N. At continui partes sunt extensæ extensione simplici, per modum principiorum primò componentium.

Inst. 1. Quidquid est extensum, habet duas medietates, & medium interjectum, sed quidquid habet duas medietates, & medium interjectum est divisibile; ergo quidquid est extensum, est divisibile præcisè, quatenus extensum est.

R. Dist. Min. Atqui quidquid habet duas medietates, est divisibile virtualiter, mathematicè & per mentem, C. Est divisibile actualiter, physicè, & realiter, N. Cum enim sit actu & physicè simplex, est actu & physicè indivisible.

Inst. 2. Quod realiter & physicè habet duas medietates, & medium interjectum, realiter & physicè est divisibile : atqui omne extensum habet realiter & physicè duas medietates, cogitemus, vel non.

R. Dist. Maj. Quod realiter & physicè habet duas medietates per modum alicujus compositi, C. Per modum principii sim licis primò componentis, N.

Inst. 3. Illud est realiter & physicè compositum, in quo assignari potest pars major, pars minor : atqui in eo omni, quod est extensum quācumque extensione formalī, potest assignari pars major, pars minor ; ergo est physicè compositum.

R. Dist. Maj. In quo assignari potest pars major, pars minor physica, actualis & realis, C. Pars major & minor logica, virtualis & mathematica, N. At in partibus continui est majus & minus logicè, virtualiter ; non physicè, & realiter actualiter,

Inst. 4. Ibi sunt pars major, pars minor actuales & physicæ, ubi est pars, quæ physicè tangitur, aliâ non tactâ physicè : atqui in omni, quod est extensum formaliter, est pars una, quæ physicè tangitur, dum alia non tangitur physicè & actualiter, nempe una extremitas sine altera.

R. Nego Min. Quia non sunt plures atri partes in entitate simplici. At punctum physicum formaliter extensum supponit esse una simplex entitas.

Inst. 5. Nisi pars extensi formaliter tangeretur, aliâ physicè non tactâ, partes continui se se tangerent secundum se totas, sive se se penetrarent. Falsum consequens.

R. Dist. Maj. Partes continui se tangerent secundum se totas actualiter & physicè, C. Virtualiter & mathematicè, N. Nam alia & alia est virtualiter extremitas in punto physico.


Inst. 6. Atqui in omni extenso quācumque extensione formalī, sunt partes aliæ & aliæ actualiter & physicè.

Prob. Subs. Ibi sunt partes actualiter & physicè aliæ & aliæ, ubi sunt extremitates actualiter extra se invicem actualiter distantes actuali interjecto medio : atqui haec omnia reperire est in omni extenso quālibat extensione formalī.

R. Dist. Maj. Ubi sunt actualiter extra se invicem, actualiter distantes, in entitate composita & divisibili, C. In entitate simplici & indivisibili, N.

Inst. 7. Linea omnis est divisibilis in duas partes aequales, (ex demonstratione Euclidis:) Atqui quidquid est extensum extensione formalis, potest habere rationem lineæ: ergo potest esse divisibile.

R. Dist. Maj. Linea omnis est divisibilis mathematicè, & per mentem, C. Physicè & realiter, N. Præsertim si sit entitas simplex, ut atomus physica.



QUÆSTIO SEXTA.

De Vacuo.

I. PROPOSITIO.

Vacuum etiam ingens est absolute possibile.

PROB. Vacui nomine intelligitur spatum omni prorsùs corpore destitutum: atqui possibile est spatum etiam ingens omni prorsùs corpore destitutum. Nam si Deus destrueret corpora, quæcumque modo sunt Cœlum inter & Terram, Cœlo interim Terraque manentibus, ut nunc sunt, certè daretur spatum ingens omni prorsùs corpore destitutum: atqui potest absolutè Deus destruere corpora quæcumque modo sunt Cœlum inter & Terram, Cœlo Terraque manentibus, ut nunc sunt; siquidem libet conservantur à Deo. Ergo possibile est spatum omni prorsùs corpore destitutum, proindeque vacuum etiam ingens.

O B J E C T I O.

VAcuum ingens est ingens aliquid spatum sine corpore: atqui absolutè impossibile est spatum omni generatim corpore destitutum.

Prob. Min. Si s. atium omne sit corpus, certè impossibile est spatium sine corpore: atqui spatium omne corpus est; ergo impossibile est spatium omni generatim corpore destitutum.

Prob. Min. Omne quod est extensum in longum, latum & profundum, corpus est: atqui spatium omne est extensum in longum, latum & profundum; ergo spatium omne corpus est.

R. Dist. Maj. Quod est extensum solidè & impenetrabiliter, C. Penetrabiliter, N. Porrò spatium est extensum, sed penetrabiliter, & absque ullâ soliditate, cùm ipsa sit divina immensitas, in qua vivimus, movemur & sumus.

Inst. 1. Quidquid habet partes extra partes, nec se se penetrantes, certè est extensum impenetrabiliter & solidè; atqui spatium omne habet partes extra partes nec se se penetrantes; ergo spatium omne est extensum solidè & impenetrabiliter.

R. Dist. Maj. Quidquid habet partes actuales & formales extra partes actuales, C. Partes virtuales extra partes virtuales, N.

Inst. 2. Partes solidæ & resistentes sunt partes actuales & formales: atqui spatium omne habet partes solidas & resistentes.

Prob. Min. Partes, quarum una tangit alteram absque mutua penetratione, sunt solidæ & resistentes: atqui spatium omne habet partes, quarum una tangit alteram absque penetratione, alioqui cessaret esse spatium.

R. 1. Dist. Maj. Quarum una tangit alteram contactu mathematico seu quantitativo, C. Contactu physico seu virtuali, N.

R. 2. Dist. Min. Atqui spatium habet partes, quarum una tangit alteram absque penetratione sui invicem, C. Absque penetratione occurrentium corporum, N. Licet enim partes virtualis divinæ immensitatis non se se penetrant, penetrant tamen occurrentia corpora, in quo differunt à partibus actualibus & quantitativis.

Inst. 3. Partes, quarum una non est altera ante omnem mentis operationem, suntque extra se invicem in ordine ad locum, sunt partes solidæ, quantitativæ, & actua-

& actuales : atqui partes cujuslibet spatii sunt hujusmodi.

R. Dist. Maj. Quarum una non est altera in sensu reali, actuali, identico, C. In sensu virtuali, N. Porro partes immensitatis divinae sunt eadem & simplex actualiter entitas, virtualiter composita & multiplex nec enim concipi potest Dei immensitas absque eo, quod sit longè latèque diffusa, non per partes actuales, sed per virtuales & æquivalentes.

Inst. 4. Partes à se mutuò realiter separabiles, sunt distinctæ realiter & actualiter : atqui partes spatii cujuslibet sunt à se mutuò separabiles realiter.

Prob. Min. Quæ existunt in distinctis & separatis locis, sunt separabilia realiter : atqui partes cujuslibet spatii existunt simul in distinctis & separatis locis.

R. Dist. Maj. Quæ existunt in distinctis & separatis locis, per diversas realiter entitates, C. Per eandem entitatem, eamque realiter simplicem & indivisibilem, N. Porro spatium seu immensitas divina est una quædam realiter simplex & indivisibilis entitas, infinitè tamen undequaque protensa.

Inst. 5. Nisi partes spatii essent actuales & à se mutuò realiter separabiles, corpora omnia existerent in indivisibili, in puncto : atqui hoc implicat.

R. Dist. Maj. Corpora omnia existerent in indivisibili in partes reales actuales solidas & impenetrabiles, C. In indivisibili in partes virtuales, N. Hoc autem posterius non implicat.

Inst. 6. Atqui spatium omne est divisibile in partes actuales & solidas.

Prob. Subf. Spatium omne debet esse divisibile in partes, quæ possint facere distantiam inter corpora extrema : atqui solæ partes actuales & solidæ possunt facere distantiam veram inter extrema corpora.

Prob. Min. Quod ponit distantiam inter extrema corpora, hujusmodi debet esse, ut de illo quæri possit quantum sit : atqui de solidis partibus actualibus & solidis id quæri potest, quia solidæ sunt quantitativæ.

R. Dist. Maj. Ut de illo quæri possit, quantum sit penetrabiliter, C. Impenetrabiliter, N. Nam corpora locata penetrantur à spatio, in quo sunt.

II. PROPOSITIO.

Datur Vacuum disseminatum intra partes universi.

PROB. Inter ea corpora datur vacuum aliquod saltem disseminatum, quæ non possunt sibi invicem tam aptè applicari, quin vacui quidpiam intercipiatur: atqui partes hujus universi non possunt tam aptè sibi invicem applicari, quin vacui quidpiam intercipiatur: nam partes, quæ sunt figuræ irregularis, & in perpetuo motu positæ non possunt physicè loquendo tam aptè applicari sibi invicem, quin vacui quidpiam intercipiatur: atqui partes hujus universi sunt figuræ irregularis, & in perpetuo motu positæ: ergo prodigiū loco foret, si tam aptè applicarentur sibi invicem, ut nihil quidquam intercipieretur vacui, proindeque datur vacuum saltem disseminatum intra partes universi.

O B J E C T I O.

Non datur vacuum illud, quod non solum inutile est, sed etiam foret naturæ valdè noxium: atqui vacuum disseminatum esset inutile & noxitum naturæ.

Prob. Min. Illud esset naturæ valdè noxium, quod impedit constantem partium naturæ unionem inter se: atqui vacuum disseminatum impedit unionem partium naturæ, si quidem eas dissociaret interstitiis.

R. Dist. Maj. Quod impedit unionem partium naturæ ultrà modum, simpliciter & ex omni parte, C. Secundùm quid tantum, & ex aliqua parte minus notabili, N. Sic in corpore naturali partes ita sunt unitæ, ut tamen poris quibusdam intercidantur.

Inst. 1. Atqui partes universi constantem habent unionem inter se simpliciter & ex omni parte.

Prob. Sud. Ea conitantes habent unionem simpliciter, quorum alia aliis tam immediate applicantur, ut nulla relinquant interstitia, aut si relinquant, ea repleantur materia subtili: atqui partes naturae sic aliæ aliis applicantur, ut vel nulla relinquant interstitia, vel si quâ parte relinquant, ea repleantur materia subtili.

R. Dist. Min. Vel si quâ parte relinquant ea, repleantur materia subtili, & ipsa materia subtilis suos habet poros, C. Nec ipsa habet poros suos, N. Si enim materia subtilis habeat poros, illi debent esse vacui, quia non datur subtilior & subtilior in infinitum materia.

Inst. 2. Materia, quæ nullius est figuræ tenax, & se se indifferenter accommodat in omnem sensum, nullos debet habere poros vacuos; nam pori veniunt ab irregularitate partium figuratarum: atqui materia subtilissima nullius est figuræ tenax; ergo nullos in se admittit poros vacuos.

R. Dist. Min. Atqui materia subtilissima nullius est figuræ tenax secundum partes suas majusculas, C. Secundum partes suas tenuiores, minusque notabiles, N. Sicut enim aqua nullius est figuræ tenax secundum partes sensibiles, est verò secundum partes insensibiles & exiguae, idèque non permeat omnia indiscriminatim corpora: ita & materia subtilissima.

Inst. 3. Corpus fluidissimum secundum partes tenuiores & minutissimas, nullius est figuræ tenax secundum partes tenuiores & minutissimas: atqui materia subtilissima est fluidissima secundum partes suas tenuiores & minutissimas.

Prob. Min. Corpus homogeneum & fluidissimum secundum se totum, est quoque fluidissimum secundum partes minutissimas & tenuiores: atqui materia subtilissima est corpus quoddam homogeneum & aliunde fluidum secundum se totum.

R. Dist. Maj. Corpus homogeneum secundum primas sui partes, C. Secundum partes solummodo majores, N. Porro materia subtilissima est quidem corpus homogeneum secundum partes majusculas, at non secundum partes minutissimas: sicut caro est homogenea secundum partes sensibiles & majores, & non secundum minutissimas, quia dividitur in elementa quatuor, ex quibus constat.

Inst. 4. Omnes partes tenuiores materiæ subtilissimæ sunt similes & homogeneæ; ergo materia subtilissima est corpus homogeneum secundum partes suas primas & minutissimas.

R. Dist. Ant. Omnes partes materiæ subtilissimæ sunt similes & homogeneæ, secum invicem, *Transeat*. Homogeneæ cum toto, N. Quia singulæ possunt esse seorsim solidæ, toto verò fluidum.

Inst. 5. Non magis totum fluidissimum potest fieri ex partibus seorsim non fluidis, quam totum extensum ex partibus seorsim inextensis.

R. Nego par. Ratio disp. quia non rectè concipitur, quomodo inextensa possint facere extensem, quandoquidem se se penetrent, necesse est: at rectè concipitur, quomodo plura minutissima & solida simul agitata possint exhibere nobis totum fluidum: siquidem fluiditas consistit in motu perniciissimo partium exiguarum.

III. PROPOSITIO.

Non datur vacuum etiam exiguum intra partes universi.

PROB. Nullum datur vacuum etiam exiguum intra partes universi, si quæcumque sunt intra partes universi interstitia, repleantur accuratè materia subtili: atqui quæcumque sunt intra partes hujus universi interstitia, replentur accuratè materia subtili, quæ cùm nullius sit figuræ tenax potest indifferenter se accommodare in omnem sensum; ergo nihil necesse est agnoscere vacuum etiam exiguum intra partes universi.

O B J E C T I O.

D Ator in rerum natura id, sine quo motus localis, condensatio & rarefactio corporum explicari non possint: atqui sine vacuo disseminato hæc nexplicari nequeunt.

Prob. Min. *De motu locali.* Corpus moveri non potest localiter, nisi sit locus, in quem se recipiat: atqui nisi detur vacuum satem disseminatum, non potest esse locus, in quem se recipiat corpus mobile.

R. Nego

R. Nego utramque Min. Alioqui requireretur vacuum ingens, quia debet esse locus ingens, in quem se se recipiat corpus mobile : igitur corpus, quod incipit moveri, pellit vicinum è suo loco, vicinum pulsus pellit aliud, quo adusque facta fuerit circulatio perfecta corporum.

Inst. 1. Corpus mobile vel se se recipit in locum plenum vel in vacuum : at qui non se se recipit in plenum, alioqui datur penetratio ; ergo se se recipit in vacuum.

R. Dist. Min. At qui mobile non se se recipit in plenum quatenus plenum priori corpore, C. In plenum, qui mox erat plenus priori corpore & incipit repleri novo, recedente veteri, N. Sic dum rota movetur circa suum axem, pars superior se se recipit in locum inferioris, neque tamen ibi est ulla vacui suspicio.

Inst. 2. Prius est corpus vicinum suo cedere loco, quam mobile ejus subire locum relictum, ergo locus prius est vacuus quam plenus.

R. Dist. Maj. Prius est corpus vicinum suo cedere loco, prius prioritate naturæ, C. Temporis, N. Sicut enim in eodem instanti fenestra aperitur & ingreditur ventus, ita in eodem instanti mobile pellit & vicinum corpus cedit, & locus repletur novo corpore.

Inst. 3. Mobile non potest subire locum à vicino corpore relictum, nisi per motum localem accedat ad illum locum, at qui ad motum localem requiritur prioritas temporis & posterioritas, & non solum naturæ.

R. Dist. Min. At qui ad motum localem requiritur prioritas temporis, id est, successio quædam actualis & temporanea in motu, C. Requiritur prioritas temporis, id est, primo vacuitas, deinde plenitudo, N. vel Subdist. Si corpora non sint contigua, C. Si sint contingua, N. Porro omnia corpora supponuntur contingua, eo ferè modo quo partes rotæ.

Inst. 4. Corpora figuræ irregularis non possunt sic aptari, nisi relinquant aliqua inter se vacuola : at qui mobile corpus & huic vicinum sunt figuræ irregularis.

R. Dist. Maj. Si præsto non sit materia subtilis replendis omnibus vacuolis, C. Si sit præsto materia subtilis, N. Porro materia subtilis replet omnia interstitia inter duo corpora figuræ irregularis.

Inst. 5. Saltem illa materia subtilis suos habet poros vacuolis intercisis.

R. Nego Maj. Nam materia subtilis nullius est per se figuræ tenax.

Inst. 6. Corpus, quod præbet lumini facilem transitum, debet habere poros : atqui materia subtilis præbet lumini facilem transitum : si quos autem habet, habet vacuos, ergo datur vacuum.

R. Dist. Maj. Debet habere poros vel prius vacuos vel recens fabricatos à transeunte corpore, C. Prius vacuos semper, N.

Probatur secunda pars de condensatione & rarefactione,

Tunc fit condensatio corporis, quando corpus incipit minus occupare spatii, quam prius occuparet : atqui hoc explicari non potest sine vacuolis intra partes illius corporis ; ergo condensatio explicari non potest sine vacuo disseminato.

Prob. Min. Ut corpus incipiat minus occupare spatii, necesse est, ut partes corporis prius dissipatae accedant ad se se propriis : atqui accedere non possunt propriis ad se se, nisi dentur vacuola intrinsecis.


R. Nego utramque Min. Nam partes corporis possunt esse dissipatae per interjecta corpuscula heterogenea, v. g. partes aëris per corpuscula materiæ subtilis, partes spongiæ per aqueas, quibus imprægnatur particulas.

Inst. 1. Vel partes corporis prius dissipatae accedunt ad se se expellendo vacuola, vel se se penetrando: atqui non accedunt penetrando se se; ergo expellendo vacuola.

R. Nego Maj. Et dico accedere ad se se expellendo corpuscula heterogenea, sicut partes spongiæ accedunt ad se se, dum condensatur, expellendo aqueas, quibus imprægnatur particulas.

Inst. 1. Tunc partes corporis se se penetrent, necesse est, quando totum corpus non plus occupat spatii, quam dimidia pars ejus mox occupabat: atqui in nostra hypothesi condensationis totum corpus non plus occupabat spatii, quam media pars mox occupabat.

R. Dist. Min. Atqui totum corpus non plus occupat spatiis, quam media pars ejus, totum corpus sine heterogeneis corpusculis permixtis, quam media pars cum heterogeneis corpusculis, C. Totum corpus sine heterogeneis corpusculis quam media pars sine illis, N.



QUÆSTIO SEPTIMA.

De motu locali,

PROPOSITIO.

Motum localem non posse fieri in instanti.

PROB. Quod in idea sua essentialiter importat transitum & fluxum de loco in locum, non potest fieri in instanti, quia non potest fieri sine successione: atqui motus localis essentialiter importat transitum & fluxum de uno loco in alium locum. Ergo fieri nequit in instanti.

O B J E C T I O.

MOTUS ille potest absolute fieri in instanti mathematico, qui potest esse sine successione actuali. Atqui motus localis potest absolute existere sine successione actuali.

Prob. Min. Motus localis potest absolute existere sine eo, quod non est ipsi essentiale. Atqui successio actualis non est essentialis motui locali.

R. Nego utramque Min. Nam sicut tempus concipi nequit sine actuali successione partium priorum & posteriorum, ita nec motus localis, quia motus concipitur ut fluxus partium.

Inst. 1. Quod supponit aliquid se prius, non est essentiale rei. Atqui successio actualis supponit aliquid se prius in motu, nempe successionem radicalem.

R. Dist. Min.. Successio actualis supponit aliquid se prius ad motum non pertinens, C. Pertinens ad motum, N. Porro successio

successio radicalis non est ipse motus, sicut radicalis successio esset tempus absque actuali successione.

Inst. 2. Actus secundus non est essentialis rei. Atqui successio actualis in motu est actus secundus, radicalis autem successio est actus primus.

R. Dist. Maj. Actus secundus non est essentialis rei, cuius est actus secundus C, non est essentialis sibi met ipsi, N. Sic actualis illatio non est essentialis intellectui, sed est essentialis tertiae operationi mentis.

Inst. 3. Motus, qui potest esse velocissimus, potest esse absque actuali successione. Atqui motus localis potest esse velocissimus, à causa infinitè motiva.

R. Dist. Min. Atqui Motus localis potest esse velocissimus secundum quid & comparatè ad motus fieri solitos, C. velocissimus absolute, N. Nam potest esse velocior & velocior.

Inst. 4. Motus, qui potest esse infinitè velox, potest esse velocissimus absolute. Atqui motus localis potest esse infinitè velox, ut potè à causa infinitè motiva.

R. Dist. Maj. Motus, qui potest esse infinitè velox, actu & categorematicè, C. Potestate, & syncategorematicè, N. Nam non potest ita esse velox, quin possit esse velocior.

Inst. 5. Movens virtutis infinitæ actu & categorematicè, potest efficere motum infinitè velocem actu & categorematicè. Atqui Deus est movens virtutis infinitæ actu.

R. Dist. Maj. Potest, nisi aliunde repugnet, C. Si repugnet, N. At repugnat motus localis infinitè velox, quia mobile simul esset in termino à quo, ad quem, & in medio.

Inst. 6. Effectus potest respondere virtuti suæ causæ. Ergo movens virtutis infinitæ potest efficere motum infinitè velocem.

R. Dist. Ant. Effectus univocus potest respondere virtuti causæ univocæ, C. Effectus æquivocos causæ æquivocæ, N. At Deus est causa æquivoca respectu cujuscumque creaturæ. Sic Deus non potest habere effectus omnipotentes, tametsi sit causa omnipotens.

Inst. 7. Ad salvandam motū localis essentiam, sufficit ut habeat partes priores & posteriores naturā, sitque mobile prius in termino à quo quam in termino ad quem, priori-

prioritate naturæ. Atqui motus infinitè velox acto , has haberet conditiones.

R. Nego Maj. Nam requiritur prioritas temporis ; quia lapillus decidens è cœlo in terram sine prioritate temporis simul corresponderet toti , quod est cœlum inter & terram spatio , sine ulla successione ; hoc autem implicat.

Inst. 8. Tam sufficit prioritas , & posterioritas naturæ ad motum localem , ut corpus transeat de loco in locum , quam sufficiat , ut materia transeat à privatione formæ ad formam in generatione .

R. Nego par. Ratio disp. quia in transitu materiæ à privatione formæ ad formam nihil necesse est intelligere successionem ; at necesse est in transitu corporis de loco in locum .

Inst. 9. Major est distantia terminorum à quo & ad quem generationis , quam terminorum motus localis : ergo si in generatione fit transitus ab uno ad alium sine successione actuali ; ita & in motu locali fieri poterit .

R. Nego Conf. & par. Ratio disp. quia distantia terminorum in generatione est solummodo negativa , inter formam & privationem : at in motu locali distantia terminorum est positiva , & successivè superanda : Major autem distantia negativa non exigit majorem successionem , ut videre eit in creatione & generatione .



QUÆSTIO OCTAVA.

De Ascensu gravium in vulgatis experimentis.

PROPOSITIO.

Gravitas aëris est vera causa ascensus & suspensionis gravium in vulgatis experimentis.

PROB. Ea censi debet vera causa alicujus effectus physici , quâ positâ ponitur talis effectus ; quâ sublatâ , tollitur

litur effe^tus; quâ tandem variatâ variatur effe^tus: atqui posita gravitate aëris desuper incumbentis, ascendunt & suspendorunt gravia in experimentis, quæ tentantur in pleno aëre; sublata gravitate aëris, non amplius ascendunt, nec suspendorunt gravia in experimentis, quæ tentantur in machina pnevmatica, postquam extractus est aër. Denique variatâ gravitate aëris variatur ascensus & suspensio liquorum, eâ ratione, ut altius ascendant, ubi major est gravitas aëris, ut v. g. in pede montis, & è contra minus ascendant, ubi minor est aëris gravitas, ut in vertice montis. Ergo gravitas aëris est vera causa ascensus & suspensionis gravium in vulgatis experimentis.

O B J E C T I O.

UT ascensus gravium prodiret à gravitate aëris, deberet aër esse gravis, & gravitate suâ attollere liquores: atqui aër gravis non est.

Prob. Maj. Corpus, quod movetur sursum, non deorsum, grave non est: atqui aër movetur sursum.

R. Dist. Maj. Corpus, quod movetur sursum per se & ab intrinseco, C. Per accidens & ab extrinseco, N. Porro aër sursum movetur per accidens ob graviora, quibus permiscetur corpora, sicut & oleum aquæ infusum movetur sursum.

Inst. 1. Quod sursum movetur semper & constanter, movetur per se & ab intrinseco: atqui aër sursum movetur semper & constanter supra terram.

R. 1. Nego Maj. Nam oleum sursum movetur semper & constanter supra aquam, neque tamen movetur per se & ab intrinseco.

R. 2. Dist. Maj. Quod sursum movetur semper & constanter, quando sibi suæque naturæ permittitur, C. Quando gravioribus miscetur corporibus, N. Porro aër semper miscetur gravioribus; proiadèque semper moveatur sursum necesse est.

Inst. 2. Aër per se, suâque naturâ movetur ad locum sibi naturalem & debitum: atqui locus sursum supra terram est aëri naturalis & debitus,

Prob. Min. Locus ille est aëri naturalis & debitus, in quo po-

positus est aëris ab initio ab Authore naturæ : atqui aëris ab Authore naturæ positus est sursum supra terram , ergo locus sursum est aëri naturalis & debitus.

R. Dist. Maj. Locus ille est aëri naturalis habitâ ratione circumstantium corporum graviorum , C. Est aëri naturalis absolute , N. Scilicet Deus ab initio condidit corpora alia aliis graviora , & unumquodque collocavit in loco sibi debito habitâ ratione majoris vel minoris suæ gravitatis.

Inst. 3. Nisi locus sursum & supra terram esset aëri naturalis & debitus per se & absolute , aëris esset jugiter in statu violento : atqui hoc implicat.

R. Dist. Maj. Aëris esset jugiter in statu violento secundum quid & in ordine ad te , C. Simpliciter & in ordine ad rem univerbi constitutionem , N. Nam ordo universi postulat , ut quæ graviora sunt , infimum teneant locum.

Inst. 4. Si aëris sursum constitutus supra terram , non esset in loco sibi absolute naturali & debito , jugiter ponderaret & vim faceret deorsum : atqui nec ponderat nec vim facit deorsum.

Prob. Min. Si aëris ponderaret & vim faceret deorsum , animalia , quibus incumbit , experiri deberent pondus & vim illius : atqui tamen non experiuntur.

R. 1. Nego Maj. Sicut enim pisces vel urinatores non sentiunt pondus aquæ superincumbentis : ita nec animalia experiri debent aëris incumbentis pondus.

R. 2. Dist. Maj. Animalia deberent experiri pondus & vim aëris , si aëris premeret inæqualiter , C. Si premeret æqualiter , N. Porro aëris premit undeque æqualiter ex omni parte , & qui inferior est , sustinet pondus superioris.

Inst. 5. Corpus illud premit & ponderat inæqualiter , quod premit secundum majus & minus volumen : atqui aëris premit secundum majus & minus volumen in loco editiori & humiliori.

R. Dist. Maj. Quod premit secundum majus & minus volumen cæteris aliunde paribus , C. Cæteris imparibus . N. Porro cætera non sunt aliunde paria , quia si majus est volumen aëris superincumbentis , eis quoque major virtus

tus elatica aëris inferioris & interioris, quæ valeat sustinere majus pondus aëris superioris atque exterioris; est enim innatus corpori animalium aëris interior vi suâ elasticâ sustinens impetum circumdantis aëris.

Inst. 6. Tam in locis humilioribus deberemus experiri in corpore nostro majus pondus aëris superincumbentis, quam gravia debeant altius assurgere ob majus illud pondus aëris in locis humilioribus: atqui liquores altius assurgunt in locis humilioribus ob majus pondus aëris superincumbentis (ut dicitur.)

R. Nego Maj. & par. Ratio disp. quia dum liquores ascendunt, id sit, quia non premuntur æqualiter ex omni parte, v.g. intra anthliam. At vero partes corporis nostri premuntur æqualiter: quod si non premuntur æqualiter, tunc etiam intumescent carnes, ut videre est in cucurbitis medicis.

O B J E C T I O II.

AScensus gravium non oritur ab eo corpore, quod debet potius gravia deprimere quam attollere: atqui aëris si gravis est, debet potius deprimere quam gravia attollere.

R. Dist. Min. Atqui aëris debet potius deprimere gravia, quam parte directè superincubit, C. Quā parte non incubit, N. Sic v. g. aëris directè incubit superficie fluminis, & hac parte non attollit aquas: sed directè non incubit anthliae ejusque cavitati, & eā parte attollit aquam.

Inst. 1. Ut aëris gravitate sua attolleret gravia, qua parte non premit, deberet sua gravitate vincere gravitatem aliorum corporum: atqui non vincit.

Prob. Min. Corpora, quæ attolluntur, sunt aqua, hydrargyrus, &c. atqui gravitas aëris non vincit gravitatem aquæ vel hydrargyri.

R. Dist. Min. Atqui gravitas aëris non vincit gravitatem aquæ vel hydrargyri, si spectentur ambo secundū idem volumen, C. Si sint inæqualis voluminis, N. Nam multum aëris potest vincere parum aquæ; sicut & multum lanæ vincit parum plumbi.

Inst. 2. Si aér in majori volumine posset attollere gravia, quod majus esset volumen aéris, eò altius deberent ascendere gravia: atqui quod majus est volumen aéris, non altius semper ascendunt gravia.

R. Nego Min. Et ideò liquores altius ascendunt in locis humilioribus, v. g. propè Sequanam, quam in editioribus, v. g. in summitate turrium majoris Ecclesiæ.

Inst. 3. Majus est volum. aéris in aperto campo, quam in cubiculo accuratè clauso: atqui tamen non ascendunt altius liquores in aperto campo quam in cubiculo accuratè clauso.

R. Dist. Maj. Majus est volumen aéris formaliter in aperto campo, C. Majus est virtualiter, N. Nam quæ inest aéri interiori vis elastica, æquivalet majori volumini aéris exterioris.

Inst. 4. Ibi non est æquale volumen aéris etiam virtualiter, ubi non est tanta pressio aéris supra liquores: atqui in cubiculo clauso non debet esse tanta pressio, quanta est in aperto campo.

Prob. Min. Pressio aéris estimatur ab altitudine incumbenter columnæ: atqui tanta non est altitudo columnæ aéris intra cubiculum, quanta est in aperto campo, quæ porrigitur à cœlo Lunæ ad usque terram; ergo non est tanta pressio aéris in cubiculo, quanta in aperto campo.

R. Dist. Min. Atqui tanta non est altitudo columnæ aéris intra cubiculum, tanta formaliter, C. Äquivalenter, N. Nam aér exterior compresserat aéra illum interiorem, qui detinetur in eadem pressione à quatuor, quibus incumbit parietibus: sicut virga ferrea potest detinere corpus in ea pressione, in qua prius positum fuerat.

Inst. 5. Non potest esse tanta altitudo columnæ aéris intra cubiculum etiam virtualiter, quin tantum comprimatur intus quantum extus; atqui intra cubiculum non tantum comprimitur, siquidem sejungitur à comprimente per quatuor cubiculi parietes.

R. Dist. Maj. Quin tantum comprimatur intus, quantum extus, vel quin in priori sua pressione detineatur, C. Si detineatur in priori pressione sua, N. At aér intus incumbens quatuor parietibus, & nitens resilire, detinetur in sua pressione à parietibus & tabulato.

Inst. 6. Quæ vim nullam faciunt in aëra interiore cubiculi, non possunt præstare, ut tantum comprimatur, quantum prius: atqui quatuor cubiculi parietes & tabularum vim nullam faciunt in aëra interiore.

R. Dist. Maj. Non possunt præstare, ut tantum comprimatur, effectivè & per se premendo, C. Paſſivè & conservando factam ab aëre exteriori pressionem, N. At quatuor parietes non premunt aëra interiorem; sed prius pressum ab exteriori aëre servant in eadem pressione.

Inst. 7. Non magis parum aëris intra cubiculum sufficit ad attollendos liquores, quam parum aëris intra lagenam inversam, & media parte sui repletam aquam, sufficiat ad deturbaudam deorsum aquam vi sua elastica: atqui non deturbat, ut videre est in ea lagena, in qua solent potum avibus præbere.

R. Nego par. Ratio disp. quia aër in lagenā inversa excidit vi suā elasticā, nec detinetur in eadem pressione, eo quod aliquantulum aquae decidat ad inversionem lagenae, nec damnum illud resarciri possit aliunde, cum non pateat aëri intra lagenam inversam aditus, ut subeat.

O B J E C T I O III.

EA non est vera causa ascensū liquorū, quæ non est regula & mensura ascensū liquorū: atqui aëris gravitas, vel pressio non est regula & mensura ascensū gravium.

Prob. Min. Si aëris gravitas esset regula & mensura ascensū gravium, gravia deberent ad eandem semper altitudinem ascendere, ubi eadem est aëris gravitas, & nunquam ascendere, ubi nulla est gravitas aëris incumbentis: atqui utrumque experientiae repugnat.

R. Nego utramque Min. Et ideo in locis æqualiter humilibus æqualiter ascendunt liquores, & in editioribus minus ascendunt, v. g. in vertice montis.

Inst. 1. In machina pneumatica exhausto aëre per frequentes exanthlationes, nulla est aëris gravitas: atqui tamen liquores ibi suspenduntur & marmora de more cohærent; ergo ubi nulla est aëris gravitas, ascendunt nihilominus gravia.

R. Dist

R. Dist. Maj. In machina pneumatica nulla est aëris gravitas crassioris, C. Subtilioris, N. Nam licet extrahatur aér crassus, non extrahitur subtilis.

Inst. 2. Corpus, quod subjectos liquores æqualiter pervadit ex omni parte non potest attollere vel suspendere liquores in machina pneumatica: atqui aér subtilis pervadit ex omni parte liquores subjectos; ergo non potest aér subtilis attollere vel suspendere liquores in machina pneumatica.

R. Dist. Min. Atqui aér subtilis pervadit ex omni parte liquores non repurgatos & communes, C. Liquores repurgatos, N. Nam hydrargyrus repurgatus partes habet suas solidiores & compactiores, ideoque difficultius permeabiles ab aëre subtili.

Inst. 3. Experientia constat hydrargyrum repurgatum in machina pneumatica hærere pensilem ad altitudinem septuaginta duorum pollicum: atqui hæc suspenſio non oritur ab aëre subtili.

Prob. Min. Aér subtilis incurrens in hydrargyrum in tubo suspensum ad latitudinem septuaginta duorum pollicum deberet præcipitare ipsum deorsum, quia pondus ipsius hydrargyri suspensi & pondus aëris subtilis simul prævalerent soli pondere aëris subtilis stagnati hydrargyro incumbentes.

R. Dist. Aér subtilis deberet hydrargyrum præcipitare deorsum, si tam liberè incurreret in hydrargyrum in tubo suspensum, quam in stagnantem deorsum, C. Secùs, N. At aér subtilis liberè non incurrit in hydrargyrum in tubo vitro suspensum, eo quod hydrargyri repurgati partes solidiores occludant exactè poros vitrei tubi, atque ita impedian, ne confertim satis irruat aér subtilis ad deturbandum hydrargyrum; hinc successa paululum machinâ statim deturbatur hydrargyrus, quia tunc solvitor firma adhaesio partium hydrargyri cum tubo vitro, & sic irruit aér ad præcipitandum hydrargyrum.

Inst. 4. Ut aér subtilis in machina residuus, esset causa tantæ suspensionis hydrargyri ad septuaginta duos pollices, qui solet vulgo non suspendi supra viginti & septem, deberet major esse gravitas aëris subtilis quam crassi: atqui hoc verisimile non est.

R. Nego Min. Et id venire potest vel ab ipsa natura aëris subtilioris, vel à majori & altiori columnā ipsius: quippe immensa propè est altitudo aëris subtilis supra crassum.

Inst. 5. Quò subtilius & mobilius est corpus, eò minus est ponderosum: atqui aëris subtilis est crasso subtilior & mobilior: ergo minus est ponderosus.

R. Nego Maj. vel Dist. Quò subtilius est corpus, eò minus est ponderosum cæteris paribus, *Transcat*. Cæteris imparibus, N. At cætera non sunt paria inter aëra crassum & subtilem, quia minus altè porrigitur crassi quàm subtilis columnā.

Inst. 6. Quò subtilius & mobilius est corpus, eò minus est ponderosum, si gravitas corporis obstat facilitati motus: atqui ita est, ut experientia constat.

R. Dist. Min. Atqui gravitas corporis obstat facilitati motus in solidis corporibus, *Transcat*. In fluidis, N. Ratio disp. quia solidum non potest moveri, quin totum moveatur, v. g. marmor. At verò fluidum potest moveri secundum unam sui partem, & non moveri secundum alteram, v. g. aqua.

Inst. 7. E duobus corporibus solidis, quod est gravius movetur difficultius: ergo à pari è duobus fluidis ut crasso & subtili aëre, quod est gravius, debet difficultius moveri: proindeque aëris subtilis, qui mobilior est, debet esse levior.

R. 1. *Transcat* Ant. Nam lana minus est gravis quàm plumbum, & tamen lana difficultius impellitur quàm grana plumbi.

R. 2. Dist. Conf. Ergò è duobus fluidis, quod est gravius, debet difficultius moveri, si cætera sint aliunde paria, C. Si cætera sint imparia, N. Porrò inter aëra crassum & subtilem cætera non sunt aliunde paria, quia partes aëris crassi sunt ramosæ & aliæ aliis implicitæ lanarum instar, hinc difficultius moventur: at verò partes aëris subtilis videntur veluti totidem arenulæ stampenses se se tangentes in punctis, idèque facilis mobiles.

O B J E C T I O IV.

UNum ex vulgatis experimentis est, quod aqua ascendaat per crus syphonis brevius & decidat per longius: atqui hoc non potest explicari per gravitatem aëris incumbens.

Prob. Min. Si gravitas aëris incumbentis aliquid conferret ad ascensum gravium per syphonem, nunquam aqua efflueret per crus longius: atqui tamen effluit iugiter.

R. Nego Maj. Nam aér incumbens aquæ vasis subjecti, cogit aquam ascendere intra syphonem, quâ cum repleatur crus syphonis utrumque, & quæ habetur in longiori crure præponderet, necesse est aquam effluere jugiter per crus illud longius.

Inst. 1. Per illud crus syphonis non debet aqua jugiter effluere, cui major incumbit columna aëris obsistens effluxi: atqui cruri longiori syphonis incumbit columna aëris major, quia altior: ergo nunquam deberet aqua effluere per crus longius.

R. Dist. Maj. Cui major incumbit columna aëris, cæteris aliunde paribus, C. Cæteris imparibus, N. Si enim major aliquantulum columna aëris incumbat cruri longiori, columna aquæ major continetur in crure longiori, quæ non solum compensat, sed & superat excessum columnæ aëris.

Inst. 2. Tam columna aëris incumbens cruri longiori syphonis deberet obsistere effluxui aquæ ex illo crure longiori, quæ columna aëris incumbens foramini factio in parte inferiori dolii obsistat effluxui vini: atqui hoc posterior vulgo dicitur in recentiorum opinione de gravitate aëris.

R. Nego Maj. & par. Ratio disp. quia vinum dolio contentum aliunde non premitur ab aëre incumbente: siquidem omnia supponuntur accurate clausa. At verò aqua crure longiori syphonis contenta premitur aliunde à columnâ aëris superincumbentis vasii subiecto, hinc est, quod effluat.

Inst. 3. Sæpè fit, ut dum aliquid vini extractum est è dolio, sit parum aëris incumbentis vino, & tamen non effluit vinum; ergo nec aquâ effluere debet è crure longiori syphonis.

R. Nego Conf. & par. Ratio disp. quia parum illud aëris non sufficit deturbando vino, præsertim cùm suâ jam exciderit vi elasticâ; siquidem non continetur in eadem pressione, in qua positum erat antea, eò quod aliquid vini effluxerit per foramen inferius: Vis autem elæstica confisit in eadem pressione, quæ fuerat priùs.

Inst. 4. Eadem est causa, cur aqua per syphonem ascendet, aut vinum in dolio suspensum maneat, quæ facit, ut aqua ascendet per tubos capillares, seu exiguos: atqui columna aëris non est hujusmodi causa.

Prob. Min. Per tubos capillares utrinque patentes sponte suâ ascendit aqua: atqui tamen aër premit undequaque æqualiter & intra tubos & extra; siquidem aperti sunt ex omni parte.

R. Nego Min. Nam aër præ nimiis tuborum capillarum angustijs non potest tam facile se se insinuare ad deprimendam aquam: atque adeò non premit aquam ex omni parte æqualiter.

Inst. 5. Angustiæ tuborum capillarium non impediunt, quin aqua se se satis insinuet intra tuborum latera ad ascendendum; ergo nec debent impedire, quin aër se se insinuet intra tubos capillares ad deprimendam aquam.

R. Nego Conf. & par. Ratio disp. quia aquæ patet aliquando aditus, ubi non patet aëri, ut videre est in vesica suilla inversa, ex qua effluit aqua, non item aër, atque hoc discrimen repetendum videtur à varia configuratione partium aquæ & aëris.

Inst. 6. Partes aëris sunt tenuiores partibus aquæ; ergo si pateat sufficiens aditus aquæ intra tubos capillares, à fortiori patebit aëri.

R. Dist. Ant. Partes aëris sunt tenuiores, cæteris aliunde imparibus, C. Cæteris paribus, N. Aër enim videtur habere partes ramosas lanarum ad instar: Aqua verò habet partes lubricas, læves, & oblongas, anguillarum instar.

Inst. 7. Saltem aëris subtilis poterit per se se insinuare intra tubos capillares ad aquam deprimendam, sicut contingit in machina pneumatica.

R. Dist. Aëris subtilis poterit se se insinuare, sed præ sua tenuitate permeabit aquam subiectam, atque in eam vim faciet nullam, C. Secus, N.

Inst. 8. Aëris subtilis vim facit liquores intra machinam pneumaticam, eosque detinet pensiles; ergo & extrâ.

R. Dist. Vim facit in liquores repurgatos, C. Non repurgatos, N. Disparit, quia in liquoribus repurgatis partes sunt compactiores.

O B J E C T I O V.

UNUS ex effectibus illis est firma cohæsio duorum marmorum summè lævigatorum; alter est ascensus aquæ in syringem, dum attollitur embolus: atqui effectus hujusmodi non possunt explicari per aëris gravitatem.

Prob. Min. *De marmoribus.* Experientia constat, hæc duo marmora ægrè ad modum divelli perpendiculariter sursum vel deorsum: facile verò horizontaliter seu à lateribus: atqui si aëris incumbentis gravitas esset causa hujus firmæ cohæsionis, non esset, cur difficultius perpendiculariter divisorientur quam horizontaliter.

R. Nego Min. Nam aëris à lateribus premens adjuvat diducentem marmora horizontaliter, sicut aëris subiens follis flatilis cavitatem per orificium adjuvat deducentem alas.

Inst. 1. Tanta est columnæ aëris horizontaliter incumbens marmoribus, quanta est perpendiculariter; ergo par esse deberet difficultas.

R. Dist. Ant. Tanta est columnæ aëris incumbens horizontaliter marmoribus, sed cætera non sunt aliunde paria, C. & sunt paria; N. Nam dum nitimur tollere marmor perpendiculariter, est superanda resistentia totius columnæ; quæ cum non habeat locum patentem, quod se recipiat, necesse est, ut comprimiratur, non sine difficultate. At verò dum nitimur horizontaliter, aëris urgens à latere opposito adjuvat ad facilius diducendum.

Inst. 2. Si marmora duo sibi tenaciter adeo cohærent ob incumbentis aëris gravitatem, in machina pneumatica non cohærerent, sublato aëre: atqui nihilominus cohærent.

R. Dist. Maj. In machina pneumatica non cohærerent ob aëris crassioris pondus, C. Ob aëris subtilis pondus, N.

Inst. 3. Marmora duo tenaciter non cohærerent ob pondus illius corporis, quod suo facile loco cedit, si propellantur vel leviter; atqui aër subtilis suo facile loco cedit.

R. Dist. Min. Atqui aër subtilis suo facile loco cedit, modo sit locus, in quem se recipiat, dum propellitur, C. Si non sit locus, N. Porrò non est locus, in quem se recipiat aër subtilis, quamdiu marmora non divelluntur, nisi fiat magna aëris compressio, id autem non fit nisi difficile & adhibitâ vi sufficiente.

Inst. 4. Marmora duo levigata eò difficilius divelluntur, quo latiora sunt: atqui hoc non deberet contingere, si difficultas divellendi oriretur ab aëris incumbentis gravitate.

Prob. Min. Gravitas aëris æstimatur à columnā, columnā autem ab altitudine: atqui altior non est columnā aëris incumbentis supra marmora latiora: ergo non deberent difficilius divelli.

R. Dist. Min. Atque altior non est columnā aëris incumbentis in marmoribus latioribus, sed plures sunt simul attollendae columnæ pluribus latiorum marmororum superficie partibus incumbentēs, C. Secūs, N. Nam quò latiora sunt marmora, eò premuntur à pluribus sibi respondentibus columnis, atque ita majus incumbit pondus attollendum.

Inst. 5. Quo latior est columnā aëris aquis incumbens, non altius assurgit aqua, ut in aëre est in tubis capacioribus & capillaribus; ergo quò major est columnā aëris incumbens marmoribus politis, nihilominus non difficilius divelli deberent.

R. Nego Conf. & par. Ratio disp. quia marmor est corpus solidum, quod non potest moveri & comprimi, secundū unam sui partem, quin secundū omnes. At verò aqua est fluida, fluidorum autem pars una movetur & premitur, alterā stante immota.

Inst.

Inst. 6. Et prob. sup. min. de syringe. Experientiâ constat, quod qui attollit embolum syringis, certum aquæ ascendentis experiatur pondus : atqui hoc non contingere, si aëris gravitas procuraret aquæ ascensum.

R. Nego Min. Nam ideo manus sentit pondus aquæ ascendentis, quia aqua illa ascendens contraponderat columnæ aëris incumbentis aquæ subiectæ, atque ita minuit vim columnæ, quantitate sui ponderis, ut si tres libræ aquæ attollantur, sentiatur præcisè pondus trium librarum.

Inst. 7. Aequalis est columnna aëris supra embolum ponderantis & in infima parte syringis; ergo deberet esse perfectum æquilibrium aquæ cum aëre.

R. Dist. Ant. Aequalis est columnna aëris supra embolum & infima parte, sed hæc debilitatur quantitate aquæ præponderantis, C. Secùs, N.

O B J E C T I O VI.

SI gravitas aëris sit causa ascensus gravium in vulgatis experimentis, quò major erit gravitas aëris, eò altius ascendent gravia, & vice versa : atqui hoc experientiæ repugnat.

Prob. Min. Major est aëris gravitas pluvio cœlo quàm sereno, flante Austro, quàm Boreâ : atqui nihilominus non ascendunt gravia altius pluvio cœlo quàm sereno.

R. Nego Maj. Sed è contra major est aëris gravitas sereno quàm pluvio cœlo ; id lubens ego tribuerem vaporibus unà cum aëre permixtis sereno cœlo, tunc enim aér & vapores in unum veluti corpus, sed gravius coalescunt.


Inst. 1. Tunc aér debet esse gravior, quando aëri permiscentur gravia plura, atque heterogenea corpora : atqui pluvio cœlo unà cum aëre permiscentur plures aquæ particulae.

R. Nego Min. vel Dist. Min. Atqui pluvio cœlo heterogenea corpora permiscentur cum aëre, cæteris aliunde imparibus, C. Secùs, N. Nam sereno cœlo nullæ sunt nubes, quæ impediunt summam vim aëris, ejusque directam pressionem ; sunt verò pluvio cœlo.

Inst. 2. Cætera sunt paria, si pluviae conferant ad vim elasticam aëris: atqui ita est.

Prob. Min. Corpus, quod condensat aliud, confert ad vim elasticam ejus: atqui pluviae condensant aëra inter cadendum.

R. Dist. Si comprimat ita, ut non illud suo pellat loco, C. Secūs, N. At pluvia decidens intercidit aëra, & aljunde regnat vulgo ventus, qui cum horizontaliter flet, videtur sustinere gravitatem aëris crassi.



Q U Ä S T I O N O N A.

De causa descensū gravium.

I. PROPOSITIO.

Gravia non descendunt ab effluviis terræ magneticis.

PROB. Ea non est vera causa descensus gravium, quæ non potest conciliari cum iis omnibus phenomenis, quæ spectant descensum gravium: atqui effluvia terræ magnetica tanquam causæ descensus gravium, non possunt conciliari cum phenomenis, quæ observantur in descensu gravium. Nam primò observatur, gravia in æquatore & versus polos terræ æqualiter & pari velocitate cadere: atqui si traherentur inter cadendum ab effluviis terræ magneticis, deberent velocius cadere versus polos terræ; quia notum est, magnetem fortius attrahere per polos suos, quam per partes æquatori viciniores; secundò observatur, quod effluvia magnetica non attrahant magnetem, nisi certa quædam & magneti cognata corpora, ut ferrum: atqui gravia quælibet promiscue descendunt ad centrum terræ; ergo non attraheuntur ab effluviis magneticis.

OB JE-

O B J E C T I O .

EA statui potest & debet causa descensus gravium à qua physicè juxta & mechanicè possunt gravia præcipitari deorsum, atque ad centrum terræ dirigi : atqui ab effluviis terræ magneticis possunt gravia deorsum præcipitari, atque ad terræ centrum dirigi.

R. Nego Min. Nam effluvia illa magnetica vel incurrent in gravia, vel ea inoffensa permearent: si incurvant, debent motu suo repellere potius quām attrahere; si permeant inoffensa, ergo non poterunt attrahere.

Inst. 1. Tam gravia possunt physicè pelli deorsum in centrum terræ ab effluviis è terra jugiter erumpentibus, quām ferrum possit attrahi ad magnetem per effluvia magnetica jugiter erumpentia.

R. Nego par. Ratio disp. quia quæcumque observantur magnetis phenomena in attractione ferri, facile explicantur & consentiunt effluviis magneticis: at non ita quæ observantur in descensu gravium: primò, quia est æqualis ubique terrarum descensus gravium, non est tamen æqualis magnetica vis, siquidem major est circa polos, ut contingit in magneticis lapidibus. Secundò, Gravia per profundum terræ hiatum demissa, non deciderent perpendiculariter, sed ad latera deflesterent, ob magneticorum effluviorum fortiorē vim circa latera hiatus. Tertiò, effluvia magnetica non attrahunt omnia promiscue corpora, sed quæ sibi cognata sunt, at gravia quævis in terram ruunt.

Inst. 2. Ea possunt gravia deorsum præcipitare physicè, quæ sola possunt determinare gravia ad descendendum, & quibus sublatis nunquam gravia descenderent: atqui effluvia terræ magnetica possunt sola determinare gravia ad descendendum, iisque sublatis gravia nunquam descenderent.

Prob. Min. Ea sola possunt determinare gravia ad descendendum, quæ specialiter pertinent ad terram, & cum eâ connexionem habent specialem: atqui sola effluvia terræ magnetica specialiter ad corpus terræ pertinent, & cum eo connexionem habent specialem.

R. Nego

R. Nego Min. vel Dist. Atqui sola effluvia terræ magnetica specialiter ad terram pertinent, ut effectus ab ea prodeunt, C. Ut effectus vim habentes attrahendi corpora ad terram deorsum, N.

Inst. 3. Corpora, quæ sunt indifferentia, ut sursum vel deorsum ferantur, indigent determinari ab aliquo principio externo, ut deorsum ferantur, potius quam quiescant vel sursum moveantur: atqui gravia sunt de se indifferentia, ut sursum, vel deorsum moveantur, sublatis terræ effluviis magneticis.

R. Nego Min. Nam determinantur vel à propria natura, ut placet Peripateticis, vel à materia subtili impellente deorsum, ut placet recentioribus, at non ab effluviis attractoribus.

Inst. 4. Materia, quæ movetur circulariter, non potest procurare motum gravibus perpendiculari: atqui materia subtilis ad mentem recentiorum, movetur circulariter & per turbines.

R. Dist. Maj. Materia, quæ movetur circulariter, non potest procurare motum perpendiculari mathematicè & quoad se, C. Sensibiliter & quoad nos. N. Nam motus, qui reipsa est parabolicus, potest nobis apparere perpendicularis, ut constat de motu globi è summitate navis actæ decidentis, qui stantibus in littore est obliquus, & stantibus in navi appetit perpendicularis.

Inst. 5. Materia, quæ celerrimè movetur circulariter, debet secum rapere in eundem motum circularem corpora gravia: atqui materia subtilis, ad mentem recentiorum, movetur circulariter & turbinatim; ergo gravia non debent ad terram cadere, etiam perpendiculariter appetenter.

R. Dist. Maj. Si illa corpora gravia non resistant motui circulari materiæ subtilis, C. Si resistant, N. At resistunt, idèque subterfugiunt, quâ parte possunt versus terræ centrum, ubi minor est renitentia turbinis, quia ibi levior est.

Inst. 6. Quæ causa est ut gravia tenaciter terræ adhæreant, eadem facit, ut descendant ad terram: atqui effluvia magnetica sunt causa, cur adhærent terræ gravia.

Prob. Min. Corpus adhærens magneti adhæret propter effluvia magnetica, atqui terra est ingens magnes.

R. Dist. Maj. Si corpus adhæreat magneti vi attractio-
nis, C. Vi gravitatis, N. Sic ferrum magneti superimpo-
sum duplicum habet adhæsionem; unam communem &
vi ponderis, alteram specialem vi attractionis & cognatio-
nis. Gravia autem terræ superposita non aliam habent
quam communem adhæsionem vi ponderis sui.

II. PROPOSITIO.

*Descensus gravium potest jucundè satis explicari per varios æthereæ substantiæ turbines, ad men-
tem D. Peraldi, in Libro, qui inscribitur:
Essais de Physique.*

PROB. Per illud potest jucundè satis explicari descen-
sus gravium, per quod potest redi ratione mechanica &
physica, cur gravia ruant quasi sponte suâ in centrum ter-
ræ. Atqui per turbines æthereæ substantiæ redi potest
ratio, cur gravia ruant in centrum terræ. Nam versùs il-
lam partem tendere debent gravia, versùs quam præcipi-
tentur necesse est à variis æthereæ substantiæ turbinibus &
turbinum circulis præterlabentibus: atqui necesse est gravia
præcipitari ad centrum terræ à variis æthereæ substantiæ tur-
binibus & turbinum circulis; siquidem supponuntur turbi-
nes & circuli turbinum tardiores esse versùs centrum terræ,
quam versùs Polos, aut circumferentiam: Ergo descensus
gravium potest explicari per turbines æthereæ substantiæ ad
lensem D. Peraldi,

O B J E C T I O.

Illa hypothesis de causa descensus gravium per varios
æthereæ substantiæ turbines & circulos quædam suppo-
nit falsò proxima, & quibus suppositis adhuc explicari
nequeunt, quæcumque sunt in descensu gravium pheno-
mena.

Pro-

Probatur propositio quoad primam partem.

Recentior illa hypothesis supponit aëra esse in triplici differentia: primò, crassum, gravem: secundò, subtilem, graviorem: tertio, subtilissimum, gravitatis expertem: atqui hæc sunt falso proxima.

R. Nego Min. Cùm enim aér subtilissimus sit prima cæterorum corporum gravitatis causa, ipse cogitari debet velut expers omnis gravitatis.

Inst. 1. Si aér subtilis est gravior aëre crasso, aér subtilissimus debet esse gravissimus.

R. Nego sequelam, vel Dist. Cæteris aliunde paribus, C. Si cætera sint aliunde imparia, N. At aér subtilis habet aliquam suæ gravitatis causam, nempe ætheream substantiam; subtilissimus vero non habet, alioqui daretur progressus in infinitum.

Inst. 2. Modò summa subtilitas possit conciliari cum summa gravitate, certè aér subtilissimus poterit esse gravissimus: atqui summa subtilitas potest conciliari cum summa gravitate, sicut conciliatur in aëre subtiliori, qui nihilominus est crasso gravior, *ex illa suppositione*.

R. Dist. Min. Atqui summa subtilitas potest conciliari cum summa gravitate in aliis à materia subtilissima corporibus, C. In ipsa ætherea substantia, N. Ratio disp. quia cætera corpora suam possunt mutuari gravitatem ab ætherea substantia deorsum præcipitante: at ipsa ætherea substantia mutuari non potest: siquidem est prima causa gravitatis.

Inst. 3. Ætherea substantia concipi debet, vel ut gravis, vel ut levis, vel ut indifferens: atqui concipi non potest tanquam levis aut indifferens.

Prob. Min. Materia, quæ debet corpora gravia deorsum præcipitare, non debet esse vel levis vel indifferens ad gravitatem & levitatem: atqui ætherea substantia debet gravia deorsum præcipitare, ut supponitur.

R. Dist. Maj. Materia, quæ debet gravia deorsum præcipitare, directè premendo vel impellendo, C. Præterlabendo, N. Porrò ætherea substantia non præcipitat gravia deorsum, impellendo directè vel premendo pondere

dere suo, sed præterlabendo, ferè sicut aqua præterlabendo innatantia sibi corpora ad fundum deturbat.

Inst. 4. Materia, quæ præterlabendo gravia circulariter abriperet, præterlabendo non præcipitaret deorsum: atqui ætherea substantia præterlabendo deberet gravia circulariter abripere motu suo pernicissimo.

R. Dist. Min. Si gravia motui æthereæ substantiæ circulare non obsisterent, C. Si obsistunt, N. At obsistunt quantum possunt, idèque subterfugiunt, quâ parte facilius possunt versus centrum terræ, quia minor ibi est turbinum motus & velocitas.

Inst. 5. Atqui gravia non obsistunt motui æthereæ substantiæ.

Prob. Subs. Si obsisterent vel per suam materialitatem & soliditatem, vel per suam gravitatem: atqui non obsistunt per soliditatem & materialitatem, quæ nihil habet oppositum motui, neque per suam gravitatem, quam nullam adhuc concipiuntur habere.

R. Nego Min. & dico gravia obsistere motui circulari æthereæ substantiæ: primò, per suam soliditatem: secundò per statum quietis, in quo condita sunt ab initio, quem servant, quantum possunt; denique per suam gravitatem inchoatam. Hinc dist. hanc propositionem, gravia nullam adhuc concipiuntur habere gravitatem in actu secundo, id est, gravitationem, C. In actu primo, id est, aptitudinem & dispositionem ad gravitationem, N.

Inst. 6. Illa corpora non obsistunt motui æthereæ substantiæ circulare, quæ pervadit ætherea substantia: atqui ætherea substantia pervadit gravia quæque corpora.

R. Dist. Min. Atqui ætherea substantia pervadit gravia quæque corpora, ita tamen ut incurrit in partes eorum solidas, C. Secùs, N. Cum enim gravia habeant solidiores & compacteriores aliquas partes, in eas incurrit ætherea substantia atque impetum facit ut rapiat, & ni resisterent ex se raperet profecto.

Jam probatur prima Propositio quoad secundam partem.

Ex phenomenis descensus gravium unum est, gravia inter descendendum suos accelerare motus: atqui hoc explicari nequit in hypothesi D. Peraldi.

Prob.

Prob. Min. Eò tardius descendere deberent gravia, quod à tardioribus æthereæ substantiæ turbinibus & circulis præcipitarentur: atqui pro plus descendunt gravia, eò à tardioribus circulis deturbantur, ex hypothesis D. Peraldi.

R. Dist. Maj. Cæteris aliunde paribus, C. Cæteris imparibus, N. At si circuli inferiores supponuntur tardiores superioribus, eò minus etiam præ sua tarditate obsistunt gravibus declinantibus.

Adde quod fieri possit, ut corpus grave decidens de superiori circulo in inferiorem, aliquid de priori impetu retineat, cum novum aliquem impeius gradum interim excipiat: quo fit ut vis addita vi evadat fortior.

Inst. Tardiores illi circuli retardare debent gravia, si iis sublatis velocius gravia descenderent, atqui iis sublatis velocius gravia descenderent, quia determinatio prius accepta in turbinibus superioribus vehementior esset.

R. Dist. Maj. Tardiores illi circuli retardarent gravia secundum quid, C. Simpliciter & absolute, N. id est, gravia velocius descenderent fervando priorem impetum suum sublatis turbinibus inferioribus: at iis turbinibus remanentibus, non omnino retardari debent; quia si aliquid cessat de priori impetu ex resistentia inferiorum circulorum, aliquid interim novi impetus acquiritur; atque ita utcumque velocior debet evadere descensus gravium.



QUÆSTIO DECIMA.

De legibus motuum à Cartesio latis.

PROPOSITIO.

Leges communicationis motuum latæ à Cartesio non possunt tutò defendi.

PROB. Leges, quæ sunt inutiles ad explicandos motus corporum naturalium, dubiæ ratione principii, in quo fundantur, & falsæ ratione sui, profectò non possunt tutò propugnari: atqui leges communicationis motuum latæ à Carte-

Cartesio sunt hujusmodi ; sunt quidem inutiles ad explicandos motus, quos deprehendimus in corporibus naturalibus, quia in ferendis hisce legibus vult Cartesius non habendam esse rationem virtutis elasticæ corporum, quæ moventur, & resistentiæ medii, in quo moventur: atqui hoc est, ferre leges de corporibus possibilibus, non de existentibus. Deinde sunt dubiæ ratione principii hujus, quod præmittit Cartesius legibus suis; eandem nunc perseverare motus mensuram in mundo, quæ fuit ab initio : quod, ut verum sit, certè non est certum aut demonstratum. Denique sunt falsæ ; præsertim vero ista, quæ est numero quarta; Si corpus minus incurrat in corpus majus & quiescens, nunquam posset alterum de sua quiete dimovere, quantumvis celeriter moventur ; etenim falsa est ista lex, si velocitas corporis minoris possit esse tanta, ut non solum adæquet, sed & superet resistentiam majoris corporis quiescentis : atqui potest velocitas minoris corporis adæquare & superare resistentiam majoris, siquidem potest velocitas hæc in infinitum augeri ; cum resistentia corporis majoris quiescentis eadem perseveret semper. Ergo falsa est lex, quam statuit quarta loco Cartesius, proindeque leges à Cartesio latæ, de communicatione motuum, non possunt tutò defendi.

O B J E C T I O.

EX septem legibus à Cartesio latis, de communicatione motū, nulla est, quæ primā fronte videatur minus verisimilis, quam quarta, quæ statuit, corpus majus quiescens, nunquam dimoveri posse à minori quantumvis celeriter moto : atqui lex ista vera est; ergo leges à Cartesio latæ sunt veræ.

Prob. Min. Quarta lex ista vera est, si corpus majus quiescens semper sit habiturom vim majorem ad resistendum, quam minus ad impellendum : atqui corpus majus quiescens semper est habiturom vim majorem ad resistendum, quam possit habere corpus minus ad impellendum.

R. Nego Min. Nam corpus minus tantam potest habere velocitatem, ut superet resistentiam corporis ma-

joris quiescentis : sic globus bombardilis muros civitatis evertit.

Inst. 1. Corpus illud semper est habiturum vim maiorem ad resistendum, quod plus habet molis, plusque quietis quam corpus alterum habet molis & motus : atqui corpus majus quiescens plus habet molis & quietis quam corpus minus habeat molis & motus.

R. Dist. Maj. Quod plus habet molis & quietis cæteris partibus, C. Cæteris imparibus, N. At cætera aliunde paria non sunt inter utrumque corpus : nam quies non est vis aliqua positiva, sed est mera privatio ; motus autem est positiva quedam vis, quæ in infinitum potest augeri.

Inst. 2. Cætera sunt paria, si quies corporis majoris quiescentis semper futura sit major quam motus minoris corporis : atqui quies semper est futura major, quam motus ob maiorem numerum partium quiescentium in majori corpore.

R. Dist. Maj. Si quies corporis quiescentis semper futura sit major intensivè & quoad gradum, C. Major extensivè, N. At motus in minori corpore erit major intensivè, quia potest in infinitum augeri in eadem parte subjecti.

Inst. 3. Ibi quies erit major etiam intensivè, ubi plures erunt gradus quietis : atqui in corpore majori plures semper erunt gradus quietis, quam gradus motus in minoris corpore, quia plures erunt semper partes quiescentes.

R. Dist. Maj. Ubi plures erunt gradus quietis in eadem parte subjecti, C. In diversis subjecti partibus, N. Nam licet in majori corpore plures futuræ sint partes quiescentes, singulæ tamen partes non participabunt intensionem quietis, quia quies non est intensionis capax, utpote mera privatio motus.

Inst. 4. Quies, quæ tanta est, ut major esse non possit in corpore, certè major est intensivè, quam motus, qui major & major esse potest in infinitum : atqui quies in corpore quiescente tanta est, ut major esse non possit absolute.

R. Dist. Maj. Quæ tanta est, ut major esse non possit tanquam vis aliqua positiva infinitos habens gradus, C. Tanquam mera privatio, N. Porro quies summa est in corpore quiescente ; non tanquam vis aliqua positiva : sed

sed tanquam mera privatio, sicut nocte profundâ tantæ sunt tenebræ, ut majores esse nequeant.

Inst. 5. Atqui quies spectari debet in corpore tanquam vis aliqua positiva.

Prob. Subs. Status corporis, cuius corpus non minùs est tenax, quam sit tenax motus, & in quo corpus ab initio creatum est, spectari debet in corpore tanquam vis quædam positiva, sicut spectatur motus: atqui quies est hujusmodi.

R. Dist. Maj. Status corporis positivus, cuius corpus est positivè tenax, C. Status privativus vel negativus, N. Porvò quies est status corporis negativus, dicens privationem motus in corpore, sicut tenebrae sunt status negativus aëris, in quo pariter legimus aëra fuisse à Deo creatum; *Tenebrae erant super faciem abyssi.* Genes. Cap. 1.


Inst. 6. Tam status corporis permanentis in eodem loco spectari debet tanquam positivus, quam status corporis perpetuò transeuntis de loco in locum habeatur ut positivus.

R. Nego par. Ratio disp. quia ad transeundum de loco in locum, opus est vi aliquâ positivâ, actione, & positivo influxu: at vero ad permanendum in eodem loco, nullâ vi opus est, nullâ actione, sed merâ cessatione vis & actionis: hoc enim ipso corpus intelligitur quiescere, quo præcisè non movetur, sine ulla vi aut actione.

Inst. 7. Status ille corporis non est minùs positivus quam motus, ad quem corpori procurandum tantâ vi opus est, quantâ ad procurandum motum: atqui ad procurandam quietem tantâ vi opus est, quantâ ad motum efficiendum: sic remiges tantum laborant in sistenda navi, quantum in ea movenda.

R. Dist. Min. Atqui ad procurandam quietem tanta vi & conatu opus est, ratione motus sistendi, C. Ratione quietis præcisè, N. Sic remiges propriè non laborant in producenda quiete, sed in sistenda navi mota, seu in destruendo motu priori per posteriorēm contrarium; igitur vim adhibent in efficiendo motu contrario, non autem in efficienda quiete.

Iust. g. Sistere motum est producere quietem.
 R. Dist. Est producere indirectè, C. Directè & positivè,
 N. Sicut auferre lucem est producere tenebras, sed valde
 impropriè.



QUÆSTIO UNDECIMA.

De variis Mundi Systematibus.

Observandum est tria præsertim circumferri mundi systemata : primum est Ptolemaicum : secundum est Copernicanum : tertium est Tychonicum.

In Ptolemaico, terra stat in centro mundi immota, Sol autem annuo motu simul & diurno circa terram movetur : cœli duodecim terram ambiant, nempe septem pro totidem planetis, unum pro stellis fixis, duo cristallini, primum mobile, & empyreum.

In Copernicano, Sol stat immotus in medio mundi, & circa ipsum moyetur terra cum cœteris planetis.

In Tychonomico, terra stat immota in centro mundi : Sol autem movetur : non est interim tanta cœlorum multitudo, quanta in Ptolemaico.

I. PROPOSITIO.

Systema Ptolemaicum defendi non potest.

PROB. Defendi non potest sistema mundi, quod aper-
 te repugnat legibus mechanicas, principiis Physices, & ob-
 servationibus astronomicis : atqui sistema Ptolemaicum
 est hujusmodi; repugnat quidem legibus mechanicas, quate-
 nus mundi machinam implicat partibus inutilibus, vi-
 delicet epicyclorum & cœlorum onerosa multitudine ; deinde
 repugnat principiis Physices, quatenus terram in cen-
 trum mundi relegatam statuit immotam prorsus in medio
 mobilium pene immensorum : denique repugnat observa-
 tionibus Astronomicis : quia in systemate Ptolemaico ex-
 plicari nequit, cur Mercurius & Venus appareant modo
 pleni,

pleni, modo falcati, siquidem perfectam cum sole oppositionem nunquam contrahere possunt in eo systemate, in quo non digrediuntur à sole plusquam 28. gradibus Mercurius & 48. Venus: deinde explicari nequit, cur Mercurius appareat Venere splendidior, siquidem à sole remotior est in systemate Ptolemaico; ergo sistema Ptolemaicum pluribus de causis defendi non potest.

O B J E C T I O.

Systema Ptolemaicum non repugnat mechanicis principiis, modò non implicet mundi machinam partibus inutilibus: atqui ita est.

Prob. Min. Non magis mundi machinam implicant cœli plures v. g. duodecim, quam horologium implicent plures rotæ & plura pondera.

R. Nego Maj. & par. Ratio disp. quia fortè horologium explicari nequit vel elaborari sine rotis pluribus, quarum prima moveat secundam: at verò mundi machina potest & melius explicari sine tanta cœlorum multitudine. Adde quod horologium eò perfectius sit quo simplicius.

Inst. 1. Mundi machina non potest explicari sine tanta cœlorum multitudine, modò quilibet planeta suum sibi vindicet peculiare cœlum: atqui planeta quilibet vindicat sibi suum peculiare cœlum.

Prob. Min. Si planetæ omnes essent in uno eodemque cœlo, identidem confunderentur inter se movendum, sicut pisces in mari, vel aves in aëre: atqui implicat planetas confundi.

R. Dist. Maj. Si planetæ omnes essent in uno eodemque cœlo & in eadem cœli altitudine, C. In diversa altitudine illius cœli, N. At planetarum alii sunt superiores, alii inferiores, quo sit ut nunquam confundi possint.

Inst. 2. Quæ errant in eodem fluido, possunt identidem confundi: atqui planetæ errarent in uno eodemque cœlo fluido, nisi suum sibi quisque vindicaret peculiare cœlum; ergo temerè confundi possent.

R. Dist. Maj. Quæ errant certis fine legibus, C. Secundum certas & ab Authore mundi præscriptas leges, N. At certi sunt & determinati motus planetarum, constantes

eorum periodi : ideoque non est timendi locus , ne sibi occurrentes confundantur.

Inst. 3. Idem corpus non potest moveri simul motibus contrariis : atqui si planetæ omnes errarent in eodem cœlo , idem cœlum simul moveretur pluribus motibus contrariis , quia planetæ non omnes motus habent consimiles , sed alii alios.

R. Dist. Maj. Idem corpus non potest moveri simul motibus contrariis secundum eandem sui partem , C. Secundum diversas sui partes , N. Sic idem aër secundum varias sui partes diversis & propè innumeris simul cietur motibus , similiter & Oceanus.

Inst. 4. Una pars alicujus continui moveri non potest , quin eodem motu moveatur altera pars ejusdem continui ; ob mutuam & continuam omnium connexionem : atqui cœlum planetarum esset idem continuum ; ergo moveretur contrariè secundum easdem partes.

R. Dist. Maj. Una pars continui solidi , C. Fluidi , N. At cœlum planetarum cogitari debet fluidum , sicut aër vel aqua.

Inst. 5. Atqui cœlum planetarum non debet cogitari ut fluidum.

Prob. Subf. Firmum & solidum sunt quid idem : atqui cœlum quodlibet est firmum , Verbo Domini cœli firmati sunt.

R. Dist. Min.. Atqui cœlum quodlibet est firmum : firmitate sumptâ pro diuturnitate , C. Firmitate sumptâ pro soliditate , N. Locus enim citatus intelligitur sic : à Deo cœli creati sunt , ut aeternum perseverarent.

Inst. 6. Atqui cœlum quodlibet est firmum , firmitate sumptâ pro soliditate.

Prob. Subf. Quod est solidissimum & velut ære fusum , certè firmum est firmitate sumptæ pro soliditate : atqui ex Scriptura Job. 37. Cœli sunt solidissimi & volut ære fusi.

R. Dist. Min. Atqui ex Scriptura cœli sunt solidissimi , ex Scriptura id dictum ab homine privato referente , C. Ex Scriptura approbante , N. Nam Scriptura id narrat , ab Eliud uno ex amicis Job prolatum ; at nendum id confirmet , videtur repellere his verbis sequentibus , Respondens autem Dominus Job de turbine , dixit : Quis est iste , involvens sententias sermonibus imperitis ?

II. PROPOSITIO.

Systema Copernicanum defendi potest tanquam hypothesis.

PROB. Defendi potest tanquam hypothesis systema mundi, quod legibus mecanices, principiis physices, & observationibus astronomicis apprimè cohæret; atqui systema Copernicanum est hujusmodi, atque in eo est opportunum maximè, quod vitet incommoda, & Ptolemaico & Tychonico objici solta, non implicat mundi machinam partibus inutilibus, nihil supponit immotum in medio mobilium, observationibus Astronomorum egregiè satisfacit: Ergo systema Copernicanum defendi potest tanquam hypothesis.

O B J E C T I O I.

Experientiâ constat, gravia quæque corpora deorsim decidere per lineas rectas seu perpendicularares: atqui hoc non potest explicari in systemate Copernicano.

Prob. Min. Descens. s gravium per lineas perpendicularares non potest explicari in eo systemate, quo posito gravia oblique caderent: atqui posito systemate Copernicano gravia obliquè caderent, siquidem inter descendendum raperentur motu communi terræ.

R. Dist. Min. Atqui posito systemate Copernicano gravia obliquè caderent quoad se & in rei veritate, C. Quoad nos & apparenter, N. Nam motum illum tanquam rectum percipemur, qui tamen foret obliquus; sicut motus globi incidentis è summitate mali in subjectum tabulatum navis celeriter actæ appetet perpendicularis stantibus in navi, & tamen reipsâ obliquus est, & videtur talis stantibus in littore.

Inst. 1. Corpora, quæ cadendo respondent lineæ perpendiculari quoad se, decidunt per lineas perpendicularares quoad se & in rei veritate: atqui gravia cadendo respondent lineæ verè perpendiculari quoad se.

Prob. Min. Paries eretus ad plumbum, est linea verè perpendicularis quoad se: atqui gravia cadendo respondent parieti ad plumbum ereto.

R. Dist. Maj. Paries errectus ad plumbum spectatus ut quiescens est linea perpendicularis, C. Spectatus ut motus communi motu turbinis, N. At in systemate Copernicano paries terræ superexstructus motu terræ abripitur, & motu suo describit lineam obliquam, sicut malus navi celeriter mota: nobis tamen non apparet ille motus obliquus, quia, cum eodem nos moveamur motu, ejus nullus est in nobis sensus, ut sit in navi.

Inst. 2. Debemus judicare de rebus, prout nobis apparent, dum adsunt omnia ad bene sentiendum idonea; ergo si corpus grave apparet nobis describere lineam perpendicularē juxta parietem ad plumbum errectum, debemus judicare corpus illud verè describere lineam perpendicularē quoad se.

R. Dist. Ant. Debemus judicare de rebus, prout nobis apparent habitā ratione circumstantiarum, C. Secūs, N. Ut ergo solidum feramus judicium de descensu gravium, & de linea, quam describunt, est collatio facienda omnium circumstantiarum, v. g. motū globi decidentis duplicitis seu compositi ex motu recto & circulari communi, ex qua compositione oritur motus gravium obliquus, qui tamen apparet debet tanquam perpendicularis ob motum communem & gravibus cadentibus & nobis, cuius proinde sensus nobis eripitur.

Inst. 3. Atqui impossibile est gravia describere lineam obliquam seu mixtam.

Prob. Subf. Quæ inter descendendum unico & simplici motu orto à gravitate sua moventur, certè non describunt lineam obliquam: atqui gravia inter decidendum unico & simplici motu carent perpendiculare & nullatenus circulari seu communi.

Prob. Min. Si gravia inter decidendum moverentur motu circulari turbinis æthereæ substantiæ, gravia nunquam attingerent subjectum pavimentum vel tabulatum: atqui hoc experientiæ repugnat.

R. Nego Maj. Sicut enim globus è summitate mali demissus cadit ad pedem mali, ita gravia in hypothesi Copernicana caderent in subjectum pavimentum.

Inst. 4. Corpora, quæ circulari motu æthereæ substantiæ pernicissimo abriperentur ab occasu in ortum, nunquam

quam attingerent pavimentum subiectum : atqui gravia motu æthereæ substantiæ circulari & perniciſſimo raperentur.

R. Dist. Min. Atqui gravia motu circulari raperentur, niſi propria gravitate resisterent, C. Si reſiſtant, N. At reſiſtant & ſubterfugiunt præ ſua gravitate, ſicque decidunt versus centrum terræ.

Inst. 5. Corpora, quæ gravitate ſua non poſſent vincere vim æthereæ ſubſtantia circulariter rapientis, nunquam deberent cadere deorū ſum : atqui gravia non poſſent gravitate ſuā mediocri vincere vim maximam motū circularis æthereæ ſubſtantia, ut fit in globo bombardili,

R. Dist. Min. Atqui gravia non poſſent vincere motum rapidiſſimum æthereæ ſubſtantia, ſi motus ille fit ubique uniformis, C. Si non fit uniformis, N. At motus æthereæ ſubſtantia major eſt in ſuperioribus circulis à terra procul diſtitiſ, & lenior in inferioribus, quo fit ut gravia ſubterfugirnt à ſuperioribus vehementioribus ad inferiores tardiores; qui præ ſua tarditate miňus reſiſtant & faciliorem prebent gravibus tranſitum.

O B J E C T I O II.

SYſtema Copernicanum statuit Solem immotum in centro mundi, dum circa iſpum cætera quæque moventur corpora : atqui principiis physiſis repugnat, Solem ſtare immotum tot inter mobilia iſpum undequaque ambientia.

R. Dist. Maj. Statuit Solem immotum motu translationis, C. motu circa proprium axem, N. Nam Copernicani non negant, quin Sol circa ſeipſum orbiculariter moveatur: ita tamen, ut ſuo totuſ non cedat loco, ſicut dum rota axim circa ſuum convolvitur.

Inst. 1. Principiis physiſis repugnat, Solem ſtare immotum motu translationis, ſi Physica doceat quidquid moventur circulariter niti recedere à centro motū ſui, & transferre re ſe alio : atqui hoc physica docet.

R. 1. Dist. Min. Atqui Physica docet quidquid moventur circulariter, niti recedere à centro motū ſui, ſi quod moventur, non fit ipſiſſimum centrum, C. Si fit centrum iſpum, N. At Sol in hypotheli Copernicana eſt centrum universi, id ēoque non potest à centro recedere.

R. Dist. Maj. Quidquid movetur circulariter : recedit à centro motus sui , recedit per accidens , si fuerit corpus grave , Eſo , Recedit per ſe & ratione motus circularis , N. At Sol cogitatur à Copernicanis tanquam gravitatis expers.

Inst. 2. Quod in quolibet punto ſui motus per ſe determinatum eſt ad lineam rectam , recedit per ſe à motu circulari ; atqui quidquid movetur circulariter in quolibet punto ſui motus eſt per ſe determinatum ad lineam rectam .

R. Nego Min. Quia quælibet pars circuli eſt circularis , proindèque mobile non determinatur in eo describendo ad motum rectum .

Inst. 3. Quodlibet punctum motus circularis eſt principium lineæ rectæ , quæ eſt circuli tangens ; ergo mobile in quolibet punto circuli determinatum eſt ad lineam rectam .

R. Dist. Ant. Quodlibet punctum motus circularis , ſi ſpectetur mathematicè , Transcat. Si ſpectetur physice . Subdist. Eſt principium lineæ rectæ ſimul & circularis , C. Lineæ rectæ tantum , N. Nam quælibet circuli pars eſt arcuata & circularis .

Inst. 4. Lapis circumactus nititur à motu ſuo circulari recedere : atqui nititur in id , vi ſui motus circularis .

R. Nego Min. Sed ideo lapis nititur recedere à motu circulari , quia gravis eſt , & vi ſuæ gravitatis nititur deorsum perpendiculariter .

Inst. 5. Si lapis niteretur recedere à motu ſuo circulari ob ſuam gravitatem , non vi ſui motus circulari , lapis ille ſolutus à funda rotante , eo recederet , quod gravitas impelleret , id eſt , deorsum : atqui non ita res eſt .

R. Dist. Maj. Lapis ſolutus eò recederet , quod gravitas impelleret , niſi vehementior eſſet impetus à projectore impressus , C Secus , N. At impetus rotantis fundam vincit propriam lapidis gravitatem ejusque motum perpendiculararem .

O B J E C T I O III.

Illud ſyſtema propugnari non potest , quod non potest conciliari cum pluribus Scripturæ ſacræ locis : atqui ſyſtema

Systema Capernicanum de motu terræ & quiete Solis non potest conciliari cum pluribus Scripturæ sacræ locis.

R. Dist. Maj. Illud systema propugnari non potest tanquam veritas realis, C. Tanquam hypothesis possibilis, N.

Inst. 1. Propugnari non potest absolutè, nisi quod verum est: atqui systema, quod repugnat Scripturæ sacræ, verum non est; quia verum vero non repugnat.

R. Dist. Min. Atqui systema, quod repugnat Scripturæ sacræ, verum non est veritate reali, quasi ita jam existat realiter, C. Verum non est veritate objectivâ seu possibili, quasi abstrahendo à divina revelatione non possit sic existeret, N.

Inst. 2. Systema Copernicanum repugnat observationibus Astronomicis; ergo non potest propugnari tanquam hypothesis.

Prob. Ant. Observant Astronomi stellas fixas æqualis semper nobis apparere diametri quilibet anni tempestate: atqui in systemate Copernicano non ita res se haberet.

Prob. Min. Tunc stellæ fixæ non deberent æqualis semper nobis apparere diametri, quando essemus ipsis modo propiores, modo remotiores: atqui unâ anni tempestate essemus stellis fixis propiores totâ diametro orbitæ terræ.

R. Dist. Maj. Quando essemus stellis fixis propiores sensibiliter & notabiliter, C. Insensibiliter & minus notabiliter, N. Porrò majora nostra approximatio ad stellas fit valde insensibilis, si conferatur cum ingenti distantia stellarum fixarum à terra, quam propè iusnitam supponunt Copernicani.

Inst. 3. In systemate Copernicano unâ anni tempestate essemus stellis propiores totâ diametro orbitæ annuæ terræ circa Solem: atqui tanta approximatio est sensibilis, quia secundum calculum est 20000. diametrorum terræ, quilibet autem terræ diameter est 300. leucarum circiter.

R. Dist. Min. Atqui tanta approximatio est sensibilis ab solutè, & nullâ habitâ ratione ingentis & propriè infinitæ distantiae nostri à stellis, C. Relativè ad distantiam indefinitam stellarum à terris, N.

Inst. 4. Si tanta foret, ut fingitur à Copernicanis distantia stellarum fixarum à terris, lumen à stellis ad oculos nostros in instanti non pertingeret: atqui in instanti pertingit.

R. Dist. Maj. Lumen à stellis fixis ad oculos in instanti non pertingeret mathematico, C. Instanti morali, id est, brevi temporis intervallo, N. At lumen in instanti mathematico non propagatur, sed celerrimâ successione.

Inst. 5. Non potest fieri transitus inter terminos infinitè propè distantes in instanti morali, intra breve tempus; atqui in systemate Copernicano fieret transitus inter terminos infinitè propè distantes, nempè à stellis ad oculos.

R. Dist. Maj. Non potest fieri transitus inter terminos infinitè distantes in instanti morali, si transitus fiat per motum localē successivum, C. si transitus fiat per transmissionem sine motu locali, N. Sic si foret virga à coelo ad terram protensa, quo instanti moveretur directè eā parte, quæ cœlum tangeret, eodem moveretur, quā parte terris responderet: at lumen explicatur per radios æthereæ substantiæ à corpore lucido ad oculos usque nostros, quasi per totidem baculos: igitur quo instanti premuntur è stellis fixis, eodem faciunt sui impressionem in oculis, atque ita intra breve temporis intervallum.



QUÆSTIO DUODECIMA.

De causa fluxus maritimi,

I. PROPOSITIO.

Lunam incumbentem aquis Oceani esse causam fluxus Maris.

PROB. Ea est vera causa fluxus maritimi, per quam reddi potest ratio physica singulorum fluxus maritimi phænomenorum. Atqui per Lunam prementem aquas Oceani sibi subjectas reddi potest ratio physica singulorum fluxus maritimi phænomenorum; sic explicatur, cur bis in

in die contingat fluxus, quia bis in die majores angustias rediguntur aquæ maris, Lunâ existente semel supra hemisphaerium nostrum semel, infra, habitâ ratione figuræ ovalis turbinis, in quo Terra versatur cum Luna: sic explicatur, cur in novilunio & plenilunio sint majores fluxus; quia tunc Luna supponitur esse in majoribus angustiis figuræ ovalis turbinis, ideoque ætheream subitantiam ad majores redigit angustias: sic explicatur, cur in æquinoctiis duobus sint majores maris exundationes, quia tunc Luna nova aut plena versatur in Aequatore, ideoque rectius & fortius comprimit aquas sibi subjectas: est enim recta pressio fortior quam obliqua. Ergo causa fluxus maritimi est Luna premens aquas maris sibi subjectas.

O B J E C T I O I.

QUOD immenso propè distat ab aquis Oceani intervallo, non potest esse causa fluxus aquarum Oceani: alioqui daretur actio in distans. Atqui Luna distat ab aquis Oceani immenso prope intervallo. Ergo Luna non est causa fluxus maritimi.

R. Dist. Maj. Quod distat ab aquis Oceani distantia tam virtutis quam suppositi, C. Distantia suppositi tantum, N. Porrò Luna distat quidem ab aquis Oceani distantia suppositi, at præsens est præsentia virtutis per subtilem materiam Lunam inter & aquas maris comprehensam.

Inst. Luna non procurat fluxum maritimum per materiam subtilem, si non debeat magis contingere fluxus aquarum, Lunâ præsente quam absente. Atqui non debet magis contingere fluxus, Lunâ præsente quam absente.

Prob. Min. Luna præsens & aquis Oceani incumbens, non plus comprimit aquas sibi subjectas, quam comprimeret per volumen materiæ subtilis, cuius locum occupat Luna. Atqui par volumen materiæ subtilis non procuraret fluxum. Ergo nec Luna præsens debet procurare.

R. Nego Maj. Ratio disp. quia par volumen materiæ subtilis non retardaret motum incidentis æthereæ substantiæ, ideoque non comprimeret aquas subjectas. At Luna præsens retardat motum æthereæ substantiæ incidentis, eamque redigit ad majores angustias, quod in causa

est, cur ætherea substantia fluat celerius Lunam inter & aquas, & fluendo, cogat aquas exundare.

Inst. 2. Corpus, quod innatæ materiæ subtilli, & motu communi ab ea rapitur in eandem partem, non plus comprimit aquas Oceani subiectas, quam comprimeret par volumea materiæ subtillis. Atqui Luna innatæ materiæ subtilli & ab ea rapitur in eandem partem.

R. Dist. Maj. Corpus, quod innatæ materiæ subtilli, & pari cum ea velocitate movetur, C. & tardius movetur, N. Porro Luna tardius movetur quam ætherea substantia, quia est ad motum ineptior.

Inst. 3. Corpus, quod est in æquilibrio cum materia subtilli, pari cum ea velocitate movetur. Atqui Luna est in æquilibrio cum materia subtilli. Ergo pari cum ea velocitate movetur.

R. Dist. Maj. Si corpus illud motui non resistat, C. Si resistat motui materiæ subtillis rapientis, N. Porro Luna cum sit ad motum ineptior, resistit motui æthereæ substantiæ rapientis, ferè sicut navis resistit motui aquæ fluentis.

Inst. 4. Si Luna esset ineptior ad motum, eique resistaret, maximè quia est corpus valde compactum. Atqui hæc ratio nulla est.

Prob. Min. Luna licet sit compactior, sustinetur à materia subtilli, eisque cum ea in æquilibrio. Ergo licet sit compactior, pari tamen cum ea velocitate movetur.

R. Nego Cons. Ratio disp. quia facilius est sustinere corpus quam movere, sic aqua fluens sustinet navem, neque tamen navis pari cum aqua fluente velocitate movetur.

O B J E C T I O II.

SI Luna premens aquas Oceani foret in causa, cur effuerint, non minus mare Mediterraneum pateretur fluxum quam Oceanus, cum tamen certum sit experiri nullum.

R. Nego Maj. Cum enim Luna nunquam prætergrediatur Zodiacum, Zodiaci autem limites sint duo tropici, inde sit, ut Luna nunquam incumbat aut mari Mediterraneo, aut Ponto Euxino, aut Archipelago, quæ maria sunt omnino

omnino extra tropicos, & hinc est, quod eorum aquae non intumescant, nec proinde fluxum experiantur.

Inst. Luna, quae singulis mensibus integrum absolvit circuitum circa globum terraqueum, non deberet minus procurare fluxum in mari Mediterraneo, quam in Oceano: cum mare Mediterraneum sit pars quædam globi terraquei.

R. Dicit. Si integrum hunc circuitum absolveret, ab uno terræ polo ad alterum, *Efto*. Si hunc circuitum absolvat ab uno tropico ad alterum, N. Est enim mare Mediterraneum extra tropicos, Luna autem tropicorum fines non transcendent.

Inst. 2. Mare, quod cum Oceano communicat, deberet experiri fluxum, dum patitur Oceanus: Atqui mare Mediterraneum communicat cum Oceano per fretum, quod dicitur Gaditanum.

R. Dicit. Maj. Si communicatio ista sit ampla satis, C. Secundus, N. Porro quam habet Oceanus cum mari Mediterraneo communicationem per fretum Gaditanum, ea non est ampla satis, ut satis aquarum irruat ex Oceano intumescente in mare Mediterraneum ad sensibilem procurandam maris hujus intumescientiam.

Inst. 3. Latitudo freti Gaditani est trium circiter leucarum: atqui latitudo trium circiter leucarum est ampla satis, ut possit ingens aquarum copia ex Oceano irruere in mare Mediterraneum per sex horas.

R. Dicit. Min. Latitudo trium leucarum est ampla satis, absolutè, C. Relativè ad ingentem maris Mediterranei vastitatem, N. Hæc enim tanta est, ut aquarum copia ex Oceano per sex horas irruentium nullius sit momenti ad attollendum sensibiliter Mediterraneum.

Inst. 4. Tanta non est, quanta hic fingitur maris Mediterranei vastitas; dicitur enim & est mare hoc perexiguum.

R. Dicit. Tanta non est maris hujus vastitas, & mare hoc perexiguum est, si comparetur cum imponente penè Oceanii vastitate, C. Si comparetur cum prædicta aquarum copia ex Oceano irruentium per fretum, N. Unde non dicitur mare hoc perexiguum, nisi relativè ad Oceanum.

O B J E C T I O III.

FLUXUS maris diurnus in eo consistit, quod bis unoquoque die aqua maris fluat & refluat, id est, intra 24. horas semel quidem cum Luna est in nostro meridiano imminens aquis, & interdum ubi Luna jacet in parte opposita infra nostrum horizontem: atqui hoc explicari non potest per Lunam aut Lunæ pressionem super aquas Oceani.

Prob. Min. Effectus ille refundi non potest in Lunam aut Lunæ pressionem super aquas Oceani, qui absente Luna nec proinde premente contingit perinde ac Luna præsente; atqui fluxus maris absente Luna ab horizonte nostro contingit perinde ac præsente.

R. Dist. Maj. Qui contingit absente Luna tum formaliter tum virtualiter, **C.** Absente Luna formaliter tantum, **N.** Porro licet Luna tunc temporis sit ab horizonte nostro absens formaliter, &c., ut ajunt, absentiâ suppositi, præfens tamen est virtualiter, quatenus Luna sub horizonte nostro posita facit ibi præsentia suâ angustias, materiamque subtilem redigit ad maiorem pressionem, tunc materia subtilis pressa fluit celerius, cogitque globum terraicum suo aliquantis percedere loco versus partem pressioni oppositam; inde fit, ut altera materiæ subtilis portio aquis Oceani directè incumbens supra horizontem nostrum incipiat & ipsa redigi ad majores angustias, flueret idè celerius, aquas proinde premere fortius sibi subiectas; & sic procurare novum super littora effluxum.

Inst. Hæc responsio supponit Lunam præsentia suâ facere, ut globus terraicus suo aliquantis per dimoveatur loco in partem pressioni oppositam: atqui hoc non videtur probabile.

Prob. Min. Corpus majus & gravissimum non videtur tam facile posse dimoveri à corpore longè minori se: atqui globus terraicus est corpus gravissimum & quidem Lunâ longè majus; ergo probabile non est, quod globus terraicus à Luna præsente suo dimoveatur loco.

R. Dist. Maj. Corpus majus & gravissimum non potest tam facile dimoveri à corpore minori se, si corpus illud majus non supponatur in æquilibrio, & innatans fluido, **C.** Secus, **N.** Porro globus terraicus innatat fluido, & supponi-

ponitur esse in æquilibrio. Hinc facile est ingentem lignorum struem aquis innatantem, suo dimovere loco.

Inst. 2. Luna deberet potius suo dimoveri loco, cum sit longè minor, & pariter innatans fluido.


R. Dist. Luna deberet potius suo dimoveri loco, si cætera essent utrinque paria, C. Secùs, N. Porrò materia subtilis Luna superior infra Horizontem obliat, quin Luna suo tam facile cedat loco: cum enim ob Lunæ præsentiam ad maiores sit redacta angustias, Lunam comprimit, & retinet in eodem statu & loco.

Inst. 3. Atqui pariter materia subtilis globo terraquo superior debet obstare, quin globus ille suo cedat loco.

R. Nego Par. Cùm enim materia subtilis globo terraquo superior ad tantas non redigatur angustias, minus celeriter fluit, proindeque minus comprimit, minùsque resistit globo terraquo aliunde pulso à materia subtili celerius fluente ob præsentiam Lunæ, donec globus terraeus suo loco pulsus ed intervenerit, ubi pressionis futura est æqualitas supra & infra.

Inst. 4. Si ita est, pressio Lunæ procurans alterum maris fluxum non erit directa, sicut erat pressio Lunæ in fluxu priori: atqui pressio directa, fortior est quavis alia pressione; ergo posterior maris fluxus non erit par priori, quod tamen experientia repugnat.

R. Dist. Maj. Pressio Lunæ in fluxu posteriore non erit directa, id est, non erit à luna immediatè præsente & aquis desuper incumbente, C. Non erit directa, id est, non erit perpendicularis, sed obliqua, N. At quid refert ad efficaciam pressionis, an sit à Luna immediatè aut à Luna mediatè, id est, mediante globo terraquo, qui à Lunâ suo loco pulsus materiam subtilem aquis desuper incumbentem ad maiores redigit angustias, idèque facit, ut fluat celerius, fortiusque subiectas comprimat aquas, ad effluxum super littora procurandum.



QUÆSTIO DECIMA-
TERTIA.

De Natura Luminis.

PROPOSITIO.

Lumen consistit in pressione celeri & directâ æthereæ substantiæ facta à lucido corpore.

PROB. Lumen in eo consistit, per quod possunt explicari, quæcumque sunt luminis phenomena & proprietates: atqui per pressionem directam, & celerem æthereæ substantiæ factam à lucido corpore, explicantur; quæcumque sunt luminis phenomena & proprietates, præsertim verò propagatio luminis celerrima & penè instantanea reflexio luminis à corpore duro, refractio in corpore densiori, vel rariori; ergo lumen consistit in ea pressione.

OBJECTIO I.

IN eo non consistit lumen, quo positâ non ponitur lumen, & quo sublatâ lumen non tollitur: atqui positâ celeri pressione æthereæ substantiæ non ponitur lumen: sublatâ celeri pressione illius non tollitur lumen.

Prob. Min. *Quoad primam partem.* Nocte profundâ remanet pressio materiæ subtilis in aere: atqui tamen nullum remanet tunc lumen: ergo positâ pressione materiæ subtilis non ponitur lumen.

R. Dist. Maj. Nocte profundâ remanet pressio materiæ subtilis, pressio indeterminata & ad luminis speciem insufficiens, C. Pressio directa & ad lucem sufficiens, N. Nam absente lucido corpore, lineæ materiæ subtilis non amplius premuntur, ut prius, directe, celeriter & imperturbatis radiis.

Inst. i. Ibi remanet eadem pressio materiæ subtilis directa & ad lucem sufficiens, ubi materia subtilis remanet in eodem statu & loco, in quo fuerat prius: atqui nocte profundâ materia subtilis remanet in eodem statu & loco; uti prius.

R. Dist.

R. Dist. Maj. Ubi materia subtilis remanet in eodem statu & loco, accurate, & mathematicè, C. Moraliter, N. Porrò de noctu materia subtilis cessat comprimi & coarctari; quâ ratione de die comprimebatur ob præsentiam lucidi corporis.

Inst. 2. Nocte profundâ remanet materia subtilis in eodem statu & loco accurate & mathematicè, in quo posita fuerat à corpore lucido interdiù, si ad easdem tunc redigatur angustias, ut prius; atqui de noctu materia subtilis ad easdem redigitur angustias.

Prob. Min. Materia subtilis de noctu redigitur ad easdem angustias, si recedente lucido corpore succedat aliud corpus id ipsum suâ præsentia præstans, quod prius præstabat lucidum corpus: atqui ita est.

R. Dist. Min. Atqui corpus succedens id ipsum præstat, quod præstabat corpus lucidum, id ipsum quoad aliqua, C. Quoad omnia, N. Quamvis enim occupet locum à lucido corpore relictum, quia tamen non habet partes suas in motu constitutas, non ita premit radios æthereæ substantiae.

Inst. 3. Fluidum corpus succedens fluido id ipsum præstat quoad pressionem: atqui corpus succedens corpori lucido est fluidum fluido succedens, v. g. pars cœli succedens corpori solari; ergo id ipsum præstat quoad pressionem.

R. Dist. Maj. Fluidum corpus succedens fluido, id ipsum præstat quoad pressionem, cæteris utrinque paribus, C. Cæteris imparibus, N. At corpus lucidum cum partes suas habeat in pernicissimo motu positas, fortius impellit, quam corpus non lucidum: sic aqua ebulliens plus potest quam aqua frigida.

Inst. 4. Corpus agens in fluidum non longè transfert suam impulsionem, sic lapis cadens in aquam, ad levem distantiam causat motionem aquarum: atqui corpus lucidum agit in materiam subtilem fluidam; ergo non deberet impulsio facta à corpore lucido ad oculos usque nostros pertinere.

R. Dist. Maj. Corpus agens in fluidum non longè transfert suam impulsionem, si impulsio fuerit lenta & lenis, C. Si impulsio fuerit subita & vehemens, N. At impulsio facta

à corpore lucido in ætheream substantiam est vehemens, & subita, idèque longe latèque porrigitur.

Jam probatur Min. quoad secundam partem.

Nocte profundâ tollitur pressio æthereæ substantiæ à corpore lucido: atqui interim non tollitur lumen ab adamante, v. g. ergo sublata pressione æthereæ substantiæ non tollitur lumen.

R. Dist. Maj. Nocte profundâ tollitur pressio æthereæ substantiæ; quâ parte lumen nullum est, C. Quâ parte lumen est, N.

Inst. 1. Lumen est in adamante mediis in tenebris consti-
tuto: vel etiam in ligno putrido, & piscibus corruptioni pro-
ximis: atqui ibi nulla est pressio æthereæ substantiæ.

Prob. Min. Ut ibi foret pressio æthereæ substantiæ ad lu-
men exhibendum, deberent partes illorum corporum esse in
motu celeri & pernicissimo: atqui partes adamantum & ligni
putridi non sunt in motu celeri & pernicissimo.

R. Dist. Maj. Deberent partes insensibiles esse in motu
celeri, C. Partes sensibiles, N. Porrò partes adamantum
insensibiles sunt in motu celeri, postquam affrictæ sunt, simi-
liter & partes ligni putridi, in quibus idcirco est solutio con-
tinui.

Inst. 2. Atqui ut in adamante & ligno putrido foret pres-
sio ad lumen exhibendum, non satis est, quod partes eorum
insensibiles essent in motu celeri.

Prob. Subs. Ad sensationem luminis excitandam non
sufficit motus partium insensibilium celer & directus: atqui
adamas & lignum putridum lumine suo excitant in nobis
sensationem; ergo non satis est, quod moveantur secundum
partes insensibiles.

R. Nego Maj. Sic motus partium insensibilium corpo-
ris calidi excitat in nobis sensationem caloris.

Inst. 3. Non magis insensibile sufficit ad excitandum sen-
sum & sensationem, quam invibile sufficiat ad excitandum
visum & visionem.

R. Dist. Maj. Insensibile simpliciter & sub omni respe-
ctu, C. Secundum quid tantum, N. At partes insensibiles,
quæ motu suo excitant organum sensus, dicuntur insensi-
biles, non simpliciter, sed secundum quid, eo quod sint te-
nues

nues admodum & exiguae, cum interim impressionem faciant in tenues oculorum particulas.

Inst. 4. Corpora valde compacta & durissima non videntur habere partes etiam insensibiles in tanto motu: atqui adamas est corpus valde compactum, & interim lucens etiam sine affrictu.

R. Dist. Maj. Corpora valde compacta non videntur habere partes in tanto motu, partes ad suam substantiam pertinentes, *Efto*: partes in suis poris contentas, N. At adamas utpote corpus diaphanum habet æthereæ substantiæ particulas suis in poris contentas, quæ premuntur à corpore lucido, excipiuntur ab adamante, & ab eo reflectuntur.

Inst. 5. Corpus lucidum debet habere partes ad suam substantiam pertinentes in motu celeri: atqui adamas est corpus lucidum.

R. Dist. Maj. Corpus lucidum lumine proprio & primario, C. Lumine alieno & reflexo, N. At adamas ex se non profundit lumen, sed acceptum à lucido corpore regerit.

Inst. 6. Quod lucet in tenebris etiam ante affrictum, est corpus lucidum lumine proprio & directo: atqui adamas lucet in tenebris etiam ante affrictum.

R. Dist. Min. Atqui adamas lucet in tenebris secundum quid dicitis, C. Simpliciter dictis, N. Nam quandiu lucet adamas, viget aliquid luminis aliunde mutuati, parum autem illud luminis colligitur in adamante & collectum reflectitur.

O B J E C T I O II.

Lumen non consistit in eo, per quod non potest explicari luminis propagatio: atqui per pressionem æthereæ substantiæ explicari non potest luminis propagatio.

Prob. Min. Luminis propagatio consistit in eo, quod lumen in instanti diffundatur à corpore lucido ad infinitam propè distantiam per interjectum corpus diaphanum: atqui si lumen consisteret in pressione æthereæ substantiæ, non fieret in instanti ejus diffusio, secundò non posset permeare rectè corpus interjectum.

Prob. Min. Quoad primam partem. Motus localis non potest fieri in instanti: atqui pressio æthereæ substantiæ vel est motus localis vel conjuncta cum aliquo motu locali.

R. Dist. Maj. Motus localis non potest fieri in instanti mathematico, C. In instanti morali, N. At lumen non diffunditur nisi in instanti morali, id est brevissimâ temporis parte, ut demonstravit non ita pridem D. de Cassini, exemplo unius è satellitibus Jovis.

Inst. 1. Pressio, quæ fit ad infinitam propè distantiam, non potest fieri in instanti morali: atqui diffusio luminis fit ad infinitam propè locorum distantiam.

R. Dist. Maj. Pressio, quæ fit ad infinitam propè distantiam, si fiat per motum localem vulgarem, C. Si fiat per transmissionem, N. At lumen diffunditur non per transitum materiæ subtilis à lucido corpore ad oculos usque nostros, sed per transmissionem impressionis per continuam æthereæ substantiæ seriem, quasi per totidem baculos.

Inst. 2. Licet tonus diffundatur à corpore sonoro ad aures usque nostras per transmissionem aëris interjecti, non fit tamen illa soni diffusio ad maximam distantiam, nisi notabili temporis intervallo; ergo nec diffusio luminis alter fieri deberet per transmissionem.

R. Nego Cons. & par. Ratio disp. quia sonus diffunditur per iteratas sœpè aëris interjecti undulationes, & reciprocas collisiones; at verò lumen diffunditur per rectam impulsione radiorum æthereæ substantiæ: celerior autem est motus rectus, quam undulatus.

Inst. 3. Atqui pariter diffusio luminis fieret in illa hypothesi per impulsione minimè rectam, sed circularem.

Prob. Subf. In fluidis corporibus si forte partes anteriores impellantur facto circuitu deflectunt ad latus, ut sit in aqua, atqui æthereæ substantiæ est corpus fluidum.

R. Dist. Maj. In fluidis corporibus partes anteriores deflectunt facto circuitu, si impulsio non fuerit celeris, subita & recta, C. Si fuerit celeris & subita, N. At ætherea substantia premitur à corpore lucido impulsione celeri & subitâ: quo sit, ut non sit ei locus subterfugiendi versus latéra, sed partes corpori lucido propriores pellunt alias sequentes, & sic ad nos usque.

Inst.

Inst. 4. Vel dicendum est partes priores æthereæ substantiæ pressas à corpore lucido facta circuitu deflectere ad latus: vel dicendum est totam, quæ est à corpore lucido ad oculos usque nostros protensa, æthereæ substantiæ massam propulsari; atqui hoc posterius dici non potest.

R. Nego Min. Nam tota illa massa æthereæ substantiæ spectari debet veluti baculus rectus à corpore lucido ad oculum protensus, totus autem baculus pellitur, si forte partes ejus anteriores pellantur.

Inst. 5. Illud discriminis ponitur inter fluidum & solidum corpus, quod solidi pars una moveri non possit, quin moveatur altera: at verò fluidorum pars una moveatur aliis immotis; ergo si pellantur æthereæ substantiæ partes anteriores, non necesse est totam materiæ substantiam propelli.

R. Dist. Necesse non est totam materiæ subtilis massam propelli, si moveatur alio motu quam recto, sive partibus motis subterfugiendi locus, C. Si moveatur motu recto, nec sit motum eludendi locus, N. At dum materiæ subtilis partes anteriores moventur à lucido corpore, moventur motu recto, & aliunde celeri & subito: hinc prima mover secundam, secunda tertiam, & sic deinceps.

Inst. 6. Datur vacuum inter illas æthereæ substantiæ particulas; ergo necesse non est, ut pulsâ primâ, pellatur secunda.

R. Dist. Ant. Datur vacuum disseminatum, nec solvens continuitatem ex omni parte, C. Solvens continuitatem, N. Sicut in baculo solido licet dentur vacuola disseminata, nihilominus non solvitur immediatus partium ejus contactus.

Jam probatur Min. quoad secundam partem.

Propagatio luminis explicari non potest sine verâ penetratione radiorum luminis: atqui penetratio illa non potest explicari per corpuscula æthereæ substantiæ, sed potius per qualitatem.

R. Nego Maj. Si enim radii luminis essent penetrabiles, omnia promiscue penetrarent corpora; at non penetrant solidiora, ut marmor.

Inst. I. Illi radii se se penetrant, qui simul existunt propè infiniti in eodem loco angustissimo: atqui infiniti propè radii luminis simul existunt in eodem loco vel angustissimo, v. g. in tenui foramine.

R. Dist. Maj. Qui simul existunt propè infiniti in eodem loco secundum eandem indivisibiliter loci partem, C. Secundum diversas loci partes, N.

Inst. 2. Plures radii luminis simul pervadunt corpora dura ut vitrum & crystallum; atqui tunc ea penetrant

Prob. Min. Penetratio vera, est transitus per corpus sine diversione partium: atqui radii luminis transeunt per vitrum & crystallum absque divisione corporum illorum.

R. Dist Maj. Penetratio vera est transitus per corpus sine divisione partium, transitus per partes solidas, C. Transitus per poros, N. At radii luminis transeunt per poros & vitri & crystalli.

Inst. 3. In aliis quibuscumque corporibus, v. g. marmore, sunt pori bene multi, neque tamen per eos transeunt radii luminis; ergo nec transeunt per poros vitri & crystalli.

R. Nego Cons. & par. Ratio disp. quia qui sunt in marmore vel ferro pori, si sunt valde obliqui, indirecti & interrupti solidis partibus; at verò qui sunt in vitro & crystallo, sunt recti, faciles & minimè interrupti.

Inst. 4. Licet pori, qui sunt in aëre vel aquâ, reddantur obliqui per aëris vel aquæ agitationem plurimam, adhuc tamen radii luminis ea permaneant corpora; ergo licet pori marmoris & ferri sint obliqui & indirecti, attamen radii luminis eos penetrare possunt.

R. Nego Cons. & par. Ratio disp. quia licet aër vel aqua commoveantur, veteremque amittant dispositionem pororum rectam, novam tamen acquirunt, eamque rectilineam per continuam pressionem radiorum luminis, idque fit ob facilem partium liquidarum tractationem: at non ita est de ferro & marmore ob rigidam partium illorum connexionem.

QUÆSTIO DECIMA QUARTA.

De causâ Æqualitatis angulorum incidentiæ & reflexionis.

Observandum, vix ullam huc usque probabilem proferri potuisse causam hujusmodi, si forte excipiamus quam

quam protulit eâ de re Cartesius. Supponit corpus incidentis obliquè in superficiem dupli simul determinatione moveri, una perpendiculari deorsum, alterâ horizontali: vult occursu superficie duræ mutari determinationem perpendiculararem, integra manente horizontali, ac proinde factò occursu corpus illud progredi debere ea ratione, ut in id punctum perveniat, quòd cùm perveniret, necesse est angulos incidentiæ reflexionis esse æquales (per 8. propos. L. 1. Euclidis.) Hæc Cartesii demonstratio non multum abhorret à vero, ideoque operæ pretium esse duxi, quid contra propo-natur, expendere & resolvere.

O B J E C T I O.

EA ratio non est efficax pro causa æqualitatis angulorum, quæ falso nititur suppositione, & quâ gratis datâ non evincitur angulum reflexionis esse debere æqualem angulo incidentiæ: atqui Cartesii ratio talis est.

Prob. Min. *Quondam primam partem.* Cartesius ibi supponit superficiem opacam, in quam incidit corpus, obesse soli determinationi perpendiculari illius corporis, nullatenus verò horizontali: atqui hæc suppositio est falso proxima.

Prob. Min. Non est potior ratio, cur superficies opaca obsistat determinationi perpendiculari, quam horizontali.

R. Nego par. Ratio disp. quia determinatio perpendicularis fit per lineam, quæ rectâ occurrit in superficiem, proindeque opponuntur: at verò determinatio horizontalis fit per lineam parallelam superficie opacæ, quæ cum nunquam concurrant, nunquam opponi possunt.

Inst. 1. Quoties duæ determinationes in unam coaleverunt, quod obsistit uni, obsistit alteri: atqui determinatio perpendicularis & horizontalis in unam coalescent in corpore incidente obliquè.

R. Dist. Maj. Quod obsistit uni, obsistit & alteri, cæteris utrinque paribus, C. Cæteris imparibus, N. At superficies opaca opponitur determinationi perpendiculari, non opponitur vero horizontali, quia se habet ad horizontalem, ut linea parallela ad alteram parallelam.

Inst. 2. Superficies opaca obsistit ei determinationi, quæ in ipsam impingit: atqui determinatio horizontalis impingit in superficiem opacam.

R. Dist. Min. Atqui determinatio horizontalis impingit in superficiem opacam, impingit per determinationem perpendiculararem, cum qua conjungitur, C. Impingit per se & ratione sui, N. Nam per se est per lineam parallelam,

Inst. 3. Ea determinatio per se impingit in superficiem opacam, quae facit, ut corpus oblique incidens tangat superficiem eam præcise parte, quam tangit eam: atqui determinatio horizontalis id facit: nam si sola foret perpendicularis determinatio, corpus incidentis non attingeret superficiem subjectam, quam parte attingit.

R. Dist. Maj. Quae facit, ut corpus tangat superficiem quam parte tangit, facit inclinando ad superficiem, C. Declinando ab ea, N. At ne dum determinatio horizontalis inclinet corpus versus superficiem, quin potius ab ea declinat, quo sit, ut corpus, quod recta cedere deberet in superficiem, cadat mixtum seu oblique.

Inst. 4. Si superficies opaca obsisteret determinationi perpendiculari, & non horizontali, post occursum corpus incidentis unicam determinationem horizontali donaretur; atque adeo angulus reflexionis non esset æqualis angulo incidentiae.

R. Dist. Post occursum corpus incidentis unicam determinationem horizontali, donaretur, si perpendicularis penitus periret, nec in contrariam converteretur, C. Si converteretur in contrariam, N. At dum nihil mutatur in determinatione horizontali; perpendicularis vertitur in contrariam, quae corpus eò defert, quod necesse est ad æqualitatem angularium efficiendam.

Inst. 5. Superficies opaca sibi sumit aliquid motus perpendicularis; igitur minuitur ille motus post occursum, proindeque radius reflexionis minor est radio incidentiae.

R. 1. Nego Maj. Nam cum supponatur perfecte dura nihil quidquam motus accipit à corpore incidente, sed illius præcise mutat determinationem.

R. 2. Dist. Superficies opaca sibi sumit aliquid motus perpendicularis, & damnum illud aliunde resarcitur per vim elasticam superficie duræ, Esto, Secus, N.

Inst. 6. Damnum illud illatum ab occurso superficie, non ita resarcitur per vim elasticam, quin fiat aliqua imminutio motus.

R. Dist.

R. Dist. Quia si aliqua imminutio motus, valde insensibilis & penè nulla, *Esto*, sensibilis & notabilis, N.

Inst. 7. Si si aliqua imminutio motus etiam valde insensibilis post occursum, radius reflexionis non erit æqualis, sed minor angulo incidentiæ, proindeque angulus reflexionis non potest demonstrari æqualis angulo incidentiæ.

R. Dist. Radius reflexionis non erit æqualis angulo incidentiæ quoad longitudinem, *Esto*, quoad inflexionem seu inclinationem in superficiem unde æstimatur anguli quantitas, N. Hinc producto illo radio, servata eadem ejus inclinatione, facile est evincere angulos illos esse æquales (per 8. propos. L. I. Euclidis.)

QUESTIO DECIMA QUINTA.

De naturâ colorum.

I. PROPOSITIO.

Color non est mera qualitas physica ad sensum Peripateticorum.

PROB. Affirmare colorem esse qualitatem physicam & absolutam, est obscurum explicare per obscurius; namque iterum restat explicanda hujus qualitatis physice natura. Certè vitrum dum est contusum, & liquores dum ebulliunt, mutant colorem; neque tamen dici potest, unde sibi comparent subito novas qualitates physicas; ergo coloris natura non bene explicatur per qualitatem physicam.

O B J E C T I O.

Ens alteri adhærens est qualitas physica ad sensum Peripateticorum: atqui color adhæret rebus coloratis; ergo color est qualitas physica peripatetica.

R. Dist. Maj. Ens alteri adhærens propriè & per modum accidentis, C. Adhærens impropiè & per modum aliquius substantiæ, N. At color adhæret coloratis non ut accidens, sed ut substantia tenuissima in ipsis recepta & ab iis reflexa ad oculos.

Inst.

Inst. 1. Qualitas intrinseca corpori colorato est ens adhærens per modum accidentis: atqui color est qualitas intrinseca coloratis.

R. Dist. Maj. Qualitas intrinseca ab intrinseco emanans, C. Intrinseca ab extrinseco veniens, N. Porro color ita intrinsecus afficit res coloratas, ut veniat ab extrinseco corpore lucido.

Inst. 2. Quod perseverat in corpore colorato, sublato quocumque extrinseco, certe est intrinsecum corpori colorato veniens ab intrinseco: atqui color perseverat in rebus coloratis sublato quovis extrinseco, quis enim dubitabit sanguinem vel linteum esse de noctu colorata?

R. Dist. Min. Atqui color perseverat in coloratis, sublato quovis extrinseco, color materialiter sumptus pro certa dispositione & configuratione partium corporis colorati, C. Color formaliter sumptus, N. Is enim pendet à lumine: hinc Poëta canit: *Nox abstulit atra colorem*

Inst. 3. Ea sunt formaliter colorata independenter à lumine, quæ in tenebris posita cernuntur formaliter colorata: atqui corpora, ut nix, cernuntur colorata in tenebris.

R. Dist. Min. Atqui corpora in tenebris cernuntur colorata, in tenebris secundum quid dictis, in quibus viget luminis aliquid à stellis vel aliunde mutuati, C. In tenebris simpliciter dictis per exclusionem cujuscumque luminis, N.

Inst. 4. Nisi corpora essent in tenebris simpliciter dictis formaliter colorata, corpora non viderentur per se suamque speciem propriam: atqui hoc falsum est.

R. Nego Maj. Nam corpora, quæ videntur, videntur per radios luminis ad oculum directos à se, prout necesse est ad depinendam in fundo oculi imaginem sui.

Inst. 5. Corpora, quæ viderentur per radios luminis alienos, & aliunde mutuatos, non viderentur per se suamque speciem: atquinisi corpora essent per se formaliter colorata independenter à lumine, viderentur per radios alienos, & aliunde mutuatos, v. g. à Sole, stellis.

R. Dist. Min. Atqui corpora viderentur per radios alienos, id est, non à se emissos primâ vice, C. Per radios alienos, id est, non à se remissos & reflexos, N.

Inst. 6. Quod solùm excipit radios, eosque remittit, sui non facit imaginem, sed duntaxat alienam servat: atqui corpora

corpora colorata in hypothesi recentiore solummodo exceptiunt radios, v. g. Solis, & exceptos remittunt.

R. Dist. Maj. Si eos remittant sine moditione, C. Cum moditione, N. At corpus coloratum radios modificat, & sic remittit.

Inst. 7. Non magis corpus coloratum exceptos à corpore lucido radios debet remittendo modificare, quam paries pilam in se directam excipiens, ullam in ea modificationem efficiat.

R. Nego Maj. & par. Ratio disp. quia pila in parietem impacta est rigidior, ideoque à pariete non ita facile inflectitur, prout necesse est ad modificationem: at vero radii luminis incidentes in rem coloratam sunt flexiles, figurabiles, nullius status per se tenaces.

II. PROPOSITIO.

Color consistit in certa luminis reflexione seu modificatione.

PROB. In eo consistit color, per quod explicari potest colorum varietas; atqui per variam luminis modificationem ab objecto colorato potest jucundè satis explicari colorum varietas; sic corpus est candidum, quod multum luminis reflectit ad oculos intuentium; sic nigrum est, quod vel nihil, vel parum luminis reflectit, sed totum penè velut abscondit in se; ergo color consistit in certa luminis modificatione.

O B J E C T I O.

IN eo non consistit color, per quod explicari nequit colorum varietas multipliciter multiplex: atqui per reflexionem luminis explicari nequit albi & nigri varietas.

Prob. Min. Albi & nigri varietatem repetunt recentiores, ex eo quod album corpus luminis multum reflectat ad oculos, nigrum vero vel nihil vel parum: atqui haec ratio nulla est.

Prob. Min. Haec ratio nulla est, si album marmor & nigrum æqualem ad oculos reflectant radiorum copiam: atqui ita est.

R. Nego

R. Nego Min. Nam marmor nigrum & alia nigra corpora, totum penè lumen absument, ideoque vel parum vel nihil remittunt: hinc nigra non fatigant visum, ut solent candidiora.

Inst. 1. Duo corpora ejusdem soliditatis, debent à qualiter reflectere incidentium radiorum copiam: atqui marmor album & nigrum sunt ejusdem soliditatis.

R. Dist. Min. Atqui marmor album & nigrum sunt ejusdem soliditatis, quoad partes sensibiles & crassas, C. Quoad partes exiguae & insensibiles, N. Nam ope Microscopii alia partium exiguarum cernitur dispositio in nigro corpore, alia in candido.

Inst. 2. Corpora duo homogenea sunt ejusdem soliditatis quoad partes etiam insensibiles: atqui marmor nigrum & album sunt corpora homogenea.

R. Dist. Min. Marmor nigrum & album sunt corpora homogenea quoad partes crassiores & insensibiles, C. Quoad partes insensibiles & minutissimas, N.

Inst. 3. Partes sensibiles conflantur ex insensibilibus; igitur si insensibiles non sint homogeneæ, sensibiles quoque non essent homogeneæ.

R. Dist. Cons. Ergo si partes insensibiles non sint homogeneæ, sensibiles quoque non erunt homogeneæ, in omnibus & quoad se, C. In aliquibus & quoad nos, N. Sic albi marmoris & nigri partes sensibiles sunt quoad nos homogeneæ quoad duritiem & firmitatem: at non quoad se; cuius rei indicium est varietas colorum: id enim ostendit partes marmoris albi esse compactiores ad fortius regerendum lumen, ut contingit pro certo in carbonibus & ligno albicante.


Inst. 4. Si marmor album & nigrum sint heterogenea quoad se, dicendum est marmor primo album, deinde nigro colore tinctum, esse heterogeneum à se ipso albo: atqui hoc apertè falsum est.

R. Dist. Dicendum est esse heterogeneum à se ipso accidentaliter & ratione superadditæ tincluræ, C. Essentialiter & ratione ordinis vel texturæ partium suarum, N. Nam tinclura non videtur mutare ordinem & texturam partium marmoris tincti.

Inst. 5. Marmor album & aliud nigro colore minùs

minus differunt in reflectendo lumine, quam marmor naturaliter nigrum & nix candidissima: atqui tamen marmor album nigro tinctum colore, eti compactius quam nix, non album præ se fert coorem, cum tamen certum propè videatur, quod fortius reflectat lumen quam nix, quæ partes habet minus compactas.

R. Nego par. Quæ instituitur inter marmor nigrum & nivem: nam nix eti primâ fronte videatur minus compacta, attamen partibus constat quasi totidem globulis rigidis & alperis, ideoque fortiter reflectit lumen in omnem latè circumferentiam: at vero marmor nigrum partes suas habet à radiis incidentibus mobiliores, ideoque lumen absorbet & consumit: quod eti sensu non percipiatur in marmore, probatur tamen exemplo aliorum corporum nigrorum, quæ hoc ipso redundunt nigro tincta colore, quo partes eorum minus inter se cohærentes sunt & mobiles: hinc carbones & vestes infectæ nigro colore ope aluminis penetrantis, totum bene lumen absument.



QUÆSTIO DECIMA - SEXTA.

De natura caloris & frigoris.

PROPOSITIO.

Calor consistit in motu celeri perturbato & expansivo partium insensibilium.

PROB. Calor maximè consistit in eo motu, qui deprehenditur in liquoribus ebullientibus, in flamma, in flatu, qui ore patulo ejicitur e pulmonibus, in axi currus, dum incalescit, in ferro, dum limatur, &c. Atqui in hujusmodi corporibus calidis nihil deprehenditur praeter motum celerem, perturbatum & expansivum partium tenuissimatum & insensibilium; ergo calor maximè consistit in motu celeri, perturbato, & expansivo partium insensibilium corporis calidi.

OBJECTIO.

In totâ celeriter motâ reperitur motus celer & perturbatus: atqui tamen non reperitur calor; ergo calor non consistit in motu celeri & perturbato.

R. Dist.

R. Dist. Maj. In rota celeriter motâ reperitur motus celer totius rotæ, C. Partium insensibilium, ad invicem, N. Nam licet tota moveatur rota, singulæ tamen partes juxta se invicem quiescunt, nec se se mutuò collidunt.

Inst. 1. Non potest esse motus celer totius rotæ, quin sit motus singularum rotæ partium vel insensibilium.

R. Dist. Quin sit motus singularem rotæ partium relativè ad locum, C. Relative ad invicem, N. Id est, singulæ quidem partes rotæ migrant de loco in locum, si tota moveatur rota; at non ideo moventur ad invicem, nec suum mutant situm, suamque unionem mutuam.

Inst. 2. In aquâ reperitur motus partium insensibilium ad invicem, neque tamen reperitur calor; ergo calor non consistit in motu partium insensibilium ad invicem.

R. 1. Dist. Secundam partem Ant. Neque tamen reperitur calor insignis & sensibilis, C. Minùs sensibilis, N. Dici namque potest, in aqua esse aliquid caloris absolute, minùs tamen quam in corpore nostro, quo sit, ut experiamur frigoris sensum, quatenus aqua minuit calorem corporis nostri.

R. 2. Dist. Primam partem Ant. In aqua reperitur motus partium insensibilium, motus lenis & placidior, C. Motus celer & perturbatus, N. Id liquet ex discrimine aquæ ebullientis & frigidæ, hæc enim est tranquillior, altera concitior.

Inst. 3. In machina pneumatica exhausto aëre crasso, aqua communis plurimum ebullire videtur; sed tunc habet motum celerem & perturbatum partium insensibilium, neque tamen habet calorem.

R. Dist. Min. Sed tunc aqua habet motum celerem, insufficientem exhibendo calori, C. Sufficientem, N. Nam motus ille ebullitionis in aqua non oritur ex universalí commotione celeri & perturbata partium insensibilium se se collidentium vehementissimè, ut fit in aqua igni superposita, sed oritur ex eo, quod aëris inclusus in poris aquæ solitus à compressione aëris exterioris exhausti, dilatet se se, & aquam cogat abire in ampullas seu bullas.

Inst.

Inst. 4. Aqua illa eum ipsum habet motum in machina pneumatica, quem habet aqua igni superposita & ebulliens; ergo haberet motum sufficientem calori exhibendo, si calor consisteret in motu.

R. **Dist. Ant.** Aqua illa eum ipsum habet motum inchoatum, C. Consummatum, N. Hinc non dubito, quin si diu duraret illa aquæ commotio in machina pneumatica, aqua tandem evaderet calida, sicut evadit, si vas inclusa plurimum agitur.

Inst. 5. Atqui calor aquæ non potest consistere formaliter in motu celeri partium aquæ.

Prob. Subs. Motus, qui est causa caloris, non est ipse calor formaliter: atqui motus celer & perturbatus in aqua est causa caloris.

R. Dist. Min. Atqui motus celer & perturbatus est causa caloris, si calor spectetur ex parte animæ, prout est sensatio seu perceptio hujus, quod vocatur calor, C. Si calor spectetur ex parte aquæ calidæ, N. Quia motus ille partium aquæ est calor ex parte aquæ calidæ, valens in nobis efficere sensationem calidi.

Inst. 6. Debet esse in aqua aliquid simile calori, prout est in anima nostra: atqui motus celer non est hujusmodi, sed potius qualitas physica.

R. Nego Maj. Sicut enim in acicula pungente nervos corporis nostri nihil est simile dolori, quem excitat in nobis, ita in aqua calida nihil est simile sensationi caloris, quam excitat in nobis.

Inst. 7. Causa debet praæcontinere effectum, quem producit; ergo aqua calida debet praæcontinere in se calorem, quem excitat in anima nostra.

R. Dist. Ant. Causa debet praæcontinere effectum, vel formaliter vel virtualiter, C. Formaliter, Subdist. Si sit causa univoca, C. Äquivoca, N. At motus partium aquæ afficit nervos corporis nostri & hinc oritur in anima perceptio calidi: si autem aqua deberet continere formaliter effectum, quem excitat in nobis, deberet praæcontinere formaliter sensationem calidi, quod quidem absurdum est.

Inst. 8. Partes insensibiles non possunt efficere in nobis sensum caloris; ergo partes aquæ insensibiles non excitant sensum calidi.

Pars IV.

B b

R. Dist.

R. Dist. Ant. Partes insensibiles simpliciter, & sub omni respectu, C. Sub aliquo tantum respectu, N. At partes aquæ calidæ dicuntur insensibiles, non quod nullo absolutè sensu percipi possint, sed quod non omni sensu valeant percipi, v.g. visu. Quod interim non impedit, ne particulas nervorum commoveant, atque ita excitent in anima perceptionem caloris.

II. PROPOSITIO.

Frigus consistit in quiete partium seu privatione caloris.

PROB. Frigus in eo maximè consistit, quod primum reperitur in corporibus frigidis, ut frigida sunt: atqui quiete partium reperitur primum in corporibus frigidis, ut frigidæ sunt; ideoque frigus constringit corpora, convertit in glaciem, conservat diu integra, quatenus est status quidam quietis, artium: ergo frigus maximè consistit in quiete partium corporis frigidi.

O B J E C T I O.

Quod contrariè opponitur calori, non consistit in sola privatione caloris: atqui frigus contrariè opponitur calori.

R. Dist. Maj. Quod contrariè opponitur calori, contrarietate strictè sumptâ, C. Latè sumptâ, N. Hoc enim sensu, quæcunque opponitur, contrariè opponuntur.

Inst. 1. Si frigus consisteret in privatione caloris, omnia corpora frigida forent de naturâ suâ calida, siquidem carebant perfectione sibi debitâ; falsum consequens.

R. Dist. Mai. Si frigus consisteret in privatione strictè sumptâ pro absentia perfectionis debitæ, C. Si consisteret in privatione latè sumptâ pro negatione perfectionis sive debitæ, sive indebitæ N. At dicimus, frigus esse privationem caloris, non stricto sensu, sed paulo latiori significatione, prout excludit reale quid & positivum.

Inst. 2. Quod tam excitat in nobis sensationem positivam quam calor, tam positivum est quam calor; atqui frigus est hujusmodi.

R. Dist. Maj. Quod excitat sensationem positivam, positi-

tivè efficiendo & influendo, C. Negativè solum & detrahen-
do aliquid de calore corporis nostri, N. At frigus excitat
molestam in nobis sensationem, non positivè influendo, sed
detrahendo aliquid & imminuendo ingenitum nobis calo-
rem.

Inst. 3. Frigus excitat in nobis sensationem sui fortiter
compingendo partes corporis nostri, atque etiam sæpe con-
gelando: atqui hoc est excitare sensationem positivè effici-
endo.

R. Dist. Maj. Frigus excitat sensationem sui, fortiter com-
pingendo interventu corporis extrinseci ambientis & pre-
mentis, C. Compingit per se & ratione sui, N. Scilicet ma-
teria subtilis partes corporis nostri extrinsecus ambiens suæ
præ gravitate fortiter compingit, ex qua compressione oritur
quandoque congelatio, & sæpius dolor molestissimus: vix
autem alia ratione potest explicari frigoris effectus ultimus
seu congelatio; Nam sola privatio caloris seu quies non po-
test efficere, ut tanta si cohæsio partium congelatarum, tan-
ta divisioni obſistentia.

Inst. 4. Quod per se conjunctum est cum motu partium
insensibilium corporis, per se & ratione sui potest efficere
sensationem positivam: atqui frigus per se conjunctum est
cum motu partium insensibilium, ut patet in aqua frigida
simul & liquida.

R. Dist. Maj. Quod per se conjunctum est cum motu cele-
ri, perturbato, & expansivo, C. Motu leni & placido, N. At
frigus non est privatio cujuscumque motus, sed duntaxat ce-
leris perturbati & expansivi, qui requiritur ad calorem.

Inst. 5. Quod facit, ut corpus intumescat & expandatur,
certe non est privatio motus expansivi: atqui frigus facit, ut
corpus frigidum expandatur: sic, v. g. glacies est magis ex-
pansa, quam aqua naturalis & liquida.

R. Nego Min. Nam frigus facit, ut corpus constringatur,
ideoque pori corporum hyemali tempore occluduntur, æsti-
vo autem referantur.

Inst. 6. Glacies innatet aquis; ergo est magis expansa
quam aqua naturalis.

R. Dist. Glacies innatet aquis ob effluxum tenuissimorum
corpusculorum facta levior, C. Ob majorem sui amplia-
tionem & expansionem, N. Scilicet dum concrescit aqua præ

frigore, partes ejus interiores constringuntur, & ad se fermentuō propriū accedunt, remanente interim eodem ferē apparenti volumine ob reliqua identidem vacuola: at simul efflidunt particulae aquæ interventu vacuolorum: hinc sit levior glaciei moles & innatat aquis.

Inst. 7. Calor non facit, ut corpus expandatur; sic lumen dum coquitur, ad minores redigitur angustias; ergo à contrario frigus non facit, ut corpus constringatur.

R. Dist. Ant. Calor non facit, ut corpus expandatur, per accidens, C. Per se, N. Sic dum recoquitur lumen, plures aqueæ particulae evolant, idèque immuinuantur lumen necesse est.

Q U Ä S T I O D E C I M A - S E P T I M A.

De Lachryma Batavica.

P R O P O S I T I O.

Lachrymæ Batavicæ cum strepitu dissilientis motum à pernicissimo materiæ subtilis irruentis impetu proficisci.

PROB. Motus perniciissimus non venit nisi à causa physica in motu perniciissimo positâ; Sed in confractione lachrymæ Batavicæ cernitur motus perniciissimus. Ergo venit à causa, quæ sit in motu perniciissimo posita; haec autem alia non est à materia subtili, quæ per factum in cuspidi lachrymæ foramen irruens in interiores lachrymæ partes, concutit & disruptit.

O B J E C T I O.

Confractio lachrymæ Batavicæ non venit ab ea materia, quæ lachrymam penetrat & pervadit Atqui materia subtilis irruens in lachrymam, penetrat & pervadit.

R. Dist. Maj. Quæ lachrymam pervadit, ita ut non offendat in partes ejus solidas, C. Ita ut offendat in partes solidas, N. Cum enim difficulter reperiat exitum è lachryma, eo quod partes lachrymæ sint in superficie compactiores, impetum facit in partes solidas, & disruptit,

Inst.

Inst. Ut materia subtilis irruens in lachrymam esset causa confractio[n]is, deberet esse vehementior impetus materiæ subtilis post resectum apicem lachrymæ, quâm antè. Atqui non ita res est.

Prob. Min. È minor esse debet impetus materiæ subtilis irruentis, quâm liberior est aditus. Atqui post resectum apicem est liberior aditus, nempè per apertum foramen

R. Dist. Maj. Quò liberior est aditus, pariter & exitus, C. Et difficilior exitus, N. Porro cùm sit liberior aditus, materia subtilis irruit in majori copiâ; quæ cum offendat partes in superficie lachrymæ compactiores, difficilius exit, ideoque concutit vehementius, & frangit.

Inst. 2. Materia subtilis ingressa non potest concutiendo frangere lachrymam, si tanta sit vis materiæ subtilis lachrymam exterius ambientis ad sustinendum, quanta materiæ subtilis interioris ad impellendum. Atqui res ita est.

R. Nego Min. Quia materia subtilis interior ad majores redacta angustias fit rapidior, ideoque ad concutiendum valenter; fere sicut aqua intra pontis angustias solet esse rapidior.

Inst. 3. Tanta vis est materiæ subtilis lachrymam exterius ambientis ad sustinendum, quanta vis est materiæ subtilis interioris ad impellendum, si tota, quæ inest materiæ interiori vis derivetur à materia exteriori. Atqui res ita est.

R. Dist. Maj. Si prætereà materia subtilis interior non fiat rapidior ob majores, ad quas redigitur angustias, C. Secùs, N. At fit rapidior ob prædictas angustias, sicut aqua longe rapidior est intra pontis angustias, quâm ubi liberiùs fluit in alveo.

Inst. 4. Major illa quæ supponitur inesse materiæ interiori rapiditas non potest esse causa, cur frangatur lachryma, si major copia materiæ exterius ambientis & sustinentis possit compensare majorem materiæ interioris rapiditatem. Atqui res ita est.

R. Dist. Min. Major copia materiæ exterius ambientis potest compensare majorem materiæ interioris rapiditatem, si major illa materiæ exterioris copia non conferat ad maiorem materiæ subeuntis rapiditatem, C. Secùs, N. At maior hæc copia exterius ambiens & comprimens facit, ut materia interior majorem acquirat inter subeundum rapiditatem.

QUÆSTIO DECIMA. OCTAVA.

De virtute magnetica,

QUæ inest magneti vis attractiva ferri, solet à recentioribus quibusdam explicari per materiam subtilem, quæ confertim è magnete in ferrum irruens, & motu dupliciti mota, uno quidem recto antrorsum, altero circulari & veluti retrorsum, offendit hirsutas pilorum instar ferri particulas, & impetu suo retrò pellit, ferrumque sic ad magnetem adducit.

PROPOSITIO.

Ferrum attrahitur à magnete per materiam subtilem seu effluvia magnetica.

PROB. Quidquid deprehenditur in attractione ferri à magnete continetur motu locali, quo ferrum accedit ad magnetem: atqui motus iste localis, qui cernitur in attractione ferri à magnete debet rejici in corpus aliquod subtilissimum erumpens è magnate; tam enim motus iste localis, qui cernitur in attractione ferri à magnete, debet rejici in corpus aliquod subtilissimum & insensibile, quam motus localis, qui cernitur in pinnulis versatilibus debeat rejici in corpus aliquod rapidissimum, & insensibile, nempè ventum incurrentem in pinnulas, easq;ie impellentem huc illucvè; ergo ferrum non aliter attrahitur à magnete, quam intervenitu corporis alicujus subtilissimi è magnete erumpentis versus ferrum.

OBJECTIO.

EA non est causa virtutis magneticæ attractricis, quâ semel positi, non deberet ferrum ruere in magnetem: atqui posito quod materia subtilis è magnete diffundatur in ferrum, non deberet ferrum ruere in magnetem.

Prob. Min. Materia subtilis è magnete profluens, vel penetrat ferrum inoffenso pede, vel incurrit in partes ejus solidas: si penetrat facilè, non adducit; si incurrit, repellit; ergo ferrum non deberet ruere in magnetem.

R. Nego

R. Nego Min. Et dico materiam illam subtilem penetrare simul & incurrere in partes ferri, penetrat quidem motu suo directo, atque ita deprimit particulas ferri hirsutas: incurrit verò motu suo circulari & retrorsum, erigendo easdem ferri particulas.

Inst. 1. Ut materia subtilis ferrum adducat ad magnetem, debet prius expellere aëra, ferrum inter & magnetem interiacentem: atqui non potest expelli, siquidem ipsum meatibus innumeris perforatum levi negotio permeare debet.

R. Nego Maj. Nam satis est, si aëra permeando, incurrat in fibrillas ferri.

Inst. 2. Quandiu aér erit intra ferrum & magnetem, tandem ferrum non ruet in magnetem; ergo debet prius expelli aér ferrum inter & magnetem jacens.

R. Concedo Aft. Dist. Cons. Ergo debet prius expelli aér. ferrum inter & magnetem jacens, expelli à ferro accedente, C. Ab ipsa materia subtili in ferrum irruente, N.

Inst. 3. Ut aér propelleretur à ferro accedente, duo requirerentur; primò ut esset locus, in quem se se recipere aér pulsus; secundo, ut tanta vel etiam major vis inesset materiae subtili ad propellendum ferrum, quanta est in ferro ad resistendum: atqui neutrum verisimile est.

R. Nego Min. Quoad utramque partem; & dico pulsum aëra se se recipere ad locum à ferro accedente relictum.

Inst. 4. Quoad primam partem. Sicubi posset se se recipere pulsus aëra, præsertim in locum à ferro accedente relictum: atqui hoc dici non potest.

Prob. Min. Pulsus aëra non posset se se recipere in locum à ferro accedente relictum, nisi facto circuitu per motum localem: atqui si ita est, necesse est locum illum à ferro relictum remanere vacuum per instantia temporis aliqua.

R. Dist. Min. Necesse est locum illum à ferro relictum remanere vacuum, si pulsus aëra locum hunc per se & immedietè petat, C. Si per vicinum sibi aëra, N. At ferrum pellit aëra interiacentem, & is pellit vicinum, & iste alterum sibi proximum pellit; atque qui jacet tergum ferri, succedit in locum ferri suo cedentis loco,

Inst. 5. Quoad secundam partem. Materia subtilis eatenus dicitur habere vim ad propellendum ferrum in magnetem, quatenus motu dupli movetur, uno antrorsum & directo, altero

altero retrorium & circulari: atqui uterque ille motus est incompossibilis, & aliundè non sufficit propellendo ferro in magnetem.

Probatur Minor quoad primam partem.

Motus antrorsum destruit motum retrorsum: impossibile est corpus moveri antrorsum simul & retrorsum.

R. Dist. Motus antrorsum destruit motum retrorsum sibi oppositum, C. Disparatum, N. At non sunt semper oppositi, ut videre est in motu rotæ currūs, quæ movetur motu recto antrorsum, simul & retrorsum, circulari. Addi potest intrumque hunc materiae subtilis motum esse successivum; atque alternis vicibus.

Inst. 6. Quoad secundam partem. Globus eburneus dupli motu recto & circulari motus, non pellit retrorsum calcata à se corpora: ergo nec materia subtilis magnetica propellere deberet retrorsum ferri partes.

R. Nego Conf. & par. Ratio disp. quia non ea est mechanica dispositio requisita vel in globo vel in calcatis à globo corporibus, ut retrorsum pellantur: at verò est in materia subtili & ferro hujus modi dispositio & constitutio, quod materia subtilis averso pulsu feriat & erigat ferri particulas, pilorum ad instar contextas.

Inst. 7. Atqui pariter materia subtilis magnetica non potest averso pulsu erigere ferri fibrillas.

Prob. Subf. Incredibile est rigidas admodum ferri fibrillas tam facile flecti posse ab intercurrente materiâ liquidâ.

R. 1. Dist. Nisi partes insensibiles ferri sint flexiles nec tam rigidæ C. si sint flexiles, N. At licet partes ferri sensibiles sint multum rigidæ, non sequitur insensibiles & exiguae pariter esse rigidas.

R. 2. Dist. Nisi materia illa subtilis sit in motu perniciissimo, C. Secùs, N. At supponimus perniciissimum esse materiæ subtilis motum: sicut ergo arborum rami & pinulae versatiles, vento commoventur validissimo, usque adeò ut radicibus sàpè extirpentur arbores: ita & validissimo materiæ magneticæ motu commoveri possunt ferri particulae, atque erigi.

Finis Philosophie in utramque partem.

INDEX





INDEX QUÆSTIONUM

Quæ in hocce Libro continentur.

DISPUTATIONUM RUDIMENTA.	Pag. 3
<i>De definitione Philosophiae.</i>	4
<i>De divisione Philosophiae.</i>	7
DE DEFINITIONE METAPHYSICÆ.	
<i>De Ente.</i>	10
<i>De Deo.</i>	12
<i>De Angelis.</i>	14
<i>De Anima rationali.</i>	17
	18
DE DEFINITIONE PHYSICÆ.	20
<i>De principiis corporum naturalium.</i>	22
<i>De definitione Naturæ.</i>	25
<i>De Motu.</i>	26
<i>De divisione Corporis.</i>	26
<i>De definitione Animæ.</i>	27
<i>De divisione Animæ.</i>	27
DE DEFINITIONE MORALIS.	29
<i>De Bono.</i>	31
<i>De Beatitudine.</i>	33
<i>De Voluntario.</i>	34
<i>De Libero.</i>	35

INDEX

DE DEFINITIONE LOGICES.	37
<i>De Universalibus.</i>	41
<i>De Categoris.</i>	42

QUÆSTIO PRIMA. De existentia Philosophiae.	Pag. I.
II. Utrum Adamus habuerit Philosophiam.	II
DE REBUS LOGICIS.	
QUÆSTIO PRIMA. De existentia Logicæ artificialis.	25
II. De natura Logicæ.	28
III. De objecto Logices.	57
IV. De necessitate Logices ad alias scientias.	65
V. De distinctione Logicæ docentis ab utente.	71
VI. An apprehensio incomplexa sit capax falsitatis.	78
VII. De distinctione graduum Metaphysicorum.	84
VIII. An detur universale formaliter à parte rei.	98
IX. De numero universalium.	106
X. De univocatione entis.	111
XI. An Deus sit in categoria substantiæ.	119
XII. De termino relationis.	127
XIII. Sit - ne Deus subiectum relationis categoriæ?	132
XIV. De fundamento relationis.	135
XV. De propositionibus de Futuro contingentibus.	140
XVI. De Scientia, Fide & opinio.	148

DE

QUÆSTIONUM.

DE REBUS MORALIBUS.

QUÆSTIO PRIMA. De malo quatenus malo.	156
II. De modo agendi belluarum propter finem.	162
III. De Beatitudine hominis objectiva.	170
IV. De Beatitudine formalis.	175
V. De possibilitate status naturæ puræ.	185
VI. De existentia libertatis moralis.	192
VII. De indifferentia libertatis.	198
VIII. An dentur actus humani indifferentes in in- dividuo.	203
IX. An virtus moralis sit habitus essentialiter bo- nus.	211
X. De medio virtutis moralis.	216
XI. De subjecto fortitudinis & temperantiae.	219
XII. An Judex debeat judicare secundum allegata & probata contra propriam scientiam.	221

DE REBUS METAPHYSICIS.

QUÆSTIO PRIMA. De existentia & na- tura Metaphysices.	226
II. De Potentia obedientiali.	230
III. De primo cognitionis Principio.	236
IV. Sit ne possibilis creatura creatrix.	241
V. De concursu Dei cum creaturis.	247
VI. De præmotione Physica.	251
VII. Dentur ne accidentia Physica?	255
VIII. De existentia Dei.	259
IX. De immortalitate animæ rationalis.	265


DE

INDEX QUÆSTIONUM.

DE REBUS PHYSICIS.

Propositio præambula.	272
QUÆSTIO PRIMA. De principiis corporum naturalium.	
	275
II. De existentia materiæ primæ.	281
III. De existentia formæ substantialis.	288
IV. De distinctione magnitudinis à materia.	298
V. De compositione continui.	307
VI. De Vacuo.	323
VII. De motu locali.	331
VIII. De ascensu gravium in vulgatis experimentis.	333
IX. De causa descensus gravium.	346
X. De legibus motuum à Cartesio latis.	352
XI. De Variis mundi systematibus.	356
XII. De causa fluxus maritimi.	364
XIII. De natura Luminis.	370
XVI. De causa æqualitatis angulorum incidentiæ & reflexionis.	377
XV. De natura Colorum.	379
XVI. De natura Caloris & frigoris.	383
XVII. De lachryma Batavica.	388
XVIII. De virtute magnetica.	390

F I N I S.





2844

KSIĘGOZBIÓR
MARCINA ZAMOYSKIEGO

2836

-KZ-





*L
Jonas Kierul*

